

*Tacitus, Cornelius*

# P. CORNELII TACITI

LIBRI QUI SUPERSUNT

RECOGNOVIT

CAROLUS HALM

EDITIONEM QUINTAM CURAVIT

GEORGIUS ANDRESEN

TOMUS PRIOR

QUI LIBROS AB EXCESSU

DIVI AUGUSTI CONTINET



LIPSIAE IN AEDIBUS B. G. TEUBNERI MCMXIII

LIPSIAE: TYPIS B. G. TEUBNERI.



## PRAEFATIO

Cum Cornelii Taciti memoria diu latuisset, prima eius mentio facta est saec. IX. Eo enim tempore Rudolphus, monachus Fuldensis, Taciti et Germaniam et libros ab exc. D. Aug. legisse se testatus est, unde veri simile est in eo monasterio illo tempore fuisse codicem, qui omnia Taciti opera complecteretur. Ex eo fluxisse videntur et codex Hersfeldensis, qui omnium qui hodie supersunt minora Taciti opera continentium codicum parens extitit, et is codex, in quo una memoria prioris partis librorum ab exc. D. Aug. nititur. Hic liber saeculo IX vel X scriptura carolingica exaratus cum olim praeter Taciti opus Plinii minoris epistulas contineret, ex monasterio Corbeiensi iussu Joannis de' Medici, qui postea pontifex Leo X appellatus est, a. 1508 surreptus et Romam atque inde Florentiam deportatus est. Primus hanc partem operum Taciti una cum reliquis libris edidit Philippus Beroaldus Romae a. 1515. Codex autem ipse Florentiae in bibliotheca Laurentiana adservatur et inscriptus est Laurentianus 68, 1. — Posteriores librorum ab exc. D. Aug. partem et libros Historiarum (ac praeterea Apulei opera) continet codex Laurentianus 68, 2. Eum saec. XI in monasterio Casinensi, ut videtur, formis litterarum langobardicis scriptum Nicola Nicoli a. 1427 Romam detulit. Postea liber Florentiam ad Conventum S. Marci atque inde in bibliothecam Laurentianam transiit. Ordinem librorum Taciti eum habet, ut post sextum decimum ab exc. D. Aug. librum Historiarum libri numerentur XVII—XXI. Ex 105 foliis eius duo perierunt, quibus continebantur capita Hist. I 69—75 et I 86—II 2, quae quidem supplentur ex libris quibusdam, qui ex codice Mediceo descripti sunt priusquam illa folia perierunt. Ex uno et altero horum librorum prodierunt edi-

tio princeps Vindelini de Spira Venetiis 1470 et Francisci Puteolani Mediolani 1475. Codicem ipsum primus expressit Curtius Pichena Florentiae 1600.

Hodie utriusque codicis omnium foliorum egregias imagines phototypice confectas habemus, quae cum praefationibus Henrici Rostagno editae sunt duce Scatone de Vries Lugduni Batavorum apud A. W. Sijthoff a. 1902. Has imagines identidem perlustravi, cum codices ipsos Florentiae a. 1890 et 1897 contulissem.

Igitur cum munus renovandae Halmianae editionis ad me delatum libens suscepissem, ad eam rem diligenter conficiendam converti quicquid his triginta annis codicum scriptura aut accuratius perspicienda aut emendanda profecimus nec veritus sum ab eis, quae in Nipperdei Annalium editione recognoscenda probavi, quibusdam locis discedere. In commentarium criticum optimum quidque ex eis quae recentiores protulere, recepi; eorum, quae priores excogitavere, non multa, quae oblivione digna esse videbantur, eieci. In rebus orthographicis, quas dicunt, codicum scripturas, quas quidem licebat, servavi; interpunctionem multis locis correxi.

Berolini mense Septembri a. MCMXII.

GEORGIUS ANDRESEN.

# CORNELII TACITI

## AB EXCESSU DIVI AUGUSTI

### LIBER I.

1. Urbem Romam a principio reges habuere. libertatem et consulatum L. Brutus instituit. dictaturae ad tempus sumebantur; neque decemviralis potestas ultra biennium, neque tribunorum militum consulare ius diu valuit; non Cinnae, non Sullae longa dominatio; et Pompei Crassique potentia cito in Caesarem, Lepidi atque Antonii arma in Augustum cessere, qui cuncta discordiis civilibus fessa nomine principis sub imperium accepit. sed veteris populi Romani prospera vel adversa claris scriptoribus memorata sunt; temporibusque Augusti dicendis non defuere decora ingenia, donec gliscente adulatione deterrerentur. Tiberii Gaique et Claudii ac Neronis res florentibus ipsis ob metum falsae, postquam occiderant, recentibus odiis compositae sunt. inde consilium mihi pauca de Augusto et extrema tradere, mox Tiberii principatum et cetera, sine ira et studio, quorum causas procul habeo.

2. Postquam Bruto et Cassio caesis nulla iam publica arma, Pompeius apud Siciliam oppressus exutoque Lepido, interfecto Antonio ne Iulianis quidem partibus nisi Caesar dux reliquus, posito triumviri nomine consulem se ferens et ad tuendam plebem tribunicio iure contentum, ubi militem donis,

---

*Lectiones per sex priores libros sunt Medicei primi (Laurentiani 68,1), de quo in praefatione pauca adnotavi. Eae lectiones, quibus nomen emendatoris adscriptum non est, a Beroaldo correctae sunt.*

P. Cornelii Taciti in summo margine vetere manu. 2 Ab excessu divi Aug. Urbem Romam e. q. s.

populum annona, cunctos dulcedine otii pellexit, insurgere paulatim, munia senatus magistratuum legum in se trahere, nullo adversante, cum ferocissimi per acies aut proscriptione cecidissent, ceteri nobilium, quanto quis servitio promptior,  
 5 opibus et honoribus extollerentur ac novis ex rebus aucti-  
 tuta et praesentia quam vetera et periculosa mallent. neque provinciae illum rerum statum abnuebant, suspecto senatus populique imperio ob certamina potentium et avaritiam ma-  
 gistratuum, invalido legum auxilio, quae vi ambitu, postremo  
 10 pecunia turbabantur.

3. Ceterum Augustus subsidia dominationi Claudium Marcellum, sororis filium, admodum adulescentem pontificatu et curuli aedilitate, M. Agrippam, ignobilem loco, bonum militia et victoriae socium, geminatis consulatibus extulit, mox de-  
 15 functo Marcello generum sumpsit; Tiberium Neronem et Claudium Drusum privignos imperatoriis nominibus auxit, integra etiam tum domo sua. nam genitos Agrippa Gaium ac Lucium in familiam Caesarum induxerat necdum posita puerili praetexta principes iuventutis appellari, destinari con-  
 20 sules specie recusantis flagrantissime cupiverat. ut Agrippa vita concessit, L. Caesarem euntem ad Hispanienses exercitus, Gaium remeantem Armenia et vulnere invalidum mors fato propera vel novercae Liviae dolus abstulit, Drusoque pridem extincto Nero solus e privignis erat, illuc cuncta  
 25 vergere: filius, collega imperii, consors tribuniciae potestatis adsumitur omnisque per exercitus ostentatur, non obscuris, ut antea, matris artibus, sed palam hortatu. nam senem Augustum devinxerat adeo, uti nepotem unicum, Agrippam Postumum, in insulam Planasiam proiecerit, rudem sane  
 30 bonarum artium et robore corporis stolidè ferocem, nullius tamen flagitii conpertum. at hercule Germanicum Druso orfũm octo apud Rhenum legionibus inposuit adscirique per adoptionem a Tiberio iussit, quamquam esset in domo Tiberii filius iuvenis, sed quo pluribus munimentis insisteret.

---

5 ac] at    17 tum *Fr. A. Wolf*: dum    29 proiecerit *Ritter*:  
 proieceret    34 munimentis *Lipsius*: monumentis

Bellum ea tempestate nullum nisi adversus Germanos supererat, abolendae magis infamiae ob amissum cum Quintilio Varo exercitum quam cupidine proferendi imperii aut dignum ob praemium. domi res tranquillae, eadem magistratum vocabula; iuniores post Actiacam victoriam, etiam senes plerique inter bella civium nati: quotus quisque reliquus, qui rem publicam vidisset?

4. Igitur verso civitatis statu nihil usquam prisci et integri moris: omnes exuta aequalitate iussa principis aspectare, nulla in praesens formidine, dum Augustus aetate validus seque et domum et pacem sustentavit. postquam provecta iam senectus aegro et corpore fatigabatur aderatque finis et spes novae, pauci bona libertatis in cassum disserere, plures bellum pavescere, alii cupere; pars multo maxima imminents dominos variis rumoribus differebant: trucem Agrippam et ignominia accensum non aetate neque rerum experientia tantae moli parem; Tiberium Neronem maturum annis, spectatum bello, set vetere atque insita Claudiae familiae superbia, multaue indicia saevitiae, quamquam premantur, erumpere. hunc et prima ab infantia eductum in domo regnatrice; congestos iuveni consulatus, triumphos; ne iis quidem annis, quibus Rhodi specie secessus exul egerit, aliud quam iram et simulationem et secretas libidines meditatum. accedere matrem muliebri inpotentia: serviendum feminae duobusque insuper adolescentibus, qui rem publicam interim premant, quandoque distrahant.

5. Haec atque talia agitantibus gravescere valitudo Augusti; et quidam scelus uxoris suspectabant. quippe rumor incesserat paucos ante menses Augustum electis consciis et comite uno Fabio Maximo Planasiam vectum ad visendum Agrippam; multas illic utrimque lacrimas et signa caritatis, spemque ex eo fore ut iuvenis penatibus avi redderetur. quod Maximum uxori Marciae aperuisse, illam Liviae. gnarum id Caesari; neque multo post extincto Maximo, dubium

4 dormires    22 exul *Muretus*: exulem | aliud *Nipperdey*: aliquid    23 gnarum *Lipsius*: C. (G. corr.) nauum

an quaesita morte, auditos in funere eius Marciae gemitus semet incusantis, quod causa exitii marito fuisset. utcumque se ea res habuit, vixdum ingressus Illyricum Tiberius pro-  
 5 peris matris litteris accitur; neque satis conpertum est, spirantem adhuc Augustum aput urbem Nolam an exanimem reppererit. acribus namque custodiis domum et vias saepserat Livia, laetique interdum nuntii vulgabantur, donec provis-  
 10 is quae tempus monebat simul excessisse Augustum et rerum potiri Neronem fama eadem tulit.

6. Primum facinus novi principatus fuit Postumi Agrippae caedes, quem ignarum inermumque quamvis firmatus animo centurio aegre confecit. nihil de ea re Tiberius aput senatum disseruit: patris iussa simulabat, quibus praescripsisset tribuno custodiae adposito, ne cunctaretur Agrippam morte  
 15 adficere, quandoque ipse supremum diem explevisset. multa sine dubio saevaeque Augustus de moribus adolescentis questus, ut exilium eius senatus consulto sanciretur, perfecerat; ceterum in nullius umquam suorum necem duravit, neque mortem nepoti pro securitate privigni inlatam credibile erat.  
 20 propius vero Tiberium ac Liviam, illum metu, hanc novercalibus odiis, suspecti et invisi juvenis caedem festinavisse. nuntianti centurioni, ut mos militiae, factum esse quod imperasset, neque imperasse sese et rationem facti reddendam aput senatum respondit. quod postquam Sallustius Crispus  
 25 particeps secretorum (is ad tribunum miserat codicillos) comperit, metuens ne reus subderetur, iuxta periculoso ficta seu vera promeret, monuit Liviam ne arcana domus, ne consilia amicorum, ministeria militum vulgarentur, neve Tiberius vim principatus resolveret cuncta ad senatum vocando: eam  
 30 condicionem esse imperandi, ut non aliter ratio constet, quam si uni reddatur.

7. At Romae ruere in servitium consules patres eques. quanto quis inlustrior, tanto magis falsi ac festinantes vultu-  
 35 que composito, ne laeti excessu principis neu tristiores primordio, lacrimas gaudium, questus adulationem miscebant.

84 tristior 85 adulationem *Nic. Heinsius*: adulatione (adulationes *Lips.*)

Sex. Pompeius et Sex. Appuleius consules primi in verba Tiberii Caesaris iuravere, apudque eos Seius Strabo et C. Turranius, ille praetoriarum cohortium praefectus, hic annonae; mox senatus milesque et populus. nam Tiberius cuncta per consules incipiebat, tamquam vetere re publica et ambiguus imperandi. ne edictum quidem, quo patres in curiam vocabat, nisi tribuniciae potestatis praescriptione posuit sub Augusto acceptae. verba edicti fuere pauca et sensu permodesto: de honoribus parentis consulturum, neque abscedere a corpore idque unum ex publicis muneribus usurpare. sed defuncto Augusto signum praetoriis cohortibus ut imperator dederat; excubiae arma, cetera aulae; miles in forum, miles in curiam comitabatur, litteras ad exercitus tamquam adepto principatu misit, nusquam cunctabundus nisi cum in senatu loqueretur. causa praecipua ex formidine, ne Germanicus, in cuius manu tot legiones, immensa sociorum auxilia, mirus apud populum favor, habere imperium quam exspectare mallet. dabat et famae, ut vocatus electusque potius a re publica videretur quam per uxorum ambitum et senili adoptione inrepsisse. postea cognitum est ad introspectiendas etiam procerum voluntates inductam dubitationem: nam verba vultus in crimen detorqueus recondebat.

8. Nihil primo senatus die agi passus <est> nisi de supremis Augusti, cuius testamentum inlatum per virgines Vestae Tiberium et Liviam heredes habuit; Livia in familiam Iuliam nomenque Augustum adsumebatur. in spem secundam nepotes pronepotesque, tertio gradu primores civitatis scripserat, plerosque invisos sibi, sed iactantia gloriaque ad posteros. legata non ultra civilem modum, nisi quod populo et plebi CCCCXXV, praetoriarum cohortium militibus singula numerum milia, <urbanis quingenos,> legionariis aut cohortibus civium Romanorum trecenos nummos viritim dedit. tum con-

1 apuleius 21 indutam J. Fr. Gronovius 24 est add. Nipperdey 27 Augustum Jac. Gronovius: augustae corr. ex augustu 32 urbanis quingenos supplevit H. Sauppe | aut: atque Brotier, ac Hand, cf. ad I 16, 6

sultatum de honoribus; ex quis maxime insignes visu, ut porta triumphali duceretur funus. Gallus Asinius, ut legum latarum tituli, victarum ab eo gentium vocabula anteferrentur, L. Arruntius censuere. addebat Messala Valerius renouandum per annos sacramentum in nomen Tiberii; interrogatusque a Tiberio, num se mandante eam sententiam prompsisset, sponte dixisse respondit, neque in iis quae ad rem publicam pertinerent consilio nisi suo usurum, vel cum periculo offensionis. ea sola species adulandi supererat. conclamant patres corpus ad rogam umeris senatorum ferendum. remisit Caesar adroganti moderatione, populumque edicto monuit ne, ut quondam nimis studiis funus divi Iulii turbassent, ita Augustum in foro potius quam in campo Martis, sede destinata, cremari vellent. die funeris milites velut praesidio stetere, multum inidentibus qui ipsi viderant quique a parentibus acceperant diem illum. crudi adhuc servitii et libertatis inprospere repetitae, cum occisus dictator Caesar aliis pessimum, aliis pulcherrimum facinus videretur: nunc senem principem, longa potentia, provisus etiam heredum in rem publicam opibus, auxilio scilicet militari tuendum, ut sepultura eius quieta foret.

9. Multus hinc ipso de Augusto sermo, plerisque vana mirantibus: quod idem dies accepti quondam imperii princeps et vitae supremus, quod Nola in domo et cubiculo in quo pater eius Octavius vitam finivisset. numerus etiam consulatum celebrabatur, quo Valerium Corvum et C. Marium simul aequaverat, continuata per septem et triginta annos tribunicia potestas, nomen inperatoris semel atque vices partum aliaque honorum multiplicata aut nova. at apud prudentes vita eius varie extollebatur arguebaturve. hi pietate erga parentem et necessitudine rei publicae, in qua nullus tunc legibus locus, ad arma civilia actum, quae neque parari possent neque haberi per bonas artes. multa Antonio, dum interfectores patris ulcisceretur, multa Lepido concessisse. postquam

---

1 visu *Meister et Morawski*: visi ([visi] *Wopkens*; qui post quis *add. Bezzenberger*) 17 inprospere repetitae *Lipsius*: inprospere repetita 33 dum *Muretus*: tunc 34 ulciscerentur



hic socordia senuerit, ille per libidines pessum datus sit, non aliud discordantis patriae remedium fuisse quam <ut> ab uno regeretur. non regno tamen neque dictatura, sed principis nomine constitutam rem publicam; mari Oceano aut omnibus longinquis saeptum imperium; legiones provincias classes, cuncta inter se conexas; ius apud cives, modestiam aput socios; urbem ipsam magnifico ornatu; pauca admodum vi tractata, quo ceteris quies esset.

10. Dicebatur contra: pietatem erga parentem et tempora rei publicae obtentui sumpta: ceterum cupidine domi- nandi concitos per largitionem veteranos, paratum ab adulescente privato exercitum, corruptas consulis legiones, simulatam Pompeianarum gratiam partium; mox ubi decreto patrum fasces et ius praetoris invaserit, caesis Hirtio et Pansa, sive hostis illos, seu Pansam venenum vulneri adfusus, sui milites Hirtium et machinator doli Caesar abstulerat, utriusque copias occupavisse; extortum invito senatu consulatum, armaeque quae in Antonium acceperit contra rem publicam versa; proscriptionem civium, divisiones agrorum ne ipsis quidem qui fecere laudatas. sane Cassii et Brutorum exitus paternis inimicitiiis datos, quamquam fas sit privata odia publicis utilitatibus remittere: sed Pompeium imagine pacis, sed Lepidum specie amicitiae deceptos; post Antonium, Tarentino Brundisinoque foedere et nuptiis sororis inlectum, subdolae adfinitatis poenas morte exsolvisse. pacem sine dubio post haec, verum cruentam: Lollianas Varianasque clades, interfectos Romae Varrones Egnatios Iullos. nec domesticis abstinebatur: abducta Neroni uxor et consulti per ludibrium pontifices, an concepto necdum edito partu rite nuberet; †que tedii et Vedii Pollionis luxus; postremo Livia gravis in rem publicam mater, gravis domui Caesarum noverca. nihil deorum honoribus relictum, cum se templis et effigie numinum

---

‡ ut add. *Ferrettus* 13 partium gratiam *Novák* 27 Iullos scripsi: iulios (cf. *JB.* XV 281) 28 adducta 29 que tedii et del. *Mommson*; Q. Vitellii et O. *Hirschfeld*; Q. Vetedii et (i.e. Ventidii) R. *Ehwald* 31 gravius (an gravior? cf. c. 17, 2 paucis . . paucioribus, *Agr.* 25, 15 magno . . maiore)

per flamines et sacerdotes coli vellet. ne Tiberium quidem caritate aut rei publicae cura successorem adscitum, sed quoniam adrogantiam saevitiamque eius introspexerit, comparatione deterrima sibi gloriam quaesivisse. etenim Augustus paucis ante annis, cum Tiberio tribuniciam potestatem a patribus rursum postularet, quamquam honora oratione, quaedam de habitu cultuque et institutis eius iecerat, quae velut excusando exprobraret. ceterum sepultura more perfecta templum et caelestes religiones decernuntur.

10 11. Versae inde ad Tiberium preces. et ille varie dis-  
serebat, de magnitudine imperii, sua modestia. solam divi  
Augusti mentem tantae molis capacem: se in partem cura-  
rum ab illo vocatum experiendo didicisse, quam arduum,  
quam subiectum fortunae regendi cuncta onus. proinde in  
15 civitate tot inlustribus viris subnixa non ad unum omnia de-  
ferrent: plures facilius munia rei publicae sociatis laboribus  
exsecuturos. plus in oratione tali dignitatis quam fidei erat;  
Tiberioque etiam in rebus, quas non occuleret, seu natura  
sive adsuetudine, suspensa semper et obscura verba: tunc  
20 vero nitenti, ut sensus suos penitus abderet, in incertum et  
ambiguum magis implicabantur. at patres, quibus unus me-  
tus, si intellegere viderentur, in questus lacrimas vota effundi;  
ad deos, ad effigiem Augusti, ad genua ipsius manus tendere,  
cum proferri libellum recitarique iussit. opes publicae con-  
25 tinebantur, quantum civium sociorumque in armis, quot clas-  
ses regna provinciae, tributa aut vectigalia, et necessitates  
ac largitiones. quae cuncta sua manu perscripserat Augustus  
addideratque consilium coercendi intra terminos imperii,  
incertum metu an per invidiam.

30 12. Inter quae senatu ad infimas obtestationes procum-  
bente dixit forte Tiberius se ut non toti rei publicae parem,  
ita quaecumque pars sibi mandaretur, eius tutelam susceptu-  
rum. tum Asinius Gallus 'interrogō' inquit 'Caesar, quam  
partem rei publicae mandari tibi velis'. percussus improvisa  
35 interrogatione paulum reticuit: dein collecto animo respon-

dit nequaquam decorum pudori suo legere aliquid aut evitare ex eo, cui in universum excusari mallet. rursum Gallus (etenim vultu offensionem coniectaverat) non idcirco interrogatum ait, ut divideret quae separari nequirent, sed ut sua confessione argueretur unum esse rei publicae corpus atque unius animo regendum. addidit laudem de Augusto Tiberiumque ipsum victoriarum suarum quaeque in toga per tot annos egregie fecisset admonuit. nec ideo iram eius lenivit, pridem invisus, tamquam ducta in matrimonium Vipsania M. Agrippae filia, quae quondam Tiberii uxor fuerat, plus quam civilia agitare Polionisque Asinii patris ferociam retineret.

13. Post quae L. Arruntius haut multum discrepans a Galli oratione perinde offendit, quamquam Tiberio nulla vetus in Arruntium ira: sed divitem, promptum, artibus egregiis et pari fama publice, suspectabat. quippe Augustus supremis sermonibus, cum tractaret, quinam adipisci principem locum suffecturi abnuerent aut in pares vellent vel idem possent cuperentque, M. Lepidum dixerat capacem sed aspernantem, Gallum Asinium avidum et minorem, L. Arruntium non indignum et, si casus daretur, ausurum. de prioribus consentitur, pro Arruntio quidam Cn. Pisonem tradidere; omnesque praeter Lepidum variis mox criminibus struente Tiberio circumventi sunt. etiam Q. Haterius et Mamercus Scaurus suspicacem animum perstrinxere, Haterius cum dixisset 'quo usque patieris, Caesar, non adesse caput rei publicae?', Scaurus quia dixerat spem esse ex eo non inritas fore senatus preces, quod relationi consulum iure tribuniciae potestatis non intercessisset. in Haterium statim invectus est; Scaurum, cui implacabilius irascebatur, silentio transmisit. fessusque clamore omnium, expostulatione singulorum flexit paulatim, non ut fateretur suscipi a se imperium, sed ut negare et rogari desineret. constat Haterium, cum deprecandi causa Palatium introisset ambulantisque Tiberii genua advolveretur, prope a militibus interfectum, quia Tiberius casu

4 sed ut *Lipsius*: sed et  
*Rhenanus*: apud tē

18 M.' *Lipsius*: M.

25 caput

an manibus eius impeditus prociderat. neque tamen periculo talis viri mitigatus est, donec Haterius Augustam oraret eiusque curatissimis precibus protegeretur.

14. Multa patrum et in Augustam adulatio: alii parentem,  
 5 alii matrem patriae appellandam, plerique ut nomini Caesaris adscriberetur 'Iuliae filius' censebant. ille moderandos feminarum honores dictitans eademque se temperantia usurum in iis quae sibi tribuerentur, ceterum anxius invidia et muliebre fastigium in deminutionem sui accipiens ne  
 10 lictorem quidem ei decerni passus est aramque adoptionis et alia huiusce modi prohibuit. at Germanico Caesari proconsulare imperium petivit, missique legati qui deferrent, simul maestitiam eius ob excessum Augusti solarentur. quo minus idem pro Druso postularetur, ea causa quod desi-  
 15 gnatus consul Drusus praesensque erat.

Candidatos praeturae duodecim nominavit, numerum ab Augusto traditum; et hortante senatu ut augeret, iure iurando obstrinxit se non excessurum.

15. Tum primum e campo comitia ad patres translata  
 20 sunt: nam ad eam diem, etsi potissima arbitrio principis, quaedam tamen studiis tribuum fiebant. neque populus adeptum ius questus est nisi inani rumore, et senatus largitionibus ac precibus sordidis exsolutus libens tenuit, moderante Tiberio ne plures quam quattuor candidatos commen-  
 25 daret, sine repulsa et ambitu designandos. inter quae tribuni plebei petivere, ut proprio sumptu ederent ludos, qui de nomine Augusti fastis additi Augustales vocarentur. sed decreta pecunia ex aerario, utque per circum triumphali veste uterentur: curru vehi haut permissum. mox celebratio  
 30 [annum] ad praetorem translata, cui inter cives et peregrinos iurisdictio evenisset.

16. Hic rerum urbanarum status erat, cum Pannonicas legiones seditio incessit, nullis novis causis, nisi quod mutatus princeps licentiam turbarum et ex civili bello spem

---

30 [annum] *Nipperdey*; annua vel annum *Beroaldus in marg. codicis*

praemiorum ostendebat. castris aestivis tres simul legiones habebantur, praesidente Iunio Blaeso, qui fine Augusti et initiis Tiberii auditis ob iustitium aut gaudium intermiserat solita munia. eo principio lascivire miles, discordare, pessimi cuiusque sermonibus praebere aures, denique luxum et otium cupere, disciplinam et laborem aspernari. erat in castris Percennius quidam, dux olim theatralium operarum, dein gregarius miles, procax lingua et miscere coetus histri-  
nali studio doctus. is imperitos animos et quaenam post Augustum militiae condicio ambigentes impellere paulatim nocturnis conloquiis aut flexo in vesperam die et dilapsis melioribus deterrimum quemque congregare.

17. Postremo promptis iam, et aliis seditionis ministris, velut contionabundus interrogabat, cur paucis centurionibus, paucioribus tribunis in modum servorum oboedirent. quando ausuros exposcere remedia, nisi novum et nutantem adhuc principem precibus vel armis adirent? satis per tot annos ignavia peccatum, quod tricena aut quadragera stipendia senes et plerique truncato ex vulneribus corpore tolerant. ne dimissis quidem finem esse militiae, set aput vexillum tendentes alio vocabulo eosdem labores perferre. ac si quis tot casus vita superaverit, trahi adhuc diversas in terras, ubi per nomen agrorum uligines paludum vel inculta montium accipiant. enimvero militiam ipsam gravem, infructuosam: denis in diem assibus animam et corpus aestimari: hinc vestem arma tentoria, hinc saevitiam centurionum et

---

3 [aut gaudium] *Muretus*; at ait *Tacitus solita munia alia ob iustitium alia ob gaudium intermissa esse*, cf. I 55 Arminium ac Segestem, insignem utrumque perfidia in nos aut fide. IV 47 quod magna vis armata aut incondita tuebatur. XI 38 quod (ferrum) frustra iugulo aut pectori per trepidationem ad-movens etc. XII 12. XIII 43. H. II 92. Ac proprio quodam usu *Tacitus sic etiam aut usurpat, ut fere idem sit quod et vicissim, ut est II 47* quique Mosteni aut Macedones Hyrcani vocantur. XV 47 quia in utero repressum aut iter iuxta editum est. *Uterque horum locorum frustra coniecturis tentatus est* 11 dilapsis *Muretus*: delapsis 21 tendentes *Jac. Gronovius*: tinentes (re-tentos *Beroaldus*)

vacationes munerum redimi. at hercule verbera et vulnera, duram hiemem, exercitas aestates, bellum atrox aut sterilem pacem sempiterna. nec aliud levamentum quam si certis sub legibus militia iniretur: ut singulos denarios mererent, 5 sextus decumus stipendii annus finem adferret, ne ultra sub vexillis tenerentur, set isdem in castris praemium pecunia solveretur. an praetorias cohortes, quae binos denarios acceperint, quae post sedecim annos penatibus suis reddantur, plus periculorum suscipere? non obtrectari a se urbanas 10 excubias: sibi tamen aput horridas gentes e contuberniis hostem aspic.

18. Adstrepebat vulgus, diversis incitamentis, hi verberum notas, illi canitiem, plurimi detrita tegmina et nudum corpus exprobrantes. postremo eo furoris venire, ut tres 15 legiones miscere in unam agitaverint. depulsi aemulatione, quia suae quisque legioni eum honorem quaerebant, alio vertunt atque una tres aquilas et signa cohortium locant; simul congerunt caespites, exstruunt tribunal, quo magis conspicua sedes foret. properantibus Blaesus advenit, in- 20 crepabatque ac retinebat singulos, clamitans 'mea potius caede imbuite manus: levioere flagitio legatum interficietis quam ab imperatore desciscitis. aut incolumis fidem legionum retinebo, aut iugulatus paenitentiam adcelerabo.'

19. Aggerabatur nihilo minus caespes, iamque pectori 25 usque adcreverat, cum tandem pervicacia victi inceptum omisere. Blaesus multa dicendi arte non per seditionem et turbas desideria militum ad Caesarem ferenda ait; neque veteres ab imperatoribus priscis neque ipsos a divo Augusto tam nova petivisse; et parum in tempore incipientes prin- 30 cipis curas onerari. si tamen tenderent in pace temptare quae ne civilium quidem bellorum victores expostulaverint, cur contra morem obsequii, contra fas disciplinae vim meditentur? decernerent legatos seque coram mandata darent. adclamavere ut filius Blaesi tribunus legatione ea fungeretur

---

7 accepit (acceperent *Faërnus*) 19 operantibus *J. Fr. Gro-  
novius* 24 aggerabatur *Walther*: aggerabatur 25 eiusque

peteretque militibus missionem ab sedecim annis: cetera mandatu-  
 ros, ubi prima provenissent. profecto iuvene modi-  
 cum otium; sed superbire miles, quod filius legati orator  
 publicae causae satis ostenderet necessitate expressa quae  
 per modestiam non obtinuissent.

5

20. Interea manipuli ante coeptam seditionem Nauportum  
 missi ob itinera et pontes et alios usus, postquam turbatum  
 in castris accepere, vexilla convellunt direptisque proximis  
 vicis ipsoque Nauporto, quod municipii instar erat, reti-  
 nentis centuriones inrisu et contumeliis, postremo verberi- 10  
 bus insectantur, praecipua in Aufidienum Rufum praefectum  
 castrorum ira, quem dereptum vehiculo sarcinis gravant  
 aguntque primo in agmine, per ludibrium rogitantes an tam  
 immensa onera, tam longa itinera libenter ferret. quippe  
 Rufus diu manipularis, dein centurio, mox castris praefec- 15  
 tus, antiquam duramque militiam revocabat, vetus operis ac  
 laboris et eo immitior, quia toleraverat.

21. Horum adventu redintegratur seditio, et vagi circum-  
 iecta populabantur. Blaesus paucos, maxime praeda onustos,  
 ad terrorem ceterorum adfici verberibus, claudi carcere iu- 20  
 bet; nam etiam tum legato a centurionibus et optimo quo-  
 que manipularium parebatur. illi obniti trahentibus, prensare  
 circumstantium genua, ciere modo nomina singulorum, modo  
 centuriam quisque cuius manipularis erat, cohortem, legio-  
 nem, eadem omnibus imminere clamitantes. simul probra 25  
 in legatum cumulant, caelum ac deos obtestantur, nihil reli-  
 qui faciunt quo minus invidiam misericordiam, metum et  
 iras permoverent. adcurritur ab universis, et carcere effracto  
 solvunt vincula desertoresque ac rerum capitalium damnatos  
 sibi iam miscent.

30

22. Flagrantior inde vis, plures seditioni duces. et Vibulenus  
 quidam gregarius miles, ante tribunal Blaesi adlevatus  
 circumstantium umeris, aput turbatos et quid pararet in-  
 tentos 'vos quidem' inquit 'his innocentibus et miserrimis

1 ab] ad (a Novák)  
 quisque Bezzenberger

16 vetus Lipsius: intus

24 cuius

lucem et spiritum reddidistis: sed quis fratri meo vitam, quis fratrem mihi reddit? quem missum ad vos a Germanico exercitu de communibus commodis nocte proxima iugulavit per gladiatores suos, quos in exitium militum habet atque  
 5 armat. responde, Blaese, ubi cadaver abieceris: ne hostes quidem sepultura invident. cum osculis, cum lacrimis dolorem meum implevero, me quoque trucidari iube, dum interfectos nullum ob scelus, sed quia utilitati legionum consulebamus, hi sepeliant.'

10 23. Incendebat haec fletu et pectus atque os manibus verberans. mox disiectis quorum per umeros sustinebatur, praeceps et singulorum pedibus advolutus tantum consternationis invidiaeque concivit, ut pars militum gladiatores, qui e servitio Blaesi erant, pars ceteram eiusdem familiam vin-  
 15 cirent, alii ad quaerendum corpus effunderentur. ac ni prope neque corpus ullum reperiri, et servos adhibitis cruciatibus abnuere caedem, neque illi fuisse umquam fratrem pernotuisset, haut multum ab exitio legati aberant. tribunos tamen ac praefectum castrorum extrudere; sarcinae fugientium direptae. et centurio Lucilius interficitur, cui milita-  
 20 ribus facetiis vocabulum 'Cedo alteram' indiderant, quia fracta vite in tergo militis alteram clara voce ac rursus aliam poscebat. ceteros latebrae texere, uno retento Clemente Iulio, qui perferendis militum mandatis habebatur  
 25 idoneus ob promptum ingenium. quin ipsae inter se legiones octava et quinta decima ferrum parabant, dum centurionem cognomento Sirpicum illa morti deposcit, quintadecumani tuentur, ni miles nonanus preces et adversum aspernantis minas interiecisset.

30 24. Haec audita quamquam abstrusum et tristissima quaeque maxime occultantem Tiberium perpulere, ut Drusum filium cum primoribus civitatis duabusque praetoriis cohortibus mitteret, nullis satis certis mandatis: ex re consulturum. et cohortes delecto milite supra solitum firmatae. additur  
 35 magna pars praetoriani equitis et robor Germanorum, qui



tum custodes imperatori aderant; simul praetorii praefectus Aelius Seianus, collega Straboni patri suo datus, magna aput Tiberium auctoritate, rector iuveni et ceteris periculorum praemiorumque ostentator. Druso propinquant quasi per officium obviae fuere legiones, non laetae, ut adsolet, neque insignibus fulgentes, sed inluevie deformi et vultu, quamquam maestitiam imitarentur, contumaciae propiores.

25. Postquam vallum introiit, portas stationibus firmant, globos armatorum certis castrorum locis opperiri iubent; ceteri tribunal ingenti agmine circumveniunt. stabat Drusus 10 silentium manu poscens. illi quotiens oculos ad multitudinem rettulerant, vocibus truculentis strepere, rursum viso Caesare trepidare; murmur incertum, atrox clamor et repente quies; diversis animorum motibus pavebant terrebantque. tandem interrupto tumultu litteras patris recitat, in quis 16 perscriptum erat praecipuum ipsi fortissimarum legionum curam, quibuscum plurima bella toleravisset; ubi primum a luctu requiescet animus, acturum aput patres de postulatis eorum; misisse interim filium, ut sine cunctatione concederet quae statim tribui possent; cetera senatui servanda, 20 quem neque gratiae neque severitatis expertem haberi par esset.

26. Responsum est a contione mandata Clementi centurioni quae perferret. is orditur de missione a sedecim annis, de praemiis finitae militiae, ut denarius diurnum stipendium foret, ne veterani sub vexillo haberentur. ad ea Drusus cum arbitrium senatus et patris obtenderet, clamore turbatur. cur venisset, <si> neque augendis militum stipendiis neque adlevandis laboribus, denique nulla bene faciendi licentia? at hercule verbera et necem cunctis permitti. Tiberium olim 30 nomine Augusti desideria legionum frustrari solitum; easdem artes Drusum rettulisse. numquamne ad se nisi filios familiarum venturos? novum id plane quod imperator sola militis commoda ad senatum reiciat. eundem ergo senatum consu-

1 tum] dum 8 introit, *em. Lipsius, cf. I 34, 5* 12 sed-  
tulerant 1 m. 23 contentione 28 si *add. Ritter* 32 ad se  
nisi *Lipsius*: nisi ad se

lendum, quotiens supplicia aut proelia indicantur. an praemia sub dominis, poenas sine arbitro esse?

27. Postremo deserunt tribunal, ut quis praetorianorum militum amicorumve Caesaris occurreret, manus intentantes, 5 causam discordiae et initium armorum, maxime infensi Cn. Lentulo, quod is, ante alios aetate et gloria belli, firmare Drusum credebatur et illa militiae flagitia primus aspernari. nec multo post digredientem cum Caesare ac provisu periculi hiberna castra repetentem circumsistunt rogitantes quo 10 pergeret, ad imperatorem an ad patres, ut illic quoque commodis legionum adversaretur; simul ingruunt, saxa iaciunt. iamque lapidis ictu cruentus et exitii certus adcurso multitudinis quae cum Druso advenerat protectus est.

28. Noctem minacem et in scelus erupturam fors lenivit: 15 nam luna claro repente caelo visa languescere. id miles rationis ignarus omen praesentium accepit, suis laboribus defectionem sideris adsimulans, prospereque cessura qua pergerent, si fulgor et claritudo deae redderetur. igitur aeris sono, tubarum cornuumque concentu strepere; prout splendor 20 didior obscuriorve, laetari aut maerere; et postquam ortae nubes offecere visui creditumque conditam tenebris, ut sunt mobiles ad superstitionem percussae semel mentes, sibi aeternum laborem portendi, sua facinora aversari deos lamentantur. utendum inclinatione ea Caesar et quae casus obtulerat in sapientiam vertenda ratus circumiri tentoria iubet; 25 accitur centurio Clemens et si alii bonis artibus grati in vulgus. hi vigiliis stationibus custodiis portarum se inserunt; spem offerunt, metum intendunt. 'quo usque filium imperatoris obsidebimus? quis certaminum finis? Percennione et 30 Vibuleno sacramentum dicturi sumus? Percennius et Vibule-

---

4 occurrerat *Muretus* 8 cum] eum 15 claro repente *Lipsius*: clamore pena (clariore paene *Beroaldus*; claro plena *Weissenborn coll. Cic. de Rep. I 15*) 16 suis *Freinsheim*: asuis 17 qua *Nipperdey*: quae (quo *Heins.*, ad quae *Orelli*, quae agerent, quae pararent *alii*; cessurum *praeterea mutavit Nipperdey*, at recte dictum videtur cessura, i. e. coepta s. res coeptas ea via qua pergerent) 23 potandi | aduersari, em. *Rhenanus* 26 si qui *alii Novák* 27 hi *Weikert*: in

nus stipendia militibus, agros emeritis largientur? denique pro Neronibus et Drusis imperium populi Romani capessent? quin potius, ut novissimi in culpam, ita primi ad paenitentiam sumus? tarda sunt quae in commune expostulantur: privatam gratiam statim mereare, statim recipias.' commotis 5 per haec mentibus et inter se suspectis tironem a veterano, legionem a legione dissociant. tum redire paulatim amor obsequii: omittunt portas, signa unum in locum principio seditionis congregata suas in sedes referunt.

29. Drusus orto die et vocata contione, quamquam rudis 10 dicendi, nobilitate ingenita incusat priora, probat praesentia; negat se terrore et minis vinci: flexos ad modestiam si videat, si supplices audiat, scripturum patri ut placatus legionum preces exciperet. orantibus rursum idem Blaesus et L. Aponius, eques Romanus e cohorte Drusi, Iustusque Catonius, 15 primi ordinis centurio, ad Tiberium mittuntur. certatum inde sententiis, cum alii opperandos legatos atque interim comitate permulcendum militem censerent, alii fortioribus remediis agendum: nihil in vulgo modicum; terrere, ni paveant; ubi pertimuerint, inpune contemni: dum superstitio 20 urgeat, adiciendos ex duce metus sublati seditionis auctoribus. promptum ad asperiora ingenium Druso erat: vocatos Vibulenum et Percennium interfici iubet. tradunt plerique intra tabernaculum ducis obrutos, alii corpora extra vallum abiecta ostentui. 25

30. Tum ut quisque praecipuus turbator conquisiti, et pars extra castra palantes a centurionibus aut praetoriarum cohortium militibus caesi, quosdam ipsi manipuli documentum fidei tradidere. auxerat militum curas praematura hiems imbris continuis adeoque saevis, ut non egredi tentoria, 30 congregari inter se, vix tutari signa possent, quae turbine atque unda raptabantur. durabat et formido caelestis irae, nec frustra adversus impios hebescere sidera, ruere tempestates: non aliud malorum levamentum, quam si linquerent

---

10 contentione 14 Aponius: r *superscr. m. posterior, ut esset*  
Apronius 29 hiemps 31 non congregari *Ritter, nescio an recte*

castra infausta temerataque et soluti piaculo suis quisque hibernis redderentur. primum octava, dein quinta decuma legio rediere; nonanus opperiendas Tiberii epistulas clauditaverat, mox desolatus aliorum discessione imminentem  
 5 necessitatem sponte praevenit. et Drusus non expectato legatorum regressu, quia praesentia satis consederant, in urbem rediit.

31. Isdem ferme diebus isdem causis Germanicae legiones turbatae, quanto plures, tanto violentius, et magna spe  
 10 fore ut Germanicus Caesar imperium alterius pati nequiret daretque se legionibus vi sua cuncta tracturis. duo aput ripam Rheni exercitus erant: cui nomen superiori, sub C. Silio legato, inferiorem A. Caecina curabat. regimen summae rei penes Germanicum, agendo Galliarum censui tum intentum.  
 15 sed quibus Silius moderabatur, mente ambigua fortunam seditionis alienae speculabantur: inferioris exercitus miles in rabiem prolapsus est, orto ab unetvicesimanis quintanisque initio et tractis prima quoque ac vicesima legionibus: nam isdem aestivis in finibus Ubiorum habebantur  
 20 per otium aut levia munia. igitur audito fine Augusti vernacula multitudo, nuper acto in urbe dilectu, lasciviae sueta, laborum intolerans, implere ceterorum rudes animos: venisse tempus quo veterani maturam missionem, iuvenes largiora stipendia, cuncti modum miseriarum exposcerent saevitiam-  
 25 que centurionum ulciscerentur. non unus haec, ut Pannonicas inter legiones Percennius, nec aput trepidas militum aures, alios validiores exercitus respicientium, sed multa seditionis ora vocesque: sua in manu sitam rem Romanam, suis victoriis augeri rem publicam, in suum cognomentum  
 30 adscisci imperatores.

32. Nec legatus obviam ibat: quippe plurium vaecordia constantiam exemerat. repente lymphati dstrictis gladiis in centuriones invadunt: ea vetustissima militaribus odiis. materies et saevienti principium. prostratos verberibus mul-

---

5 pervenit 6 considerant 11 tracturis *Freinsheim*: tracturus 22 impellere *malebat Acidalius*

cant, sexageni singulos, ut numerum centurionum adaequa-  
rent; tum convulsos laniatosque et partim exanimos ante  
vallum aut in amnem Rhenum proiciunt. Septimius cum per-  
fugisset ad tribunal pedibusque Caecinae advolveretur, eo  
usque flagitatus est, donec ad exitium dederetur. Cassius 5  
Chaerea, mox caede C. Caesaris memoriam apud posteros  
adeptus, tum adulescens et animi ferox, inter obstantes et  
armatos ferro viam patefecit. non tribunus ultra, non castro-  
rum praefectus ius obtinuit: vigilias stationes, et si qua alia  
praesens usus indixerat, ipsi partiebantur. id militares ani- 10  
mos altius coniectantibus praecipuum indicium magni atque  
inplacabilis motus, quod neque disiecti nec paucorum in-  
stinctu, set pariter ardescerent, pariter silerent, tanta aequa-  
litate et constantia, ut regi crederes.

33. Interea Germanico per Gallias, ut diximus, census 15  
accipienti excessisse Augustum adfertur. neptem eius Agrip-  
pinam in matrimonio pluresque ex ea liberos habebat, ipse  
Druso fratre Tiberii genitus, Augustae nepos, sed anxius  
occultis in se patruī aviaeque odiis, quorum causae acriores,  
quia iniquae. quippe Drusi magna apud populum Romanum 20  
memoria, credebaturque, si rerum potitus foret, libertatem  
redditurus; unde in Germanicum favor et spes eadem. nam  
iaveni civile ingenium, mira comitas et diversa a Tiberii  
sermone vultu, adrogantibus et obscuris. accedebant mulie-  
bres offensiones novercalibus Liviae in Agrippinam stimulis, 25  
atque ipsa Agrippina paulo commotior, nisi quod castitate et  
mariti amore quamvis indomitum animum in bonum vertebat.

34. Sed Germanicus quanto summae spei propior, tanto  
impensius pro Tiberio niti: seque et proximos et Belgarum  
civitates in verba eius adigit. dehinc audito legionum tu- 30  
multu raptim profectus obvias extra castra habuit, deiectis  
in terram oculis velut paenitentia. postquam vallum iniit,  
dissoni questus audiri coepere; et quidam prensa manu eius

12 nec Grotius: nil 23 a Novák: ad, sed d expunctum (ab  
Weissenborn) 29 seque et proximos Haase: seque proximos  
adiecta inter utrumque vocabulum virgula 7, quae item III 44, 8  
est et; cf. M. Ihm, Mus. Rhen. 1891, 479

per speciem exosculandi inseruerunt digitos, ut vacua dentibus ora contingeret; alii curvata senio membra ostendebant. adsistentem contionem, quia permixta videbatur, discedere in manipulos iubet: sic melius audituros responsum; vexilla  
 5 praeferrī, ut id saltem discerneret cohortes: tarde obtemperare. tunc a veneratione Augusti orsus flexit ad victorias triumphosque Tiberii, praecipuis laudibus celebrans quae apud Germanias illis cum legionibus pulcherrima fecisset. Italiae inde consensum, Galliarum fidem extollit; nil usquam  
 10 turbidum aut discors. silentio haec vel murmure modico audita sunt.

35. Ut seditionem attigit, ubi modestia militaris, ubi veteris disciplinae decus, quonam tribunos, quo centuriones exegissent, rogitans, nudant universi corpora, cicatrices ex  
 15 vulneribus, verberum notas exprobrant; mox indiscretis vocibus pretia vacationum, angustias stipendii, duritiam operum ac propriis nominibus incusant vallum, fossas, pabuli materiae lignorum adgestus, et si qua alia ex necessitate aut adversus otium castrorum quaeruntur. atrocissimus vetera-  
 20 norum clamor oriebatur, qui tricena aut supra stipendia numerantes, mederetur fessis, neu mortem in isdem laboribus, sed finem tam exercitae militiae neque inopem requiem orabant. fuere etiam qui legatam a divo Augusto pecuniam re-  
 poscerent, faustis in Germanicum ominibus; et si vellet imperium, promptos ostentavere. tum vero, quasi scelere contaminaretur, praeceps tribunali desiluit. opposuerunt ab-  
 25 eunti arma, minitantes, ni regrederetur; at ille moriturum potius quam fidem exueret clamitans ferrum a latere diripuit elatumque deferebat in pectus, ni proximi prensam  
 30 dextram vi attinuissent. extrema et conglobata inter se pars contionis ac, vix credibile dictu, quidam singuli propius incedentes feriret hortabantur; et miles nomine Calusidius strictum obtulit gladium, addito acutiorem esse. saevum id

14 universa, *em. Lipsius*

21 laboribus obirent *Ernesti*

25 promptos *Rhenanus*: promptas (promptas res *Walther coll. XII 12, 14*) 28 deripuit *Beroaldus* 31 accedentes *Muretus*

malique moris etiam furentibus visum; ac spatium fuit, quo Caesar ab amicis in tabernaculum raperetur.

36. Consultatum ibi de remedio. etenim nuntiabatur parari legatos, qui superiorem exercitum ad causam eandem traherent; destinatum excidio Ubiorum oppidum, imbutasque 5 praeda manus in direptionem Galliarum erupturas. augebat metum gnarus Romanae seditionis et, si omitteretur ripa, invasurus hostis. at si auxilia et socii adversum abscedentis legiones armarentur, civile bellum suscipi. periculosa severitas, flagitiosa largitio: seu nihil militi sive omnia con- 10 cedentur, in ancipiti res publica. igitur voluntatis inter se rationibus placitum ut epistulae nomine principis scriberentur: missionem dari vicena stipendia meritis, exauctorari qui sena dena fecissent ac retineri sub vexillo ceterorum immunes nisi propulsandi hostis, legata quae petiverant ex- 15 solvi duplicarique.

37. Sensit miles in tempus conficta statimque flagitavit. missio per tribunos maturatur, largitio differebatur in hiberna cuiusque. non abscessere quintani unetvicesimanique, donec isdem in aestivis contracta ex viatico amicorum ipsius- 20 que Caesaris pecunia persolveretur. primam ac vicesimam legiones Caecina legatus in civitatem Ubiorum reduxit, turpi agmine, cum fisci de imperatore rapti inter signa interque aquilas veherentur. Germanicus superiorem ad exercitum profectus secundam et tertiam decumam et sextam decumam 25 legiones nihil cunctatas sacramento adigit; quartadecimani paulum dubitaverant: pecunia et missio quamvis non flagitantibus oblata est.

38. At in Chaucis coeptavere seditionem praesidium agitantes vexillarii discordium legionum et praesenti duorum 30 militum supplicio paulum repressi sunt. iusserat id M'. Ennius castrorum praefectus, bono magis exemplo quam concessio iure. deinde intumescete motu profugus repertusque, postquam intuitae latebrae, praesidium ab audacia mu-

---

10 sive *Jac. Gronovius*: sibi | concederentur *Rhenanus* 31 M'.  
*Ennius Nipperdey* (coll. *Dione* 55, 33): *menius*

tuatur: non praefectum ab iis, sed Germanicum ducem, sed Tiberium imperatorem violari. simul exterritis qui obstiterant, raptum vexillum ad ripam vertit, et si quis agmine decessisset, pro desertore fore clamitans reduxit in hiberna  
 5 turbidos et nihil ausos.

39. Interea legati ab senatu regressum iam apud aram Ubiorum Germanicum adeunt. duae ibi legiones, prima atque vicesima, veteranique nuper missi sub vexillo hiabant. pavidos et conscientia vaecordes intrat metus: venisse  
 10 patrum iussu qui inrita facerent quae per seditionem expresserant. utque mos vulgo quamvis falsis reum subdere, Munatium Plancum consulatu functum, principem legationis, auctorem senatus consulti incusant; et nocte concubia vexillum in domo Germanici situm flagitare occipiunt, concursu-  
 15 que ad ianuam facto moliuntur fores, extractum cubili Caesarem tradere vexillum intento mortis metu subigunt. mox vagi per vias obvios habuere legatos audita consternatione ad Germanicum tendentes. ingerunt contumelias, caedem parant, Planco maxime, quem dignitas fuga impediverat;  
 20 neque aliud periclitanti subsidium quam castra primae legionis. illic signa et aquilam amplexus religione sese tutabatur, ac ni aquilifer Calpurnius vim extremam arcuisset, rarum etiam inter hostes, legatus populi Romani Romanis in castris sanguine suo altaria deum commaculavisset. luce  
 25 demum, postquam dux et miles et facta noscebantur, ingressus castra Germanicus perducere ad se Plancum imperat, recepitque in tribunal. tum fatalem increpans rabiem, neque militum, sed deum ira resurgere, cur venerint legati aperit; ius legationis atque ipsius Planci gravem et immeritum  
 30 casum, simul quantum dedecoris adierit legio, facunde miseratur, attonitaeque magis quam quietae legatos praesidio auxilium equitum dimittit.

40. Eo in metu arguere Germanicum omnes, quod non ad superiorem exercitum pergeret, ubi obsequia et contra  
 35 rebellis auxilium. satis superque missione et pecunia et mol-



libus consultis peccatum. vel si vilis ipsi salus, cur filium parvulum, cur gravidam coniugem inter furentes et omnis humani iuris violatores haberet? illos saltem avo et rei publicae redderet. diu cunctatus aspernantem uxorem, cum se divo Augusto ortam neque degenerem ad pericula testaretur, postremo uterum eius et communem filium multo cum fletu complexus, ut abiret perpulit.

Incedebat muliebre et miserabile agmen, profuga ducis uxor, parvulum sinu filium gerens, lamentantes circum amicorum coniuges, quae simul trahebantur; nec minus tristes qui manebant.

41. Non florentis Caesaris neque suis in castris, set velut in urbe victa facies; gemitusque ac planctus etiam militum aures oraque advertere: progrediuntur contuberniis. quis ille flebilis sonus? quid tam triste? feminas inlustres; non centurionem ad tutelam, non militem, nihil imperatoriae uxoris aut comitatus soliti. pergere ad Treviros et externae fidei. pudor inde et miseratio et patris Agrippae, Augusti avi memoria; socer Drusus, ipsa insigni fecunditate, praeclara pudicitia; iam infans in castris genitus, in contubernio legionum eductus, quem militari vocabulo Caligulam appellabant, quia plerumque ad concilianda vulgi studia eo tegmine pedum induebatur. sed nihil aequè flexit quam invidia in Treviros: orant obsistunt, rediret maneret, pars Agrippinae occurrentes, plurimi ad Germanicum regressi. isque ut erat recens dolore et ira, apud circumfusos ita coepit.

42. 'Non mihi uxor aut filius patre et re publica cariores sunt, set illum quidem sua maiestas, imperium Romanum ceteri exercitus defendent; coniugem et liberos meos, quos pro gloria vestra libens ad exitium offerrem, nunc procul a furentibus summoveo, ut quidquid istud sceleris imminet, meo tantum sanguine pietur, neve occisus Augusti

---

3 humani ac divini iuris *Guil. Heraeus* 15 quid *Heinstus*: quod (quod t. triste iter *Émile Jacob*; quod t. triste agmen *Novák*) 17 externam fidem *Nipp.*, externae tradi fidei *Ed. Wurm in Philol. IX, 89; Halm et inclusit; cf. JB. XXX 356* 24 ab-sistunt

pronepos, interfecta Tiberii nurus nocentiores vos faciant. quid enim per hos dies inausum intemeratumve vobis? quod nomen huic coetui dabo? militesne appellem, qui filium imperatoris vestri vallo et armis circumsedistis? an cives, quibus tam proiecta senatus auctoritas? hostium quoque ius et sacra legionis et fas gentium rupistis. divus Iulius seditionem exercitus verbo uno compescuit, Quirites vocando qui sacramentum eius detrectabant; divus Augustus vultu et aspectu Actiacas legiones exterruit: nos ut nondum eos-  
 10 dem, ita ex illis ortos si Hispaniae Syriaeve miles aspernaretur, tamen mirum et indignum erat; primane et vicesima legiones, illa signis a Tiberio acceptis, tu tot proeliorum socia, tot praemiis aucta — egregiam duci vestro gratiam refertis! hunc ego nuntium patri, laeta omnia aliis e pro-  
 15 vincis audienti, feram? ipsius tirones, ipsius veteranos non missione, non pecunia satiatos, hic tantum interfici centuriones, eici tribunos, includi legatos; infecta sanguine castra, flumina, meque precariam animam inter infensos trahere.

43. Cur enim primo contionis die ferrum illud, quod pe-  
 20 ctori meo infigere parabam, detraxistis, o improvidi amici? melius et amantius ille qui gladium offerebat. cecidissem certe nondum tot flagitiorum exercitui meo conscius; legissetis ducem, qui meam quidem mortem impunitam sineret, Vari tamen et trium legionum ulcisceretur. neque enim di-  
 25 sinant ut Belgarum quamquam offerentium decus istud et claritudo sit, subvenisse Romano nomini, compressisse Germaniae populos. tua, dive Auguste, caelo recepta mens, tua, pater Druse, imago, tui memoria isdem istis cum militibus, quos iam pudor et gloria intrat, eluant hanc maculam iras-  
 30 que civiles in exitium hostibus vertant. vos quoque, quorum alia nunc ora, alia pectora contueor, si legatos senatui, obsequium imperatori, si mihi coniugem et filium redditis, discedite a contactu ac dividite turbidos: id stabile ad paenitentiam, id fidei vinculum erit.'

1 faciant Ritter: faciat 18 aucta — egregiam] sic distinxit Strodtsbeck (aucta hanc tam egregiam . . . refertis? ego olim)  
 30 vosque quorum Nipperdey

44. Supplices ad haec et vera exprobrari fatentes orabant puniret noxios, ignosceret lapsis et duceret in hostem; revocaretur coniux, rediret legionum alumnus neve opes Gallis traderetur. reditum Agrippinae excusavit ob imminentem partum et hiemem; venturum filium: cetera ipsi exsequerentur. discurrent mutati et seditiosissimum quemque vinctos trahunt ad legatum legionis primae C. Caetronium, qui iudicium et poenas de singulis in hunc modum exercuit. stabant pro contione legiones dstrictis gladiis; reus in suggestu per tribunum ostendebatur: si nocentem adclamaverant, praeceps datus trucidabatur. et gaudebat caedibus milles, tamquam semet absolveret; nec Caesar arcebat, quando nullo ipsius iussu penes eosdem saevitia facti et invidia erat. secuti exemplum veterani haud multo post in Raetiam mittuntur, specie defendendae provinciae ob imminentis Suebos, ceterum ut avellerentur castris trucibus adhuc non minus asperitate remedii quam sceleris memoria. centurionatum inde egit. citatus ab imperatore nomen ordinem patriam, numerum stipendiorum, quae strenue in proeliis fecisset, et cui erant, dona militaria edebat. si tribuni, si legio industriam innocentiamque adprobaverant, retinebat ordinem; ubi avaritiam aut crudelitatem consensu obiectavissent, solvebatur militia.

45. Sic compositis praesentibus haut minor moles supererat ob ferociam quintae et unetvicesimae legionum, sexagensimum aput lapidem (loco Vetera nomen est) hibernantium. nam primi seditionem coeptaverant; atrocissimum quodque facinus horum manibus patratum; nec poena commilitonum exterriti nec paenitentia conversi iras retinebant. igitur Caesar arma classem socios demittere Rheno parat, si imperium detrectetur, bello certaturus.

46. At Romae nondum cognito, qui fuisset exitus in Illyrico, et legionum Germanicarum motu audito trepida civitas

---

17 centurionatus inde exegit *Madvig* 20 dona *P. Victorius*: donaria (*simile vitium VI 48* ludibria et pericularia) 22 ordinem *Theoph. Kießling*: ordines

incusare Tiberium quod, dum patres et plebem, invalida et inermia, cunctatione ficta ludificetur, dissideat interim miles neque duorum adolescentium nondum adulta auctoritate comprimi queat. ire ipsum et opponere maiestatem imperatoriam debuisse cessuris, ubi principem longa experientia eundemque severitatis et munificentiae summum vidissent. an Augustum fessa aetate totiens in Germanias commeare potuisse: Tiberium vigentem annis sedere in senatu, verba patrum cavillantem? satis prospectum urbanae servituti: 10 militaribus animis adhibenda fomenta, ut ferre pacem velint.

47. Inmotum adversus eos sermones fixumque Tiberio fuit non omittere caput rerum neque se remque publicam in casum dare. multa quippe et diversa angebant: validior per Germaniam exercitus, propior aput Pannoniam; ille Galliarum opibus subnixus, hic Italiae imminens: quos igitur anteferebat? ac ne postpositi contumelia incenderentur. at per filios pariter adiri maiestate salva, cui maior e longinquo reverentia. simul adolescentibus excusatum quaedam ad patrem reicere, resistentisque Germanico aut Druso posse 20 a se mitigari vel infringi: quod aliud subsidium, si imperatorem sprevisset? ceterum ut iam iamque iturus legit comites, conquisivit impedimenta, adornavit naves: mox hiemem aut negotia varie causatus primo prudentes, dein vulgum, diutissime provincias fefellit.

48. At Germanicus, quamquam contracto exercitu et parata in defectores ultione, dandum adhuc spatium ratus, si recenti exemplo sibi ipsi consulerent, praemittit litteras ad Caecinam, venire se valida manu ac, ni supplicium in malos praesumant, usurum promisca caede. eas Caecina aquiliferis 30 signiferisque et quod maxime castrorum sincerum erat occulte recitat, utque cunctos infamiae, se ipsos morti eximant hortatur: nam in pace causas et merita spectari; ubi bellum ingruat, innocentes ac noxios iuxta cadere. illi temptatis quos idoneos rebantur, postquam maiorem legionum 35 partem in officio vident, de sententia legati statuunt tempus, quo foedissimum quemque et seditioni promptum ferro invadant. tunc signo inter se dato inrumpunt contubernia,

trucidant ignaros, nullo nisi consciis noscente quod caedis initium, quis finis.

49. Diversa omnium, quae umquam accidere, civilium armorum facies. non proelio, non adversis e castris, sed isdem e cubilibus, quos simul vescentis dies, simul quietos 5 nox habuerat, discedunt in partes, ingerunt tela. clamor vulnera sanguis palam, causa in occulto; cuncta fors regit. et quidam bonorum caesi, postquam intellecto in quos saeviretur pessimi quoque arma rapuerant. neque legatus aut tribunus moderator adfuit: permissa vulgo licentia atque 10 ultio et satietas. mox ingressus castra Germanicus, non medicinam illud plurimis cum lacrimis, sed cladem appellans, cremari corpora iubet.

Truces etiam tum animos cupido involat eundi in hostem, piaculum furoris; nec aliter posse placari commilitonum 15 manes, quam si pectoribus impiis honesta vulnera accepissent. sequitur ardorem militum Caesar iunctoque ponte transmittit duodecim milia e legionibus, sex et viginti socias cohortis, octo equitum alas, quarum ea seditione intemerata modestia fuit. 20

50. Laeti neque procul Germani agitabant, dum iustitio ob amissum Augustum, post discordiis attinemur. at Romanus agmine propero silvam Caesiam limitemque a Tiberio coeptum scindit, castra in limite locat, frontem ac tergum 25 vallo, latera concaedibus munitus. inde saltus obscuros per meat consultatque, ex duobus itineribus breve et solitum sequatur an inpeditius et intemptatum eoque hostibus incautum. delecta longiore via cetera adcelerantur: etenim attulerant exploratores festam eam Germanis noctem ac sollemnibus epulis ludicram. Caecina cum expeditis cohortibus 30 praeire et obstantia silvarum amoliri iubetur; legiones modico intervallo sequuntur. iuvat nox sideribus inlustris, ventumque ad vicos Marsorum et circumdatae stationes stratis etiam tum per cubilia propterque mensas, nullo metu, non antepositis vigiliis: adeo cuncta incuria disiecta erant neque 35

belli timor, ac ne pax quidem nisi languida et soluta inter temulentos.

51. Caesar avidas legiones, quo latior populatio foret, quattuor in cuneos dispergit; quinquaginta milium spatium  
 5 ferro flammisque pervastat. non sexus, non aetas miserationem attulit; profana simul et sacra et celeberrimum illis gentibus templum quod Tanfanae vocabant solo aequantur. sine vulnere milites, qui semisomnos, inermes aut palantis ceciderant. excivit ea caedes Bructeros Tubantes Usipetes,  
 10 saltusque, per quos exercitui regressus, insedere. quod gnarum duci, incessitque itineri et proelio. pars equitum et auxiliariae cohortes ducebant, mox prima legio, et mediis impedimentis sinistrum latus unetvicesimani, dextrum quintani clausere; vicesima legio terga firmavit, post ceteri so-  
 15 ciorum. sed hostes, donec agmen per saltus porrigeretur, immoti, dein latera et frontem modice adsultantes, tota vi novissimos incurrere. turbabanturque densis Germanorum catervis leves cohortes, cum Caesar advectus ad vicesimanos voce magna hoc illud tempus oblitterandae seditionis clami-  
 20 tabat: pergerent, properarent culpam in decus vertere. exarsere animis unoque impetu perruptum hostem redigunt in aperta caeduntque. simul primi agminis copiae evasere silvas castraque communivere. quietum inde iter, fidensque recentibus ac priorum oblitus miles in hibernis locatur.

52. Nuntiata ea Tiberium laetitia curaue adfecere: gaudebat oppressam seditionem, sed quod largiendis pecuniis et missione festinata favorem militum quaesivisset, bellica quoque Germanici gloriaangebatur. rettulit tamen ad senatum de rebus gestis multaue de virtute eius memoravit,  
 30 magis in speciem verbis adornata quam ut penitus sentire crederetur. paucioribus Drusum et finem Illyrici motus laudavit, sed intentior et fida oratione. cunctaque quae Germanicus indulserat, servavit etiam apud Pannonicos exercitus.

7 tāfanae, unde alii Tanfanae, cf. Müllenhoff, *Zeitschr. f. deutsches Altert.* vol. 23, p. 23sqg. 11 proelio paratus alii 12 ante auxil. Nipperdeio numerus videtur excidisse

53. Eodem anno Iulia supremum diem obiit, ob impudicitiam olim a patre Augusto Pandateria insula, mox oppido Reginorum, qui Siculum fretum accolunt, clausa. fuerat in matrimonio Tiberii florentibus Gaio et Lucio Caesaribus spreveratque ut imparem; nec alia tam intima Tiberio causa <sup>5</sup> cur Rhodum abscederet. imperium adeptus extorrem, infamem et post interfectum Postumum Agrippam omnis spei egenam inopia ac tabe longa peremit, obscuram fore necem longinquitate exilii ratus. par causa saevitiae in Sempronium Gracchum, qui familia nobili, sollers ingenio et prave facundus, eandem Iuliam in matrimonio Marci Agrippae temeraverat. nec is libidini finis: traditam Tiberio pervicax adulter contumacia et odiis in maritum accendebat; litteraeque, quas Iulia patri Augusto cum insectatione Tiberii scripsit, a Graccho compositae credebantur. igitur amotus Cercinam, <sup>15</sup> Africi maris insulam, quattuordecim annis exilium toleravit. tunc milites ad caedem missi invenere in prominenti litoris, nihil laetum opperientem. quorum adventu breve tempus petivit, ut suprema mandata uxori Alliariae per litteras daret, cervicemque percussoribus obtulit, constantia mortis haud <sup>20</sup> indignus Sempronio nomine: vita degeneraverat. quidam non Roma eos milites, sed ab L. Asprenate pro consule Africae missos tradidere auctore Tiberio, qui famam caedis posse in Asprenatem verti frustra speraverat.

54. Idem annus novas caerimonias accepit addito sodalium Augustalium sacerdotio, ut quondam T. Tattius retinendis Sabinorum sacris sodales Titios instituerat. sorte ducti e primoribus civitatis unus et viginti; Tiberius Drususque et Claudius et Germanicus adiciuntur. ludos Augustales tunc primum coeptos turbavit discordia ex certamine histri- <sup>30</sup> num. indulserat ei ludicro Augustus, dum Maecenati obtemperat effuso in amorem Bathylli; neque ipse abhorrebat talibus studiis, et civile rebatur misceri voluptatibus vulgi. alia Tiberio morum via; sed populum per tot annos molliter habitum nondum audebat ad duriora vertere. 35

55. Druso Caesare C. Norbano consulibus decernitur Germanico triumphus manente bello; quod quamquam in aestatem summa ope parabat, initio veris et repentino in Chattos excursu praecepit. nam spes incesserat dissidere hostem in  
 5 Arminium ac Segestem, insignem utrumque perfidia in nos aut fide. Arminius turbator Germaniae, Segestes parari rebellionem saepe alias et supremo convivio, post quod in arma itum, aperuit suasitque Varo ut se et Arminium et ceteros proceres vinciret: nihil ausuram plebem principibus  
 10 amotis, atque ipsi tempus fore, quo crimina et innoxios discerneret. sed Varus fato et vi Armini cecidit; Segestes, quamquam consensu gentis in bellum tractus, discors manebat, auctis privatim odiis, quod Arminius filiam eius alii pactam rapuerat: gener invisus inimici soceri, quaeque aput  
 15 concordēs vincula caritatis, incitamenta irarum aput infensos erant.

56. Igitur Germanicus quattuor legiones, quinque auxiliarium milia et tumultuarias catervas Germanorum cis Rhenum colentium Caecinae tradit; totidem legiones, duplicem  
 20 sociorum numerum ipse ducit, positoque castello super vestigia paterni praesidii in monte Tauno expeditum exercitum in Chattos rapit, L. Apronio ad munitiones viarum et fluminum relicto. nam (rarum illi caelo) siccitate et amnibus modicis inoffensum iter properaverat, imbresque et flumi-  
 25 num auctus regredienti metuebantur. sed Chattis adeo improvisus advenit, ut quod imbecillum aetate ac sexu statim captum aut trucidatum sit. iuventus flumen Adranam nando tramiserat, Romanosque pontem coeptantis arcebant; dein tormentis sagittisque pulsī, temptatis frustra condicionibus  
 30 pacis, cum quidam ad Germanicum perfugissent, reliqui omissis pagis vicisque in silvas disperguntur. Caesar incenso Mattio (id genti caput) aperta populatus vertit ad Rhenum, non auso hoste terga abeuntium lacessere, quod

---

11 armeni, item II 88 armenius et XI 16 armenii, ut nomen a Strabone traditum est 14 gener invisus, inimici soceri alii; g. invisus, inimicus soceri Nipperdey 25 metuebatur, em. Lipstus 28 tramiserit, em. Acidalius



illi moris, quotiens astu magis quam per formidinem cessit. fuerat animus Cheruscis iuvare Chattos, sed exterruit Caecina huc illuc ferens arma; et Marsos congregari ausos prospero proelio cohibuit.

57. Neque multo post legati a Segeste venerunt auxilium orantes adversus vim popularium, a quis circumsedebatur, validiore aput eos Arminio, quoniam bellum suadebat: nam barbaris, quanto quis audacia promptus, tanto magis fidus rebusque motis potior habetur. addiderat Segestes legatis filium, nomine Segimundum; sed iuvenis conscientia cunctabatur. quippe anno quo Germaniae descivere, sacerdos aput aram Ubiorum creatus, ruperat vittas, profugus ad rebelles. adductus tamen in spem clementiae Romanae pertulit patris mandata benigne exceptus cum praesidio Gallicam in ripam missus est. Germanico pretium fuit convertere agmen, pugnatumque in obsidentis, et ereptus Segestes magna cum propinquorum et clientium manu. inerant feminae nobiles, inter quas uxor Arminii eademque filia Segestis, mariti magis quam parentis animo, neque victa in lacrimas neque voce supplex, compressis intra sinum manibus gravidum uterum intuens. ferebantur et spolia Varianae cladis, plerisque eorum qui tum in deditionem veniebant praedae data; simul Segestes ipse, ingens visu et memoria bonae societatis inpavidus.

58. Verba eius in hunc modum fuere: 'non hic mihi primus erga populum Romanum fidei et constantiae dies. ex quo a divo Augusto civitate donatus sum, amicos inimicosque ex vestris utilitatibus delegi, neque odio patriae (quippe proditores etiam iis quos anteponunt invidi sunt), verum quia Romanis Germanisque idem conducere et pacem quam bellum probabam. ergo raptorem filiae meae, violatorem foederis vestri Arminium aput Varum, qui tum exercitui praesidebat, reum feci. dilatus segnitia ducis, quia parum praesidii in legibus erat, ut me et Arminium et conscios

9 rebusque motis *Lipsius*: rebus commotis 19 evicta *Al. Ruperti et Spengel coll. XI 37* ad miserationem evicta, *H. II 64* in gaudium evicta; cf. *Joh. Mueller ad XII 68*

vinciret flagitavi: testis illa nox, mihi utinam potius novissima! quae secuta sunt, defleri magis quam defendi possunt; ceterum et inieci catenas Arminio et a factione eius iniectas perpressus sum. atque ubi primum tui copia, vetera novis  
 5 et quieta turbidis antehabeo, neque ob praemium, sed ut me perfidia exsolvam, simul genti Germanorum idoneus conciliator, si paenitentiam quam perniciem maluerit. pro iuventa et errore filii veniam precor; filiam necessitate huc adductam fateor. tuum erit consultare, utrum praevaleat,  
 10 quod ex Arminio concepit an quod ex me genita est.' Caesar clementi responso liberis propinquisque eius incolumitatem, ipsi sedem vetere in provincia pollicetur. exercitum reduxit nomenque imperatoris auctore Tiberio accepit. Arminii uxor virilis sexus stirpem edidit: educatus Ravennae puer quo  
 15 mox ludibrio conflictatus sit, in tempore memorabo.

59. Fama dediti benigneque excepti Segestis vulgata, ut quibusque bellum invitis aut cupientibus erat, spe vel dolore accipitur. Arminium super insitam violentiam rapta uxor, subiectus servitio uxoris uterus vaecordem agebant, volitabat-  
 20 que per Cheruscos, arma in Segestem, arma in Caesarem poscens. neque probris temperabat: egregium patrem, magnum imperatorem, fortem exercitum, quorum tot manus unam mulierculam avexerint. sibi tres legiones, totidem legatos procubuisse; non enim se proditione neque adversus  
 25 feminas gravidas, sed palam adversus armatos bellum tractare. cerni adhuc Germanorum in lucis signa Romana quae dis patriis suspenderit. coleret Segestes victam ripam, redderet filio sacerdotium [hominum]: Germanos numquam satis excusaturos, quod inter Albim et Rhenum virgas et  
 30 secures et togam viderint. aliis gentibus ignorantia imperi Romani inexperta esse supplicia, nescia tributa: quae quoniam exuerint inritusque discesserit ille inter numina dicatus Augustus, ille delectus Tiberius, ne inperitum adulescen-

---

12 vetera, *correxerit m. posterior* 28 hominum *corr. eadem m., ut videtur, in hominem: Romanum F. A. Wolf, hostium Nipperdey; ego Novákium secutus inclusi, praeceptum, ut videtur, ex 61, 4*

tulum, ne seditiosum exercitum pavescerent. si patriam parentes antiqua mallent quam dominos et colonias novas, Arminium potius gloriae ac libertatis quam Segestem flagitiosae servitutis ducem sequerentur.

60. Conciti per haec non modo Cherusci, sed conterminae 5 gentes, tractusque in partis Inguiomerus Arminii patruus, vetere apud Romanos auctoritate; unde maior Caesari metus. et ne bellum mole una ingrueret, Caecinam cum quadraginta cohortibus Romanis distrahendo hosti per Bructeros ad flumen Amisiam mittit, equitem Peditum praefectus finibus Frisiorum 10 ducit; ipse inopitas navibus quattuor legiones per lacum vexit: simulque pedes eques classis apud praedictum amnem convenere. Chauci cum auxilia pollicerentur, in comitum adsciti sunt. Bructeros sua urentis expedita cum manu L. Stertinius missu Germanici fudit interque caedem 15 et praedam repperit undevicesimae legionis aquilam cum Varo amissam. ductum inde agmen ad ultimos Bructerorum, quantumque Amisiam et Lupiam amnes inter vastatum, haud procul Teutoburgiensi saltu, in quo reliquiae Vari legionumque insepultae dicebantur. 20

61. Igitur cupido Caesarem invadit solvendi suprema militibus ducique, permoto ad miserationem omni qui aderat exercitu ob propinquos, amicos, denique ob casus bellorum et sortem hominum. praemisso Caecina, ut occulta saltuum scrutaretur pontesque et aggeres umido paludum et fallaci- 25 bus campis imponeret, incedunt maestos locos visuque ac memoria deformis. prima Vari castra lato ambitu et dimensis principiis trium legionum manus ostentabant; dein semiruto vallo, humili fossa accisae iam reliquiae consedissee intellegebantur. medio campi albertia ossa, ut fugerant, ut 30 restiterant, disiecta vel aggerata. adiacebant fragmina telorum equorumque artus, simul truncis arborum antefixa ora. lucis propinquis barbarae arae, apud quas tribunos ac primorum ordinum centuriones mactaverant. et cladis eius superstites, pugnam aut vincula elapsi, referebant hic ceci- 35

disse legatos, illic raptas aquilas; primum ubi vulnus Varo adactum, ubi infelici dextera et suo ictu mortem invenerit; quo tribunali contionatus Arminius, quot patibula captivis, quae scrobes, utque signis et aquilis per superbiam inluserit.

5 62. Igitur Romanus qui aderat exercitus sextum post cladis annum trium legionum ossa, nullo noscente alienas reliquias an suorum humo tegeret, omnes ut coniunctos, ut consanguineos aucta in hostem ira maesti simul et infensi condebant. primum extruendo tumulo caespitem Caesar po-  
10 suit, gratissimo munere in defunctos et praesentibus doloris socius. quod Tiberio haut probatum, seu cuncta Germanici in deterius trahenti, sive exercitum imagine caesorum in-sepultorumque tardatum ad proelia et formidolosiores hosti-um credebat, neque imperatorem auguratu et vetustissimis  
15 caerimoniis praeditum adtrectare feralia debuisse.

63. Sed Germanicus cedentem in avia Arminium secutus, ubi primum copia fuit, evehi equites campumque, quem hostis insederat, eripi iubet. Arminius colligi suos et propinquare silvis monitos vertit repente; mox signum prorum-  
20 pendi dedit iis, quos per saltus occultaverat. tunc nova acie turbatus eques, missaeque subsidiariae cohortes et fugientium agmine impulsae auxerant consternationem, trudebanturque in paludem gnaram vincentibus, iniquam nesciis, ni Caesar productas legiones instruxisset. inde hostibus terror,  
25 fiducia militi; et manibus aequis abscessum.

Mox reducto ad Amisiam exercitu legiones classe, ut advexerat, reportat; pars equitum litore Oceani petere Rhenum iussa; Caecina, qui suum militem ducebat, monitus, quamquam notis itineribus regrederetur, pontes longos quam ma-  
30 turrimè superare. angustus is trames vastas inter paludes et quondam a L. Domitio aggeratus; cetera limosa, tenacia gravi caeno aut rivis incerta erant; circum silvae paulatim adclives, quas tum Arminius implevit, compendiis viarum et cito agmine onustum sarcinis armisque militem cum ante-

4 inluserint *C. Heraeus*  
coll. 61, 2

5 romanis, unde omnis conieci

venisset. Caecinae dubitanti, quonam modo ruptos vetustate pontes reponeret simulque propulsaret hostem, castra metari in loco placuit, ut opus et alii proelium inciperent.

64. Barbari perfringere stationes seque inferre munito-  
ribus nisi lacessunt circumgrediuntur occurrant: miscetur 5  
operantium bellantiumque clamor. et cuncta pariter Romanis adversa: locus uligine profunda, idem ad gradum instabilis, procedentibus lubricus; corpora gravia loriceis; neque librare pila inter undas poterant. contra Cheruscis sueta  
apud paludes proelia, procera membra, hastae ingentes ad 10  
vulnera facienda quamvis procul. nox demum inclinantis iam legiones adversae pugnae exemit. Germani ob prospera indefessi, ne tum quidem sumpta quiete, quantum aquarum circum surgentibus iugis oritur vertere in subiecta, mersaque humo et obruto quod effectum operis duplicatus militi 15  
labor. quadragesimum id stipendium Caecina parendi aut imperitandi habebat, secundarum ambiguarumque rerum sciens eoque interritus. igitur futura volvens non aliud repperit quam ut hostem silvis coërceret, donec saucii quantumque  
gravioris agminis anteirent; nam medio montium et paludum 20  
porrigebatur planities, quae tenuem aciem pateretur. deliguntur legiones quinta dextro lateri, unetvicesima in laevum, primani ducendum ad agmen, vicensimanus adversum secuturos.

65. Nox per diversa inquires; cum barbari festis epulis, 25  
laeto cantu aut truci sonore subiecta vallium ac resultantis saltus complerent, apud Romanos invalidi ignes, interruptae voces, atque ipsi passim adiacerent vallo, oberrarent tentoriis, insomnes magis quam pervigiles. ducemque terruit dira  
quietes: nam Quintilium Varum sanguine oblitum et paludibus 30  
emersum cernere et audire visus est velut vocantem, non tamen obsecutus et manum intendentis reppulisse. coepta luce missae in latera legiones, metu an contumacia, locum deseruere, capto propere campo umentia ultra. neque ta-

4 sequi 9 liberare 11 nox ed. Frobeniana: mox 32 intendentes, quod corr. eadem m., ut videtur (manus intendentem Sirker)

men Arminius, quamquam libero incursu, statim prorupit: sed ut haesere caeno fossisque impedimenta, turbati circum milites, incertus signorum ordo, utque tali in tempore, sibi quisque properus et lentae adversum imperia aures, inrum-  
 5 pere Germanos iubet, clamitans 'en Varus eodemque iterum fato vinctae legiones!' simul haec, et cum delectis scindit agmen equisque maxime vulnera ingerit. illi sanguine suo et lubrico paludum lapsantes excussis rectoribus disicere obvios, proterere iacentes. plurimus circa aquilas labor, quae  
 10 neque ferri adversum ingruentia tela neque figi limosa humo poterant. Caecina dum sustentat aciem, suffosso equo delapsus circumveniebatur, ni prima legio sese opposuisset. iuvit hostium aviditas, ommissa caede praedam sectantium; enisaeque legiones vesperscente die in aperta et solida.  
 15 neque is miseriarum finis: struendum vallum, petendus agger, amissa magna ex parte per quae egeritur humus aut exciditur caespes; non tentoria manipulis, non fomenta sauciis: infectos caeno aut cruore cibos dividentes funestas tenebras et tot hominum milibus unum iam reliquum diem lamenta-  
 20 bantur.

66. Forte equus abruptis vinculis vagus et clamore ter-  
 ritus quosdam occurrentium obturbavit. tanta inde consternatio inrupisse Germanos credentium, ut cuncti ruerent ad portas, quarum decumana maxime petebatur, aversa hosti et  
 25 fugientibus tutior. Caecina comperto vanam esse formidinem, cum tamen neque auctoritate neque precibus, ne manu quidem obsistere aut retinere militem quiret, proiectus in limine portae miseratione demum, quia per corpus legati eundem erat, clausit viam. simul tribuni et centuriones falsum  
 30 pavorem esse docuerunt.

67. Tunc contractos in principia iussosque dicta cum silentio accipere temporis ac necessitatis monet. unam in armis salutem, sed ea consilio temperanda manendumque intra vallum, donec expugnandi hostes spe propius succederent;

---

5 eodemque *Ritter*: et eodemque (et eodem *Lipsius*) cf. *H. IV 54*, ubi *Med.* habet per gallias et germaniasque 16 per quae egeritur *Rhenanus*: perq; geritur

mox undique erumpendum: illa eruptione ad Rhenum perveniri. quod si fugerent, pluris silvas, profundas magis paludes, saevitiam hostium superesse; at victoribus decus gloriam. quae domi cara, quae in castris honesta, memorat; reticuit de adversis. equos dehinc, orsus a suis, legatorum & tribunorumque nulla ambitione fortissimo cuique bellatori tradit, ut hi, mox pedes in hostem invaderent.

68. Haut minus inquires Germanus spe, cupidine et diversis ducum sententiis agebat, Arminio sinerent egredi egres-  
 sosque rursum per umida et impedita circumvenirent sua-  
 dente, atrociora Inguiomero et laeta barbaris, ut vallum armis  
 ambirent: promptam expugnationem; plures captivos, incor-  
 ruptam praedam fore. igitur orta die proruunt fossas, iniiciunt  
 crates, summa valli prensant, raro super milite et quasi ob  
 metum defixo. postquam haesere munimentis, datur coh- 15  
 ortibus signum cornuaque ac tubae concinuere. exin clamore  
 et impetu tergis Germanorum circumfunduntur, exprobrantes  
 non hic silvas nec paludes, sed aequis locis aequos deos.  
 hosti facile excidium et paucos ac semermos cogitanti sonus  
 tubarum, fulgor armorum, quanto inopina, tanto maiora offun- 20  
 duntur, cadebantque, ut rebus secundis avidi, ita adversis  
 incauti. Arminius integer, Inguiomerus post grave vulnus  
 pugnam deseruere; vulgus trucidatum est, donec ira et dies  
 permansit. nocte demum reversae legiones, quamvis plus  
 vulnerum, eadem ciborum egestas fatigaret, vim sanitatem 25  
 copias, cuncta in victoria habuere.

69. Pervaserat interim circumventi exercitus fama et in-  
 festo Germanorum agmine Gallias peti, ac ni Agrippina in-  
 positum Rheno pontem solvi prohibuisset, erant qui id flagi-  
 tium formidine auderent. sed femina ingens animi munia 30  
 ducis per eos dies induit militibusque, ut quis inops aut sau-  
 cius, vestem et fomenta dilargita est. tradit C. Plinius, Ger-  
 manicorum bellorum scriptor, stetisse apud principium pon-  
 tis, laudes et grates reversis legionibus habentem. id Tiberii

18 prorumpunt *Fr. Thomae, at v. Wölfflin in Philol. 27, 145*  
 20 offenduntur, *em. Rhenanus* 22 pontis] poti 24 laudis (*e*  
*superscr. m. posterior*), unde malis laudes et gratis coll. VI 2, 13

animum altius penetravit: non enim simplices eas curas, nec adversus externos <studia> militum quaeri. nihil relictum imperatoribus, ubi femina manipulos intervisat, signa adeat, largitionem temptet, tamquam parum ambitiose filium ducis  
 5 gregali habitu circumferat, Caesaremque Caligulam appellari velit. potio-rem iam apud exercitus Agrippinam quam legatos, quam duces; compressam a muliere seditionem, cui nomen principis obsistere non quiverit. accendebat haec onerabatque Seianus, peritia morum Tiberii odia in longum iaciens, quae  
 10 reconderet auctaque promeret.

70. At Germanicus legionum, quas navibus vexerat, secundam et quartam decimam itinere terrestri P. Vitellio ducendas tradit, quo levior classis vadoso mari innaret vel reciproco sideret. Vitellius primum iter sicca humo aut mo-  
 15 dice adlabente aestu quietum habuit; mox impulsu aquilonis, simul sidere aequinoctii, quo maxime tumescit Oceanus, rapi agique agmen. et opplebantur terrae: eadem freto litori campis facies, neque discerni poterant incerta ab solidis, brevia a profundis. sternuntur fluctibus, hauriuntur gurgitibus; iu-  
 20 menta, sarcinae, corpora exanima interfluunt occurrant. permiscentur inter se manipuli, modo pectore, modo ore tenus extantes, aliquando subtracto solo disiecti aut obruti. non vox et mutui hortatus iuvabant adversante unda; nihil strenuus ab ignavo, sapiens ab imprudenti, consilia a casu differre;  
 25 cuncta pari violentia involvebantur. tandem Vitellius in editiora enisus eodem agmen subduxit. pernoctavere sine utensilibus, sine igni, magna pars nudo aut mulcato corpore, haud minus misera- biles quam quos hostis circumsidebat: quippe illic etiam honestae mortis usus, his inglorium exitium. lux reddidit terram, penetratumque ad amnem Visur-  
 30 gin, quo Caesar classe contenderat. impositae dein legiones, vagante fama submersas; nec fides salutis ante quam Caesarem exercitumque reducem videre.

2 studia hic inseruit C. Heraeus, post militum Döderlein (militem Beroaldus) 24 ab imprudenti Lipsius: a prudenti 28 circumsidebat Urlichs: circumsidet 29 illis M corr. 30 [Visurgin] Mercerus, Unsingim Alting, Vidrum Lipsius



71. Iam Stertinius, ad accipiendum in deditionem Segimerum fratrem Segestis praemissus, ipsum et filium eius in civitatem Ubiorum perduxerat. data utrique venia, facile Segimero, cunctantius filio, quia Quintilii Vari corpus inclusisse dicebatur. ceterum ad supplenda exercitus damna certavere Galliae Hispaniae Italia, quod cuique promptum, arma equos aurum offerentes. quorum laudato studio Germanicus, armis modo et equis ad bellum sumptis, propria pecunia militem iuvit. utque cladis memoriam etiam comitate leniret, circumire saucios, facta singulorum extollere; vulnera intuens alium spe, alium gloria, cunctos adloquio et cura sibi et proelio firmabat.

72. Decreta eo anno triumphalia insignia A. Caecinae, L. Apronio, C. Silio ob res cum Germanico gestas. nomen patris patriae Tiberius a populo saepius ingestum repudiavit; neque in acta sua iurari quamquam censente senatu, permisit, cuncta mortalium incerta, quantoque plus adeptus foret, tanto se magis in lubrico dictitans. non tamen ideo faciebat fidem civilis animi; nam legem maiestatis reduxerat, cui nomen aput veteres idem, sed alia in iudicium veniebant: si quis proditione exercitum aut plebem seditionibus, denique male gesta re publica maiestatem populi Romani minuisset: facta arguebantur, dicta inpune erant. primus Augustus cognitionem de famosis libellis specie legis eius tractavit, commotus Cassii Severi libidine, qua viros feminasque inlustres procacibus scriptis diffamaverat; mox Tiberius consultante Pompeio Macro praetore, an iudicia maiestatis redderentur, exercendas leges esse respondit. hunc quoque asperavere carmina incertis auctoribus vulgata in saevitiam superbiamque eius et discordem cum matre animum.

73. Haud pigebit referre in Faianio et Rubrio, modicis equitibus Romanis, praetemptata crimina, ut quibus initiis, quanta Tiberii arte gravissimum exitium inreperit, dein repressum sit, postremo arserit cunctaque corripuerit, nosca-

4 quintilii 18 dictitans *Muretus*: dictans *corr. eadem m. e dictan* 21 aut] ut 31 faianio *et hic et v. 5 p. 40, 1 codex, sed priore loco in falanio mutavit eadem m.*

tur. Faianio obiciebat accusator, quod inter cultores Augusti, qui per omnes domos in modum collegiorum habebantur, Cassium quendam mimum corpore infamem adscivisset, quodque venditis hortis statuam Augusti simul mancipasset. Rubrio  
 5 crimini dabatur violatum periurio numen Augusti. quae ubi Tiberio notuere, scripsit consulibus non ideo decretum patri suo caelum, ut in perniciem civium is honor verteretur. Cassium histrionem solitum inter alios eiusdem artis interesse ludis, quos mater sua in memoriam Augusti sacrasset; nec  
 10 contra religiones fieri, quod effigies eius, ut alia numinum simulacra, venditionibus hortorum et domuum accedant. ius iurandum perinde aestimandum quam si Iovem fefellisset: deorum iniurias dis curae.

74. Nec multo post Granium Marcellum praetorem Bithy-  
 15 niae quaestor ipsius Caepio Crispinus maiestatis postulavit, subscribente Romano Hispone; qui formam vitae iniit, quam postea celebrem miseriae temporum et audaciae hominum fecerunt. nam egens ignotus inquires, dum occultis libellis saevitiae principis adrepat, mox clarissimo cuique periculum  
 20 facessit, potentiam aput unum, odium apud omnis adeptus dedit exemplum, quod secuti ex pauperibus divites, ex contemptis metuendi perniciem aliis ac postremum sibi invenere. sed Marcellum insimulabat sinistros de Tiberio sermones habuisse, inevitabile crimen, cum ex moribus principis foedis-  
 25 sima quaeque deligeret accusator obiectaretque reo; nam quia vera erant, etiam dicta credebantur. addidit Hispo statuam Marcelli altius quam Caesarum sitam, et alia in statua amputato capite Augusti effigiem Tiberii inditam. ad quod exarsit adeo, ut rupta taciturnitate proclamaret se quoque  
 30 in ea causa laturum sententiam, palam et iuratum, quo ceteris eadem necessitas fieret. manebant etiam tum vestigia morientis libertatis. igitur Cn. Piso 'quo' inquit 'loco censebis, Caesar? si primus, habebo quod sequar; si post omnes, vereor ne imprudens dissentiam.' permotus his, quantoque

5 numen *Freinsheim*: nomen 14 praetorem] proconsulem  
 malebat *Lipsius cum Mercero* 22 ac] ad *Wölfflin Philol.* 27, 219  
 insimulabant *Nipperdey*

incautius efferverat, paenitentia patiens tulit absolvi reum criminibus maiestatis. de pecuniis repetundis ad recipitatores itum est.

75. Nec patrum cognitionibus satiatus iudiciis adsidebat in cornu tribunalis, ne praetorem curuli depelleret; multaque eo coram adversus ambitum et potentium preces constituta. set dum veritati consulitur, libertas corrumpebatur. inter quae Pius Aurelius senator questus mole publicae viae ductu-  
que aquarum labefactas aedis suas, auxilium patrum invoca-  
bat. resistantibus aerarii praetoribus subvenit Caesar pretium-  
que aedium Aurelio tribuit, erogandae per honesta pecuniae  
cupiens; quam virtutem diu retinuit, cum ceteras exueret. Propertio Celeri praetorio veniam ordinis ob paupertatem  
petenti decies sestertium largitus est, satis conperto paternas  
ei angustias esse. temptantis eadem alios probare causas se-  
natui iussit, cupidine severitatis in iis etiam quae rite face-  
ret acerbus. unde ceteri silentium et paupertatem confessioni  
et beneficio praeposuerunt.

76. Eodem anno continuis imbribus auctus Tiberis plana urbis stagnaverat; relabentem secuta est aedificiorum et ho-  
minum strages. igitur censuit Asinius Gallus ut libri Sibyl-  
lini adirentur. renuit Tiberius, perinde divina humanaque  
obtegens; sed remedium coërcendi fluminis Ateio Capitoni  
et L. Arruntio mandatum. Achaïam ac Macedoniam onera  
deprecantis levare in praesens proconsulari imperio tradique  
Caesari placuit. edendis gladiatoribus, quos Germanici fra-  
tris ac suo nomine obtulerat Drusus praesedit, quamquam  
vili sanguine nimis gaudens: quod <in> vulgus formidolosum  
et pater arguisse dicebatur. cur abstineret spectaculo ipse,  
varie trahebant: alii taedio coetus, quidam tristitia ingenii  
et metu conparationis, quia Augustus comiter interfuisset.  
non crediderim ad ostentandam saevitiam movendasque po-  
puli offensiones concessam filio materiem, quamquam id quo-  
que dictum est.

15 causas *Sirker*: causa (causam vulgo) cf. *Suet. Tib* 47  
27 praesedit 1 m. 28 in *add.* in *marg.* 33 quoque *Lipsius*:  
quod

77. At theatri licentia proximo priore anno coepta gravius tum erupit, occisis non modo e plebe, set militibus et centurione, vulnerato tribuno praetoriae cohortis, dum probra in magistratus et dissensionem vulgi prohibent. actum  
 5 de ea seditione apud patres, dicebanturque sententiae, ut praetoribus ius virgarum in histriones esset. intercessit Haterius Agrippa tribunus plebei increpitusque est Asinii Galli oratione, silente Tiberio, qui ea simulacra libertatis senatui praebebat. valuit tamen intercessio, quia divus Augustus im-  
 10 munes verberum histriones quondam responderat, neque fas Tiberio infringere dicta eius. de modo lucaris et adversus lasciviam fautorum multa decernuntur; ex quis maxime insignia, ne domos pantomimorum senator introiret, ne egredientes in publicum equites Romani cingerent, aut alibi quam  
 15 in theatro spectarentur, et spectantium immodestiam exilio multandi potestas praetoribus fieret.

78. Templum ut in colonia Tarraconensi strueretur Augusto petentibus Hispanis permissum, datumque in omnes provincias exemplum. centesimam rerum venalium post bella  
 20 civilia institutam deprecante populo edixit Tiberius militare aerarium eo subsidio niti; simul imparem oneri rem publicam, nisi vicesimo militiae anno veterani dimitterentur. ita proximae seditionis male consulta, quibus sedecim stipendi-  
 orum finem expresserant, abolita in posterum.

25 79. Actum deinde in senatu ab Arruntio et Ateio, an ob moderandas Tiberis exundationes verterentur flumina et lacus, per quos augescit; auditaque municipiorum et coloniarum legationes, orantibus Florentinis, ne Clanis solito alveo demotus in amnem Arnun transferretur idque ipsis perniciem adferret. congruentia his Interamnates disseruere: pes-  
 30 sum ituros fecundissimos Italiae campos, si amnis Nar (id enim parabatur) in rivos diductus superstagnavisset. nec Re-

---

1 aut proximo aut priore *Burmanno ad Suet. Claud. 33 delendum videbatur* 2 tum] dum | sed *adscriptum in margine: et (etiam Pfizner), cf. Nipp. ad I 60* 11 edicta eius *Wurm* 15 sectarentur *Wölfflin* | exilio *Beroaldus: exitio* 30 ante manates (*Antemnates malebat Pichena*) 32 deductus

atini silebant, Velinum lacum, qua in Narem effunditur, obstrui recusantes: quippe in adiacentia erupturum. optume rebus mortalium consuluisse naturam, quae sua ora fluminibus, suos cursus, utque originem, ita fines dederit; spectandas etiam religiones sociorum, qui sacra et lucos et aras patriis 5 annibus dicaverint; quin ipsum Tiberim nolle prorsus accolis fluviis orbatum minore gloria fluere. seu preces coloniarum seu difficultas operum sive superstitio valuit, ut in sententiam <Cn.> Pisonis concederetur, quil nil mutandum censuerat.

10

80. Prorogatur Poppaeo Sabino provincia Moesia, additis Achaia ac Macedonia. id quoque morum Tiberii fuit, continuare imperia ac plerosque ad finem vitae in isdem exercitiis aut iurisdictionibus habere. causae variae traduntur: alii taedio novae curae semel placita pro aeternis servavisse, 15 quidam invidia, ne plures fruerentur; sunt qui existiment, ut callidum eius ingenium, ita auxilium iudicium; neque enim eminentis virtutes sectabatur, et rursum vitia oderat: ex optimis periculum sibi, a pessimis dedecus publicum metuebat. qua haesitatione postremo eo proventus est, ut mandaverit quibusdam provincias, quos egredi urbe non erat passurus. 20

81. De comitiis consularibus, quae tum primum illo principe ac deinceps fuere, vix quicquam firmare ausim: adeo diversa non modo aput auctores, sed in ipsius orationibus reperiuntur. 25 modo subtractis candidatorum nominibus originem cuiusque et vitam et stipendia descripsit, ut qui forent intellegeretur; aliquando ea quoque significatione subtracta candidatos hortatus, ne ambitu comitia turbarent, suam ad id curam pollicitus est; plerumque eos tantum aput se professos 30 disseruit, quorum nomina consulibus edidisset; posse et alios profiteri, si gratiae aut meritis confiderent: speciosa verbis, re inania aut subdola, quantoque maiore libertatis imagine tegebantur, tanto eruptura ad infensus servitium.

5 sociorum] maiorum *Nipperdey*, eorum *Ritter* 9 Cn. add. *Nipperdey* | concederet, em. *Lipsius* 14 varie *Acidalius* 34 post servitium eadem m. addidit: Finit P. Corneli lib. I. Inci pit liber. II.

# CORNELII TACITI

## AB EXCESSU DIVI AUGUSTI

### LIBER II.

1. Sisenna Statilio [Tauro] L. Libone consulibus mota  
5 Orientis regna provinciaeque Romanae, initio apud Parthos  
orto, qui petitum Roma acceptumque regem, quamvis gentis  
Arsacidarum, ut externum aspernabantur. is fuit Vonones,  
obses Augusto datus a Phraate. nam Phraates quamquam  
depulisset exercitus ducesque Romanos, cuncta venerantium  
10 officia ad Augustum verterat partemque prolis firmandae  
amicitiae miserat, haud perindé nostri metu quam fidei po-  
pularium diffusus.

2. Post finem Phraatis et sequentium regum ob internas  
caedes venere in urbem legati a primoribus Parthis, qui Vo-  
15 nonem vetustissimum liberorum eius accirent. magnificum  
id sibi credidit Caesar auxitque opibus. et accepere barbari  
laetantes, ut ferme ad nova imperia. mox subiit pudor: de-  
generavisse Parthos; petitum alio ex orbe regem, hostium  
artibus infectum; iam inter provincias Romanas solium Ar-  
20 sacidarum haberi darique. ubi illam gloriam trucidantium  
Crassum, exturbantium Antonium, si mancipium Caesaris,  
tot per annos servitutem perpassum, Parthis imperitet? ac-  
cendebat dedignantem et ipse diversus a maiorum institutis,  
raro venatu, segni equorum cura; quotiens per urbes ince-  
deret, lecticae gestamine fastuque erga patrias epulas. inri-  
25 debantur et Graeci comites ac vilissima utensilium anulo  
clausa. sed prompti aditus, obvia comitas; ignotae Parthis

---

4 Ab excessu divi augusti. Sisenna *e. q.' s.* | [Tauro] Ritter  
(*an Sisenna delendum?*) 16 accipere (*e in marg. adscripsit m.*  
*posterior*)

virtutes, nova vitia, et quia ipsorum moribus aliena, perinde odium pravis et honestis.

3. Igitur Artabanus, Arsacidarum e sanguine, apud Dahas adultus excitur, primoque congressu fusus reparat vires regnoque potitur. victo Vononi perfugium Armenia fuit, vacua tunc interque Parthorum et Romanas opes infida ob scelus Antonii, qui Artavasden, regem Armeniorum specie amicitiae inlectum, dein catenis oneratum, postremo interfecerat. eius filius Artaxias, memoria patris nobis infensus, Arsacidarum vi seque regnumque tutatus est. occiso Artaxia per dolum propinquorum datus a Caesare Armeniis Tigranes deductusque in regnum a Tiberio Nerone. nec Tigrani diuturnum imperium fuit neque liberis eius, quamquam sociatis more externo in matrimonium regnumque.

4. Dein iussu Augusti inpositus Artavasdes et non sine clade nostra deiectus. tum C. Caesar componendae Armeniae deligitur. is Ariobarzanen, origine Medum, ob insignem corporis formam et praeclarum animum volentibus Armeniis praefecit. Ariobarzane morte fortuita absumpto stirpem eius haud toleravere; temptatoque feminae imperio, cui nomen Erato, eaque brevi pulsa incerti solutique et magis sine domino quam in libertate profugum Vononen in regnum accipiunt. sed ubi minitari Artabanus et parum subsidii in Armeniis, vel, si nostra vi defenderetur, bellum adversus Parthos sumendum erat, rector Syriae Creticus Silanus exitum custodia circumdat, manente luxu et regio nomine. quod ludibrium ut effugere agitaverit Vonones, in loco reddemus.

5. Ceterum Tiberio haud ingratum accidit turbari res Orientis, ut ea specie Germanicum suetis legionibus abstraheret novisque provinciis impositum dolo simul et casibus obiectaret. at ille, quanto acriora in eum studia militum et aversa patrum voluntas, celerandae victoriae intentior, tractare proeliorum vias et quae sibi tertium iam annum belligeranti saeva vel prospera evenissent. fundi Germanos acie

1 moribus *Muretus*: maioribus  
*H. Schmaus*

24 si nos aui

33 vices

et iustis locis, iuvari silvis paludibus, brevi aestate et praematura hieme; suum militem haud perinde vulneribus quam spatiis itinerum, damno armorum affici; fessas Gallias ministrandis equis; longum impedimentorum agmen opportunum ad insidias, defensantibus iniquum. at si mare intretur, promptam ipsis possessionem et hostibus ignotam; simul bellum maturius incipi legionesque et commeatus pariter vehi; integrum equitem equosque per ora et alveos fluminum media in Germania fore.

6. Igitur huc intendit, missis ad census Galliarum P. Vitellio et C. Antio. Silius et Anteius et Caecina fabricandae classi praeposuntur. mille naves sufficere visae properataeque, aliae breves, angusta puppi proraque et lato utero, quo facilius fluctus tolerarent; quaedam planae carinis, ut sine noxa siderent; plures adpositis utrimque gubernaculis, converso ut repente remigio hinc vel illinc adpellerent; multae pontibus stratae, super quas tormenta veherentur, simul aptae ferendis equis aut commeatui: velis habiles, citae remis augebantur alacritate militum in speciem ac terrorem. insula Batavorum in quam convenirent praedicta, ob faciles adpulsus accipiendisque copiis et transmittendum ad bellum opportuna. nam Rhenus uno alveo continuus aut modicas insulas circumveniens apud principium agri Batavi velut in duos amnes dividitur, servatque nomen et violentiam cursus, qua Germaniam praevehitur, donec Oceano misceatur; ad Gallicam ripam latior et placidior adfluens (verso cognomento Vahalem accolae dicunt), mox id quoque vocabulum mutat Mosa flumine eiusque inmenso ore eundem in Oceanum effunditur.

7. Sed Caesar, dum adiguntur naves, Silium legatum cum expedita manu inruptionem in Chattos facere iubet; ipse audito castellum Lupiae flumini adpositum obsideri, sex legiones eo duxit. neque Silio ob subitos imbres aliud actum quam ut modicam praedam et Arpi principis Chattorum con-

---

4 *opportunum, item alias* 11 C. Antio *Ursinus*: cantio | A. (vel T.) Anteius *Ritter*, [et Anteius] *Urlichs* 17 super quos *Ernesti*, super quis *Döderlein*



iugem filiamque raperet, neque Caesari copiam pugnae oppressores fecere, ad famam adventus eius dilapsi. tumultum tamen nuper Varianis legionibus structum et veterem aram Druso sitam disiecerant. restituit aram honorique patris princeps ipse cum legionibus decucurrit; tumultum iterare 5 haud visum. et cuncta inter castellum Alisonem ac Rhenum novis limitibus aggeribusque permunita.

8. Iamque classis advenerat, cum praemisso commeatu et distributis in legiones ac socios navibus fossam, cui Drusianae nomen, ingressus precatusque Drusum patrem, ut se 10 eadem ausum libens placatusque exemplo ac memoria consiliorum atque operum iuaret, lacus inde et Oceanum usque ad Amisiam flumen secunda navigatione pervehitur. classis Amisiae relictæ laevo amne, erratumque in eo, quod non subvexit [transposuit] militem dextras in terras iturum; ita 15 plures dies efficiendis pontibus absumpti. et eques quidem ac legiones prima aestuaria, nondum adcrecente unda, intrepidi transiere; postremum auxiliorum agmen Batavique in parte ea, dum insultant aquis artemque nandi ostentant, turbati et quidam hausti sunt. metanti castra Caesari Angri- 20 variorum defectio a tergo nuntiatur: missus ilico Stertinius cum equite et armatura levi igne et caedibus perfidiam ultus est.

9. Flumen Visurgis Romanos Cheruscosque interfluebat. eius in ripa cum ceteris primoribus Arminius adstitit, quae- 25 sitoque an Caesar venisset, postquam adesse responsum est, ut liceret cum fratre conloqui oravit. erat is in exercitu cognomento Flavus, insignis fide et amisso per vulnus oculo paucis ante annis duce Tiberio. tum permissu\*\* progressusque salutatur ab Arminio; qui amotis stipatoribus, ut sagittarii 30

---

2 facere, *corr. m. post.* 11 ausurum conieci 14 [Amisiae] Nipperdey; Amisiae ore relictæ M. Seyffert *Z. f. d. Gymn.-W.* 1861, 302 15 [transposuit] Ernesti; [subvexit] Nipperdey; subvexit aut transposuit Wurm 20 angriuoriorum (Ampsivariorum Giefers idemque nomen idem posuit c. 22, 6 et Nipperdey c. 24, 15) 29 Nipperdey signum lacunae posuit, hoc fere supplens: tum permissu imperatoris deducitur a Stertinio progressusque etc.

nostra pro ripa dispositi abscederent postulat, et postquam digressi, unde ea deformitas oris interrogat fratrem. illo locum et proelium referente, quodnam praemium recepisset exquirat. Flavus aucta stipendia, torquem et coronam aliaque militaria dona memorat, inidente Arminio vilia servitii pretia.

10. Exin diversi ordiuntur, hic magnitudinem Romanam, opes Caesaris et victis graves poenas, in deditionem venienti paratam clementiam; neque coniugem et filium eius hostiliter haberi: ille fas patriae, libertatem avitam, penetralis Germaniae deos, matrem precum sociam; ne propinquorum et adfinium, denique gentis suae desertor et proditor quam imperator esse mallet. paulatim inde ad iurgia prolapsi quominus pugnam consererent ne flumine quidem interiecto cohibebantur, ni Stertinius adcurrrens plenum irae armaque et equum poscentem Flavum attinuisset. cernebatur contra minitabundus Arminius proeliumque denuntians; nam pleraque Latino sermone interiaciebat, ut qui Romanis in castris ductor popularium meruisset.

20 11. Postero die Germanorum acies trans Visurgim stetit. Caesar nisi pontibus praesidiisque inpositis dare in discrimen legiones haud imperatorium ratus, equitem vado transmittit. praefuere Stertinius et e numero primipilium Aemilius, distantibus locis invecti, ut hostem diducerent. qua celererrimus amnis, Chariovalda dux Batavorum erupit. eum 25 Cherusci fugam simulantes in planitiem saltibus circumiectam traxere; dein coorti et undique effusi trudunt adversos, instant cedentibus collectosque in orbem pars congressi, quidam eminus proturbant. Chariovalda diu sustentata hostium 30 saevitia, hortatus suos ut ingruentes catervas globo perfringerent, atque ipse densissimos inrumpens, congestis telis et suffosso equo labitur, ac multi nobilium circa; ceteros vis sua aut equites cum Stertino Aemilioque subvenientes periculo exemere.

---

23 primiliarium! 24 deducerent, *em. Rhenanus* 30 perfringerent *Bezenberger*: fringerent (*frangerent Lips.*) 31 ipse *Weissenborn*: ipsis (*ipse in vulgo*) | inrumpens *ed. Frobeniana*: inrupens

12. Caesar transgressus Visurgim indicio perfugae cognoscit delectum ab Arminio locum pugnae; convenisse et alias nationes in silvam Herculi sacram, ausurosque nocturnam castrorum oppugnationem. habita indici fides, et cernebantur ignes, suggestisque propius speculatores audiri fremitum equorum immensique et inconditi agminis murmur attulere. igitur propinquo summae rei discrimine explorandos militum animos ratus, quonam id modo incorruptum foret, secum agitabat. tribunos et centuriones laeta saepius quam comperta nuntiare, libertorum servilia ingenia, amicis inesse adulationem; si contio vocetur, illic quoque quae pauci incipiant reliquos adstrepere. penitus noscendas mentes, cum secreti et incustoditi inter militaris cibos spem aut metum proferrent.

13. Nocte coepta egressus augurali per occulta et vigilibus ignara, comite uno, contextus umeros ferina pelle, adit castrorum vias, adsistit tabernaculis fruiturque fama sui, cum hic nobilitatem ducis, decorem alius, plurimi patientiam, comitatem per seria per iocos eundem <in> animum laudibus ferrent reddendamque gratiam in acie faterentur, simul perfidos et ruptores pacis ultioni et gloriae mactandos. inter quae unus hostium, Latinae linguae sciens, acto ad vallum equo voce magna coniuges et agros et stipendii in dies, donec bellaretur, sestertios centenos, si quis transfugisset, Arminii nomine pollicetur. intendit ea contumelia legionum iras: veniret dies, daretur pugna; sumpturum militem Germanorum agros, tracturum coniuges; accipere omen et matrimonia ac pecunias hostium praedae destinare. tertia ferme vigilia adsultatum est castris, sine coniectu teli, postquam crebras pro munimentis cohortes et nihil remissum sensere.

14. Nox eadem laetam Germanico quietem tulit, viditque se operatum et sanguine sacro respersa praetexta pulchriorem aliam manibus aviae Augustae accepisse. auctus omine, addicentibus auspiciis vocat contionem et quae sapientia provisa aptaque imminenti pugnae disserit. non campos

19 in *add. Nipperdey* 31 vidit se *Muretus*; sed cf. *lex. Tac.* p. 1279 a 32 sacri 35 provisa *Jo. Fr. Gronovius*: praevisa

modo militi Romano ad proelium bonos, sed, si ratio adsit, silvas et saltus; nec enim immensa barbarorum scuta, enormis hastas inter truncos arborum et enata humo virgulta perinde haberi quam pila et gladios et haerentia corpori tegmina. denserent ictus, ora mucronibus quaererent: non loricam Germano, non galeam, ne scuta quidem ferro nervove firmata, sed viminum textus vel tenuis et fucatas colore tabulas; primam utcumque aciem hastatam, ceteris praeusta aut brevia tela. iam corpus ut visu torvum et ad brevem impetum validum, sic nulla vulnerum patientia: sine pudore flagitii, sine cura ducum abire, fugere, pavidos adversis, inter secunda non divini, non humani iuris memores. si taedio viarum ac maris finem cupiant, hac acie parari: propiorum iam Albim quam Rhenum, neque bellum ultra, modo se, patris patruique vestigia prementem, isdem in terris victorem sisterent.

15. Orationem ducis secutus militum ardor, signumque pugnae datum. nec Arminius aut ceteri Germanorum proceres omittebant suos quisque testari, hos esse Romanos Variani exercitus fugacissimos, qui ne bellum tolerarent, seditionem induerint; quorum pars onusta vulneribus terga, pars fluctibus et procellis fractos artus infensis rursus hostibus, adversis dis obiciant, nulla boni spe. classem quippe et avia Oceani quaesita, ne quis venientibus occurreret, ne pulsos premeret: sed ubi miscuerint manus, inane victis ventorum remorumve subsidium. meminissent modo avaritiae crudelitatis superbiae: aliud sibi reliquum quam tenere libertatem aut mori ante servitium?

16. Sic accensos et proelium poscentes in campum, cui Idistaviso nomen, deducunt. is medius inter Visurgim et colles, ut ripae fluminis cedunt aut prominentia montium resistunt, inaequaliter sinuatur. pone tergum insurgebat silva, editis in altum ramis et pura humo inter arborum truncos. campum et prima silvarum barbara acies tenuit; soli Cherusci iuga insedere, ut proeliantibus Romanis desuper in-

currerent. noster exercitus sic incessit: auxiliares Galli Germanique in fronte, post quos pedites sagittarii; dein quatuor legiones et cum duabus praetoriis cohortibus ac delecto equite Caesar; exim totidem aliae legiones et levis armatura cum equite sagittario ceteraeque sociorum cohortes. intentus paratusque miles, ut ordo agminis in aciem adsisteret.

17. Visis Cheruscorum catervis, quae per ferociam proruperant, validissimos equitum incurrere latus, Stertinium cum ceteris turmis circumgredi tergaque invadere iubet, ipse in tempore adfuturus. interea pulcherrimum augurium, octo aquilae petere silvas et intrare visae imperatorem advertere. exclamat irent, sequerentur Romanas aves, propria legionum numina. simul pedestris acies infertur et praemissus eques postremos ac latera impulit. mirumque dictu, duo hostium agmina diversa fuga, qui silvam tenuerant, in aperta, qui campis adstiterant, in silvam ruebant. medii inter hos Cherusci collibus detrudebantur, inter quos insignis Arminius manu voce vulnere sustentabat pugnam. incubueratque sagittariis, illa rupturus, ni Raetorum Vindelicorumque et Gallicae cohortes signa obiecissent. nisu tamen corporis et impetu equi pervasit, oblitus faciem suo cruore, ne nosceretur. quidam adgnitum a Chaucis inter auxilia Romana agentibus emissumque tradiderunt. virtus seu fraus eadem Inguiomero effugium dedit. ceteri passim trucidati; et ple-  
rosque tranare Visurgim conantes iniecta tela aut vis fluminis, postremo moles ruentium et incidentes ripae operuere. quidam turpi fuga in summa arborum nisi ramisque se occultantes admotis sagittariis per ludibrium figebantur, alios prorutae arbores adflixere.

18. Magna ea victoria neque cruenta nobis fuit. quinta ab hora diei ad noctem caesi hostes decem milia passuum cadaveribus atque armis opplevere, repertis inter spolia eorum catenis, quas in Romanos ut non dubio eventu porterant. miles in loco proelii Tiberium imperatorem saluta-

9 tergaque. *Lipsius*: tergaue 13 nuina 16 in campis. *Nipperdey* 26 obruere *Ritter*

vit struxitque aggerem et in modum tropaeorum arma subscriptis victarum gentium nominibus imposuit.

19. Haud perinde Germanos vulnera luctus excidia quam ea species dolore et ira adfecit. qui modo abire sedibus, 5 trans Albim concedere parabant, pugnam volunt, arma rapiunt; plebes primores, iuventus senes agmen Romanum repente incursant turbant. postremo deligunt locum flumine et silvis clausum, arta intus planitie et umida; silvas quoque profunda palus ambibat, nisi quod latus unum Angrivarii lato aggere extulerant, quo a Cheruscis dirimerentur. hic 10 pedes adstitit; equitem propinquis lucis texere, ut ingressis silvam legionibus a tergo foret.

20. Nihil ex his Caesari incognitum: consilia locos, prompta occulta noverat astusque hostium in perniciem ipsis vertebat. 15 Seio Tuberoni legato tradit equitem campumque; peditem aciem ita instruxit, ut pars aequo in silvam aditu incederet, pars obiectum aggerem eniteretur; quod arduum sibi, cetera legatis permisit. quibus plana evenerant, facile irrupere; quis inpugnandus agger, ut si murum succederent, 20 gravibus superne ictibus conflictabantur. sensit dux inparem comminus pugnam remotisque paulum legionibus funditores libritoresque excutere tela et proturbare hostem iubet; missae e tormentis hastae, quantoque conspicui magis propugnatores, tanto pluribus vulneribus deiecti. primus Caesar 25 cum praetoriis cohortibus capto vallo dedit impetum in silvas; conlato illic gradu certatum. hostem a tergo palus, Romanos flumen aut montes claudebant: utrisque necessitas in loco, spes in virtute, salus ex victoria.

21. Nec minor Germanis animus, sed genere pugnae et 30 armorum superabantur, cum ingens multitudo artis locis prae longas hastas non protenderet, non colligeret neque adsultibus et velocitate corporum uteretur, coacta stabile ad proelium; contra miles, cui scutum pectori adpressum et insidens capulo manus, latos barbarorum artus, nuda ora foderet viamque strage hostium aperiret, inprompto iam <Ar-

13 his Oberlin: iis 22 libritoresque Beroaldus, cf. XIII 39  
35 Arminio Beroaldus supplevit

minio> ob continua pericula, sive illum recens acceptum vulnus tardaverat. quin et Ingulomerum tota volitantem acie fortuna magis quam virtus deserebat. et Germanicus quo magis agnosceretur, detraxerat tegimen capiti orabatque insisterent caedibus: nil opus captivis, solam internicionem gentis finem bello fore. iamque sero diei subducit ex acie legionem faciendis castris; ceterae ad noctem cruore hostium satiatæ sunt. equites ambigue certavere.

22. Laudatis pro contione victoribus Caesar congeriem armorum struxit, superbo cum titulo: debellatis inter Rhenum Albimque nationibus exercitum Tiberii Caesaris ea monimenta Marti et Iovi et Augusto sacravisse. de se nihil addidit, metu invidiae an ratus conscientiam facti satis esse. mox bellum in Angrivarios Stertinio mandat, ni deditionem properavissent. atque illi supplices nihil abnuendo veniam omnium accipere.

23. Sed aestate iam adulta legionum aliae itinere terrestri in hibernacula remissae, plures Caesar classi impositas per flumen Amisiam Oceano invexit. ac primo placidum aequor mille navium remis strepere aut velis impelli; mox atro nubium globo effusa grando, simul variis undique procellis incerti fluctus prospectum adimere, regimen impedire; milesque pavidus et casuum maris ignarus dum turbat nautas. vel intempestive iuvat, officia prudentium corrumpere. omne dehinc caelum et mare omne in austrum cessit, qui tumidis Germaniae terris, profundis amnibus immenso nubium tractu validus et rigore vicini septentrionis horridior rapuit disiecique naves in aperta Oceani aut insulas saxis abruptis vel per occulta vada infestas. quibus paulum aegreque vitatis, postquam mutabat aestus eodemque quo ventus ferebat, non adhaerere ancoris, non exhaustire inrumpentis undas poterant: equi iumenta sarcinae, etiam arma praecipitantur, quo levarentur alvei manantes per latera et fluctu superurgente.

24. Quanto violentior cetero mari Oceanus et truculen-

11 munimenta, *em. Lipsius* 12 Marti et divo Augusto *O. Hirschfeld* 13 facti *Aldus*: factis 14 Ampsivarios *Giefers* cf. *ad II* 8, 13 17 aegestate 25 umidis *Rhenanus*

tia caeli praestat Germania, tantum illa clades novitate et magnitudine excessit, hostilibus circum litoribus aut ita vasto et profundo, ut credatur novissimum ac sine terris mare. pars navium haustae sunt, plures aput insulas longius sitas  
 5 eiectae; milesque nullo illic hominum cultu fame absumptus, nisi quos corpora equorum eodem elisa toleraverant: sola Germanici triremis Chaucorum terram adpulit; quem per omnes illos dies noctesque aput scopulos et prominentis oras, cum se tanti exitii reum clamitaret, vix cohibuere amici quo  
 10 minus eodem mari oppeteret. tandem relabente aestu et secundante vento claudae naves raro remigio aut intentis vestibus, et quaedam a validioribus tractae revertere; quas raptim refectas misit, ut scrutarentur insulas. collecti ea cura plerique; multos Angrivarii nuper in fidem accepti red-  
 15 emptos ab interioribus reddidere; quidam in Britanniam rapti et remissi a regulis. ut quis ex longinquo venerat, miracula narrabant: vim turbinum et inauditas volucres, monstra maris, ambiguas hominum et beluarum formas, visa sive ex metu credita.

25. Sed fama classis amissae ut Germanos ad spem belli, ita Caesarem ad coercendum erexit. C. Silio cum triginta peditum, tribus equitum milibus ire in Chattos imperat; ipse maioribus copiis Marsos inrumpit, quorum dux Mallovendus nuper in deditionem acceptus propinquo luco defossam Va-  
 25 rianae legionis aquilam modico praesidio servari indicat. missa extemplo manus, quae hostem a fronte eliceret, alii, qui terga circumgressi recluderent humum; et utrisque adfuit fortuna. eo promptior Caesar pergit introrsus, populatur, excindit non ausum congrredi hostem aut, sicubi resti-  
 30 terat, statim pulsum nec umquam magis, ut ex captivis cognitum est, paventem. quippe invictos et nullis casibus superabiles Romanos praedicabant, qui perdita classe, amissis armis, post constrata equorum virorumque corporibus litora eadem virtute, pari ferocia et velut aucti numero inrupissent.

3 mari *Jo. Fr. Gronovius* 14 Ampsivarii *Nipperdey*; cf. ad II 8, 13 15 ulterioribus *E. Wolff* 24 luco *Lipsius*; loco 25 indicarat *malebat Halm*



26. Reductus inde in hiberna miles, laetus animi, quod adversa maris expeditione prospera pensavisset. addidit munificentiam Caesar, quantum quis damni professus erat, exsolvendo. nec dubium habebatur labare hostes petendaeque pacis consilia sumere, et si proxima aestas adiceretur, posse bellum patrari. sed crebris epistulis Tiberius monebat rediret ad decretum triumphum: satis iam eventuum, satis casuum. prospera illi et magna proelia: eorum quoque meminisset, quae venti et fluctus, nulla ducis culpa, gravia tamen et saeva damna, intulissent. se novies a divo Augusto in Germaniam missum plura consilio quam vi perfecisse. sic Sugambros in deditionem acceptos, sic Suebos regemque Maroboduum pace obstrictum. posse et Cheruscos ceterasque rebellium gentes, quoniam Romanae ultioni consultum esset, internis discordiis relinqui. precante Germanico annum efficiendis coeptis, acrius modestiam eius adgreditur alterum consulatum offerendo, cuius munia praesens obiret. simul adnectebat, si foret adhuc bellandum, relinqueret materiem Drusi fratris gloriae, qui nullo tum alio hoste non nisi apud Germanias adsequi nomen imperatorium et deportare lauream posset. haud cunctatus est ultra Germanicus, quamquam fingi ea seque per invidiam parto iam decori abstrahi intellexeret.

27. Sub idem tempus e familia Scriboniorum Libo Drusus defertur moliri res novas. eius negotii initium ordinem finem curatius disseram, quia tum primum reperta sunt quae per tot annos rem publicam exedere. Firmius Catus senator, ex intima Libonis amicitia, iuvenem improvidum et facilem inanibus ad Chaldaeorum promissa, magorum sacra, somniorum etiam interpretes impulit, dum proavum Pompeium, amitam Scriboniam, quae quondam Augusti coniunx fuerat, consobrinos Caesares, plenam imaginibus domum ostentat hortaturque ad luxum et aes alienum, socius libidinum et necessitatum, quo pluribus indiciiis inligaret.

---

1 hiona 14 esset *Muretus*: est (sit *Otto*). 26 dum 32 consobrinos Caesares *Rhenanus*: consobrinus caesaris

28. Ut satis testium et qui servi eadem noscerent reperit, aditum ad principem postulat, demonstrato crimine et reo per Flaccum Vescularium equitem Romanum, cui propior cum Tiberio usus erat. Caesar indicium haud asper-  
 5 natus congressus abnuat: posse enim eodem Flacco internuntio sermones commeari. atque interim Libonem ornat praetura, convictibus adhibet, non vultu alienatus, non verbis commotior. (adeo iram condiderat); cunctaque eius dicta factaque, cum prohibere posset, scire malebat, donec Iunius  
 10 quidam, temptatus ut infernas umbras carminibus eliceret, ad Fulcinium Trionem indicium detulit. celebre inter accusatores Trionis ingenium erat avidumque famae malae: statim corripit reum, adit consules, cognitionem senatus poscit. et vocantur patres, addito consultandum super re  
 15 magna et atroci.

29. Libo interim veste mutata cum primoribus feminis circumire domos, orare adfines, vocem adversum pericula poscere, abnuentibus cunctis, cum diversa praetenderent, eadem formidine. die senatus metu et aegritudine fessus,  
 20 sive, ut tradidere quidam, simulato morbo, lectica delatus ad fores curiae innisusque fratri et manus ac supplices voces ad Tiberium tendens immoto eius vultu excipitur. mox libellos et auctores recitat Caesar ita moderans, ne lenire neve asperare crimina videretur.

25 30. Accesserant praeter Trionem et Catum accusatores Fonteius Agrippa et C. Vibius, certabantque cui ius perorandi in reum daretur, donec Vibius, quia nec ipsi inter se concederent et Libo sine patrono introisset, singillatim se crimina obiecturum professus, protulit libellos vaecordes  
 30 adeo, ut consultaverit Libo, an habiturus foret opes, quis viam Appiam Brundisium usque pecunia operiret. inerant et alia huiusce modi, stolidi vana, si mollius acciperes, miseranda; uno tamen libello manu Libonis nominibus Caesarum aut senatorum additas atroces vel occultas notas accusator

---

6 sermones *Rhenanus*: sermone (sermonem *Ritter*, at cf. *H. II* 99 ministro sermonum *Rubrio*) 26 et 27 Vibius *Gruterus*: Iulius cf. *IV* 28 33 uno *Kritz*: uni, quod tuetur *Becher*.

arguebat. negante reo adgnoscentes servos per tormenta interrogari placuit; et quia vetere senatus consulto quaestio in caput domini prohibebatur, callidus et novi iuris repertor Tiberius mancipari singulos actori publico iubet, scilicet ut in Libonem ex servis salvo senatus consulto quaereretur. 5 ob quae posterum diem reus petivit domumque digressus extremas preces P. Quirinio propinquo suo ad principem mandavit.

31. Responsum est ut senatum rogaret. cingebatur interim milite domus, strepebant etiam in vestibulo, ut audiri, 10 ut aspi-ci possent, cum Libo ipsis quas in novissimam voluptatem adhibuerat epulis excruciatu-s vocare percussorem, prensare servorum dextras, inserere gladium. atque illis, dum trepidant, dum refugiunt, evertentibus adpositum <cum> mensa lumen, feralibus iam sibi tenebris duos ictus in vi- 15 scera derexit. ad gemitum conlabentis adcurrere liberti, et caede visa miles abstinit. accusatio tamen apud patres adseveratione eadem peracta, iuravitque Tiberius petiturum se vitam quamvis nocenti, nisi voluntariam mortem pro-peravisset. 20

32. Bona inter accusatores dividuntur, et praeturae extra ordinem datae iis qui senatorii ordinis erant. tunc Cotta Messalinus, ne imago Libonis exsequias posterorum comi-taretur, censuit, Cn. Lentulus, ne quis Scribonius cognomen-tum Drusi adsumeret; supplicationum dies Pomponii 25 Flacci sententia constituti; dona Iovi Marti Concordiae, ut-que iduum Septembrium dies, quo se Libo interfecerat, dies festus haberetur, L. Piso et Gallus Asinius et Papius Mutilus et L. Apronius decrevere; quorum auctoritates adulationesque rettuli, ut sciretur velus id in re publica malum. 30 facta et de mathematicis magisque Italia pellendis senatus

2 interrogare, *em. Lipsius* 11 possint, *em. Rhen.* 12 ex-suscitatus *Cornelissen*, excitus *Novák*, excitatus *ego* 14 cum *add. Ritter in edit. Cantabrig.*, in *Grossetius*; *codicis scripturam tuetur Joh. Mueller* 17 abstinit *Lipsius*: adstitit 22 iis *Bekker*: his 26 constituti *Freinsheim*: constituti ut (constituti et *Mu-retus*) 28 Piso *Jo. Fr. Gronovius*: p

consulta; quorum e numero L. Pituanus saxo deiectus est, in P. Marcium consules extra portam Esquilinam, cum classicum canere iussissent, more prisco advertere.

33. Proximo senatus die multa in luxum civitatis dicta  
 5 a Q. Haterio consulari, Octavio Frontone praetura functo; decretumque ne vasa auro solida ministrandis cibis fierent, ne vestis Serica viros foedaret. excessit Fronto ac postulavit modum argento supellectili familiae: erat quippe adhuc frequens senatoribus, si quid e re publica crederent, loco  
 10 sententiae promere. contra Gallus Asinius disseruit: auctu imperii adolevisse etiam privatas opes, idque non novum, sed e vetustissimis moribus: aliam apud Fabricios, aliam apud Scipiones pecuniam; et cuncta ad rem publicam referri, qua tenui angustas civium domos, postquam eo magni-  
 15 ficientiae venerit, gliscere singulos. neque in familia et argento quaeque ad usum parentur nimium aliquid aut modicum nisi ex fortuna possidentis. distinctos senatus et equitum census, non quia diversi natura, sed, ut locis ordinibus dignationibus antissent, ita iis, quae ad requiem  
 20 animi aut salubritatem corporum parentur, nisi forte clarissimo cuique plures curas, maiora pericula subeunda, delenimentis curarum et periculorum carendum esse. facilem ad sensum Gallo sub nominibus honestis confessio vitiorum et similitudo audientium dedit. adiecerat et Tiberius non  
 25 id tempus censurae, nec, si quid in moribus labaret, de futurum corrigendi auctorem.

34. Inter quae L. Piso ambitum fori, corrupta iudicia, saevitiam oratorum accusationes minitantium increpans abire se et cedere urbe, victurum in aliquo abdito et longinquo  
 30 rure testabatur; simul curiam relinquebat. commotus est Tiberius, et quamquam mitibus verbis Pisonem permulsisset, propinquos quoque eius impulit ut abeuntem auctoritate vel

---

7 sirica, *em. Rhen.* 8 [erat . . . promere] *Nipperdey* 18 ut sicut locis *Urlichs*, ut et locis . . . antissent et aliis quae *Walther*, ut, qui l. o. dignationibus, antissent et aliis *Nipp.*, cf. *W. Clemm N. Mus. rhen.* 33, 318 19 ita iis *Ruperti*: Talis (et aliis *Grotius*, ita aliis *Pichena*) 27 L. ipso ambitum fore

precibus tenerent. haud minus liberi doloris documentum idem Piso mox dedit vocata in ius Urgulania, quam supra leges amicitia Augustae extulerat. nec aut Urgulania obtemperavit, in domum Caesaris spreto Pisone vecta, aut ille accessit, quamquam Augusta se violari et imminui quereretur. 5 Tiberius hactenus indulgere matri civile ratus, ut se iturum ad praetoris tribunal, adfuturum Urgulaniae diceret, processit Palatio, procul sequi iussis militibus. spectabatur occurrente populo compositus ore et sermonibus variis tempus atque iter ducens, donec propinquis Pisonem frustra coërcentibus deferri Augusta pecuniam, quae petebatur, iuberet. isque finis rei, ex qua neque Piso inglorius et Caesar maiore fama fuit. ceterum Urgulaniae potentia adeo nimia civitati erat, ut testis in causa quadam, quae aput senatum tractabatur, venire dedignaretur: missus est praetor, qui domi 15 interrogaret, cum virgines Vestales in foro et iudicio audiri, quotiens testimonium dicerent, vetus mos fuerit.

35. Res eo anno prolatas haud referrem, ni pretium foret Cn. Pisonis et Asinii Galli super eo negotio diversas sententias noscere. Piso, quamquam afuturum se dixerat Caesar, ob id magis agendas censebat, ut absente principe senatum et equites posse sua munia sustinere decorum rei publicae foret. Gallus, quia speciem libertatis Piso praeceperat, nihil satis inlustre aut ex dignitate populi Romani nisi coram et sub oculis Caesaris, eoque conventum Italiae 25 et adfluentis provincias praesentiae eius servanda dicebat. audiente haec Tiberio ac silente magnis utrimque contentionibus acta, sed res dilatae.

36. Et certamen Gallo adversus Caesarem exortum est. nam censuit in quinquennium magistratuum comitia habenda, 30 utque legionum legati, qui ante praeturam ea militia fungebantur, iam tum praetores destinarentur, princeps duodecim candidatos in annos singulos nominaret. haud dubium erat eam sententiam altius penetrare et arcana imperii temptari;

4 illi | abscissit, *em. Jac. Gron.* (abstulit alii) 21 ut] quod Weissenborn, et . . fore *Jac. Gronovius* 25 Italiae et] italia et ei 32 dum (t superscr. m. posterior)

Tiberius tamen, quasi augeretur potestas eius, disseruit: grave moderationi suae tot eligere, tot differre. vix per singulos annos offensiones vitari, quamvis repulsam propinqua spes soletur: quantum odii fore ab iis, qui ultra quinquennium proiciantur! unde prospici posse quae cuique tam longo temporis spatio mens domus fortuna? superbire homines etiam annua designatione: quid si honorem per quinquennium agitent? quinquuplicari prorsus magistratus, subverti leges, quae sua spatia exercendae candidatorum industriae quaerendisque aut potiundis honoribus statuerint. favorabili in speciem oratione vim imperii tenuit.

37. Censusque quorundam senatorum iuvit. quo magis mirum fuit, quod preces Marci Hortali, nobilis iuvenis, in paupertate manifesta superbius accepisset. nepos erat oratoris Hortensii, inlectus a divo Augusto liberalitate decies sestertii ducere uxorem, suscipere liberos, ne clarissima familia extingueretur. igitur quattuor filiis ante limen curiae adstantibus, loco sententiae, cum in Palatio senatus haberetur, modo Hortensii inter oratores sitam imaginem, modo Augusti intuens ad hunc modum coepit: 'patres conscripti, hos, quorum numerum et pueritiam videtis, non sponte sustuli, sed quia princeps monebat; simul maiores mei meruerant ut posteros haberent. nam ego, qui non pecuniam, non studia populi neque eloquentiam, gentile domus nostrae bonum, varietate temporum accipere vel parare potuissem, satis habebam, si tenues res meae nec mihi pudori nec cuiquam oneri forent. iussus ab imperatore uxorem duxi. en stirps et progenies tot consulum, tot dictatorum. nec ad invidiam ista, sed conciliandae misericordiae refero. adsequentur florente te, Caesar, quos dederis honores: interim Q. Hortensii pronepotes, divi Augusti alumnos ab inopia defende.'

38. Inclinatio senatus incitamentum Tiberio fuit quo promptius adversaretur, his ferme verbis usus: 'si quantum pauperum est venire huc et liberis suis petere pecunias coeperint,

7 honorem *Lipsius*: honorum    8 quintuplicari *Lipsius*  
12 quo *Rhenanus*: quod, cf. IV 31, 4

singuli numquam exsatiabuntur, res publica deficiet. nec sane ideo a maioribus concessum est egredi aliquando relationem et quod in commune conducat loco sententiae proferre, ut privata negotia et res familiares nostras hic augeamus cum invidia senatus et principum, sive indulserint largitionem sive abnuerint. non enim preces sunt istud, sed efflagitatio, intempestiva quidem et improvisa, cum aliis de rebus convenerint patres, consurgere et numero atque aetate liberum suorum urgere modestiam senatus, eandem vim in me transmittere ac velut perfringere aerarium, quod si ambitione exhauserimus, per scelera supplendum erit. dedit tibi, Hortale, divus Augustus pecuniam, sed non compellatus nec ea lege, ut semper daretur. languescet alioqui industria, intendetur socordia, si nullus ex se metus aut spes, et securi omnes aliena subsidia expectabunt, sibi ignavi, nobis graves.' haec atque talia, quamquam cum adsensu audita ab iis, quibus omnia principum, honesta atque inhonesta, laudare mos est, plures per silentium aut occultum murmur excepere. sensitque Tiberius; et cum paulum reticuisset, Hortalo se respondisse ait; ceterum si patribus videretur, daturum liberis eius ducena sestertia singulis, qui sexus virilis essent. egere alii grates: siluit Hortalus, pavore an avitae nobilitatis etiam inter angustias fortunae retinens. neque miseratus est posthac Tiberius, quamvis domus Hortensii pudendam ad inopiam delaberetur.

39. Eodem anno mancipii unius audacia, ni mature subventum foret, discordiis armisque civilibus rem publicam perculisset. Postumi Agrippae servus, nomine Clemens, comperto fine Augusti pergere in insulam Planasiam et fraude aut vi raptum Agrippam ferre ad exercitus Germanicos non servili animo concepit. ausa eius inpedivit tarditas onerariae navis; atque interim patrata caede ad maiora et magis praecipitia conversus furatur cineres vectusque Cosam Etruriae

9 transmittere] transme rei 17 honesta] ad neta 28 post haec Wölfflin 25 delaberetur Ernesti: dilabaretur 1 m., dilaberetur m. post. 32 patrata Rhenanus: parata 33 Cosam Lipsius: coram an cosam, incertum

promunturium ignotis locis sese abdit, donec crinem barbamque promitteret; nam aetate et forma haut dissimili in dominum erat. tum per idoneos et secreti eius socios crebrescit vivere Agrippam, occultis primum sermonibus, ut  
 5 vetita solent, mox vago rumore apud inperitissimi cuiusque promptas aures aut rursum apud turbidos eoque nova cupientes. atque ipse adire municipia obscuro diei, neque propalam aspici neque diutius isdem locis, sed quia veritas visu et mora, falsa festinatione et incertis valescunt, relinquebat  
 10 famam aut praeveniebat.

40. Vulgabatur interim per Italiam servatum munere deum Agrippam, credebatur Romae; iamque Ostiam invectum multitudo ingens, iam in urbe clandestini coetus celebrabant, cum Tiberium anceps cura distrahere, vine militum servum  
 15 suum coërceret an inanem credulitatem tempore ipso vane-scere sineret; modo nihil spernendum, modo non omnia metuenda ambiguus pudoris ac metus reputabat. postremo dat negotium Sallustio Crispo. ille e clientibus duos (quidam milites fuisse tradunt) deligit atque hortatur, simulata con-  
 20 scientia adeant, offerant pecuniam, fidem atque pericula polliceantur. exsequuntur ut iussum erat; dein speculati noctem incustoditam, accepta idonea manu, vinctum clauso ore in Palatium traxere. percunctanti Tiberio, quo modo Agrippa factus esset, respondisse fertur 'quo modo tu Caesar.' ut  
 25 ederet socios subigi non potuit. nec Tiberius poenam eius palam ausus, in secreta Palatii parte interfici iussit corpusque clam auferri. et quamquam multi e domo principis equitesque ac senatores sustentasse opibus, iuvisse consiliis dice-rentur, haud quaesitum.

30 41. Fine anni arcus propter aedem Saturni ob recepta signa cum Varo amissa ductu Germanici, auspiciis Tiberii, et aedes Fortis Fortunae Tiberim iuxta in hortis, quos Caesar dictator populo Romano legaverat, sacrarium genti Iuliae effigiesque divo Augusto apud Bovillas dicantur.

---

18 catus 15 suum *del. Muretus* 19 diligit 1 m. 28 quonam modo *Wölfflin (Philol. 30, 744)* 30 saturnio praecepta



C. Caelio L. Pomponio consulibus Germanicus Caesar a. d. VII. Kal. Iunias triumphavit de Cheruscis Chattisque et Angriuariis quaeque aliae nationes usque ad Albim colunt. vecta spolia, captivi, simulacra montium fluminum proeliorum; bellumque, quia conficere prohibitus erat, pro confecto accipiebatur. augebat intuentium visus eximia ipsius species currusque quinque liberis onustus. sed suberat occulta formido, reputantibus haud prosperum in Druso patre eius favorem vulgi, avunculum eiusdem Marcellum flagrantibus plebis studiis intra iuventam ereptum, breves et infaustos populi Romani amores.

42. Ceterum Tiberius nomine Germanici trecenos plebi sestertios viritim dedit seque collegam consulatui eius destinavit. nec ideo sincerae caritatis fidem adsecutus amoliri iuvenem specie honoris statuit struxitque causas aut forte oblatas arripuit. rex Archelaus quinquagesimum annum Cappadocia potiebatur, invisus Tiberio, quod eum Rhodi agentem nullo officio coluisset. nec id Archelaus per superbiam omiserat, sed ab intimis Augusti monitus, quia florente C. Caesare missoque ad res Orientis intuta Tiberii amicitia credebatur. ut versa Caesarum subole imperium adeptus est, elicit Archelaum matris litteris, quae non dissimulatis filii offensionibus clementiam offerebat, si ad precandum veniret. ille ignarus doli vel, si intellegere crederetur, vim metuens in urbem properat; exceptusque immiti a principe et mox accusatus in senatu, non ob crimina quae fingebantur, set angore, simul fessus senio, et quia regibus aequa, nedum infima insolita sunt, finem vitae sponte an fato implevit. regnum in provinciam redactum est, fructibusque eius levari posse centesimae vectigal professus Caesar ducentesimam in posterum statuit. per idem tempus Antiocho Commagenorum, Philopatore Cilicum regibus defunctis turbabantur nationes, plerisque Romanum, aliis regum imperium cupienti-

---

1 Caecilio *Vertranius*, cf. *Nipp. adnot.* | a. d. *Lipsius*: ad  
 23 ad deprecandum *Haase*      24 ignarus *Rhenanus*: gnarus  
 27 nudum

bus; et provinciae Syria atque Iudaea fessae oneribus diminutionem tributi orabant.

43. Igitur haec et de Armenia quae supra memoravi apud patres disseruit, nec posse motum Orientem nisi Germanici sapientia conponi; nam suam aetatem vergere, Drusi nondum satis adolevisse. tunc decreto patrum permissae Germanico provinciae, quae mari dividuntur, maiusque imperium quoquo adisset, quam iis, qui sorte aut missu principis obtinerent. sed Tiberius demoverat Syria Creticum Silanum, per adfinitatem conexum Germanico, quia Silani filia Neroni vetustissimo liberorum eius pacta erat, praefeceratque Cn. Pisonem, ingenio violentum et obsequii ignarum, insita ferocia a patre Pisone, qui civili bello resurgentes in Africa partes acerrimo ministerio adversus Caesarem iuvit, 15 mox Brutum et Cassium secutus concesso reditu petitione honorum abstinuit, donec ultro ambiretur delatum ab Augusto consulatum accipere. sed praeter paternos spiritus uxoris quoque Plancinae nobilitate et opibus accendebatur; vix Tiberio concedere, liberos eius ut multum infra despectare. nec dubium habebat se delectum, qui Syriae imponeretur, ad spes Germanici coercendas. credidere quidam data et a Tiberio occulta mandata; et Plancinam haud dubie Augusta monuit aemulatione muliebri Agrippinam insectandi. 25 divisa namque et discors aula erat tacitis in Drusum aut Germanicum studiis. Tiberius ut proprium et sui sanguinis Drusum fovebat; Germanico alienatio patrum amorem apud ceteros auxerat, et quia claritudine materni generis anteibat, avum M. Antonium, avunculum Augustum ferens. contra Druso proavus eques Romanus Pomponius Atticus dedecere Claudiorum imagines videbatur. et coniunx Germanici Agrippina fecunditate ac fama Liviam uxorem Drusi praecelebat. sed fratres egregie concordēs et proximorum certaminibus in- 30 concussi.

44. Nec multo post Drusus in Illyricum missus est, ut suesceret militiae studiaque exercitus pararet; simul iuve-

nem urbano luxu lascivientem melius in castris haberi Tiberius seque tutiorem rebatur utroque filio legiones obtinente. sed Suebi praetendebantur auxilium adversus Cheruscos orantes. nam discessu Romanorum ac vacui externo metu gentis adsuétude et tum aemulatione gloriae arma in se verterant. 5 vis nationum, virtus ducum in aequo; set Maroboduum regis nomen invisum apud populares, Arminium pro libertate bellantem favor habebat.

45. Igitur non modo Cherusci sociique eorum, vetus Arminii miles, sumpserunt bellum, sed e regno etiam Marobodui 10 Suebae gentes, Semnones ac Langobardi, defecere ad eum. quibus additis praepollebat, ni Inguiomerus cum manu clientium ad Maroboduum perfugisset, non aliam ob causam, quam quia fratris filio iuveni patruus senex parere dedignabatur. deriguntur acies, pari utrimque spe, nec, ut olim apud Ger- 15 manos, vagis incursibus aut disiectas per catervas: quippe longa adversum nos militia insueverant sequi signa, subsidiis firmari, dicta imperatorum accipere. ac tunc Arminius equo conlustrans cuncta, ut quosque advectus erat, recipere- ratam libertatem, trucidatas legiones, spolia adhuc et tela 20 Romanis derepta in manibus multorum ostentabat; contra fugacem Maroboduum appellans, proeliorum expertem, Hercyniae latebris defensum, ac mox per dona et legationes petivisse foedus, proditorem patriae, satellitem Caesaris, haud minus infensis animis exturbandum, quam Varum Quinti- 25 lium interfecerint. meminissent modo tot proeliorum, quorum eventu et ad postremum electis Romanis satis probatum, penes utros summa belli fuerit.

46. Neque Maroboduus iactantia sui aut probris in hostem abstinebat, sed Inguiomerum tenens illo in corpore 30 decus omne Cheruscorum, illius consiliis gesta quae prospere ceciderint testabatur. vaecordem Arminium et rerum nescium alienam gloriam in se trahere, quoniam tres vagas legiones et ducem fraudis ignarum perfidia deceperit, magna

4 [ac] Orelli 5 et Ernestio suspectum erat, at est et tum nostrum und damals noch, ut III 18, 6. IV 28, 4. XI 12, 4 etc.

33 vagas Draeger: uacuas

TACITI PARS I ed. Andresen

cum clade Germaniae et ignominia sua, cum coniunx, cum filius eius servitium adhuc tolerent. at se duodecim legionibus petitem duce Tiberio inlibatam Germanorum gloriam servavisse, mox condicionibus aequis discessum; neque paenitere quod ipsorum in manu sit, integrum adversum Romanos bellum an pacem incruentam malint. his vocibus instinctos exercitus propriae quoque causae stimulabant, cum a Cheruscis Langobardisque pro antiquo decore aut recenti libertate et contra augendae dominationi certaretur. non  
 10 alias maiore mole concursum neque ambiguo magis eventu, fuis utrimque dextris cornibus; sperabaturque rursum pugna, ni Maroboduus castra in colles subduxisset. id signum percussus fuit; et transfugiis paulatim nudatus in Marcomanos concessit misitque legatos ad Tiberium oraturos auxilia.  
 15 responsum est non iure eum adversus Cheruscos arma Romana invocare, qui pugnantis in eundem hostem Romanos nulla ope iuvisset. missus tamen Drusus, ut rettulimus, paci firmator.

47. Eodem anno duodecim celebres Asiae urbes conlapsae  
 20 nocturno motu terrae, quo improvisior graviorque pestis fuit. neque solitum in tali casu effugium subveniebat in aperta prorumpendi, quia diductis terris hauriebantur. sedisse imensos montes, visa in arduo quae plana fuerint, effulsisse inter ruinam ignes memorant. asperrima in Sardianos lues  
 25 plurimum in eosdem misericordiae traxit: nam centies sestertium pollicitus Caesar, et quantum aerario aut fisco pendebant, in quinquennium remisit. Magnetes a Siplylo proximi damno ac remedio habiti. Temnios, Philadelphenos, Aegatas, Apollonidenses, quique Mosteni aut Macedones Hyrcani  
 30 vocantur, et Hierocaesariam, Myrinam, Cymen, Tmolium levare idem in tempus tributis mittique ex senatu placuit, qui

---

8 recente, *em. Lips.* 18 marcomannos, *sed II 62, 6 marcomanorum, ut codd. Germ. 42 et monum. Ancyrr. tab. 6, 3 (p. LXXXII ed. Momms.), Stat. Silv. 3, 3, 170 quae modo Marcomanos post horrida bella vagosque etc.* 22 deductis 23 enisa in arduum *Heinsius* 29 Apollonidenses *Ernesti*: apollonienses [aut] et qui *Freinsheim, at v. ad I 16, 6*

praesentia spectaret refoveretque. delectus est M. Ateius e praetoriis, ne consulari obtinente Asiam aemulatio inter pares et ex eo impedimentum oreretur.

48. Magnificam in publicum largitionem auxit Caesar haud minus grata liberalitate, quod bona Aemiliae Musae, locupletis intestatae, petita in fiscum, Aemilio Lepido, cuius e domo videbatur, et Pantulei divitis equitis Romani hereditatem, quamquam ipse heres in parte legeretur, tradidit M. Servilio, quem prioribus neque suspectis tabulis scriptum compererat, nobilitatem utriusque pecunia iuvandam praefatus. neque hereditatem cuiusquam adiit nisi cum amicitia meruisset; ignotos et aliis infensos eoque principem nuncupantes procul arcebat. ceterum ut honestam innocentium paupertatem levavit, ita prodigos et ob flagitia egentes, Vibidium Virronem, Marium Nepotem, Appium Appianum, Cornelium Sullam, Q. Vitellium movit senatu aut sponte cedere passus est.

49. Isdem temporibus deum aedes vetustate aut igni abolitas coeptasque ab Augusto dedicavit, Libero Liberaeque et Cereri iuxta circum maximum, quam A. Postumius dictator voverat, eodemque in loco aedem Florae ab Lucio et Marco Publiciis aedilibus constitutam, et Iano templum, quod aput forum holitorium C. Duilius struxerat, qui primus rem Romanam prospere mari gessit triumphumque navalem de Poenis meruit. Spei aedes a Germanico sacratur: hanc A. Atilius voverat eodem bello.

50. Adolescebat interea lex maiestatis. et Appuleiam Varrillam, sororis Augusti neptem, quia probrosis sermonibus divum Augustum ac Tiberium et matrem eius inlusisset Caesarique conexa adulterio teneretur, maiestatis delator arcessebat. de adulterio satis caveri lege Iulia visum; maiestatis crimen distinguere Caesar postulavit damnarique, si qua de Augusto inreligiose dixisset; in se iacta nolle ad

1 Ateius *Mommsen*: aletus (*Aletius Orelli*) 3 oreretur, *sed* i *superscr. eadem m.* 15 Virronem *Nipperdey*: uarronem, *cf. Nipp. ad XI 32* 20 quam *Lipsius*: quas 23 dullius 25 a] in | A. Atilius *Nipperdey*: iatillius 27 uariliam, *em. Furlanetto*

cognitionem vocari. interrogatus a consule, quid de iis censeret, quae de matre eius locuta secus argueretur, reticuit; dein proximo senatus die illius quoque nomine oravit, ne cui verba in eam quoquo modo habita crimini forent. liberavitque Appuleiam lege maiestatis: adulterii graviolem poenam deprecatus, ut exemplo maiorum propinquis suis ultra ducentessim lapidem removeretur suavit. adultero Manlio Italia atque Africa interdictum est.

51. De praetore in locum Vipstani Galli, quem mors abstulerat, subrogando certamen incessit. Germanicus atque Drusus (nam etiam tum Romae erant) Haterium Agrippam propinquum Germanici fovebant: contra plerique nitebantur, ut numerus liberorum in candidatis praepolleret, quod lex iubebat. laetabatur Tiberius, cum inter filios eius et leges senatus disceptaret. victa est sine dubio lex, sed neque statim et paucis suffragiis, quo modo etiam cum valerent, leges vincebantur.

52. Eodem anno coeptum in Africa bellum, duce hostium Tacfarinate. is natione Numida, in castris Romanis auxilia stipendia meritis, mox desertor, vagos primum et latrociniiis suetos ad praedam et raptus congregare, dein more militiae per vexilla et turmas componere, postremo non inconditae turbae, sed Musulamiorum dux haberi. valida ea gens et solitudinibus Africae propinqua, nullo etiam tum urbium cultu, cepit arma Maurosque accolae in bellum traxit. dux et his, Mazippa. divisusque exercitus, ut Tacfarinas lectos viros et Romanum in modum armatos castris attineret, disciplina et imperiis suesceret, Mazippa levi cum copia incendia et caedes et terrorem circumferret. compulerantque Cinithios, haud spernendam nationem, in eadem, cum Furius Camillus pro consule Africae legionem et quod sub signis sociorum in unum conductos ad hostem duxit, modicam manum, si multitudinem Numidarum atque Maurorum spectares; sed nihil aeque cavebatur quam ne bellum metu eluderent. spe victo-

---

7 removenda traderetur *conieci*    19 auxiliaris *Lipsius*  
 23 Musulamiorum *Bekker*: musula maiorum | ualide agens  
 27 disciplinae *Pichena*    29 cinthios

rae inducti sunt ut iungerentur. igitur legio medio, leves cohortes duaeque alae in cornibus locantur. nec Tacfarinas pugnam detrectavit. fusi Numidae, multosque post annos Furio nomini partum decus militiae. nam post illum recipiatorem urbis filiumque eius Camillum penes alias familias 5 imperatoria laus fuerat, atque hic, quem memoramus, bellorum expers habebatur. eo pronior Tiberius res gestas apud senatum celebravit; et decrevere patres triumphalia insignia, quod Camillo ob modestiam vitae impune fuit.

53. Sequens annus Tiberium tertium, Germanicum iterum 10 consules habuit. sed eum honorem Germanicus iniit apud urbem Achaiae Nicopolim, quo venerat per Illyricam oram viso fratre Druso in Delmatia agente, Hadriatici ac mox Ionii maris adversam navigationem perpessus. igitur paucos dies insumpsit reficiendae classi; simul sinus Actiaca victoria 15 inclutos et sacratas ab Augusto manubias castraque Antonii cum recordatione maiorum suorum adiit. namque ei, ut memoravi, avunculus Augustus, avus Antonius erant, magnaeque illic imago tristium laetorumque. hinc ventum Athenas, foederique sociae et vetustae urbis datum, ut uno lictore 20 uteretur. excepere Graeci quaesitissimis honoribus, vetera suorum facta dictaque praeferentes, quo plus dignationis adulatio haberet.

54. Petita inde Euboea transmisit Lesbum, ubi Agrippina novissimo partu Iuliam edidit. tum extrema Asiae Perin- 25 thumque ac Byzantium, Thracias urbes, mox Propontidis angustias et os Ponticum intrat, cupidine veteres locos et fama celebratos noscendi; pariterque provincias internis certaminibus aut magistratuum iniuriis fessas refovebat. atque illum in regressu sacra Samothracum visere nitentem obvii 30 aquilones depulere. igitur adito Illo quaeque ibi varietate fortunae et nostri origine veneranda, relegit Asiam adpellitque Colophona, ut Clarii Apollinis oraculo uteretur. non femina illic, ut apud Delphos, sed certis e familiis et ferme

1 iungerentur *ego*: vincerentur 10 tertium *Nipperdey*: tertio  
21 excipere 31 adito Illo *Sev. Vater*: alio

Mileto accitus sacerdos numerum modo consultantium et nomina audit; tum in specum degressus, hausta fontis arcani aqua, ignarus plerumque litterarum et carminum edit responsa versibus compositis super rebus, quas quis mente  
 5 concepit. et ferebatur Germanico per ambages, ut mos oraculis, maturum exitum cecinisse.

55. At Cn. Piso quo properantius destinata inciperet, civitatem Atheniensium turbido incessu exterritam oratione saeva increpat, oblique Germanicum perstringens, quod contra decus Romani nominis non Athenienses tot cladibus  
 10 extinetos, sed conluviem illam nationum comitate nimia coluisset: hos enim esse Mithridatis adversus Sullam, Antonii adversus divum Augustum socios. etiam vetera obiecit, quae in Macedones inprospere, violenter in suos fecissent, offensus urbi propria quoque ira, quia Theophilum quendam Areo  
 15 iudicio falsi damnatum precibus suis non concederent. exim navigatione celeri per Cycladas et compendia maris adsequitur Germanicum aput insulam Rhodum, haud nescium quibus insectationibus petitus foret: sed tanta mansuetudine  
 20 agebat, ut, cum orta tempestas raperet in abrupta possetque interitus inimici ad casum referri, miserit triremis, quarum subsidio discrimini eximeretur. neque tamen mitigatus Piso, et vix diei moram perpessus linquit Germanicum praevenitque. et postquam Syriam ac legiones attigit, largitione, am  
 25 bitu, infimos manipularium iuvando, cum veteres centuriones, severos tribunos demoveret locaque eorum clientibus suis vel deterrimo cuique attribueret, desidiam in castris, licentiam in urbibus, vagum ac lascivientem per agros militem sineret, eo usque corruptionis proventus est, ut sermone  
 30 vulgi parens legionum haberetur. nec Plancina se intra decora feminis tenebat, sed exercitio equitum, decursibus cohortium interesse, in Agrippinam, in Germanicum contumelias iacere, quibusdam etiam bonorum militum ad mala obsequia promptis, quod haud invito inperatore ea fieri oc

---

6 exitum *Q. Heraeus* (coll. c. 71 praematurum exitu): exitium



cultus rumor incede-<sup>bat</sup>. nota haec Germanico; sed praeverti ad Armenios instantior cura fuit.

56. Ambigua gens ea antiquitus hominum ingeniis et situ terrarum, quoniam nostris provinciis late praetenta penitus ad Medos porrigitur; maximisque imperiis interiecti<sup>s</sup> et saepius discordes sunt, adversus Romanos odio et in Parthum invidia. regem illa tempestate non habebant, amoto Vonone; sed favor nationis inclinabat in Zenonem, Polemonis regis Pontici filium, quod is prima ab infantia instituta et cultum Armeniorum aemulatus, venatu epulis et quae alia<sup>10</sup> barbari celebrant, proceres plebemque iuxta devinxerat. igitur Germanicus in urbe Artaxata adprobantibus nobilibus, circumfusa multitudine insigne regium capiti eius imposuit. ceteri venerantes regem Artaxiam consalutavere, quod illi vocabulum indiderant ex nomine urbis. at Cappadoces, in for-<sup>15</sup> mam provinciae redacti, Q. Veranium legatum acceperere; et quaedam ex regiis tributis deminuta, quo mitius Romanum imperium speraretur. Commagenis Q. Servaeus praeponitur, tum primum ad ius praetoris translatis.

57. Cunctaque socialia prospere composita non ideo lae-<sup>20</sup> tum Germanicum habebant ob superbiam Pisonis, qui iussus partem legionum ipse aut per filium in Armeniam ducere utrumque neglexerat. Cyrri demum apud hiberna decumae legionis convenere, firmato vultu, Piso adversus metum, Germanicus, ne minari crederetur; et erat, ut rettuli, clemen-<sup>25</sup> tior. sed amici accendendis offensionibus callidi intendere vera, adgerere falsa ipsumque et Plancinam et filios variis modis criminari. postremo paucis familiarium adhibitis sermo coeptus a Caesare, qualem ira et dissimulatio gignit, responsum a Pisone precibus contumacibus; discesseruntque aper-<sup>30</sup> tis odiis. post quae rarus in tribunali Caesaris Piso, et si

---

1 incidebat, *em. Lipsius* 3 et *Pichena*: sed 14 *infra c. 64* Artaxian 15 Cappadoces et Cilices *J. Steup Mus. rhén. 24, 76* not. 18 Servaeus *Lipsius*: servaeius 24 convenire, *em. Rhenanus* 27 filium *Lipsius* 30 discesserantque, *em. Pichena* | apertis *Lipsius*: opertis 31 post quae *Muretus*: postque, *cf. Wölfflin in Philol. 25, 107*

quando adsideret, atrox ac dissentire manifestus. vox quoque eius audita est in convivio, cum aput regem Nabataeorum coronae aureae magno pondere Caesari et Agrippinae, leves Pisoni et ceteris offerrentur, principis Romani, non  
 5 Parthi regis filio eas epulas dari; abiecitque simul coronam et multa in luxum addidit, quae Germanico, quamquam acerba, tolerabantur tamen.

58. Inter quae ab rege Parthorum Artabano legati venerunt. miserat amicitiam ac foedus memoraturos, et cupere renova-  
 10 vari dextras, daturumque honori Germanici, ut ripam Euphratis accederet; petere interim, ne Vonones in Syria haberetur neu proceres gentium propinquis nuntiis ad discordias traheret. ad ea Germanicus de societate Romanorum Parthorumque magnifice, de adventu regis et cultu sui cum decore  
 15 ac modestia respondit. Vonones Pompeiopolim, Ciliciae maritimam urbem, amotus est. datum id non modo precibus Artabani, sed contumeliae Pisonis, cui gratissimus erat ob plurima officia et dona, quibus Plancinam devinxerat.

59. M. Silano L. Norbano consulibus Germanicus Aegyptum proficiscitur cognoscendae antiquitatis. sed cura provinciae praetendebatur, levavitque apertis horreis pretia frugum multaque in vulgus grata usurpavit: sine milite incedere, pedibus intectis et pari cum Graecis amictu, P. Scipionis aemulatione, quem eadem factitavisse aput Siciliam  
 25 quamvis flagrante adhuc Poenorum bello accepimus. Tiberius cultu habituque eius lenibus verbis perstricto acerrime increpuit, quod contra instituta Augusti non sponte principis Alexandriam introisset. nam Augustus inter alia dominationis  
 30 arcana vetitis nisi permissu ingredi senatoribus aut equitibus Romanis inlustribus seposuit Aegyptum, ne fame urgeret Italiam, quisquis eam provinciam claustraque terrae ac maris quamvis levi praesidio adversum ingentes exercitus insedisset.

9 cuperere novari (cupere novari alii) c. 59—61 post cap. 67 transponenda censet J. Steup *Mus. rhein.* 24, 72 sqq., probabiliter  
 30 permissu suo Ed. Wurm, permissu sui Becher

60. Sed Germanicus nondum comperto profectionem eam incusari Nilo subvehebatur, orsus oppido a Canopo. condidere id Spartani ob sepultum illic rectorem navis Canopum, qua tempestate Menelaus Graeciam repetens diversum ad mare terramque Libyam deiectus <est>. inde proximum 5 amnis os dicatum Herculi, quem indigenae ortum apud se et antiquissimum perhibent eosque, qui postea pari virtute fuerint, in cognomentum eius adscitos, mox visit veterum Thebarum magna vestigia. et manebant structis molibus litterae Aegyptiae, priorem opulentiam complexae; iussusque 10 e senioribus sacerdotum patrium sermonem interpretari referebat habitasse quondam septingenta milia aetate militari, atque eo cum exercitu regem Rhamsen Libya Aethiopia Medisque et Persis et Bactriano ac Scythia potitum quasque terras Suri Armenique et contigui Cappadoces colunt, 15 inde Bithynum, hinc Lycium ad mare imperio tenuisse. legebantur et indicta gentibus tributa, pondus argenti et auri, numerus armorum equorumque et dona templis ebur atque odores, quasque copias frumenti et omnium utensilium quaeque natio penderet, haud minus magnifica, quam nunc vi 20 Parthorum aut potentia Romana iubentur.

61. Ceterum Germanicus aliis quoque miraculis intendit animum, quorum praecipua fuere Memnonis saxea effigies, ubi radiis solis icta est, vocalem sonum reddens, disiectasque inter et vix pervias arenas instar montium eductae pyramides certamine et opibus regum, lacusque effossa humo, superfluentis Nili receptacula; atque alibi angustiae et profunda altitudo, nullis inquirentium spatiis penetrabilis. exin ventum Elephantinen ac Syenen, claustra olim Romani imperii, quod nunc rubrum ad mare patescit. 30

62. Dum ea aestas Germanico plures per provincias transigitur, haud leve decus Drusus quaesivit inliciens Germanos ad discordias utque fracto iam Maroboduo usque in exitium insisteretur. erat inter Gotones nobilis iuvenis no-

---

5 deiectus *Jac. Gronovius*: delectus | est *add. Pichena*  
 16 Lycium *Lipsius*: lycum 28 penetrabiles, *em. Lipsius*

mine Catualda, profugus olim vi Marobodui et tunc dubiis rebus eius ultionem ausus. is valida manu fines Marcomanorum ingreditur corruptisque primoribus ad societatem inrupit regiam castellumque iuxta situm. veteres illic Sueborum  
 5 praedae et nostris e provinciis lixae ac negotiatores reperti, quos ius commercii, dein cupido augendi pecuniam, postremum oblivio patriae suis quemque ab sedibus hostilem in agrum transtulerat.

63. Maroboduus undique deserto non aliud subsidium quam  
 10 misericordia Caesaris fuit. transgressus Danuvium, qua Noricam provinciam praefluit, scripsit Tiberio non ut profugus aut supplex, sed ex memoria prioris fortunae: nam multis nationibus clarissimum quondam regem ad se vocantibus Romanam amicitiam praetulisse. responsum a Caesare tutam  
 15 ei honoratamque sedem in Italia fore, si maneret; sin rebus eius aliud conduceret, abiturum fide qua venisset. ceterum apud senatum disseruit non Philippum Atheniensibus, non Pyrrhum aut Antiochum populo Romano perinde metuendos fuisse. extat oratio, qua magnitudinem viri, violentiam sub-  
 20 iectarum ei gentium et quam propinquus Italiae hostis, suaeque in destruendo eo consilia extulit. et Maroboduus quidem Ravennae habitus, si quando insolescerent Suebi, quasi rediturus in regnum ostentabatur; sed non excessit Italia per duodeviginti annos consenuitque multum imminuta clari-  
 25 tate ob nimiam vivendi cupidinem. idem Catualdae casus neque aliud perfugium: pulsus haud multo post Hermundurorum opibus et Vibilio duce receptusque, Forum Iulium, Narbonensis Galliae coloniam, mittitur. barbari utrumque  
 30 ultra inter flumina Marum et Cusum locantur, dato rege Vannio gentis Quadorum.

64. Simul nuntiato regem Artaxian Armeniis a Germanico datum decrevere patres ut Germanicus atque Drusus ovantes

---

6 postremum, *sed u in rasura* (postremo Wölfflin Philol. 27, 119; cf. H. IV 46, 21) 7 ab] ad (a alii) 8 transtulat, *em. Ernesti* 22 si *Rhenanus*: nisi (inde si *Weissenborn*) 23 rediturus *Rhenanus*: reditus

urbem introirent. structi et arcus circum latera templi Martis Ultoris cum effigie Caesarum, laetiore Tiberio, quia pacem sapientia firmaverat, quam si bellum per acies confecisset. igitur Rhescuporim quoque, Thraeciae regem, astu adgreditur. omnem eam nationem Rhoemetalces tenuerat; 5 quo defuncto Augustus partem Thraecum Rhescuporidi fratri eius, partem filio Cotyi permisit. in ea divisione arva et urbes et vicina Graecis Cotyi, quod incultum ferox adnexum hostibus, Rhescuporidi cessit; ipsorumque regum ingenia, illi mite et amoenum, huic atrox avidum et societatis inpa- 10 tiens erat. sed primo subdola concordia egere: mox Rhescuporis egredi fines, vertere in se Cotyi data et resistenti vim facere, cunctanter sub Augusto, quem auctorem utriusque regni, si sperneretur, vindicem metuebat. enimvero audita mutatione principis inmittere latronum globos, excindere ca- 15 stella, causas bello.

65. Nihil aequae Tiberium anxium habebat, quam ne composita turbarentur. deligit centurionem, qui nuntiaret regibus ne armis disceptarent; statimque a Cotye dimissa sunt quae paraverat auxilia. Rhescuporis ficta modestia postulat 20 eundem in locum coiretur: posse de controversiis conloquio transigi. nec diu dubitatum de tempore, loco, dein conditionibus, cum alter facilitate, alter fraude cuncta inter se concederent acciperentque. Rhescuporis sanciendo, ut dictitabat, foederi convivium adicit tractaque in multam noctem lae- 25 titia per epulas ac vinolentiam incautum Cotyn et, postquam dolum intellexerat, sacra regni, eiusdem familiae deos et hospitalis mensas obtestantem catenis onerat. Thraeciaque omni potitus scripsit ad Tiberium structas sibi insidias, praeventum insidiatorem; simul bellum adversus Bastarnas Scy- 30 thasque praetendens novis peditum et equitum copiis sese firmabat. molliter rescriptum, si fraus abesset, posse eum innocentiae fidere; ceterum neque se neque senatum nisi

---

9 regum diversa ingenia *Novák* 12 resistenti vim *Rhenanus*: resistentium 30 Bastarnas *idem*: bastarnas, cf. *Germ.* 46. *mon. Ancyrr.* 5, 52

cognita causa ius et iniuriam discreturos: proinde tradito Cotye veniret transferretque invidiam criminis.

66. Eas litteras Latinius Pandusa pro praetore Moesiae cum militibus, quis Cotys traderetur, in Thraciam misit. Rhescuporis inter metum et iram cunctatus maluit patrati quam incepti facinoris reus esse: occidi Cotyn iubet mortemque sponte sumptam ementitur. nec tamen Caesar placitas semel artes mutavit, sed defuncto Pandusa, quem sibi infensum Rhescuporis arguebat, Pomponium Flaccum, veterem stipendiis et arta cum rege amicitia eoque accommodatiorem ad fallendum, ob id maxime Moesiae praefecit.

67. Flaccus in Thraciam transgressus per ingentia promissa quamvis ambiguum et scelera sua reputantem perpulit ut praesidia Romana intraret. circumdata hinc regi specie honoris valida manus, tribunique et centuriones monendo suadendo, et quanto longius abscedebatur, apertiore custodia, postremo gnarum necessitatis in urbem traxere. accusatus in senatu ab uxore Cotyis damnatur, ut procul regno teneretur. Thraecia in Rhoemetalcen filium, quem paternis consiliis adversatum constabat, inque liberos Cotyis dividitur; iisque nondum adultis Trebellenus Rufus praetura functus datur, qui regnum interim tractaret, exemplo quo maiores M. Lepidum Ptolemaei liberis tutorem in Aegyptum miserant. Rhescuporis Alexandriam devectus atque illic fugam temptans an ficto crimine interficitur.

68. Per idem tempus Vonones, quem amotum in Ciliciam memoravi, corruptis custodibus effugere ad Armenios, inde Albanos Heniochosque et consanguineum sibi regem Scytharum conatus est. specie venandi omissis maritimis locis avia saltuum petiit, mox pernecitate equi ad amnem Pyramum contendit, cuius pontes accolae ruperant audita regis fuga; neque vado penetrari poterat. igitur in ripa fluminis a Vibio Frontone praefecto equitum vincitur; mox Remmius evoca-

---

3 et 8 Pandusa *Nipperdey*: pandus et padusa 6 coty, cf. c. 65, 10 18 et 20 cotys 22 tutor ante datur inseruit O. Hirschfeld 27 inde *Wopkens*: inde in (dein *Haase*, at v. *Wölfflin* in *Philol.* 25, 106)

tus, priori custodiae regis adpositus, quasi per iram gladio eum transigit. unde maior fides conscientia sceleris et metu indicii mortem Vononi inlatam.

69. At Germanicus Aegypto remeans cuncta, quae aput legiones aut urbes iusserat, abolita vel in contrarium versa 5 cognoscit. hinc graves in Pisonem contumeliae, nec minus acerba quae ab illo in Caesarem temptabantur. dein Piso abire Suria statuit. mox adversa Germanici valitudine detentus, ubi recreatum accepit votaue pro incolumitate solvebantur, admotas hostias, sacrificalem apparatus, festam Antiochensium plebem per lictores proturbat. tum Seleuciam degreditur, opperiens aegritudinem, quae rursum Germanico acciderat. saevam vim morbi augebat persuasio veneni a Pisonem accepti; et reperiebantur solo ac parietibus erutae humanorum corporum reliquiae, carmina et devotiones et nomen 15 Germanici plumbeis tabulis insculptum, semusti cineres ac tabo obliti aliaque malefica, quis creditur animas numinibus infernis sacrari. simul missi a Pisone incusabantur ut valitudinis adversa rimantes.

70. Ea Germanico haud minus ira quam per metum accepta. si limen obsideretur, si effundendus spiritus sub oculis inimicorum foret, quid deinde miserrimae coniugi, quid infantibus liberis eventurum? lenta videri veneficia: festinare et urgere, ut provinciam, ut legiones solus habeat. sed non usque eo defectum Germanicum, neque praemia caedis 25 aput interfectorem mansura. componit epistulas, quis amicitiam ei renuntiabat; addunt plerique iussum provincia decedere. nec Piso moratus ultra navis solvit, moderabaturque cursui, quo propius regrederetur, si mors Germanici Suriam aperuisset.

71. Caesar paulisper ad spem erectus, dein fesso corpore, ubi finis aderat, adsistentes amicos in hunc modum alloquitur: 'si fato concederem, iustus mihi dolor etiam adversus deos esset, quod me parentibus liberis patriae intra iu-

---

7 intentabantur *Wurm*, cf. *IV* 14, 12 12 digreditur *Lips.*  
17 tabe, *em. Lipsius* 28 nec ipso 29 quo *Lipsius*: qui

ventam praemature exitu raperent: nunc scelere Pisonis et Plancinae interceptus ultimas preces pectoribus vestris relinquo: referatis patri ac fratri, quibus acerbitatibus dilaceratus, quibus insidiis circumventus miserrimam vitam pessima morte finierim. si quos spes meae, si quos propinquus sanguis, etiam quos invidia erga viventem movebat, inlacrimabunt quondam florentem et tot bellorum superstitem muliebri fraude cecidisse. erit vobis locus querendi apud senatum, invocandi leges. non hoc praecipuum amicorum munus est, 10 prosequi defunctum ignavo questu, sed quae voluerit meminisse, quae mandaverit exsequi. flebunt Germanicum etiam ignoti: vindicabitis vos, si me potius quam fortunam meam fovebatis. ostendite populo Romano divi Augusti neptem eandemque coniugem meam, numerate sex liberos: misericordia cum accusantibus erit, fingentibusque scelestamanda aut non credent homines aut non ignoscent.' iurare amici, dextram morientis contingentes, spiritum ante quam ultionem amissuros.

72. Tum ad uxorem versus per memoriam sui, per communes liberos oravit, exueret ferociam, saevienti fortunae summitteret animum, neu regressa in urbem aemulatione potentiae validiores inritaret. haec palam et alia secreto, per quae ostendere credebatur metum ex Tiberio. neque multo post extinguitur, ingenti luctu provinciae et circumiacentium populorum. indoluere exterae nationes regesque: 25 tanta illi comitas in socios, mansuetudo in hostes; visuque et auditu iuxta venerabilis, cum magnitudinem et gravitatem summae fortunae retineret, invidiam et adrogantiam effugerat.

73. Funus, sine imaginibus et pompa, per laudes ac memoriam virtutum eius celebre fuit. et erant qui formam aetatem genus mortis, ob propinquitatem etiam locorum, in quibus interiit, magni Alexandri fatis adaequarent. nam

---

5 propinquos    23 ostender corr. eadem m., ut videtur, ex ostendiss    24 circumiacentium *Rhenanus*: cūiacentium    31 fortunam post formam inseruit *Joh. Müller*



utrumque corpore decoro, genere insigni, haud multum triginta annos egressum, suorum insidiis externas inter gentes occidisse: sed hunc mitem erga amicos, modicum voluptatum, uno matrimonio, certis liberis egisse, neque minus proeliatorem, etiamsi temeritas afuerit praepeditusque sit perculsas tot victoriis Germanias servitio premere. quod si solus arbiter rerum, si iure et nomine regio fuisset, tanto promptius adsecuturum gloriam militiae, quantum clementia temperantia, ceteris bonis artibus praestitisset. corpus antequam cremaretur nudatum in foro Antiochensium, qui locus sepulturae destinabatur, praetuleritne veneficii signa, parum constitit: nam ut quis misericordia in Germanicum et praesumpta suspicione, aut favore in Pisonem pronior, diversi interpretabantur.

74. Consultatum inde inter legatos quique alii senatorum aderant, quisnam Suriae praeficeretur. et ceteris modice nisis, inter Vibium Marsum et Cn. Sentium diu quaesitum; dein Marsus seniori et acrius tendenti Sentio concessit. isque infamem veneficiis ea in provincia et Plancinae percarum nomine Martinam in urbem misit, postulantis Vitellio ac Veranio ceterisque, qui crimina et accusationem tamquam adversus receptos iam reos instruebant.

75. At Agrippina, quamquam defessa luctu et corpore aegro, omnium tamen quae ultionem morarentur intolerans, ascendit classem cum cineribus Germanici et liberis, miserantibus cunctis, quod femina nobilitate princeps, pulcherrimo modo matrimonio inter venerantes gratantisque aspici solita, tunc feralis reliquias sinu ferret, incerta ultionis, anxia sui et infelici fecunditate fortunae totiens obnoxia.

Pisonem interim apud Coum insulam nuntius adsequitur excessisse Germanicum. quo intemperanter accepto caedit victimas, adit templa, neque ipse gaudium moderans et magis insolescente Plancina, quae luctum amissae sororis tum primum laeto cultu mutavit.

1 [genere insigni] *Nipperdey, probabiliter* 14 interpretaantur  
16 modice nisis] modicensis

76. Adfluebant centuriones monebantque prompta illi legionum studia: repeteret provinciam non iure ablatam et vacuum. igitur quid agendum consultant M. Piso filius properandum in urbem censebat: nihil adhuc inexprabile admissum, neque suspiciones inbecillas aut inania famae pertimescenda. discordiam erga Germanicum odio fortasse dignam, non poena; et ademptione provinciae satisfactum inimicis. quod si regrederetur, obsistente Sentio civile bellum incipi; nec duraturos in partibus centuriones militesque, apud quos  
10 recens imperatoris sui memoria et penitus infixus in Caesares amor praevaleret.

77. Contra Domitius Celer, ex intima eius amicitia, deseruit utendum eventu: Pisonem, non Sentium Suriae praepositum; huic fasces et ius praetoris, huic legiones datas.  
15 si quid hostile ingruat, quem iustius arma oppositurum, <quam> qui legati auctoritatem et propria mandata acceperit? relinquendum etiam rumoribus tempus, quo senescant: plerumque innocentes recenti invidiae impares. at si teneat exercitum, augeat vires, multa, quae provideri non possint,  
20 fortuito in melius casura. 'an festinamus cum Germanici cineribus adpellere, ut te inauditum et indefensum planctus Agrippinae ac vulgus imperitum primo rumore rapiant? est tibi Augustae conscientia, est Caesaris favor, sed in occulto; et perisse Germanicum nulli iactantius maerent quam qui  
25 maxime laetantur.'

78. Haud magna mole Piso, promptus ferocibus, in sententiam trahitur missisque ad Tiberium epistulis incusat Germanicum luxus et superbiae; seque pulsum, ut locus rebus novis patefieret, curam exercitus eadem fide qua tenuerit  
30 repetivisse. simul Domitium inpositum triremi vitare litorum oram praeterque insulas alto mari pergere in Suriam iubet. concurrentes desertores per manipulos conponit, armat lixas traiectisque in continentem navibus vexillum tironum in Suriam euntium intercipit, regulis Cilicum ut se auxiliis iuva-

2 non iure] coniure      16 quam add. *Lipsius*, v. *C. Heraei Stud. crit.* 1, 165      21 moram *Madvig* | alto *Lipsius*: lato

rent scribit, haud ignavo ad ministeria belli iuvene Pisone, quamquam suscipiendum bellum abnuisset.

79. Igitur oram Lyciae ac Pamphyliae praelegentes, obviis navibus quae Agrippinam vehebant, utrimque infensi arma primo expedire; dein mutua formidine non ultra iurgium processum est, Marsusque Vibius nuntiavit Pisoni, Romam ad dicendam causam veniret. ille eludens respondit adfuturum, ubi praetor, qui de veneficiis quaereret, reo atque accusatoribus diem prodixisset.

Interim Domitius Laodiciam urbem Syriae adpulsus, cum 10 hiberna sextae legionis peteret, quod eam maxime novis consiliis idoneam rebatur, a Pacuvio legato praevenitur. id Sentius Pisoni per litteras aperit monetque ne castra corruptoribus, ne provinciam bello temptet; quosque Germanici memores aut inimicis eius adversos cognoverat, contrahit 15 magnitudinem imperatoris identidem ingerens et rem publicam armis peti; ducitque validam manum et proelio paratam.

80. Nec Piso, quamquam coepta secus cadebant, omisit tutissima e praesentibus, sed castellum Ciliciae munitum admodum, cui nomen Celenderis, occupat; nam admixtis desertoribus et tirone nuper intercepto suisque et Plancinae servitiis auxilia Cilicum, quae reguli miserant, in numerum legionis composuerat. Caesarisque se legatum testabatur provincia, quam is dedisset, arceri, non a legionibus (earum 25 quippe accitu venire), sed a Sentio privatum odium falsis criminibus tegente. consisterent in acie, non pugnaturis militibus, ubi Pisonem ab ipsis parentem quondam appellatum, si iure ageretur, potiolem, si armis, non invalidum vidissent. tum pro munimentis castelli manipulos explicat, colle arduo 30 et derupto; nam cetera mari cinguntur. contra veterani ordinibus ac subsidiis instructi: hinc militum, inde locorum asperitas, sed non animus, non spes, ne tela quidem nisi

6 Vibius *Rhenanus*: uibimus | denuntiavit malebat *Nipperdey* (*verbum simplex eadem vi XI 37, 6*) 21 celendris 24 provinciam, *em. Rhenanus* 32 hinc militum vis *Muretus*, h. virtus militum *Ritter*

agrestia aut subitum <in> usum properata. ut venere in manus, non ultra dubitatum, quam dum Romanae cohortes in aequum eniterentur: vertunt terga Cilices seque castello claudunt.

81. Interim Piso classem haud procul opperientem ad-  
pugnare frustra temptavit; regressusque et pro muris modo  
semet afflictando, modo singulos nomine ciens, praemiis vo-  
cans seditionem coeptabat, adeoque commoverat, ut signifer  
legionis sextae signum ad eum transtulerit. tum Sentius  
10 occanere cornua tubasque et peti aggerem, erigi scalas ius-  
sit, ac promptissimum quemque succedere, alios tormentis  
hastas saxa et faces ingerere. tandem victa pertinacia Piso  
oravit, ut traditis armis maneret in castello, dum Caesar, cui  
Syriam permetteret, consulitur. non receptae condiciones,  
15 nec aliud quam naves et tutum in urbem iter concessum est.

82. At Romae, postquam Germanici validudo percubuit  
cunctaque ut ex longinquo aucta in deterius adferebantur,  
dolor ira, et erumpebant questus. ideo nimirum in extremas  
terras relegatum, ideo Pisoni permissam provinciam; hoc  
20 egisse secretos Augustae cum Plancina sermones. vera prorsus  
de Druso seniores locutos: displicere regnantibus civilia  
filiorum ingenia, neque ob aliud interceptos, quam quia po-  
pulum Romanum aequo iure complecti reddita libertate agi-  
taverint. hos vulgi sermones audita mors adeo incendit, ut  
15 ante edictum magistratuum, ante senatus consultum sumpto  
iustitio desererentur fora, clauderentur domus. passim silen-  
tia et gemitus, nihil compositum in ostentationem; et quam-  
quam neque insignibus lugentium abstinere, altius animis  
maerebant. forte negotiatores, vivente adhuc Germanico  
20 Suria egressi, laetiora de validudine eius attulere. statim  
credita, statim vulgata sunt: ut quisque obviis, quamvis le-  
viter audita in alios atque illi in plures cumulata gaudio trans-  
ferunt. cursant per urbem, moliuntur templorum fores; iu-

1 aut subitum in *Döderlein*: aut subitum (aut ad sub. *Weissenborn*, ad subitum *vulgo* 9 legionis uocans sextae 12 hastas et saxa et faces *vel* hastas saxa faces *Wesenberg coll. IV* 49 saxa hastae ignes 17 cunctique

vat credulitatem nox et promptior inter tenebras affirmatio. nec obstitit falsis Tiberius, donec tempore ac spatio vane-  
scerent: et populus quasi rursum ereptum acrius doluit.

83. Honores, ut quis amore in Germanicum aut ingenio  
validus, reperti decretique: ut nomen eius Saliari carmine  
caneretur; sedes curules sacerdotum Augustalium locis super-  
que eas querceae coronae statuerentur; ludos circenses  
eburna effigies praeiret; neve quis flamen aut augur in locum  
Germanici nisi gentis Iuliae crearetur. arcus additi Romae  
et aput ripam Rheni et in monte Suriae Amano cum inscri-  
ptione rerum gestarum ac mortem ob rem publicam obisse;  
sepulchrum Antiochiae, ubi crematus, tribunal Epidaphnae,  
quo in loco vitam finierat. statuarum locorumve, in quis co-  
leretur, haud facile quis numerum inierit. cum censeretur  
clipeus auro et magnitudine insignis inter auctores eloquen-  
tiae, adseveravit Tiberius solitum paremque ceteris dicatu-  
rum: neque enim eloquentiam fortuna discerni, et satis in-  
lustre, si veteres inter scriptores haberetur. equester ordo  
cuneum Germanici appellavit, qti iuniorum dicebatur, instituit-  
que uti turmae idibus Iuliis imaginem eius sequerentur. ple-  
raque manent: quaedam statim omissa sunt aut vetustas ob-  
literavit.

84. Ceterum recenti adhuc maestitia soror Germanici  
Livia, nupta Druso, duos virilis sexus simul enixa est. quod  
rarum laetumque etiam modicis penatibus tanto gaudio prin-  
cipem adfecit, ut non temperaverit quin iactaret aput patres  
nulli ante Romanorum eiusdem fastigii viro geminam stirpem  
editam. nam cuncta, etiam fortuita, ad gloriam vertebat. sed  
populo tali in tempore id quoque dolorem tulit, tamquam au-  
ctus liberis Drusus domum Germanici magis urgeret.

85. Eodem anno gravibus senatus decretis libido femi-  
narum coërcita cautumque, ne quaestum corpore faceret cui  
avus aut pater aut maritus eques Romanus fuisset. nam Vi-

2 falsi 10 amono 12 epidaphene, em. Lipsius 13 coleren-  
tur, sed n expunctum 16 adseveravit Jac. Gronovius: ad-  
seravit, sed a expunctum 24 uiriles, sed e corr. in i eadem m.,  
ut videtur

stilia praetoria familia genita licentiam stupri apud aediles vulgaverat, more inter veteres recepto, qui satis poenarum adversum inpudicas in ipsa professione flagitii credebant. exactum et a Titidio Labeone, Vistiliae marito, cur in uxore  
 5 delicti manifesta ultionem legis omisisset. atque illo praetendente sexaginta dies ad consultandum datos necdum praeterisse, satis visum de Vistilia statuere; eaque in insulam Seriphon abdita est.

Actum et de sacris Aegyptiis Iudaicisque pellendis, factum-  
 10 que patrum consultum, ut quattuor milia libertini generis ea superstitione infecta, quis idonea aetas, in insulam Sardiniam veherentur, coercendis illic latrociniiis et, si ob gravitatem caeli interissent, vile damnum; ceteri cederent Italia, nisi certam ante diem profanos ritus exuissent.

86. Post quae rettulit Caesar capiendam virginem in locum Occiae, quae septem et quinquaginta per annos summa sanctimonia Vestalibus sacris praesederat; egitque grates Fonteio Agrippae et Domitio Pollioni, quod offerendo filias de officio in rem publicam certarent. praelata est Polionis  
 20 filia, non ob aliud quam quod mater eius in eodem coniugio manebat; nam Agrippa discidio domum imminuerat. et Caesar quamvis posthabitam decies sestertii dote solatus est.

87. Saevitiam annonae incusante plebe statuit frumento pretium, quod emptor penderet, binosque nummos se addi-  
 25 turum negotiatoribus in singulos modios. neque tamen ob ea parentis patriae delatum et antea vocabulum adsumpsit, acerbique increpuit eos, qui divinas occupationes ipsumque dominum dixerant. unde angusta et lubrica oratio sub principe, qui libertatem metuebat, adulationem oderat.

88. Reperio apud scriptores senatoresque eorundem temporum Adgandestrii principis Chatterum lectas in senatu litteras, quibus mortem Arminii promittebat, si patranda neci venenum mitteretur, responsumque esse non fraude neque occultis, sed palam et armatum populum Romanum hostes

---

4 exactum *Vertranius*: exacta      12 aveherentur *Novák*  
 18 Domitio *Lipsius*: comicio      27 occupationes eius *Ritter*  
 31 ad Gandestrii et 33 responsum esse *Jak. Grimm*

suos ulcisci. qua gloria aequabat se Tiberius priscis imperatoribus, qui venenum in Pyrrum regem vetuerant prodiderantque. ceterum Arminius abscedentibus Romanis et pulso Maroboduo regnum adfectans libertatem popularium adversam habuit, petitusque armis cum varia fortuna certaret, dolo 5 propinquorum cecidit: liberator haud dubie Germaniae et qui non primordia populi Romani, sicut alii reges ducesque, sed florentissimum imperium lacessierit, proeliis ambiguus, bello non victus. septem et triginta annos vitae, duodecim potentiae explevit, caniturque adhuc barbaras apud gentes, 10 Graecorum annalibus ignotus, qui sua tantum mirantur, Romanis haud perinde celebris, dum vetera extollimus recentium incuriosi.

---

6 haudubie      18 finit liber. II. P. Cornely. incipit liber. III.  
feliciter (P. Cornely *scripsit m. posterior*).

# CORNELII TACITI

## AB EXCESSU DIVI AUGUSTI

### LIBER III.

1. Nihil intermissa navigatione hiberni maris Agrippina  
5 Corcyram insulam advehitur, litora Calabriae contra sitam.  
illic paucos dies componendo animo insumit, violenta luctu  
et nescia tolerandi. interim adventu eius audito intimus quis-  
que amicorum et plerique militares, ut quique sub Germa-  
nico stipendia fecerant, multique etiam ignoti vicinis e mu-  
10 nicipiis, pars officium in principem rati, plures illos secuti,  
ruere ad oppidum Brundisium, quod naviganti celerrimum  
fidissimumque adpulsu erat. atque ubi primum ex alto visa  
classis, complentur non modo portus et proxima maris, sed  
moenia ac tecta, quaque longissime prospectari poterat, mae-  
15 rentium turba et rogitantium inter se, silentione an voce ali-  
qua egredientem exciperent. neque satis constabat quid pro  
tempore foret, cum classis paulatim successit, non alacri, ut  
adsolet, remigio, sed cunctis ad tristitiam compositis. post-  
quam duobus cum liberis, feralem urnam tenens, egressa  
20 navi defixit oculos, idem omnium gemitus, neque discerneres  
proximos alienos, virorum feminarumve planctus, nisi quod  
comitatum Agrippinae longo maerore fessum obvii et recen-  
tes in dolore anteibant.

2. Miserat duas praetorias cohortes Caesar, addito ut ma-  
25 gistratus Calabriae Apulique et Campani suprema erga me-  
moriā filii sui munia fungerentur. igitur tribunorum cen-  
turiōnumque umeris cineres portabantur; praecedebant in-  
compta signa, versi fasces; atque ubi colonias transgrederentur,

---

4 Ab excessu divi augusti. Nihil e. q. s. 12 adpulsū  
13 mari *Muretus* 26 munia *Ritter*: munera



atrata plebes, trabeati equites pro opibus loci vestem odores aliaque funerum sollemnia cremabant. etiam quorum diversa oppida, tamen obvii et victimas atque aras dis Manibus statuantes lacrimis et conclamationibus dolorem testabantur. Drusus Tarracinam progressus est cum Claudio fratre liberisque Germanici, qui in urbe fuerant. consules M. Valerius et M. Aurelius (iam enim magistratum occeperant) et senatus ac magna pars populi viam complevere, disiecti et ut cuique libitum flentes; aberat quippe adulatio, gnaris omnibus laetam Tiberio Germanici mortem male dissimulari. 10

3. Tiberius atque Augusta publico abstinuere, inferius maiestate sua rati, si palam lamentarentur, an ne omnium oculis vultum eorum scrutantibus falsi intellegerentur. matrem Antoniam non aput auctores rerum, non diurna actorum scriptura reperio ullo insigni officio functam, cum super 15 Agrippinam et Drusum et Claudium ceteri quoque consanguinei nominatim perscripti sint, seu valitudine praepediebatur, seu victus luctu animus magnitudinem mali perferre visu non toleravit. facilius crediderim Tiberio et Augustae, qui domo non excedebant, cohibitam, ut par maeror et matris 20 exemplo avia quoque et patruus attineri viderentur.

4. Dies, quo reliquiae tumulo Augusti inferebantur, modo per silentium vastus, modo ploratibus inquires; plena urbis itinera, conlucentes per campum Martis faces. illic milites cum armis, sine insignibus magistratus, populus per 25 tribus concidissem rem publicam, nihil spei reliquum clamitabant, promptius apertiusque, quam ut meminisse inperitantium crederes. nihil tamen Tiberium magis penetravit quam studia hominum accensa in Agrippinam, cum decus patriae, solum Augusti sanguinem, unicum antiquitatis specimen appellarent versique ad caelum ac deos integram illi subolem ac superstitem iniquorum precarentur. 30

---

7 M. Aurelius Panvinus: c. aurelius 14 non in diurna Wurm; est species zeugmatis et in ex aput cogitando repetendum; nam notissimum est Tacitum praepositiones non iterare, v. Nipperdey ad II 68 18 praeferre Haase 19 Augustae Döderlein: augusta

5. Fuere qui publici funeris pompam requirerent compararentque quae in Drusum patrem Germanici honora et magnifica Augustus fecisset. ipsum quippe asperrimo hiemis Ticinum usque progressum neque abscedentem a corpore  
 5 simul urbem intravisse; circumfusas lecto Claudiorum Iuliorumque imagines; defletum in foro, laudatum pro rostris, cuncta a maioribus reperta aut quae posterius invenerint cummulata: at Germanico ne solitos quidem et cuicumque nobili debitos honores contigisse. sane corpus ob longinquitatem itinerum externis terris quoquo modo crematum: sed  
 10 tanto plura decora mox tribui par fuisse, quanto prima fors negavisset. non fratrem, nisi unius diei via, non patrum saltem porta tenus obvium. ubi illa veterum instituta, propositam toro effigiem, meditata ad memoriam virtutis carmina et laudationes et lacrimas vel doloris imitamenta?  
 15

6. Gnarum id Tiberio fuit; utque premeret vulgi sermones, monuit edicto multos inlustrium Romanorum ob rem publicam obisse, neminem tam flagranti desiderio celebratum. idque et sibi et cunctis egregium, si modus adiceretur. non  
 20 enim eadem decora principibus viris et imperatori populo, quae modicis domibus aut civitatibus. convenisse recenti dolori luctum et ex maerore solacia; sed referendum iam animum ad firmitudinem, ut quondam divus Iulius amissa unica filia, ut divus Augustus ereptis nepotibus abstruserint tristitiam. nil opus vetustioribus exemplis, quotiens populus Romanus clades exercituum, interitum ducum, funditus amissas  
 25 nobiles familias constanter tulerit. principes mortales, rem publicam aeternam esse. proin repeterent sollemnia, et quia ludorum Megalesium spectaculum suberat, etiam voluptates  
 30 resumerent.

7. Tum exuto iustitio reditum ad munia, et Drusus Illyricos ad exercitus profectus est, erectis omnium animis petendae e Pisone ultionis et crebro questu, quod vagus in-

---

5 Iuliorumque] Liviorumque *Lipsius* 8 at] aut 9 deditos  
 11 quando *Muretus* 12 fratres *Lipsius* 13 praepositam, *em.*  
*Muretus* 32 spe post animis *addidit Freinsheim*

terim per amoena Asiae atque Achaiae adroganti et subdola mora scelerum probationes subverteret. nam vulgatum erat missam, ut dixi, a Cn. Sentio famosam veneficii Martinam subita morte Brundisii extinctam, venenumque nodo crinium eius occultatum, nec ulla in corpore signa sumpti exitii re-  
perta. 5

8. At Piso praemisso in urbem filio datisque mandatis, per quae principem molliret, ad Drusum pergit, quem haud fratris interitu trucem quam remoto aemulo aequiorem sibi sperabat. Tiberius quo integrum iudicium ostentaret, ex-  
ptum comiter iuvenem sueta erga filios familiarum nobiles  
liberalitate augeat. Drusus Pisoni, si vera forent quae iace-  
rentur, praecipuum in dolore suum locum respondit, sed  
malle falsa et inania nec cuiquam mortem Germanici exitio-  
sam esse. haec palam et vitato omni secreto; neque dubi-  
tabantur praescripta ei a Tiberio, cum incallidus alioqui et  
facilis iuventa senilibus tum artibus uteretur. 15

9. Piso Delmatico mari tramisso relictisque aput Anconam navibus per Picenum ac mox Flaminiam viam adse-  
quitur legionem, quae e Pannonia in urbem, dein praesidio  
Africae ducebatur; eaque res agitata rumoribus, ut in agmine  
atque itinere crebro se militibus ostentavisset. ab Narnia,  
vitandae suspicionis an quia pavidis consilia in incerto sunt,  
Nare ac mox Tiberi devectus auxit vulgi iras, quia navem  
tumulo Caesarum adpulerat dieque et ripa frequenti magno  
clientium agmine ipse, feminarum comitatu Plancina et vultu  
alacres incessere. fuit inter inritamenta invidiae domus foro  
imminens festa ornatu conviviumque et epulae et celebritate  
loci nihil occultum. 25

10. Postera die Fulcinius Trio Pisonem aput consules  
postulavit. contra Vitellius ac Veranius ceterique Germani-  
cum comitati tendebant: nullas esse partis Trioni; neque se  
accusatores, sed rerum indices et testes mandata Germanici  
perluturos. ille dimissa eius causae delatione, ut priorem 30

---

16 ei *Lipsius*: et      20 dein: inde *Wurm coll. II 68, 2*  
23 suspicioni *Pichena*      28 festo *Lipsius*

vitam accusaret obtinuit, petittumque est a principe cognitio-  
nem exciperet. quod ne reus quidem abnuebat, studia po-  
puli et patrum metuens: contra Tiberium spernendis rumo-  
ribus validum et conscientiae matris innexum esse; veraque  
5 aut in deterius credita iudice ab uno facilius discerni, odium  
et invidiam aput multos valere. haud fallebat Tiberium mo-  
les cognitionis quaque ipse fama distraheretur. igitur pau-  
cis familiarium adhibitis minas accusantium et hinc preces  
audit integramque causam ad senatum remittit.

- 10 11. Atque interim Drusus rediens Illyrico, quamquam  
patres censuissent ob receptum Maroboduum et res priore  
aestate gestas ut ovans iniret, prolato honore urbem intravit.

Post quae reo L. Arruntium, P. Vinicium, Asinium Gallum,  
Aeserninum Marcellum, Sex. Pompeium patronos petenti iis-  
15 que diversa excusantibus M'. Lepidus et L. Piso et Livineius  
Regulus adfuere, arrecta omni civitate, quanta fides amicis  
Germanici, quae fiducia reo; satin cohiberet ac premeret  
sensus suos Tiberius. haud alias intentior populus plus sibi  
in principem occulta vocis aut suspicacis silentii permisit.

- 20 12. Die senatus Caesar orationem habuit meditato tem-  
peramento. patris sui legatum atque amicum Pisonem fuisse  
adiutoremque Germanico datum a se auctore senatu rebus  
aput Orientem administrandis. illic contumacia et certamini-  
bus asperasset iuvenem exituque eius laetatus esset, an sce-  
25 lere extinxisset, integris animis diiudicandum. 'nam si lega-  
tus officii terminos, obsequium erga imperatorem exuit eius-  
demque morte et luctu meo laetatus est, odero seponamque  
a domo mea et privatas inimicitias non vi principis ulciscar;  
sin facinus in cuiuscumque mortalium nece vindicandum de-  
30 tegitur, vos vero et liberos Germanici et nos parentes iustis  
solaciis adficite. simulque illud reputate, turbide et seditiose  
tractaverit exercitus Piso, quaesita sint per ambitionem stu-

---

11 [priore aestate] *Nipperdey* 18 L. Nic. Faber: T. | P. Vi-  
nicium *Borghesi*: fulnicium 15 M'. *Lipsius*: m. 18 Tiberius  
*Pichena*: tiberius. ac praemeret | haud *Acidalius*: is haud (is  
haud alias intentior, populus *Pichena interpunxit*) 28 set  
*Pluygers* | non vi *Muretus*: noui, cf. V 5, 6

dia militum, armis repetita provincia, an falsa haec in maius vulgaverint accusatores; quorum ego nimis studiis iure suscenseo. nam quo pertinuit nudare corpus et contrectandum vulgi oculis permittere differrique etiam per externos, tamquam veneno interceptus esset, si incerta adhuc ista et 5 scrutanda sunt? defleo equidem filium meum semperque deflebo; sed neque reum prohibeo quo minus cuncta proferrat, quibus innocentia eius sublevari aut, si qua fuit iniquitas Germanici, coargui possit, vosque oro ne, quia dolori meo causa conexa est, obiecta crimina pro adprobatis acci- 10 piatis. si quos propinquus sanguis aut fides sua patronos dedit, quantum quisque eloquentia et cura valet, iuvate periclitantem. ad eundem laborem, eandem constantiam accusatores hortor. id solum Germanico super leges praestiterimus, quod in curia potius quam in foro, aput senatum quam 15 aput iudices de morte eius anquiritur. cetera pari modestia tractentur. nemo Drusi lacrimas, nemo maestitiam meam spectet, nec si qua in nos adversa finguntur.'

13. Exim biduum criminibus obiciendis statuitur utque sex dierum spatio interiecto reus per triduum defenderetur. 20 tum Fulcinius vetera et inania orditur, ambitiose avareque habitam Hispaniam; quod neque convictum noxae reo, si recentia purgaret, neque defensum absolutioni erat, si tenebatur maioribus flagitiis. post quem Servaeus et Veranius et Vitellius consimili studio, et multa eloquentia Vitellius, 25 obiecere odio Germanici et rerum novarum studio Pisonem vulgus militum per licentiam et sociorum iniurias eo usque corrupisse, ut parens legionum a deterrimis appellaretur; contra in optimum quemque, maxime in comites et amicos Germanici saevisse; postremo ipsum devotionibus et veneno 30 peremisse; sacra hinc et immolationes nefandas ipsius atque Plancinae, petitam armis rem publicam, utque reus agi posset, acie victum.

14. Defensio in ceteris trepidavit; nam neque ambitionem

---

24 quem *Rhenanus*: q; (quae *Baiter*) 25 et] sed *Rhenanus*

militarem neque provinciam pessimo cuique obnoxiam, ne contumelias quidem adversum imperatorem infitiri poterat: solum veneni crimen visus est diluisse, quod ne accusatores quidem satis firmabant, in convivio Germanici, cum  
 5 super eum Piso discumberet, infectos manibus eius cibos arguentes. quippe absurdum videbatur inter aliena servitia et tot adstantium visu, ipso Germanico coram, id ausum; offerebatque familiam reus et ministros in tormenta flagitabat. sed iudices per diversa implacabiles erant, Caesar ob  
 10 bellum provinciae inlatum, senatus numquam satis credito sine fraude Germanicum interisse. \* \* scripsissent expostulantes, uqod haud minus Tiberius quam Piso abnuere. simul populi ante curiam voces audiebantur: non temperaturos manibus, si patrum sententias evasisset. effigiesque Pisonis tra-  
 15 xerant in Gemonias ac divellebant, ni iussu principis protectae repositaeque forent. igitur inditus lecticae et a tribuno praetoriae cohortis deductus est, vario rumore, custos saluti an mortis exactor sequeretur.

15. Eadem Plancinae invidia, maior gratia; eoque ambiguum habebatur, quantum Caesari in eam liceret. atque ipsa,  
 20 donec mediae Pisoni spes, sociam se cuiuscumque fortunae et, si ita ferret, comitem exitii promittebat; ut secretis Augustae precibus veniam obtinuit, paulatim segregari a marito, dividere defensionem coepit. quod reus postquam sibi  
 25 exitiabile intellegit, an adhuc experiretur dubitans, hortantibus filiis durat mentem senatumque rursum ingreditur; redintegratamque accusationem, infensas patrum voces, adversa et saeva cuncta perpessus, nullo magis exterritus est quam quod Tiberium sine miseratione, sine ira, obstinatum  
 30 clausumque vidit, ne quo adfectu perumperetur. relatus domum, tamquam defensionem in posterum meditaretur, pauca conscribit obsignatque et liberto tradit; tum solita curando corpori exsequitur. dein multam post noctem, egressa cubi-

---

1 cuique *Rhenanus*: cui 7 visus *Pichena* 11 lacunam  
 indicavit *Ferretus*, cf. *Nipperdey* ad h. l. 15 devellebant  
*Ernesti*

culo uxore, operiri fores iussit; et coepta luce perfosso iugulo, iacente humi gladio, repertus est.

16. Audire me memini ex senioribus visum saepius inter manus Pisonis libellum, quem ipse non vulgaverit; sed amicos eius dictitavisse litteras Tiberii et mandata in Germanicum contineri, ac destinatum promere aput patres principemque arguere, ni elusus a Seiano per vana promissa foret; nec illum sponte extinctum, verum inmisso percussore. quorum neutrum adseveraverim; neque tamen occulere debui narratum ab iis, qui nostram ad iuventam duraverunt. Caesar flexo in maestitiam ore suam invidiam tali morte quaesitam aput senatum <conquestus M. Pisonem vocari iubet> crebrisque interrogationibus exquirat, qualem Piso diem supremum noctemque exegisset. atque illo pleraque sapienter, quaedam inconsultius respondente recitat codicillos a Pisone in hunc ferme modum compositos: 'conspiratione inimicorum et invidia falsi criminis oppressus, quatenus veritati et innocentiae meae nusquam locus est, deos immortales testor vixisse me, Caesar, cum fide adversum te neque alia in matrem tuam pietate; vosque oro liberis meis consulatis, ex quibus Cn. Piso qualicumque fortunae meae non est adiunctus, cum omne hoc tempus in urbe egerit, M. Piso repetere Syriam dehortatus est. atque utinam ego potius filio iuveni quam ille patri seni cessisset. eo impensius precor, ne meae pravitatis poenas innoxius luat. per quinque et quadraginta annorum obsequium, per collegium consulatus, quondam divo Augusto parenti tuo probatus et tibi amicus nec quicquam post haec rogaturus salutem infelicis filii rogo.' de Plancina nihil addidit.

17. Post quae Tiberius adolescentem crimine civilis belli purgavit, patris quippe iussa, nec potuisse filium detrectare, simul nobilitatem domus, etiam ipsius quoquo modo meriti gravem casum miseratus. pro Plancina cum pudore et flagitio disseruit, matris preces obtendens, in quam optimi cu-

---

12 conquestus — iubet *supplevit* Halm *Weissenbornium* secutus, qui tamen etiam in senatum post iubet addidit.

iusque secreti questus magis ardescebant. id ergo fas aviae, interfectricem nepotis aspicere adloqui, eripere senatui. quod pro omnibus civibus leges obtineant, uni Germanico non contigisse. Vitellii et Veranii voce defletum Caesarem, ab  
 5 imperatore et Augusta defensam Plancinam. proinde venena et artes tam feliciter expertas verteret in Agrippinam, in liberos eius, egregiamque aviam ac patrum sanguine miserimae domus exsatiaret. biduum super hac imagine cognitionis absumptum urgente Tiberio liberos Pisonis matrem  
 10 uti tuerentur. et cum accusatores ac testes certatim perorarent respondente nullo, miseratio quam invidia augebatur. primus sententiam rogatus Aurelius Cotta consul (nam referente Caesare magistratus eo etiam munere fungebantur) nomen Pisonis radendum fastis censuit, partem bonorum publicam, pars ut Cn. Pisoni filio concederetur isque praenomen mutaret; M. Piso exuta dignitate et accepto quinquagies  
 15 sestertio in decem annos relegaretur, concessa Plancinae incolumitate ob preces Augustae.

18. Multa ex ea sententia mitigata sunt a principe: ne  
 20 nomen Pisonis fastis eximeretur, quando M. Antonii, qui bellum patriae fecisset, Iulli Antonii, qui domum Augusti violasset, manerent; et M. Pisonem ignominiae exemit concessitque ei paterna bona, satis firmus, ut saepe memoravi, adversum pecuniam et tum pudore absolutae Plancinae placabilior. atque idem, cum Valerius Messalinus signum aureum  
 25 in aede Martis Ultoris, Caecina Severus aram ultionis statuendam censuissent, prohibuit, ob externas ea victorias sacrarum dictitans, domestica mala tristitia operienda. addiderat Messalinus Tiberio et Augustae et Antoniae et Agrippinae  
 30 Drusoque ob vindictam Germanici grates agendas omiserat-

---

5 proinde *Rhenanus*: perinde 14 eradendum *Baier coll. IV 42, 17* 17 relegaretur *Lipsius*: religatur 21 Iulli *scripsi*: Iulii, cf. I 10, 19 24 tum] dum 26 ultionis *Halm*: ultioni; ara statuenda erat ob ultionem perfectam, cf. I 14 ara adoptionis, IV 74 ara clementiae, ara amicitiae, XV 23 templum fecunditatis, *Suet. Cal 8* addit etiam pro argumento aras ibi ostendi inscriptas 'ob Agrippinae puerperium'.



que Claudii mentionem. et Messalinum quidem I. Asprenas senatu coram percunctatus est an prudens praeterisset; ac tum demum nomen Claudii adscriptum est. mihi, quanto plura recentium seu veterum revolve, tanto magis ludibria rerum mortalium cunctis in negotiis obversantur. quippe 5 fama spe veneratione potius omnes destinabantur imperio quam quem futurum principem fortuna in occulto tenebat.

19. Paucis post diebus Caesar auctor senatui fuit Vitellio atque Veranio et Servaeo sacerdotia tribuendi; Fulcinio suffragium ad honores pollicitus monuit, ne facundiam violentia praecipitaret. is finis fuit ulciscenda Germanici morte, non modo apud illos homines, qui tum agebant, etiam secutis temporibus vario rumore iactata. adeo maxima quaeque ambigua sunt, dum alii quoquo modo audita pro conpertis habent, alii vera in contrarium vertunt, et gliscit utrumque 15 posteritate.

At Drusus urbe egressus repetendis auspiciis, mox ovans introiit. paucosque post dies Vipsania mater eius excessit, una omnium Agrippae liberorum miti obitu: nam ceteros manifestum ferro vel creditum est veneno aut fame extinctos. 20

20. Eodem anno Tacfarinas, quem priore aestate pulsum a Camillo memoravi, bellum in Africa renovat, vagis primum populationibus et ob pernicitatem inultis, dein vicos excindere, trahere graves praedas; postremo haud procul Pagyda flumine cohortem Romanam circumscedit. praeerat castello 25 Decrius impiger manu, exercitus militia et illam obsidionem flagitii ratus. is cohortatus milites, ut copiam pugnae in aperto faceret, aciem pro castris instruit. primoque impetu pulsa cohorte promptus inter tela occursat fugientibus, increpat signiferos, quod inconditis aut desertoribus miles Romanus terga daret; simul excepta vulnera et, quamquam transosso oculo, adversum os in hostem intendit neque proelium omisit, donec desertus suis caderet.

---

11 fuit in ulciscenda *Halm* 14 audita *margo*: audire (quae quoquo m. audire *Weissenborn*) 21 [priorae aestate] *Nipperdey*, sicut c. 11, 2 28 faceret *H. Probst*: facerent, sed n. expunctum 30 in codicibus 31 exceptat *Julius Held* 33 a suis *Wesenberg*

21. Quae postquam L. Apronio (nam Camillo successe-  
rat) comperta, magis dedecore suorum quam gloria hostis  
anxius, raro ea tempestate et e vetere memoria facinore de-  
cumum quemque ignominiosae cohortis sorte ductos fusti  
5 necat. tantumque severitate profectum, ut vexillum veterano-  
rum, non amplius quam quingenti numero, easdem Tacfari-  
natis copias praesidium, cui Thala nomen, adgressas fude-  
rint. quo proelio Rufus Helvius gregarius miles servati ci-  
vis decus rettulit donatusque est ab Apronio torquibus et  
10 hasta. Caesar addidit civicam coronam, quod non eam quo-  
que Apronius iure proconsulis tribuisset, questus magis quam  
offensus. sed Tacfarinas perculsis Numidis et obsidia asper-  
nantibus spargit bellum, ubi instaretur, cedens ac rursum  
in terga remeans. et dum ea ratio barbaro fuit, inritum fes-  
15 sumque Romanum impune ludificabatur; postquam deflexit  
ad maritimos locos, inligatus praeda stativis castris adhae-  
rebat, missu patris Apronius Caesianus cum equite et co-  
hortibus auxiliariis, quis velocissimos legionum addiderat,  
prosperam adversum Numidas pugnam facit pellitque in de-  
20 serta.

22. At Romae Lepida, cui super Aemiliorum decus L. Sulla  
et Cn. Pompeius proavi erant, defertur simulavisse partum  
ex P. Quirinio divite atque orbo; adiciebantur adulteria ve-  
nena quaesitumque per Chaldaeos in domum Caesaris, de-  
25 fendente ream Manio Lepido fratre. Quirinius post dictum  
repudium adhuc infensus quamvis infami ac nocenti mise-  
rationem addiderat. haud facile quis dispexerit illa in co-  
gnitione mentem principis: adeo vertit ac miscuit irae et  
clementiae signa. deprecatus primo senatum, ne maiestatis  
30 crimina tractarentur, mox M. Servilium e consularibus alios-  
que testes inlexit ad proferenda quae velut reicere voluerat.  
idemque servos Lepidae, cum militari custodia haberentur,

---

6 quam quingenti *Weissenborn*: quam genti (quingenti *sine*  
quam *Beroaldus*) 8 proelio] pro filio 16 inligatusque *Pichena*,  
et inligatus *Haase* 31 reicere] reticere *Acidalius*, nescire *Nip-*  
*perdey*; cf. *Petersenii adn. ad Tac. II p. 25 (etiam in ed. Ru-*  
*perti 3, 651)*

transtulit ad consules neque per tormenta interrogari passus est de iis, quae ad domum suam pertinerent. exemit etiam Drusum consulem designatum dicendae primo loco sententiae; quod alii civile rebantur, ne ceteris adsentiendi necessitas fieret, quidam ad saevitiam trahebant: neque enim cessurum nisi damnandi officio.

23. Lepida ludorum diebus, qui cognitionem intervenerant, theatrum cum claris feminis ingressa, lamentatione flebili maiores suos ciens ipsumque Pompeium, cuius ea monimenta et adstantes imagines visebantur, tantum misericordiae permovit, ut effusi in lacrimas saeva et detestanda Quirinio clamitarent, cuius senectae atque orbitati et obscurissimae domui destinata quondam uxor L. Caesari ac divo Augusto nurus dederetur. dein tormentis servorum patefacta sunt flagitia itumque in sententiam Rubelli Blandi, a quo aqua atque igni arcebat. huic Drusus adsensit, quamquam alii mitius censuissent. mox Scauro, qui filiam ex ea genuerat, datum, ne bona publicarentur. tum demum aperuit Tiberius conpertum sibi etiam ex P. Quirinii servis veneno eum a Lepida petitem.

24. Inlustrium domuum adversa (etenim haud multum distant tempore Calpurnii Pisonem, Aemilii Lepidam amiserant) solacio adfecit D. Silanus Iuniae familiae redditus. casum eius paucis repetam. ut valida divo Augusto in rem publicam fortuna, ita domi inprospera fuit ob inpudicitiam filiae ac neptis, quas urbe depulit adulterosque earum morte aut fuga punivit. nam culpam inter viros ac feminas vulgatam gravi nomine laesarum religionum ac violatae maiestatis appellando clementiam maiorum suasque ipse leges egrediebatur. sed aliorum exitus, simul cetera illius aetatis memorabo, si effectis in quae tetendi plures ad curas vitam produxero: D. Silanus in nepti Augusti adulter, quamquam non ultra foret saevitum, quam ut amicitia Caesaris prohiberetur, exilium sibi demonstrari intellexit, nec nisi Tiberio im-

2 de iis] Diis      9 sciens      10 misericordia, *em. Lipsius*  
 21 etenim *Mercerus*: adenim      31 tetendi *Ernesti*: tendi

peritante deprecari senatum ac principem ausus est M. Silani fratris potentia, qui per insignem nobilitatem et eloquentiam praecellebat. sed Tiberius gratis agenti Silano patribus coram respondit se quoque laetari, quod frater eius  
 5 e peregrinatione longinqua revertisset, idque iure licitum, quia non senatus consulto, non lege pulsus foret: sibi tamen adversus eum integras parentis sui offensiones, neque reditu Silani dissoluta quae Augustus voluisset. fuit posthac in urbe neque honores adeptus est.

10 25. Relatum dein de moderanda Papia Poppaea, quam senior Augustus post Iulias rogationes incitandis caelibum poenis et augendo aerario sanxerat. nec ideo coniugia et educationes liberum frequentabantur, praevalida orbitate; ceterum multitudo periclitantium gliscebat, cum omnis domus  
 15 delatorum interpretationibus subverteretur, utque antehac flagitiis, ita tunc legibus laborabatur. ea res admonet, ut de principiis iuris, et quibus modis ad hanc multitudinem infinitam ac varietatem legum perventum sit, altius disseram.

20 26. Vetustissimi mortalium, nulla adhuc mala libidine, sine probro scelere eoque sine poena aut coërcitionibus agebant. neque praemiis opus erat, cum honesta suoapte ingenio peterentur; et ubi nihil contra morem cuperent, nihil per metum vetabantur. at postquam exui aequalitas et pro  
 25 modestia ac pudore ambitio et vis incedebat, provenere dominationes multosque aput populos aeternum mansere. quidam statim, aut postquam regum pertaesum, leges maluerunt. hae primo rudibus hominum animis simplices erant; maximeque fama celebravit Cretensium, quas Minos, Spartano-  
 30 rum, quas Lycurgus, ac mox Atheniensibus quaesitores iam et plures Solo perscripsit. nobis Romulus, ut libitum, imperitaverat; dein Numa religionibus et divino iure populum devinxit, repertaque quaedam a Tullo et Anco. sed praeci-

2 fratris fretus potentia *Bezzenberger* 10 dein *Wölfflin*:  
 deinde 11 intendendis *J. J. Hartman* 23 peterent *Ursinus*  
 mortem 25 incedebat provenere *Lipsius*: incidebat provenire  
 28 ac (ac *Sirker*, eae *Halm*)

puus Servius Tullius sanctor legum fuit, quis etiam reges obtemperarent.

27. Pulso Tarquinio adversum patrum factiones multa populus paravit tuendae libertatis et firmandae concordiae, creatique decemviri et accitis quae usquam egregia compositae 5 duodecim tabulae, finis aequi iuris. nam secutae leges etsi aliquando in maleficos ex delicto, saepius tamen dissensione ordinum et apiscendi illicitos honores aut pellendi claros viros aliaque ob prava per vim latae sunt. hinc Gracchi et Saturnini turbatores plebis, nec minor largitor nomine senatus Drusus; corrupti spe aut inlusi per intercessionem socii, ac ne bello quidem Italico, mox civili omissum, quin multa et diversa sciscerentur, donec L. Sulla dictator abolitis vel conversis prioribus, cum plura addidisset, otium eius rei haud in longum paravit, statim turbidis Lepidi rogationibus, neque multo post tribunis reddita licentia quoquo 15 vellent populum agitandi. iamque non modo in commune, sed in singulos homines latae quaestiones, et corruptissima re publica plurimae leges.

28. Tum Cn. Pompeius, tertium consul corrigendis moribus delectus et gravior remediis, quam delicta erant, suarumque legum auctor idem ac subversor, quae armis tuebatur, armis amisit. exin continua per viginti annos discordia; non mos, non ius; deterrima quaeque inpune ac multa honesta exitio fuere. sexto demum consulatu Caesar Augustus, potentiae securus, quae triumviratu iusserat abolevit deditque iura, quis pace et principe uteremur. acriora ex eo vincla, inditi custodes et lege Papia Poppaea praemiis inducti, ut, si a privilegiis parentum cessaretur, velut parens omnium populus vacantia teneret. sed altius penetrabant urbemque 30 et Italiam et quod usquam civium, corripuerant, multorumque excisi status. et terror omnibus intentabatur, ni Tiberius statuendo remedio quinque consularium, quinque e praetoriis, totidem e cetero senatu sorte duxisset, apud quos exso-

---

14 ei rei *Rhenanus* 21 set *Pluygers* 27 artiora *Pichena*  
28 ut si *Lipsius*: uisi

luti plerique legis nexus modicum in praesens levamentum fuere.

29. Per idem tempus Neronem e liberis Germanici, iam ingressum iuventam, commendavit patribus, utque munere  
 5 capessendi vigintiviratus solveretur et quinquennio maturius quam per leges quaesturam peteret, non sine inrisu audientium postulavit. praetendebat sibi atque fratri decreta eadem petente Augusto. sed neque tum fuisse dubitaverim, qui eius modi preces occulti inluderent: ac tamen initia fastigii Cae-  
 10 saribus erant magisque in oculis vetus mos, et privignis cum vitrico levior necessitudo quam avo adversum nepotem. additur pontificatus et quo primum die forum ingressus est congiarium plebi admodum laetae, quod Germanici stirpem iam puberem aspiciebat. auctum dehinc gaudium nuptiis Ne-  
 15 ronis et Iuliae Drusi filiae. utque haec secundo rumore, ita adversis animis acceptum, quod filio Claudii socer Seianus destinaretur. polluisse nobilitatem familiae videbatur suspectumque iam nimiae spei Seianum ultro extulisse.

30. Fine anni concessere vita insignes viri L. Volusius  
 20 et Sallustius Crispus. Volusio vetus familia neque tamen praeturam egressa; ipse consulatum intulit, censoria etiam potestate legendis equitum decurionibus functus, opumque, quis domus illa inmensum vixit, primus adcumulator. Crispum equestri ortum loco C. Sallustius, rerum Romanarum floren-  
 25 tissimus auctor, sororis nepotem in nomen adscivit. atque ille, quamquam prompto ad capessendos honores aditu, Maecenatem aemulatus sine dignitate senatoria multos triumphalium consulariumque potentia antecit, diversus a veterum instituto per cultum et munditias copiaque et affluentia luxu  
 30 propior. suberat tamen vigor animi ingentibus negotiis par, eo acrior, quo somnum et inertiam magis ostentabat. igitur incolumi Maecenate proximus, mox praecipuus, cui secreta imperatorum inniterentur, et interficiendi Postumi Agrippae conscius, aetate proecta speciem magis in amicitia prin-

---

9 fastidii 17 videbantur, *em. Jo. Fr. Gronovius* 18 ultro  
 Alciatus: ultra 24 romanorum 1 m.

cipis quam vim tenuit. idque et Maecenati acciderat, fato potentiae raro sempiternae, an <sup>ut</sup> satias capit aut illos, cum omnia tribuerunt, aut hos, cum iam nihil reliquum est quod cupiant.

31. Sequitur Tiberi quartus, Drusi secundus consulatus, 5 patris atque filii collegio insignis. nam triennio ante Germanici cum Tiberio idem honor neque patruo laetus neque natura tam conexus fuerat. eius anni principio Tiberius quasi firmandae valitudini in Campaniam concessit, longam et continuam absentiam paulatim meditans, sive ut amoto 10 patre Drusus munia consulatus solus impleret. ac forte parva res magnum ad certamen progressa praebuit iuveni materiem apiscendi favoris. Domitius Corbulo praetura functus de L. Sulla nobili iuvene questus est apud senatum, quod sibi inter spectacula gladiatorum loco non decessisset. pro 15 Corbulone aetas, patrius mos, studia seniorum erant: contra Mamercus Scaurus et L. Arruntius alique Sullae propinqui nitebantur. certabantque orationibus, et memorabantur exempla maiorum, qui iuventutis inreverentiam gravibus decretis notavissent, donec Drusus apta temperandis animis disse- 20 ruit; et satisfactum Corbuloni per Mamercum, qui patruus simul ac vitricus Sullae et oratorum <ea> aetate uberrimus erat. idem Corbulo plurima per Italiam itinera fraude mancipum et incuria magistratuum interrupta et inpervia clamitando executionem eius negotii libens suscepit; quod haud 25 perinde publice usui habitum quam exitiosum multis, quorum in pecuniam atque famam damnationibus et hasta saeviebat.

32. Neque multo post missis ad senatum litteris Tiberius motam rursum Africam incursu Tacfarinatis docuit, iudicio- 30 que patrum deligendum pro consule gnarum militiae, corpore validum et bello suffecturum. quod initium Sex. Pompeius agitando adversus Marcum Lepidum odii nactus, ut socordem inopem et maioribus suis dedecorum eoque etiam

---

6 triennio *Nipperdey*: biennio 8 conexis *J. Fr. Gronovius*  
22 ea *add. Ferretius*

Asiae sorte depellendum incusavit, adverso senatu, qui Lepidum mitem magis quam ignavum, paternas ei angustias, et nobilitatem sine probro actam honori quam ignominiae habendam ducebat. igitur missus in Asiam, et de Africa de-  
5 cretum, ut Caesar legeret cui mandanda foret.

33. Inter quae Severus Caecina censuit, ne quem magistratum, cui provincia obvenisset, uxor comitaretur, multum ante repetito concordem sibi coniugem et sex partus enixam, seque quae in publicum statueret domi servavisse, cohibita  
10 intra Italiam, quamquam ipse pluris per provincias quadraginta stipendia explevisset. haut enim frustra placitum olim, ne feminae in socios aut gentes externas traherentur: inesse mulierum comitatu quae pacem luxu, bellum formidine mor-  
rentur et Romanum agmen ad similitudinem barbari inces-  
15 sus convertant. non inbecillum tantum et imparem laboribus sexum, sed si licentia adsit, saevum ambitiosum, potestatis avidum; incedere inter milites, habere ad manum centuriones; praesedis-  
se nuper feminam exercitio cohortium, decursu legionum. cogitarent ipsi, quotiens repetundarum aliqui ar-  
20 guerentur, plura uxoribus obiectari: his statim adhaerescere deterrimum quemque provincialium, ab his negotia suscipi transigi; duorum egressus coli, duo esse praetoria, pervicibus magis et inpotentibus mulierum iussis, quae Oppiis quondam aliisque legibus constrictae, nunc vinclis exsolutis  
25 domos fora, iam et exercitus regerent.

34. Paucorum haec adsensu audita: plures obturbabant, neque relatum de negotio neque Caecinam dignum tantae rei censorem. mox Valerius Messalinus, cui parens Messala ineratque imago paternae facundiae, respondit multa duri-  
30 tia veterum <in> melius et laetius mutata; neque enim, ut olim, obsideri urbem bellis aut provincias hostilis esse; et pauca feminarum necessitatibus concedi, quae ne coniugum quidem penates, adeo socios non onerent; cetera promisca

24 exsolutae *Acidalius* 29 e duritiae *Ernesti* malebat, a duritiae *Muretus*, cf. III 55, 20 multa laudis et artium 30 in *add. Muretus* 31 obsideri *corr. m. posteriore ex absidere* (ad-  
sidere *Haase*, adsideri *Baiter*)



cum marito nec ullum in eo pacis impedimentum. bella plane accinctis obeunda: sed revertentibus post laborem quod honestius quam uxorum levamentum? at quasdam in ambitionem aut avaritiam prolapsas. quid? ipsorum magistratuum nonne plerosque variis libidinibus obnoxios? non tamen ideo neminem in provinciam mitti. corruptos saepe pravitatibus uxorum maritos: num ergo omnis caelibes integros? placuisse quondam Oppias leges, sic temporibus rei publicae postulanti-  
bus; remissum aliquid postea et mitigatum, quia exp-  
dierit. frustra nostram ignaviam alia ad vocabula trans-  
ferri: nam viri in eo culpam, si femina modum excedat. porro ob unius aut alterius inbecillum animum male eripi maritis consortia rerum secundarum adversarumque; simul sexum natura invalidum deserui et exponi suo luxu, cupidinibus alienis. vix praesenti custodia manere inlaesa coniugia: quid fore, si per plures annos in modum discidii oblitterentur? sic obviam irent iis, quae alibi peccarentur, ut flagitiorum urbis meminissent. addidit pauca Drusus de matrimonio suo; nam principibus adeunda saepius longinqua imperii. quotiens divum Augustum in Occidentem atque Orientem meavisse comite Livia! se quoque in Illyricum profectum et, si ita conducatur, alias ad gentes iturum, haud semper aequo animo; si ab uxore carissima et tot communium liberorum parente divelleretur. sic Caecinae sententia elusa est.

35. Proximo senatus die Tiberius per litteras, castigatis oblique patribus, quod cuncta curarum ad principem reicerent, M. Lepidum et Iunium Blaesum nominavit, ex quis pro consule Africae legeretur. tum audita amborum verba, intentius excusante se Lepido, cum valitudinem corporis, aetatem liberum, nubilem filiam obtenderet, intellexereturque etiam quod silebat, avunculum esse Seiani Blaesum atque eo praevalidum. respondit Blaesus specie recusantis. sed neque eadem adseveratione, et consensu adulantium adiutus est.

---

24 elusa est *Freinsheim*: elusa. et 25 proximo *Freinsheim*: proximi cf. II 33, 1. II 50, 10 27 M. *Lipsius*: M. 28 adiutus *J. Fr. Gronovius*: haud iustus (haud iutus *Jac. Gronovius*, haud adiutus *Halm*)

36. Exim promptum quod multorum intimis questibus tegebatur. incedebat enim deterrimo cuique licentia impune probra et invidiam in bonos excitandi arrepta imagine Caesaris; libertique etiam ac servi, patrono vel domino cum  
 5 voces, cum manus intentarent, ultro metuebantur. igitur C. Cestius senator disseruit principes quidem instar deorum esse, sed neque a diis nisi iustas supplicum preces audiri, neque quemquam in Capitolium aliave urbis templa perfugere, ut eo subsidio ad flagitia utatur. abolitas leges et fun-  
 10 ditus versas, ubi in foro, in limine curiae ab Annia Rufilla, quam fraudis sub iudice damnavisset, probra sibi et minae intenduntur, neque ipse audeat ius experiri ob effigiem imperatoris oppositam. haud dissimilia alii, et quidam atrociora circumstrepebant; precabanturque Drusum daret ultionis  
 15 exemplum, donec accitam convictamque attineri publica custodia iussit.

37. Et Considius Aequus et Caelius Cursor equites Romani, quod fictis maiestatis criminibus Magium Caecilianum praetorem petivissent, auctore principe ac decreto senatus  
 20 puniti. utrumque in laudem Drusi trahebatur: ab eo in urbe, inter coetus et sermones hominum obversante, secreta patris mitigari. neque luxus in iuvene adeo displicebat: huc potius intenderet, diem aedificationibus, noctem conviviis traheret, quam solus et nullis voluptatibus avocatus maestam vigilan-  
 25 tiam et malas curas exerceret.

38. Non enim Tiberius, non accusatores fatiscebant. et Ancharius Priscus Caesium Cordum pro consule Cretae postulaverat repetundis, addito maiestatis crimine, quod tum omnium accusationum complementum erat. Caesar Antistium  
 30 Veterem e primoribus Macedoniae, absolutum adulterii, increpitis iudiciis ad dicendam maiestatis causam retraxit, ut turbidum et Rhescuporidis consiliis permixtum, qua tem-

---

23 diem editionibus *Lipsius*, d. ludis et venationibus *Urlichs*, d. ludicris factionibus *Raim. Seyffert* | traheret *Lipsius*: trahere  
 28 de repetundis *Nipperdey*, at confert *Dräger Suet. Oth. 2* damnatus repetundis, i. e. repetundarum crimine

pestate Cotye [fratre] interfecto bellum adversus nos volve-  
 rat. igitur aqua et igni interdictum reo, adpositumque ut  
 teneretur insula neque Macedoniae neque Thraeciae oppor-  
 tuna. nam Thraecia diviso imperio in Rhoemetalcen et libe-  
 ros Cotyis, quis ob infantiam tutor erat Trebellenus Rufus, 5  
 insolentia nostri discors agebat neque minus Rhoemetalcen  
 quam Trebellenum incusans popularium iniurias inultas si-  
 nere. Coelalaetae Odrusaeque et Dii, validae nationes, arma  
 cepere, ducibus diversis et paribus inter se per ignobilitatem;  
 quae causa fuit, ne in bellum atrox coalescerent. pars tur- 10  
 bant praesentia, alii montem Haemum transgrediuntur, ut  
 remotos populos concirent; plurimi ac maxime compositi re-  
 gem urbemque Philippopolim a Macedone Philippo sitam cir-  
 cumsidunt.

39. Quae ubi cognita P. Vellaeo (is proximum exercitum 15  
 praesidebat), alios equites ac levis cohortium mittit in eos,  
 qui praedabundi aut adsumendis auxiliis vagabantur, ipse  
 robur peditum ad exsolvendum obsidium ducit. simulque  
 cuncta prospere acta, caesis populatoribus et dissensione  
 orta apud obsidentes regisque opportuna eruptione et ad- 20  
 ventu legionis. neque aciem aut proelium dici decuerit, in  
 quo semermi ac palantes trucidati sunt sine nostro sanguine.

40. Eodem anno Galliarum civitates ob magnitudinem  
 aeris alieni rebellionem coeptavere, cuius exstimulator acer-  
 rimus inter Treveros Iulius Florus, apud Aeduos Iulius Sa- 25  
 crovir. nobilitas ambobus et maiorum bona facta, eoque Ro-  
 mana civitas olim data, cum id rarum nec nisi virtuti pre-  
 tium esset. ii secretis conloquiis, ferocissimo quoque ad-  
 sumpto aut quibus ob egestatem ac metum ex flagitiis ma-  
 xima peccandi necessitudo, componunt Florus Belgas, Sa- 30  
 crovir propiores Gallos concire. igitur per conciliabula et  
 coetus seditiosa disserebant de continuatione tributorum,  
 gravitate faenoris, saevitia ac superbia praesidentium; et dis-

1 [fratre] *Ernesti*, fratris filio *Muretus* 5 trebellienus et 7  
 trebellienum, *sed* trebellenus II 67 8 Dii *Lipsius* (*coll. Thu-*  
*cyd.* II 96): alii 13 positam *Thomae coll.* XII 63 21 aut]  
 apud 22 semerme, *em. Jac. Gronovius*, *cf.* I 68. III 45

cordare militem audito Germanici exitio: egregium resumendae libertati tempus, si ipsi florentes, quam inops Italia, quam inbellis urbana plebes, nihil validum in exercitibus nisi quod externum, cogitarent.

5 41. Haut ferme ulla civitas intacta seminibus eius motus fuit; sed erupere primi Andecavi ac Turoni. quorum Andecavos Acilius Aviola legatus excita cohorte, quae Lugduni praesidium agitabat, coërcuit. Turoni legionario milite, quem  
10 eodem Aviola duce et quibusdam Galliarum primoribus, qui tulere auxilium, quo dissimularent defectionem magisque in tempore efferrent. spectatus et Sacrovir intecto capite pugnam pro Romanis ciens, ostentandae, ut ferebat, virtutis; sed captivi, ne incesseretur telis, agnoscendum se prae-  
15 buisse arguebant. consultus super eo Tiberius aspernatus est indicium aluitque dubitatione bellum.

42. Interim Florus insistere destinatis, pellicere alam equitum, quae conscripta e Treveris militia disciplinaque nostra habebatur, ut caesis negotiatoribus Romanis bellum  
20 inciperet; paucique equitum corrupti, plures in officio mansere. aliud vulgus obaeratorum aut clientium arma cepit; petebantque saltus, quibus nomen Arduenna, cum legiones utroque ab exercitu, quas Visellius et C. Silius adversis itineribus obiecerant, arcuerunt. praemissusque cum delecta  
25 manu Iulius Indus e civitate eadem, discors Floro et ob id navandae operae avidior, inconditam multitudinem adhuc disiecit. Florus incertis latebris victores frustratus, postremo visis militibus, qui effugia insederant, sua manu cecidit. isque Treverici. tumultus finis.

30 43. Aput Aeduos maior moles exorta, quanto civitas opulentior et comprimendi procul praesidium. Augustodunum caput gentis armatis cohortibus Sacrovir occupaverat, <ut> nobilissimam Galliarum subolem, liberalibus studiis ibi ope-

18 conscripta e *Bekker*: conscriptae 26 adhuc multitudinem *Nipperdey*, cf. quae in editione *Nipp.* adnotavi 32 ut add. *Bezzenberger* 33 nobilissimarum, em. *Lipsius* (o. nobilissima cum G. subole. . operata *Joh. Müller*)

ratam, et eo pignore parentes propinquosque eorum adiungeret; simul arma occulte fabricata iuventuti dispertit. quadraginta milia fuere, quinta sui parte legionariis armis, ceteri cum venabulis et cultris quaeque alia venantibus tela sunt. adduntur e servitiis gladiatorum destinati, quibus more gentico continuum ferri tegimen: cruppellarios vocant, inferendis ictibus inhabiles, accipiendis impenetrabiles. augebantur eae copiae vicinarum civitatum ut nondum aperta consensione, ita viritim promptis studiis, et certamine ducum Romanorum, quos inter ambigebatur utroque bellum sibi poscente. mox Varro invalidus senecta viginti Silio concessit.

44. At Romae non Treveros modo et Aeduos, set quatuor et sexaginta Galliarum civitates descivisse, adsumptos in societatem Germanos, dubias Hispanias, cuncta, ut mos famae, in maius credita. optumus quisque rei publicae cura maerebat; multi odio praesentium et cupidine mutationis suis quoque periculis laetabantur, increpabantque Tiberium, quod in tanto rerum motu libellis accusatorum insumeret operam. an et Sacrovirum maiestatis crimine reum in senatu fore? extitisse tandem viros, qui cruentas epistulas armis cohiberent. miseram pacem vel bello bene mutari. tanto in pensius in securitatem compositus, neque loco neque vultu mutato, sed ut solitum per illos dies egit, altitudine animi, an conpererat modica esse et vulgatis leviora.

45. Interim Silius, cum legionibus duabus incedens, praemissa auxiliari manu vastat Sequanorum pagos, qui finium extremi et Aeduis contermini sociique in armis erant. mox Augustodunum petit propero agmine, certantibus inter se signiferis, fremente etiam gregario milite, ne suetam requiem, ne spatia noctium opperiretur: viderent modo adversos et aspicerentur; id satis ad victoriam. duodecimum apud lapidem Sacrovir copiaeque patentibus locis apparuere. in fronte statuerat ferratos, in cornibus cohortes, a tergo semermos.

---

1 et *Bezzenger*: ut 20 an et] an 7; cf. I 34, 2 33 fronte *Lipsius*: frontē

ipse inter primores equo insigni adire, memorare veteres Gallorum glorias quaeque Romanis adversa intulissent; quam decora victoribus libertas, quanto intolerantior servitus iterum victis.

- 5 46. Non diu haec nec apud laetos: etenim propinquabat legionum acies, inconditque ac militiae nescii oppidani neque oculis neque auribus satis competebant. contra Silius, etsi praesumpta spes hortandi causas exemerat, clamitabat tamen pudendum ipsis, quod Germaniarum victores ad-  
 10 sum Gallos tamquam in hostem ducerentur. 'una nuper cohors rebellem Turonum, una ala Treverum, paucae huius ipsius exercitus turmae profligavere Sequanos. quanto pecunia dites et voluptatibus opulentos, tanto magis inbelles Aeduos evincite et fugientibus consulite.' ingens ad ea clamor,  
 15 et circumfudit eques frontemque pedites invasere, nec cunctatum apud latera. paulum morae attulere ferrati, restantibus lamminis adversum pila et gladios; set miles correptis securibus et dolabris, ut si murum perrumperet, cadere tegmina et corpora; quidam trudibus aut furcis inertem  
 20 molem prosternere, iacentesque, nullo ad resurgendum nisu, quasi exanimes linquebantur. Sacrovir primo Augustodunum, dein metu deditionis in villam propinquam cum fidissimis pergit. illic sua manu, reliqui mutuis ictibus occidere: incensa super villa omnes cremavit.
- 25 47. Tum demum Tiberius ortum patratumque bellum senatu scripsit; neque dempsit aut addidit vero, sed fide ac virtute legatos, se consiliis superfuisse. simul causas, cur non ipse, non Drusus profecti ad id bellum forent, adiunxit, magnitudinem imperii extollens, neque decorum principibus,  
 30 si una alterave civitas turbet \*\* omissa urbe, unde in omnia regimen. nunc, quia non metu ducatur, iturum, ut prae-

---

18 somnulentos *Becher*, affluentes *Cornelissen* | inbelles esse *A. Pfitzner* 15 circumfudit *torga* eques *Ritter* 16 cunctatum: c in initio vocabuli eadem m. correxit ex t (diu certatum *Wölfflin*, dubitatum *C. Jacoby*) 24 incensa *Rhenanus*: ingressa 25 senatus 30 lacunae signum hic posuit *Nipperdey* (ire obviam supplavit *F. Walter*, occurrere *Joh. Müller*)

sentia spectaret componeretque. decrevere patres vota pro reditu eius supplicationesque et alia decora. solus Dolabella Cornelius, dum anteire ceteros parat, absurdam in adulationem progressus, censuit ut ovans e Campania urbem introiret. igitur secutae Caesaris litterae, quibus se non tam vacuum gloria praedicabat, ut post ferocissimas gentes perdomitas, tot receptos in iuventa aut spretos triumphos iam senior peregrinationis suburbanae inane praemium peteret.

48. Sub idem tempus, ut mors Sulpicii Quirini publicis exsequiis frequentaretur, petivit a senatu. nihil ad veterem et patriciam Sulpiciorum familiam Quirinius pertinuit, ortus aput municipium Lanuvium, sed impiger militiae et acribus ministeriis consulatum sub divo Augusto, mox expugnatis per Ciliciam Homonadensium castellis insignia triumphi adeptus; datusque rector C. Caesari Armeniam optinenti Tiberium quoque Rhodi agentem coluerat. quod tunc patefecit in senatu, laudatis in se officiis et incusato M. Lollio, quem auctorem C. Caesari pravitatis et discordiarum arguebat. sed ceteris haut laeta memoria Quirini erat ob intenta, ut memoravi, Lepidae pericula sordidamque et praepotentem senectam.

49. Fine anni Clutorium Priscum equitem Romanum, post celebre carmen, quo Germanici suprema delfeverat, pecunia donatum a Caesare, corripuit delator, obiectans aegro Druso composuisse quod, si extinctus foret, maiore praemio vulgaretur. id Clutorius in domo P. Petroni socru eius Vitellia coram multisque inlustribus feminis per vaniloquentiam iecerat. ut delator extitit, ceteris ad dicendum testimonium exterritis, sola Vitellia nihil se audivisse adseveravit. sed arguentibus ad perniciem plus fidei fuit, sententiaque Haterii Agrippae consulis designati indictum reo ultimum supplicium.

50. Contra M. Lepidus in hunc modum exorsus est: 'si, patres conscripti, unum id spectamus, quam nefaria voce

14 per] super *M. Haupt* | onomadensium, cf. *Strabo XII* 6, 5  
17 Lollio *Lipsius*: folio 26 iecerat *Weissbrodt* (*apud Ritterum*):  
legerat, cf. *VI* 31, 11 28 adsevarit 32 *M. Lipsius*: M.

Clutorius Priscus mentem suam et aures hominum polluerit, neque carcer neque laqueus, ne serviles quidem cruciatus in eum suffecerint. sin flagitia et facinora sine modo sunt, suppliciiis ac remediis principis moderatio maiorumque et  
 5 vestra exempla temperant et vana a scelestis, dicta a maleficiis differunt, est locus sententiae, per quam neque huic delictum impune sit et nos clementiae simul ac severitatis non paeniteat. saepe audiavi principem nostrum conquerentem, si quis sumpta morte misericordiam eius praevenisset.  
 10 vita Clutorii in integro est, qui neque servatus in periculum rei publicae neque interfectus in exemplum ibit. studia illi, ut plena vaecordiae, ita inania et fluxa sunt; nec quicquam grave ac serium ex eo metuas, qui suorum ipse flagitiorum proditor non virorum animis, sed muliercularum adrepi-  
 15 cedat tamen urbe et bonis amissis aqua et igni arceatur; quod perinde censeo ac si lege maiestatis teneretur.'

51. Solus Lepido Rubellius Blandus e consularibus ad-sensit; ceteri sententiam Agrippae secuti, ductusque in carcerem Priscus ac statim exanimatus. id Tiberius solitis sibi  
 20 ambagibus apud senatum incusavit, cum extolleret pietatem quamvis modicas principis iniurias acriter ulciscantium, deprecaretur tam praecipitis verborum poenas, laudaret Lepidum neque Agrippam argueret. igitur factum senatus consultum, ne decreta patrum ante diem <decimum> ad aerarium deferrentur idque vitae spatium damnatis prorogaretur.  
 25 sed non senatui libertas ad paenitendum erat, neque Tiberius interiectu temporis mitigabatur.

52. C. Sulpicius D. Haterius consules sequuntur, inturbidus externis rebus annus, domi suspecta severitate ad-  
 30 versum luxum, qui immensum proruperat ad cuncta, quis pecunia prodigitur. sed alia sumptuum, quamvis graviora, dissimulatis plerumque pretiis occultabantur: ventris et ganeae paratus adsiduis sermonibus vulgati fecerant curam, ne princeps antiquae parsimoniae durius adverteret. nam incipiente

---

10 est] esto *Lipsius*, sit *Madvig*    22 tamen *C. Heraeus*  
 24 decimum *add. Lipsius*    28 Haterius *Rhenanus*: haterius



C. Bibulo ceteri quoque aediles disseruerant sperni sumptuariam legem vetitaque utensilium pretia augeri in dies, nec mediocribus remediis sisti posse, et consulti patres integrum id negotium ad principem distulerant. sed Tiberius saepe apud se pensitato, an coërceri tam profusae cupidines 5 possent, num coërcitio plus damni in rem publicam ferret, quam indecorum adtrectare quod non obtineret vel retentum ignominiam et infamiam virorum inlustrium posceret, postremo litteras ad senatum composuit, quarum sententia in hunc modum fuit. 10

53. 'Ceteris forsitan in rebus, patres conscripti, magis expediat me coram interrogari et dicere quid <e> re publica censeam: in hac relatione subtrahi oculos meos melius fuit, ne denotantibus vobis ora ac metum singulorum, qui pudendi luxus arguerentur, ipse etiam viderem eos ac velut 15 deprenderem. quod si mecum ante viri strenui, aediles, consilium habuissent, nescio an suasurus fuero ommittere potius praevalida et adulta vitia quam hoc adsequi, ut palam fieret quibus flagitiis impares essemus. sed illi quidem officio functi sunt, ut ceteros quoque magistratus sua munia im- 20 plere velim; mihi autem neque honestum silere neque proloqui expeditum, quia non aedilis aut praetoris aut consulis partis sustineo. maius aliquid et excelsius a principe postulatur; et cum recte factorum sibi quisque gratiam trahant, unius invidia ab omnibus peccatur. quid enim primum pro- 25 hibere et priscum ad morem recidere adgrediar? villarumne infinita spatia? familiarum numerum et nationes? argenti et auri pondus? aeris tabularumque miracula? promiscas viris et feminis vestes atque illa feminarum propria, quis lapidum causa pecuniae nostrae ad externas aut hostilis gentes 30 transferuntur?

54. Nec ignoro in conviviis et circulis incusari ista et modum posci; set si quis legem sanciat, poenas indicat, idem illi civitatem verti, splendidissimo cuique exitium parari, ne-

3 remediis sisti *Pichena*: remedia isti  
12 quid re

7 recentum

minem criminis expertem clamitabunt. atqui ne corporis quidem morbos veteres et diu auctos nisi per dura et aspera coërceas; corruptus simul et corruptor, aeger et flagrans animus haut levioribus remediis restinguendus est, quam  
 5 libidinibus ardescit. tot a maioribus repertae leges, tot quas divus Augustus tulit, illae oblivione, hae, quod flagitiosius est, contemptu abolitae securiorem luxum fecere. nam si velis quod nondum vetitum est, timeas ne vetere; at si prohibita impune transcenderis, neque metus ultra neque pudor  
 10 est. cur ergo olim parsimonia pollebat? quia sibi quisque moderabatur, quia unius urbis cives eramus; ne inritamenta quidem eadem intra Italiam dominantibus. externis victoriis aliena, civilibus etiam nostra consumere didicimus. quantum istud est, de quo aediles admonent! quam, si cetera  
 15 respicias, in levi habendum! at hercule nemo refert, quod Italia externae opis indiget, quod vita populi Romani per incerta maris et tempestatum cotidie volvitur; ac nisi provinciarum copiae et dominis et servitiis et agris subveniant, nostra nos scilicet nemora nostraeque villae tuebuntur.  
 20 hanc, patres conscripti, curam sustinet princeps: haec omissa funditus rem publicam trahet. reliquis intra animum medendum est: nos pudor, pauperes necessitas, divites satias in melius mutet. aut si quis ex magistratibus tantam industriam ac severitatem pollicetur, ut ire obviam queat, hunc ego et  
 25 laudo et exonerari laborum meorum partem fateor. sin accusare vitia volunt, dein, cum gloriam eius rei adepti sunt, similitates faciunt ac mihi relinquunt, credite, patres conscripti, me quoque non esse offensionum avidum; quas cum graves et plerumque iniquas pro re publica suscipiam, inanes et inritas neque mihi aut vobis usui futuras iure deprecor.<sup>7</sup>

55. Auditis Caesaris litteris remissa aedilibus talis cura; luxusque mensae a fine Actiaci belli ad ea arma, quis Servius Galba rerum adeptus est, per annos centum profusis

---

8 si in pr. *Nipperdey* 10 sibiue moderabatur qua 25 exonerare *Döderlein* | parte me fateor *Wopkens*

sumptibus exerciti paulatim exolvere. causas eius mutationis quaerere libet. dites olim familiae nobilium aut claritudine insignes studio magnificentiae prolabeantur. nam etiam plebem socios regna colere et coli licitum; ut quisque opibus domo paratu speciosus, per nomen et clientelas illustrior habebatur. postquam caedibus saevitum et magnitudo famae exitio erat, ceteri ad sapientiora convertere. simul novi homines e municipiis et coloniis atque etiam provinciis in senatum crebro adsumpti domesticam parsimoniam intulerunt, et quamquam fortuna vel industria plerique pecuniosam ad senectam pervenirent, mansit tamen prior animus. sed praecipuus adstricti moris auctor Vespasianus fuit, antiquo ipse cultu victuque. obsequium inde in principem et aemulandi amor validior quam poena ex legibus et metus. nisi forte rebus cunctis inest quidam velut orbis, ut quem ad modum temporum vices, ita morum vertantur; nec omnia apud priores meliora, sed nostra quoque aetas multa laudis et artium imitanda posteris tulit. verum haec nobis <in> maiores certamina ex honesto maneant.

56. Tiberius fama moderationis parva, quod ingruentis accusatores represserat, mittit litteras ad senatum, quis potestatem tribuniciam Druso petebat. id summi fastigii vocabulum Augustus repperit, ne regis aut dictatoris nomen adsumeret ac tamen appellatione aliqua cetera imperia prae-mineret. Marcum deinde Agrippam socium eius potestatis, quo defuncto Tiberium Neronem delegit, ne successor in incerto foret. sic cohiberi pravas aliorum spes rebatur; simul modestiae Neronis et suae magnitudini fidebat. quo tunc exemplo Tiberius Drusum summae rei admovit, cum incolumi Germanico integrum inter duos iudicium tenuisset. sed principio litterarum veneratus deos, ut consilia sua rei publicae prosperarent, modica de moribus adolescentis neque in falsum aucta rettulit. esse illi coniugem et tres liberos eamque aetatem, qua ipse quondam a divo Augusto ad capessen-

18 in *add. Lipsius*, erga maiores *Rhenanus*, [maiores] *Mitscherlich* 29 admovit *Halm*: admouet

dum hoc munus vocatus sit. neque nunc propere, sed per octo annos capto experimento, compressis seditionibus, compositis bellis, triumphalem et bis consulem noti laboris participem sumi.

5 57. Praeceperant animis orationem patres; quo quaesitior adulatio fuit. nec tamen repertum nisi ut effigies principum, aras deum, templa et arcus aliaque solita censerent, nisi quod M. Silanus ex contumelia consulatus honorem principibus petivit dixitque pro sententia, ut publicis privatisve  
10 monimentis ad memoriam temporum non consulum nomina praescriberentur, sed eorum qui tribuniciam potestatem gererent. at Q. Haterius cum eius diei senatus consulta aureis litteris figenda in curia censuisset, deridiculo fuit, senex foedissimae adulationis tantum infamia usus.

15 58. Inter quae provincia Africa Iunio Blaeso prorogata, Servius Maluginensis flamen Dialis ut Asiam sorte haberet postulavit, frustra vulgatum dictitans non licere Dialibus egredi Italia, neque aliud ius suum quam Martialium Quirinaliumque flaminum: porro, si hi duxissent provincias, cur  
20 Dialibus id vetitum? nulla de eo populi scita, non in libris caerimoniarum reperiri. saepe pontifices Dialia sacra fecisse, si flamen validudine aut munere publico impediretur. quinque et septuaginta annis post Cornelii Merulae caedem neminem suffectum, neque tamen cessavisse religiones. quod  
25 si per tot annos possit non creari nullo sacrorum damno, quanto facilius afuturum ad unius anni proconsulare imperium? privatis olim simultatibus effectum, ut a pontificibus maximis ire in provincias prohiberentur: nunc deum munere summum pontificum etiam summum hominum esse, non  
30 aemulationi, non odio aut privatis adfectionibus obnoxium.

59. Adversus quae cum augur Lentulus aliique varie dissererent, eo decursum est, ut pontificis maximi sententiam opperirentur. Tiberius dilata notione de iure flaminis, de-

---

9 privatisque *Muretus* 12 at Q. *Lipsius*: atque 18 ius suum] ius | sum (an ius eorum?) 19 sibi 22 V *Lachmann*: duobus (VII *Sirker Ann. philol.* 1872 p. 135) 30 aemulatione, em. *Muretus* 33 delata 1 m.

cretas ob tribuniciam Drusi potestatem caerimonias temperavit, nominatim arguens insolentiam sententiae aureasque litteras contra patrum morem. recitatae et Drusi epistulae, quamquam ad modestiam flexae, pro superbissimis accipiuntur. huc decidisse cuncta, ut ne iuvenis quidem tanto honore accepto adiret urbis deos, ingrederetur senatum, auspicia saltem gentile aput solum inciperet. bellum scilicet, aut diverso terrarum distineri, litora et lacus Campaniae cum maxime peragrantem. sic imbui rectorem generis humani, id primum e paternis consiliis discere. sane gravaretur aspectum civium senex imperator fessamque aetatem et actos labores praetenderet: Druso quod nisi ex adrogantia impedimentum?

60. Sed Tiberius, vim principatus sibi firmans, imaginem antiquitatis senatui praebebat, postulata provinciarum ad disquisitionem patrum mittendo. crebrescebat enim Graecas per urbes licentia atque impunitas asyla statuendi; complabantur templa pessimis servitiorum; eodem subsidio obaerati adversum creditores suspectique capitalium criminum receptabantur, nec ullum satis validum imperium erat coercendis seditionibus populi, flagitia hominum ut caerimonias deum protegentis. igitur placitum ut mitterent civitates iura atque legatos. et quaedam quod falso usurpaverant sponte omisere; multae vetustis superstitionibus aut meritis in populum Romanum fidebant. magnaque eius diei species fuit, quo senatus maiorum beneficia, sociorum pacta, regum etiam, qui ante vim Romanam valuerant, decreta ipsorumque numinum religiones introspexit, libero, ut quondam, quid firmaret mutaretve.

61. Primi ompium Ephesii adiere, memorantes non, ut vulgus crederet, Dianam atque Apollinem Delo genitos: esse aput se Cenchreum amnem, lucum Ortygiam; ubi Latonam

2 ins. Silaniarum sententiae *Joh. Müller* 7 bello *Lipsius*, bello eum *Pichena* 22 protegentes, *em. Rhenanus* | civitatis, *em. idem* 32 Cenchrium *Beroaldus*; εἰ diphthongus e producta expressa est, ut III 63 in *Dareus*, cf. *Alexandri Aetoli versum ἡ τ' ἐπὶ Κενχρεῶν λίμνην οἶκον ἔχει* in *Meinekii Anal. Alex. p. 225* | lucum *Lipsius*: locum

partu gravidam et oleae, quae tum etiam maneat, adnisam edidisse ea numina, deorumque monitu sacratum nemus-  
atque ipsum illic Apollinem post interfectos Cyclopas Iovis iram vitavisse. mox Liberum patrem, bello victorem, sup-  
5 plicibus Amazonum, quae aram insederant, ignovisse. auc-  
tam hinc concessu Herculis, cum Lydia poteretur, caerimoniam templo, neque Persarum dicione deminutum ius; post Macedonas, dein nos servavisse.

62. Proximi hos Magnetes L. Scipionis et L. Sullae con-  
10 stitutis nitebantur, quorum ille Antiocho, hic Mithridate pul-  
sis fidem atque virtutem Magnetum decoravere, uti Dianae Leucophrynae perfugium inviolabile foret. Aphrodisienses posthac et Stratonicensis dictatoris Caesaris ob vetusta in  
partis merita et recens divi Augusti decretum adtulere, lau-  
15 dati, quod Parthorum inruptionem nihil mutata in populum Romanum constantia pertulissent. sed Aphrodisiensium ci-  
vitas Veneris, Stratonicensium Iovis et Triviae religionem tuebantur. altius Hierocaesarienses exposuere: Persicam aput  
se Dianam, delubrum rege Cyro dictatum; et memorabantur  
20 Perpennae, Isaurici multaque alia imperatorum nomina, qui non modo templo, sed duobus milibus passuum eandem sanc-  
tatem tribuerant. exim Cyprii tribus <de> delubris, quorum vetustissimum Paphiae Veneri auctor Aërias, post filius eius  
Amathus Veneri Amathusiae et Iovi Salaminio Teucer, Tela-  
25 monis patris ira profugus, posuissent.

63. Auditaе aliarum quoque civitatum legationes. quorum copia fessi patres, et quia studiis certabatur, consulibus per-  
misere, ut perspecto iure, et si qua iniquitas involveretur, rem integram rursum ad senatum referrent. consules super  
30 eas civitates, quas memoravi, aput Pergamum Aesculapii con-  
pertum asylum rettulerunt: ceteros obscuris ob vetustatem initiis niti. nam Zmyrnaeos oraculum Apollinis, cuius impe-

---

1 et] ei *Bezenberger* 5 insiderant 9 proximi hos *M. Wurm*: proximo snagnetes (proximi *M. Freinsheim*) 12 leucophinae, *em. Lipsius* (Leucophryenae *Beroaldus*) 19 regi *Freinsheim* 22 de *add. Bezenberger* 32 zmyrnetis (*Smyrnaeos Beroaldus*)

rio Stratonici Veneri templum dicaverint, Tenios eiusdem carmen referre, quo sacrare Neptuni effigiem aedemque iussi sint. propiora Sardianos<sup>1</sup> Alexandri victoris id donum; neque minus Milesios Dareo rege niti; set cultus numinum utrisque Dianam aut Apollinem venerandi. petere et Cre-<sup>5</sup> tenses simulacro divi Augusti. factaque senatus consulta, quis multo cum honore modus tamen praescribatur, iussi-  
que ipsis in templis figere aera sacrandam ad memoriam, neu specie religionis in ambitionem delaberentur.

64. Sub idem tempus Iuliae Augustae validudo atrox ne-<sup>10</sup> cessitudinem principi fecit festinati in urbem reditus, sincera adhuc inter matrem filiumque concordia sive occultis odiis. neque enim multo ante, cum haud procul theatro Marcelli effigiem divo Augusto Iulia dicaret, Tiberi nomen suo postscripserat, idque ille credebatur ut inferius maiestate<sup>15</sup> principis gravi et dissimulata offensione abdidisse. set tum supplicia dis ludique magni ab senatu decernuntur, quos pontifices et augures et quindecimviri septemviris simul et sodalibus Augustalibus ederent. censuerat L. Apronius, ut fetiales quoque iis ludis praesiderent. contra dixit Caesar,<sup>20</sup> distincto sacerdotiorum iure et repetitis exemplis: neque enim umquam fetialibus hoc maiestatis fuisse. ideo Augustales adiectos, quia proprium eius domus sacerdotium esset, pro qua vota persolverentur.

65. Exequi sententias haud institui nisi insignes per ho-<sup>25</sup> nestum aut notabili dedecore, quod praecipuum munus annalium reor, ne virtutes sileantur, utque pravis dictis factisque ex posteritate et infamia metus sit. ceterum tempora illa adeo infecta et adulatione sordida fuere, ut non modo primores civitatis, quibus claritudo sua obsequiis protegenda<sup>30</sup> erat, sed omnes consulares, magna pars eorum qui praetura functi multique etiam pedarii senatores certatim exsurgerent foedaque et nimia censerent. memoriae proditur Tiberium,

---

1 Stratonici *Rhenanus*: strato nicidiuae 4 rege niti *Lip-  
sius*: regi uti 8 figere *Pichena*: fiere 16 Sectum 29 et *de-  
levit Novák*

quotiens curia egrederetur, Graecis verbis in hunc modum eloqui solitum 'o homines ad servitutem paratos!' scilicet etiam illum, qui libertatem publicam nollet, tam proiectae servientium patientiae taedebat.

66. Paulatim dehinc ab indecoris ad infesta transgrediebantur. C. Silanum pro consule Asiae, repetundarum a sociis postulatam, Mamercus Scaurus e consularibus, Iunius Otho praetor, Bruttedius Niger aedilis simul corripuiunt obiectantque violatum Augusti numen, spretam Tiberii maiestatem, Mamercus antiqua exempla iaciens, L. Cottam a Scipione Africano, Servium Galbam a Catone Censorio, P. Rutilium a M. Scauro accusatos. videlicet Scipio et Cato talia ulciscebantur, aut ille Scaurus, quem proavum suum obprobrium maiorum Mamercus infami opera dehonestabat. Iunio Othoni litterarium ludum exercere vetus ars fuit; mox Seiani potentia senator obscura initia impudentibus ausis propoluebat. Bruttedium artibus honestis copiosum et, si rectum iter pergeret, ad clarissima quaeque iturum festinatio exstimulabat, dum aequalis, dein superiores, postremo suasmet ipse spes antire parat; quod multos etiam bonos pessum dedit, qui spretis quae tarda cum securitate, praematura vel cum exitio properant.

67. Auxere numerum accusatorum Gellius Publicola et M. Paconius, ille quaestor Silani, hic legatus. nec dubium habebatur saevitiae captarumque pecuniarum teneri reum: sed multa adgerebantur etiam insontibus periculosa, cum super tot senatores adversos facundissimis totius Asiae eoque ad accusandum delectis responderet solus et orandi nescius, proprio in metu, qui exercitam quoque eloquentiam debilitat, non temperante Tiberio quin premeret voce vultu,

---

8 Bruttedius *Beroaldus*, Brutidius *Rhenanus*, at cf. *Buecheler in N. mus. Rhen. XI 295* 14 maiorum *Rhenanus*: maiorum 16 provolvebat *Jac. Gronovius*, protollebat *Acidalius*, porro polluebat *Lipsius*; vide ne quod *Lipsius* voluit in ipsa cod. lectione dictum sit, ut item *VI 25* provivere nove usurpatum est 18 perageret, em. *Rhenanus* 20 antire parat *Bach*: antereparat 29 eloquende belitat



eo quod ipse creberrime interrogabat, neque refellere aut eludere dabatur, ac saepe etiam confitendum erat, ne frustra quaesivisset. servos quoque Silani, ut tormentis interrogarentur, actor publicus mancipio acceperat; et ne quis necessariorum iuvaret periclitantem, maiestatis crimina subdebantur, vinclum et necessitas silendi. igitur petito paucorum dierum interiectu defensionem sui deseruit, ausis ad Caesarem codicillis, quibus invidiam et preces miscuerat.

68. Tiberius quae in Silanum parabat, quo excusatus sub exemplo acciperentur, libellos divi Augusti de Voleso Mesala eiusdem Asiae pro consule factumque in eum senatus consultum recitari iubet. tum L. Pisonem sententiam rogat. ille multum de clementia principis praefatus aqua atque igni Silano interdicens censuit ipsumque in insulam Gyarum relegandum. eadem ceteri, nisi quod Cn. Lentulus separanda Silani materna bona, quippe Atia parente geniti, reddendaque filio dixit, adnuente Tiberio.

69. At Cornelius Dolabella dum adulationem longius sequitur, increpitis C. Silani moribus addidit, ne quis vita probrosus et opertus infamia provinciam sortiretur, idque princeps diiudicaret. nam a legibus delicta puniri: quanto fore mitius in ipsos, melius in socios, provideri ne peccaretur? adversum quae disseruit Caesar: non quidem sibi ignara quae de Silano vulgabantur, sed non ex rumore statuendum. multos in provinciis contra, quam spes aut metus de illis fuerit, egisse: excitari quosdam ad meliora magnitudine rerum, hebescere alios. neque posse principem sua scientia cuncta complecti, neque expedire ut ambitione aliena trahatur. ideo leges in facta constitui, quia futura in incerto sint. sic a maioribus institutum, ut, si antissent delicta, poenae sequerentur. ne verterent sapienter reperta et semper placita. satis onerum principibus, satis etiam potentiae. minui iura,

1 eoque quod *Acidalius* 3 interrogentur, *em. Lipsius*  
7 ausis: *alii missis, alii ausus...codicillos* 16 Atia *Madvig*:  
*alia (Manlia Grotius, sic item vel Mallia Borghesi Oeuvr. compl.*  
*3, 17 et 5, 183)* 21 nam legibus *Wurm* 22 minui iura *Lipsius*:  
*minutura*

quotiens gliscat potestas, nec utendum imperio, ubi legibus  
 agi possit. quanto rarior aput Tiberium popularitas, tanto  
 laetioribus animis accepta. atque ille prudens moderandi,  
 si propria ira non impelleretur, addidit insulam Gyarum  
 5 immitem et sine cultu hominum esse: darent Iuniae familiae  
 et viro quondam ordinis eiusdem, ut Cythnum potius con-  
 cederet. id sororem quoque Silani Torquatam, priscae san-  
 ctimoniae virginem, expetere. in hanc sententiam facta dis-  
 cессio.

10 70. Post auditi Cyrenenses, et accusante Anchario Prisco  
 Caesius Cordus repetundarum damnatur. L. Ennium equitem  
 Romanum, maiestatis postulatum, quod effigiem principis  
 promiscum ad usum argenti vertisset, recipi Caesar inter  
 reos vetuit, palam aspernante Ateio Capitone quasi per liber-  
 15 tatem. non enim debere eripi patribus vim statuendi neque  
 tantum maleficium impune habendum. sane lentus in suo  
 dolore esset: rei publicae iniurias ne largiretur. intellexit  
 haec Tiberius, ut erant magis quam ut dicebantur, perstitit-  
 que intercedere. Capito insignitior infamia fuit, quod hu-  
 20 mani divinique iuris sciens egregium publicum et bonas domi-  
 artes debonestavisset.

71. Incessit dein religio, quonam in templo locandum  
 foret donum, quod pro valetudine Augustae equites Romani  
 voverant equestri Fortunae: nam etsi delubra eius deae  
 25 multa in urbe, nullum tamen tali cognomento erat. reper-  
 tum est aedem esse aput Antium, quae sic nuncuparetur,  
 cunctasque caerimonias Italicis in oppidis templaque et nu-  
 minum effigies iuris atque imperii Romani esse. ita donum  
 aput Antium statuitur. et quoniam de religionibus tractaba-  
 30 tur, dilatum nuper responsum adversus Servium Maluginen-  
 sem flaminem Dialem prompsit Caesar recitavitque decretum  
 pontificum, quotiens validudo adversa flaminem Dialem in-  
 cessisset, ut pontificis maximi arbitrio plus quam binoctium

---

6 Cythnum *Lipsius*: cythenum 31 prompsit *Lipsius*: pro-  
 misit 32 quotiens non val. *Haase*, alii in proximis (incessisset  
 ut) quaedam deesse statuunt, cf. tamen *Madvigii Adv. II* 545

abesset, dum ne diebus publici sacrificii neu saepius quam bis eundem in annum; quae principe Augusto constituta satis ostendebant annuam absentiam et provinciarum administrationem Dialibus non concedi. memorabaturque L. Metelli pontificis maximi exemplum, qui Aulum Postumium flaminem attinuisset. ita sors Asiae in eum, qui consularium Maluginensi proximus erat, conlata. 5

72. Isdem diebus <M.> Lepidus ab senatu petivit ut basilicam Pauli, Aemilia monimenta, propria pecunia firmaret ornaretque. erat etiam tum in more publica munificentia; nec Augustus arcuerat Taurum, Philippum, Balbum hostiles exuvias aut exundantis opes ornatum ad urbis et posterum gloriam conferre. quo tum exemplo Lepidus, quamquam pecuniae modicus, avitum decus recoluit. at Pompei theatrum igne fortuito haustum Caesar exstructurum pollicitus est, eo quod nemo e familia restaurando sufficeret, manente tamen nomine Pompei. simul laudibus Seianum extulit, tamquam labore vigilantiaque eius tanta vis unum intra damnum stettisset. et censuere patres effigiem Seiano, quae apud theatrum Pompei locaretur. neque multo post Caesar, cum Lucium Blaesum pro consule Africae triumphi insignibus attolleret, dare id se dixit honori Seiani, cuius ille avunculus erat. ac tamen res Blaesi dignae decore tali fuere. 15

73. Nam Tacfarinas, quamquam saepius depulsus, reparatis per intima Africae auxiliis huc adrogantiae venerat, ut legatos ad Tiberium mitteret sedemque ultro sibi atque exercitui suo postularet aut bellum inexplicabile minitaretur. non alias magis sua populi que Romani contumelia indoluisse Caesarem ferunt, quam quod desertor et praedo hostium more ageret. ne Spartaco quidem post tot consularium exercituum clades inultam Italiam urenti, quamquam Sertorii atque Mithridatis ingentibus bellis labaret res publica, datum, ut pacto in fidem acciperetur: nedum pulcherrimo populi Romani fastigio latro Tacfarinas pace et concessione agro-

8 M. addidit *Nipperdey*  
27 inexpressibile *Pluygers*

11 arcuerat *Lipsius*: arguerat

rum redimeretur. dat negotium Blaeso, ceteros quidem ad spem proliceret arma sine noxa ponendi, ipsius autem ducis quoquo modo poteretur. et recepti ea venia plerique. mox adversum artes Tacfarinatis haud dissimili modo belligeratum.

- 5 74. Nam quia ille robore exercitus inpar, furandi melior, pluris per globos incursaret eluderetque et insidias simul temptaret, tres incessus, totidem agmina parantur. ex quis Cornelius Scipio legatus praefuit qua praedatio in Lepcitanos et suffugia Garamantum; alio latere, ne Cirtensium pagi im-  
 10 pune traherentur, propriam manum Blaesus filius duxit. medio cum delectis, castella et munitiones idoneis locis inponens, dux ipse arta et infensa hostibus cuncta fecerat, quia, quoquo inclinarent, pars aliqua militis Romani in ore, in latere et saepe a tergo erat; multique eo modo caesi aut  
 15 circumventi. tunc tripertitum exercitum plures in manus dispergit praeponitque centuriones virtutis expertae. nec, ut mos fuerat, acta aestate retrahit copias aut in hibernaculis veteris provinciae componit, sed ut in limine belli dispositis castellis per expeditos et solitudinum gnaros mutan-  
 20 tem mapalia Tacfarinatem proturbabat, donec fratre eius capto regressus est, properantius tamen quam ex utilitate sociorum, relictis per quos resurgeret bellum. sed Tiberius pro confecto interpretatus id quoque Blaeso tribuit, ut imperator a legionibus salutaretur, prisco erga duces honore,  
 25 qui bene gesta re publica gaudio et impetu victoris exercitus conclamabantur; erantque plures simul imperatores nec super ceterorum aequalitatem. concessit quibusdam et Augustus id vocabulum, ac tunc Tiberius Blaeso postremum.

75. Obiere eo anno viri inlustres Asinius Saloninus, Marco  
 30 Agrippa et Pollione Asinio avis, fratre Druso insignis Caesarique progener destinatus, et Capito Ateius, de quo memoravi, principem in civitate locum studiis civilibus adsecutus, sed avo centurione Sullano, patre praetorio. consula-

---

8 Lepcitanos *scripsi*: lepcinos; t *superscr. m. posterior* (Lep-  
 titanos *Freinsheim*), cf. *JB.* XXX 358. XXXI 330 9 certen-  
 sium

tum ei adceleraverat Augustus, ut Labeonem Antistium isdem artibus praecellentem dignatione eius magistratus anteiret. namque illa aetas duo pacis decora simul tulit: sed Labeo incorrupta libertate, et ob id fama celebratior, Capitonis obsequium dominantibus magis probabatur. illi, quod praetura<sup>5</sup> intra stetit, commendatio ex iniuria, huic, quod consulat<sup>5</sup>um adeptus est, odium ex invidia oriebatur.

76. Et Iunia sexagesimo quarto post Philippensem aciem anno supremum diem explevit, Catone avunculo genita, C. Cassii uxor, M. Bruti soror. testamentum eius multo apud vulgum<sup>10</sup> rumore fuit, quia in magnis opibus, cum ferme cunctos procures cum honore nominavisset, Caesarem omisit. quod civiliter acceptum, neque prohibuit quo minus laudatione pro rostris ceterisque sollemnibus funus cohonestaretur. viginti clarissimarum familiarum imagines antelatae sunt, Manlii,<sup>15</sup> Quinctii aliaque eiusdem nobilitatis nomina. sed prae-fulgebant Cassius atque Brutus, eo ipso, quod effigies eorum non visebantur.

---

2 magistratibus 11 operibus 17 piso 18 visebantur. P. Corneli liber III. finit Incipit liber IIII.

# CORNELII TACITI

## AB EXCESSU DIVI AUGUSTI

### LIBER IV.

1. C. Asinio C. Antistio consulibus nonus Tiberio annus  
5 erat, compositae rei publicae, florentis domus (nam Germanici mortem inter prospera ducebat), cum repente turbare fortuna coepit, saevire ipse aut saevientibus vires praebere. initium et causa penes Aelium Seianum cohortibus praetoriis praefectum, cuius de potentia supra memoravi: nunc  
10 originem mores et quo facinore dominationem raptum ierit, expediam. genitus Vulsiniis patre Seio Strabone equite Romano, et prima iuventa C. Caesarem divi Augusti nepotem sectatus, non sine rumore Apicio diviti et prodigo stuprum veno dedisse, mox Tiberium variis artibus devinxit, adeo ut  
15 obscurum adversum alios sibi uni incautum intectumque efficeret, non tam sollertia (quippe isdem artibus victus est) quam deum ira in rem Romanam, cuius pari exitio viguit ceciditque. corpus illi laborum tolerans, animus audax; sui obtegens, in alios criminator; iuxta adulatio et superbia;  
20 palam compositus pudor, intus summa apiscendi libido, eiusque causa modo largitio et luxus, saepius industria ac vigilantia, haud minus noxiae, quotiens parando regno funguntur.

2. Vim praefecturae modicam antea intendit, dispersas  
25 per urbem cohortes una in castra conducendo, ut simul imperia acciperent numeroque et robore et visu inter se fiducia ipsis, in ceteros metus oreretur. praetendebat lascivire

---

2 Ab excessu divi Augusti. G. Asino *e. q. s.* 10 ierit *Pichena*: perit 11 vulgus sinis 27 oreretur *Haase* (oriretur *Faërnus*): credetur

militem diductum; si quid subitum ingruat, maiore auxilio pariter subveniri; et severius acturos, si vallum statuatur procul urbis inlecebris. ut perfecta sunt castra, inrepere paulatim militares animos adeundo, appellando; simul centuriones ac tribunos ipse deligere. neque senatorio ambitu 5 abstinebat clientes suos honoribus aut provinciis ornandi, facili Tiberio atque ita prono, ut socium laborum non modo in sermonibus, sed apud patres et populum celebraret colique per theatra et fora effigies eius interque principia legionum sineret. 10

3. Ceterum plena Caesarum domus, iuvenis filius, nepotes adulti moram cupitis adferebant, et quia vi tot simul corripere intutum, dolus intervalla scelerum poscebat. placuit tamen occultior via et a Druso incipere, in quem recenti ira ferebatur. nam Drusus inpatiens aemuli et animo com- 15 motior orto forte iurgio intenderat Seiano manus et contra tendentis os verberaverat. igitur cuncta temptanti promptissimum visum ad uxorem eius Liviam convertere, quae soror Germanici, formae initio aetatis indecorae, mox pulchritudine praecebat. hanc ut amore incensus adulterio pelle- 20 xit, et postquam primi flagitii potitus est (neque femina amissa pudicitia alia abnuerit), ad coniugii spem, consortium regni et necem mariti impulit. atque illa, cui avunculus Augustus, socer Tiberius, ex Druso liberi, seque ac maiores et posteros municipali adultero foedabat, ut pro honestis et prae- 25 sentibus flagitiosa et incerta exspectaret. sumitur in conscientiam Eudemus, amicus ac medicus Liviae, specie artis frequens secretis. pellit domo Seianus uxorem Apicatam, ex qua tres liberos genuerat, ne paelici suspectaretur. sed magnitudo facinoris metum prolationes, diversa interdum con- 30 silia adferebat.

4. Interim anni principio Drusus ex Germanici liberis togam virilem sumpsit, quaeque fratri eius Neroni decreverat senatus repetita. addidit orationem Caesar, multa cum laude

---

1 deductum 12 et *del. Nipperdey* 26 assumitur *Gerber coll.*  
*XIII* 12, 3

filiis suis, quod patria benivolentia in fratris liberos foret. nam Drusus, quamquam arduum sit eodem loci potentiam et concordiam esse, aequus adolescentibus aut certe non adversus habebatur.

- 5 Exin vetus et saepe simulatum proficiscendi in provincias consilium refertur. multitudinem veteranorum praetexebat imperator et dilectibus supplendos exercitus: nam voluntarium militem deesse ac si suppeditet, non eadem virtute ac modestia agere, quia plerumque inopes ac vagi sponte  
10 militiam sumant. percensuitque cursim numerum legionum et quas provincias tutarentur. quod mihi quoque exequendum reor, quae tunc Romana copia in armis, qui socii reges, quanto sit angustius imperitatum.

5. Italiam utroque mari duae classes, Misenum apud et  
15 Ravennam, proximumque Galliae litus rostratae naves praesidebant, quas Actiaca victoria captas Augustus in oppidum Foroiuliense miserat valido cum remige. sed praecipuum robur Rhenum iuxta, commune in Germanos Gallosque subsidium, octo legiones erant. Hispaniae recens perdomitae  
20 tribus habebantur. Mauros Iuba rex acceperat donum populi Romani. cetera Africae per duas legiones parique numero Aegyptus, dehinc initio ab Suriae usque ad flumen Euphraten, quantum ingenti terrarum sinu ambitur, quattuor legionibus coercita, accolis Hiberno Albanoque et aliis  
25 regibus, qui magnitudine nostra proteguntur adversum externa imperia. et Thraeciam Rhoemetaces ac liberi Cotyis, ripamque Danuvii legionum duae in Pannonia, duae in Moesia attinebant, totidem apud Delmatiam locatis, quae positu regionis a tergo illis ac, si repentinum auxilium Italia posceret, haud procul accirentur, quamquam insideret urbem  
30 proprius miles, tres urbanae, novem praetoriae cohortes, Etruria ferme Umbriaque delectae aut vetere Latio et coloniis antiquitus Romanis. at apud idonea provinciarum sociae

---

3 aversus *Heinsius* 12 ut noscatur post reor *inseruit Novák*  
15 constrictae *Nipperdey* 22 Suriae *Muretus*: suria, de collo-  
catione praepositionis v. *Nipperdey ad III 72* 32 coloniis  
*Lipsius*: colonis



triremes alaeque et auxilia cohortium, neque multo secus in iis virium: sed persequi incertum fuit, cum ex usu temporis huc illuc mearent, gliscerent numero et aliquando minuerentur.

6. Congruens crediderim recensere ceteras quoque rei publicae partes, quibus modis ad eam diem habitae sint, quoniam Tiberio mutati in deterius principatus initium ille annus attulit. iam primum publica negotia et privatorum maxima aput patres tractabantur, dabaturque primoribus disserere, et in adulationem lapsos cohibebat ipse; mandabatque honores nobilitatem maiorum, claritudinem militiae, inlustres domi artes spectando, ut satis constaret non alios potiores fuisse. sua consulibus, sua praetoribus species; minorum quoque magistratuum exercita potestas; legesque, si maiestatis quaestio eximeretur, bono in usu. at frumenta et pecuniae vectigales, cetera publicorum fructuum societatibus equitum Romanorum agitabantur. res suas Caesar spectatissimo cuique, quibusdam ignotis ex fama mandabat, semelque adsumpti tenebantur prorsus sine modo, cum plerique isdem negotiis insenescerent. plebes acri quidem annona fatigabatur, sed nulla in eo culpa ex principe: quin infecunditati terrarum aut asperis maris obviam iit, quantum impendio diligentiaque poterat. et ne provinciae novis oneribus turbarentur utque vetera sine avaritia aut crudelitate magistratuum tolerarent, providebat: corporum verbera, ademptiones honorum aberant. rari per Italiam Caesaris agri, modesta servitia, intra paucos libertos domus; ac si quando cum privatis disceptaret, forum et ius.

7. Quae cuncta non quidem comi via, sed horridus ac plerumque formidatus, retinebat tamen, donec morte Drusi verterentur: nam dum superfuit, mansere, quia Seianus incipiente adhuc potentia bonis consiliis notescere volebat et ultor metuebatur non occultus odii, set crebro querens incolumi filio adiutorem imperii alium vocari. et quantum superesse, ut collega dicatur? primas dominandi spes in arduo: 35

ubi sis ingressus, adesse studia et ministros. exstructa iam sponte praefecti castra, datos in manum milites; cerni effigiem eius in monimentis Cn. Pompei, communes illi cum familia Drusorum fore nepotes: precandam post haec modestiam, ut contentus esset. neque raro neque apud paucos talia iaciebat, et secreta quoque eius corrupta uxore probebantur.

8. Igitur Seianus maturandum ratus deligit venenum, quo paulatim inrepente fortuitus morbus adsimularetur. id Druso datum per Lygdum spadonem, ut octo post annos cognitum est. ceterum Tiberius per omnes valitudinis eius dies, nullo metu an ut firmitudinem animi ostentaret, etiam defuncto necdum sepulto, curiam ingressus est. consulesque sede vulgari per speciem maestitiae sedentes honoris locique admonuit et effusum in lacrimas senatum victo gemitu, simul oratione continua erexit. non quidem sibi ignarum posse argui, quod tam recenti dolore subierit oculos senatus: vix propinquorum adloquia tolerari, vix diem aspici a plerisque lugentium. neque illos inbecillitatis damnandos: se tamen fortiora solacia e complexu rei publicae petivisse. miseratusque Augustae extremam senectam, rudem adhuc nepotum et vergentem aetatem suam, ut Germanici liberi, unica praesentium malorum levamenta, inducerentur petivit. egressi consules firmatos adloquio adulescentulos deductosque ante Caesarem statuunt. quibus adprensus 'patres conscripti, hos' inquit 'orbatos parente tradidi patruo ipsorum precatusque sum, quamquam esset illi propria suboles, ne secus quam suum sanguinem foveret attolleret, sibique et posteris conformaret. erepto Druso preces ad vos converto disque et patria coram obtestor: Augusti pronepotes, clarissimis maioribus genitos, suscipite regite, vestram meamque vicem explete. hi vobis, Nero et Druse, parentum loco. ita nati estis, ut bona malaque vestra ad rem publicam pertineant.'

---

26 parenti 1 m. 28 attolleret, sed c superscr. eadem m., ut videtur, ut esset ac tolleret | conformaret: ante rm videtur fuisse i (confirmaret Lipsius)

9. Magno ea fletu et mox precationibus faustis audita; ac si modum orationi posuisset, misericordia sui gloriaque animos audientium impleverat: ad vana et totiens inrisa revolutus, de reddenda re publica utque consules seu quis alius regimen susciperent, vero quoque et honesto fidem 5 dempsit. memoriae Drusi eadem quae in Germanicum decernuntur, plerisque additis, ut ferme amat posterior adulatio. funus imaginum pompa maxime inlustre fuit, cum origo Iuliae gentis Aeneas omnesque Albanorum reges et conditor urbis Romulus, post Sabina nobilitas, Attus Clausus ceterae- 10 que Claudiorum effigies longo ordine spectarentur.

10. In tradenda morte Drusi quae plurimis maximaeque fidei auctoribus memorata sunt rettuli: set non omiserim eorundem temporum rumorem, validum adeo, ut nondum exolescat. corrupta ad scelus Livia Seianum Lygdi quoque 15 spadonis animum stupro vinxisse, quod is aetate atque forma carus domino interque primores ministros erat; deinde, inter conscios ubi locus veneficii tempusque composita sint, eo audaciae propectum, ut verteret et occulto indicio Drusum veneni in patrem arguens moneret Tiberium vitandam potio- 20 nem, quae prima ei apud filium epulanti offerretur. ea fraude captum senem postquam convivium inierat, exceptum poculum Druso tradidisse, atque illo ignaro et iuveniliter hauriente auctam suspicionem, tamquam metu et pudore sibi- 25 met inrogaret mortem, quam patri struxerat.

11. Haec vulgo iactata super id, quod nullo auctore certo firmantur, prompte refutaveris. quis enim mediocri prudentia, nedum Tiberius tantis rebus exercitus, inaudito filio exitium offerret, idque sua manu et nullo ad paenitendum regressu? quin potius ministrum veneni excrucicaret, aucto- 30 rem exquireret, insita denique etiam in extraneos cunctatione et mora adversum unicum et nullius ante flagitii con-

---

12 maximaeque fidei *Ritter*: maximeque fideis (maximeque fidis *al.*) 16 is aetate *Ernesti*: is lygdus aetate 21 ei *Rhenanus*: et 22 captum *Muretus*: cum (tum *Beroaldus*, deceptum *Heinsius*, illectum *ego coll. H. IV 57, 1* 32 unicum filium et *Prammer*

pertum uteretur? sed quia Seianus facinorum omnium re-  
 tor habebatur, ex nimia caritate in eum Caesaris et cetero-  
 rum in utrumque odio quamvis fabulosa et immania crede-  
 bantur, atrociore semper fama erga dominantium exitus.  
 5 ordo alioqui sceleris per Apicatam Seiani proditus, tormen-  
 tis Eudemi ac Lygdi patefactus est; neque quisquam scriptor  
 tam infensus extitit, ut Tiberio obiectaret, cum omnia alia  
 conquirerent intenderentque. mihi tradendi arguendique ru-  
 moris causa fuit, ut claro sub exemplo falsas auditiones de-  
 10 pellerem peteremque ab iis, quorum in manus cura nostra  
 venerit, <ne> divulgata atque incredibilia avidè accepta ve-  
 ris neque in miraculum corruptis antehabeant.

12. Ceterum laudante filium pro rostris Tiberio senatus  
 populusque habitum ac voces dolentum simulatione magis  
 15 quam libens induebat, domumque Germanici revirescere oc-  
 culti laetabantur. quod principium favoris et mater Agrip-  
 pina spem male tegens perniciem adcelerare. nam Seia-  
 nus ubi videt mortem Drusi inultam interfectoribus, sine  
 maerore publico esse, ferox scelerum, et quia prima pro-  
 20 venerant, volutare secum, quonam modo Germanici liberos  
 perverteret, quorum non dubia successio. neque spargi ve-  
 nenum in tres poterat, egregia custodum fide et pudicitia  
 Agrippinae inpenetrabili. igitur contumaciam eius insectari,  
 vetus Augustae odium, recentem Liviae conscientiam exagi-  
 25 tare, ut superbam fecunditate, subnixam popularibus studiis  
 inhiare dominationi apud Caesarem arguerent. atque haec  
 callidis criminatōribus, inter quos delegerat Iulium Postu-  
 mum, per adulterium Mutiliae Priscae inter intimos aviae  
 et consiliis suis peridoneum, quia Prisca in animo Augustae  
 30 valida anum suapte natura potentiae anxiam insociabilem  
 nurui efficiebat. Agrippinae quoque proximi inliciebantur  
 pravis sermonibus tumidos spiritus perstimulare.

---

11 ne hic add. *Rhenanus*, ante veris *Thomae* | incredibili  
 (incred. *inclusit Nipperdey*), cf. *Joh. Müller ad hunc locum*  
 18 multam 25 superbam *Muretus*: superbiam 26 alitque haec  
*Madvig* 28 int. Liviae *Ritter*, int. aulæ *Joh. Müller*, [inter i.  
 aviae et] *Nipperdey*

13. At Tiberius nihil intermissa rerum cura, negotia pro solaciis accipiens, ius civium, preces sociorum tractabat; factaque auctore eo senatus consulta, ut civitati Cibyriticae aput Asiam, Aegiensi apud Achaïam, motu terrae labefactis, subveniretur remissione tributî in triennium. et Vibius Sere-  
 5 renus pro consule ulterioris Hispaniae, de vi publica damnatus, ob atrocitatem morum in insulam Amorgum deportatur. Carsidius Sacerdos, reus tamquam frumento hostem Tacfarinatem iuvisset, absolvitur, eiusdemque criminis C. Grac-  
 chus. hunc comitem exiliî admodum infantem pater Sem-  
 10 pronius in insulam Cercinam tulerat. illic adultus inter ex-  
 torres et liberalium artium nescios, mox per Africam ac Si-  
 ciliam mutando sordidas merces sustentabatur; neque tamen  
 effugit magnae fortunae pericula. ac ni Aelius Lamia et  
 L. Apronius, qui Africam obtinuerant, insontem protexissent, 15  
 claritudine infausti generis et paternis adversis foret ab-  
 stractus.

14. Is quoque annus legationes Graecarum civitatum ha-  
 buit, Samiis Iunonis, Cois Aesculapii delubro vetustum asyli  
 ius ut firmaretur petentibus. Samii decreto Amphictyonum 20  
 nitebantur, quis praecipuum fuit rerum omnium iudicium,  
 qua tempestate Graeci conditis per Asiam urbibus ora maris  
 potiebantur. neque dispar apud Coos antiquitas, et accede-  
 bat meritum ex loco: nam cives Romanos templo Aescula-  
 pli induxerant, cum iussu regis Mithridatis apud cunctas 25  
 Asiae insulas et urbes trucidarentur.

Variis dehinc et saepius inritis praetorum questibus, po-  
 stremo Caesar de inmodestia histrionum rettulit: multa ab iis  
 in publicum seditiose, foeda per domos temptari; Oscum  
 quondam ludicrum, levissimae apud vulgum oblectationis, eo 30  
 flagitiorum et virium venisse, <ut> auctoritate patrum coër-  
 cendum sit. pulsi tum histriones Italia.

---

7 morum *Lipsius*: temporum    8 Carsidius *Reinesius*: car-  
 sius    16 claritudini    19 vetustus tum asyli    22 qua *Lipsius*:  
 ea qua (ex qua *Weissenborn*, ea tempestate qua *al.*)    25 in-  
 cluserant *Madvig*, sed cf. VI 21, 7    31 ut *suppletum in mar-*  
*gine*    32 tum] dum

15. Idem annus alio quoque luctu Caesarem adfecit, alterum ex geminis Drusi liberis extinguendo, neque minus morte amici. is fuit Lucilius Longus, omnium illi tristium laetorumque socius unusque e senatoribus Rhodii secessus  
 5 comes. ita, quamquam novo homini, censorium funus, effigiem apud forum Augusti publica pecunia patres decrevere, aput quos etiam tum cuncta tractabantur, adeo ut procurator Asiae Lucilius Capito accusante provincia causam dixerit, magna cum adseveratione principis, non se ius nisi in  
 10 servitia et pecunias familiares dedisse; quod si vim praetoris usurpasset manibusque militum usus foret, spreta in eo mandata sua: audirent socios. ita reus cognito negotio damnatur. ob quam ultionem, et quia priore anno in C. Silanum vindicatum erat, decrevere Asiae urbes templum Tiberio ma-  
 15 trique eius ac senatui. et permissum statuere; egitque Nero grates ea causa patribus atque avo, laetas inter audientium adfectiones, qui recenti memoria Germanici illum aspici, illum audiri rebantur. aderantque iuveni modestia ac forma principe viro digna, notis in eum Seiani odiis ob periculum  
 20 gratiora.

16. Sub idem tempus de flamine Diali in locum Servi Maluginensis defuncti legendo, simul roganda nova lege disseruit Caesar. nam patricos confarreatis parentibus genitos tres simul nominari, ex quis unus legeretur, vetusto more;  
 25 neque adesse, ut olim, eam copiam, omissa confarreandi ad-suetudine aut inter paucos retenta (pluresque eius rei causas adferebat, potissimam penes incuriam virorum feminarumque; accedere ipsius caerimoniae difficultates, quae consulto vitarentur) et quoniam exiret e iure patrio, qui id flamonium apisceretur quaeque in manum flaminis conveniret.  
 30 ita medendum senatus decreto aut lege, sicut Augustus quaedam ex horrida illa antiquitate ad praesentem usum flexisset. igitur tractatis religionibus placitum instituto flaminum

---

1 adfecit Ritter: adficit, cf. *Jahresb.* 1873 p. 7 28 accederet, sed t expunctum 29 post vitarentur Lipsio quaedam deesse videbantur, at v. *Madvigii Advers. critica* II 546 | flaminium Med. corr., cf. *XIII* 2 et *Mommsen in Ephem. epigr.* I 222

nihil demutari; sed lata lex, qua flaminica Dialis sacrorum causa in potestate viri, cetera promisco feminarum iure ageret. et filius Maluginensis patri suffectus. utque glisceret dignatio sacerdotum atque ipsis promptior animus foret ad capessendas caerimonias, decretum Corneliae virgini, quae in locum Scantiae capiebatur, sestertii vices, et quotiens Augusta theatrum introisset, ut sedes inter Vestalium consideret.

17. Cornelio Cethego Visellio Varrone consulibus pontifices eorumque exemplo ceteri sacerdotes cum pro incolumitate principis vota susciperent, Neronem quoque et Drusum isdem dis commendavere, non tam caritate iuvenum quam adulatione, quae moribus corruptis perinde anceps, si nulla et ubi nimia est. nam Tiberius haud umquam domui Germanici mitis, tum vero aequari adulescentes senectae suae inpatienter indoluit accitosque pontifices percontatus est, num id precibus Agrippinae aut minis tribuissent. et illi quidem, quamquam abnuerent, modice perstricti (etenim pars magna e propinquis ipsius aut primores civitatis erant); ceterum in senatu oratione monuit in posterum, ne quis mo- biles adulescentium animos praematuris honoribus ad superbiam extolleret. instabat quippe Seianus incusabatque deductam civitatem ut civili bello: esse qui se partium Agrippinae vocent, ac ni resistatur, fore pluris; neque aliud gliscentis discordiae remedium, quam si unus alterve maxime prompti subverterentur.

18. Qua causa C. Silium et Titium Sabinum adgreditur. amicitia Germanici perniciosa utrique, Silio et quod ingentis exercitus septem per annos moderator partis apud Germaniam triumphalibus Sacroviriani belli victor, quanto maiore mole procideret, plus formidinis in alios dispersebatur. credebant plerique auctam offensionem ipsius intemperantia, immodice iactantis suum militem in obsequio duravisse, cum alii ad seditiones prolaberentur; neque mansurum Tiberio

6 sestertii vices] hsi XX 18 perinde *Rhenanus*: proinde  
22 deductam, sed i superscr. eadem m., ut videtur 30 victor.  
quanto alii 31 procederet, em. *Rhenanus*

imperium, si iis quoque legionibus cupido novandi fuisset. destrui per haec fortunam suam Caesar inparemque tanto merito rebatur. nam beneficia eo usque laeta sunt, dum videntur exsolvi posse; ubi multum antevenere, pro gratia odium  
5 redditur.

19. Erat uxor Silio Sosia Galla, caritate Agrippinae invisa principi. hos corripere dilato ad tempus Sabino placitum, inmissusque Varro consul, qui paternas inimicitias obtendens odiis Seiani per dedecus suum gratificabatur. precante reo  
10 brevem moram, dum accusator consulatu abiret, adversatus est Caesar: solitum quippe magistratibus diem privatis dicere; nec infringendum consulis ius, cuius vigiliis niteretur, ne quod res publica detrimentum caperet. proprium id Tiberio fuit scelera nuper reperta priscis verbis obtegere. igitur multa adseveratione, quasi aut legibus cum Silio ageretur aut Varro consul aut illud res publica esset, coguntur patres, silente reo, vel si defensionem coeptaret, non occultante cuius ira premeretur. conscientia belli Sacrovir diu dissimulatus, victoria per avaritiam foedata et uxor socia  
15 arguebantur. nec dubie repetundarum criminibus haerebant, sed cuncta quaestione maiestatis exercita, et Silius imminentem damnationem voluntario fine praevertit.

20. Saevitum tamen in bona, non ut stipendiariis pecuniae redderentur, quorum nemo repetebat, sed liberalitas  
25 Augusti avulsa, computatis singillatim quae fisco petebantur. ea prima Tiberio erga pecuniam alienam diligentia fuit. Sosia in exilium pellitur Asinii Galli sententia, qui partem bonorum publicandam, pars ut liberis relinqueretur censuerat. contra M'. Lepidus quartam accusatoribus secundum necessitudinem legis, cetera liberis concessit. hunc ego Lepidum  
30 temporibus illis gravem et sapientem virum fuisse comperior:

---

2 inparemque se tanto *Pichena* 3 ueneficia 18 caperet quo prius 17 patres. silente reo . . premeretur, conscientia alii interpungunt 19 socia: litterae c superposuit s m. posterior (Sosia alii) 29 M'. *Lipsius*: M. 31 ut temporibus illis C. F. W. Müller in *Ann. philol.* 1866 p. 502 | comperio *Beroaldus*, at cf. *Sall. Jug.* 45



nam pleraque ab saevis adulationibus aliorum in melius flexit. neque tamen temperamenti egebat, cum aequabili auctoritate et gratia apud Tiberium vigeret. unde dubitare cogor, fato et sorte nascendi, ut cetera, ita principum inclinatio in hos, offensio in illos, an sit aliquid in nostris consiliis liceatque 5 inter abruptam contumaciam et deforme obsequium pergere iter ambitione ac periculis vacuum. at Messalinus Cotta haud minus claris maioribus, sed animo diversus, censuit cavendum senatus consulto, ut quamquam insontes magistratus et culpa alienae nescii provincialibus uxorum criminibus 10 proinde quam suis plecterentur.

21. Actum dehinc de Calpurnio Pisone, nobili ac feroci viro. is namque, ut rettuli, cessurum se urbem ob factiones accusatorum in senatu clamitaverat et sprete potentia Augustae trahere in ius Urgulianam domoque principis excire 15 ausus erat. quae in praesens Tiberius civiliter habuit; sed in animo revolvente iras, etiam si impetus offensionis languerat, memoria valebat. Pisonem Q. Granius secreti sermonis incusavit adversum maiestatem habiti, adiecitque in domo eius venenum esse eumque gladio accinctum introire curiam. 20 quod ut atrocius vero tramissum; ceterorum, quae multa cumulabantur, receptus est reus neque peractus ob mortem opportunam.

Relatum et de Cassio Severo exule, qui sordidae originis, maleficae vitae, sed orandi validus, per immodicas inimici- 25 tias ut iudicio iurati senatus Cretam amoveretur effecerat; atque illic eadem actitando recentia veteraque odia advertit, bonisque exutus, interdicto igni atque aqua, saxo Seripho consenuit.

22. Per idem tempus Plautius Silvanus praetor incertis 30 causis Aproniam coniugem in praeceps iecit, tractusque ad Caesarem ab L. Apronio socero turbata mente respondit, tamquam ipse somno gravis atque eo ignarus, et uxor sponte mortem sumpsisset. non cunctanter Tiberius pergit in do-

11 perinde *Beronldus* 18 Pisonem Q. Granius *Lipsius*: pisonemque *gravius* (Pisonemque Granius *Ritter*) 28 Seripho *Beroaldus*

mum, visit cubiculum, in quo reluctantis et impulsae vestigia cernebantur. refert ad senatum, datisque iudicibus Urgulania Silvani avia pugionem nepoti misit. quod perinde creditum, quasi principis monitu, ob amicitiam Augustae cum Urgulania. reus frustra temptato ferro venas praebuit exsol-  
 5 vendas. mox Numantina, prior uxor eius, accusata iniecis-  
 carminibus et veneficiis vecordiam marito, insons iudicatur.

23. Is demum annus populum Romanum longo adversum Numidam Tacfarinatem bello absolvit. nam priores duces,  
 10 ubi impetrando triumphalium insigni sufficere res suas cre-  
 diderant, hostem omittebant; iamque tres laureatae in urbe  
 statuae, et adhuc raptabat Africam Tacfarinas, auctus Mauro-  
 rum auxiliis, qui, Ptolemaeo Iubae filio iuventa incurioso,  
 libertos regios et servilia imperia bello mutaverant. erat illi  
 15 praedarum receptor ac socius populandi rex Garamantum,  
 non ut cum exercitu incederet, sed missis levibus copiis,  
 quae ex longinquo in maius audiebantur; ipsaque e provin-  
 cia, ut quis fortunae inops, moribus turbidus, promptius rue-  
 bant, quia Caesar post res a Blaeso gestas, quasi nullis iam  
 20 in Africa hostibus, reportari nonam legionem iusserat, nec  
 pro consule eius anni P. Dolabella retinere ausus erat, iussa  
 principis magis quam incerta belli metuens.

24. Igitur Tacfarinas disperso rumore rem Romanam aliis  
 quoque ab nationibus lacerari eoque paulatim Africa de-  
 25 dere, ac posse reliquos circumveniri, si cuncti, quibus liber-  
 tas servitio potior, incubuissent, auget vires positisque ca-  
 stris Thubuscum oppidum circumsidet. at Dolabella contracto  
 quod erat militum, terrore nominis Romani et quia Numi-  
 dae peditum aciem ferre nequeunt, primo sui incessu sol-  
 30 vit obsidium locorumque opportuna permunivit; simul prin-  
 cipes Musulamiorum defectionem coeptantes securi percutit.  
 dein, quia pluribus adversum Tacfarinatem expeditionibus  
 cognitum non gravi nec uno incursu consecrandum hostem  
 vagum, excito cum popularibus rege Ptolemaeo quattuor

---

10 ubi *Lipsius*: sub 18 fortuna *alii* 27 Thubursicum *Nipper-*  
*dey*; cf. *C. I. L. VIII* p. 754 29 sui: statim *Acidalius* 32 pluri-  
 bus] *an* prioribus? 34 recepto leameo, *sed c effectum ex g*

agmina parat, quae legatis aut tribunis data; et praedatorias manus delecti Maurorum duxere; ipse consultor aderat omnibus.

25. Nec multo post adfertur Numidas apud castellum semirutum, ab ipsis quondam incensum, cui nomen Auzea, 5 positus mapalibus consedis, fisis loco, quia vastis circum saltibus claudebatur. tum expeditae cohortes alaeque, quam in partem ducerentur ignarae, cito agmine rapiuntur. simulque coeptus dies et concentu tubarum ac truci clamore aderant semisomnos in barbaros, praepeditis Numidarum equis 10 aut diversos pastus pererrantibus. ab Romanis confertus pedes, dispositae turmae, cuncta proelio provisa: hostibus contra omnium nesciis non arma, non ordo, non consilium, sed pecorum modo trahi occidi capi. infensus miles memoria laborum et adversum eludentis optatae totiens pugnae se 15 quisque ultione et sanguine explebant. differtur per manipulos, Tacfarinatem omnes, notum tot proeliis, consecuntur: non nisi duce interfecto requiem belli fore. at ille deiectis circum stipatoribus vinctoque iam filio et effusis undique Romanis ruendo in tela captivitatem haud inulta morte effu- 20 git. isque finis armis inpositus.

26. Dolabellae petenti abnuit triumphalia Tiberius, Seiano tribuens, ne Blaesi avunculi eius laus obsolesceret. sed neque Blaesus ideo inlustrior, et huic negatus honor gloriam intendit: quippe minore exercitu insignis captivos, caedem 25 ducis bellicque confecti famam deportarat. sequebantur et Garamantum legati, raro in urbe visi, quos Tacfarinate caeso perculsa gens, set culpa nescia ad satis faciendum populo Romano miserat. cognitis dehinc Ptolemaei per id bellum

---

15 si quis 18 deiectis *Jo. Fr. Gronovius*: delectis 19 offusis *Lipsius*, circumfusus *Haase* 26 deportaverat *Sirker* 28 set culpa nescia *Halm*: et c. nescia (ut c. nescia *Haase*, et c. non nescia *Jac. Gronovius*, nec c. nescia *Ryck*, et c. conscia *Lipsius*, et c. socia *Nipperdey*; non putamus gentem Garamantum a Tacito culpae consciam dictam esse, ut rex eorum fuit, quod si voluisset, nullo additamento opus erat, cum hoc iam ex epitheto perculsa intellegi potuerit 29 ptolemai

studiis repetitus ex vetusto more honos missusque e senatoribus, qui scipionem eburnum, togam pictam, antiqua patrum munera, daret regemque et socium atque amicum appellaret.

27. Eadem aetate mota per Italiam servilis belli semina  
 5 fors oppressit. auctor tumultus T. Curtisius, quondam praetoriae cohortis miles, primo coetibus clandestinis apud Brundisium et circumiecta oppida, mox positis propalam libellis ad libertatem vocabat agrestia per longinquos saltus et ferocia servitia, cum velut munere deum tres biremes adpulere  
 10 ad usus commeantium illo mari. et erat isdem regionibus Cutius Lupus quaestor, cui provincia vetere ex more calles evenerant. is disposita classiariorum copia coeptantem cum maxime coniurationem disiecit. missusque a Caesare pro-  
 15 pere Staius tribunus cum valida manu ducem ipsum et proximos audacia in urbem traxit, iam trepidam ob multitudinem familiarum, quae gliscebat inmensum, minore in dies plebe ingenua.

28. Isdem consulibus miseriarum ac saevitiae exemplum atrox, reus pater, accusator filius (nomen utriusque Vibius Se-  
 20 renus) in senatum inducti sunt. ab exilio retractus inluevitque ac squalore obsitus et tum catena vinctus peroranti filio pater comparatur. adolescens multis munditiis, alacri vultu, structas principi insidias, missos in Galliam concitores belli index idem et testis dicebat, adnectebatque Caecilium  
 25 Cornutum praetorium ministravisse pecuniam; qui taedio curarum et quia periculum pro exitio habebatur, mortem in se festinavit. at contra reus nihil infracto animo obversus in filium quaterre vincla, vocare ultores deos, ut sibi quidem redderent exilium, ubi procul tali more ageret, filium autem  
 30 quandoque supplicia sequerentur. adseverabatque innocentem Cornutum et falso exterritum; idque facile intellectu,

---

1 more honos missusque *Döderlein* (*sed hic missus*): more omissusque (mos missusque *Lipsius*) cf. *C. Heraei Stud. crit. I 150* 4 moti *Phuygers* 5 Curtilius *Reinesius* 11 calles] Calles *Lipsius* 12 evenerant *Haase*: euenerat 19 utrique *Lipsius*: utrique 22 pater comparatur (*i. e. cum filio componitur*) *Madvig*: praeparatur 31 falso *Ursinus*: falsa

si proderentur alii: non enim se caedem principis et res novas uno socio cogitasse.

29. Tum accusator Cn. Lentulum et Seium Tuberone nominat, magno pudore Caesaris, cum primores civitatis, intimi ipsius amici, Lentulus senectutis extremae, Tubero defecto corpore, tumultus hostilis et turbandae rei publicae accerserentur. sed hi quidem statim exempti: in patrem ex servis quaesitum, et quaestio adversa accusatori fuit. qui scelere vecors, simul vulgi rumore territus, robur et saxum aut parricidarum poenas minitantium, cessit urbe. ac retractus Ravenna exsequi accusationem adigitur, non occultante Tiberio vetus odium adversum exulem Serenum. nam post damnatum Libonem missis ad Caesarem litteris exprobraverat suum tantum studium sine fructu fuisse, addideratque quaedam contumacius quam tutum apud aures superbas et offensioni proniores. ea Caesar octo post annos rettulit, medium tempus varie arguens, etiam si tormenta pervicacia servorum contra evenissent.

30. Dictis dein sententiis ut Serenus more maiorum puniretur, quo molliret invidiam, intercessit. Gallus Asinius <cum> Gyro aut Donusa claudendum censeret, id quoque aspernatus est, egenam aquae utramque insulam referens dandosque vitae usus, cui vita concederetur. ita Serenus Amorgum reportatur. et quia Cornutus sua manu ceciderat, actum de praemiis accusatorum abolendis, si quis maiestatis postulatus ante perfectum iudicium se ipse vita privavisset. ibaturque in eam sententiam, ni durius contraque morem suum palam pro accusatoribus Caesar inritas leges, rem publicam in praecipiti conquestus esset: subverterent potius iura quam custodes eorum amoverent. sic delatores, genus hominum publico exitio repertum et <ne> poenis quidem umquam satis coercitum, per praemia eliciebantur.

31. His tam adsiduis tamque maestis modica laetitia intericitur, quod C. Cominium equitem Romanum, probrosi in

7 arcesserentur *Lipsius* 21 cum hic addidit *Nipperdey*, ante Gallus *Muretus* 24 Amorgum *Rhenanus*: amor cum 27 sententiam medurius 31 ne *add. Bekker*

se carminis convictum, Caesar precibus fratris, qui senator erat, concessit. quo magis mirum habebatur gnarum meliorum, et quae fama clementiam sequeretur, tristiora malle. neque enim socordia peccabat; nec occultum est, quando  
 5 ex veritate, quando adumbrata laetitia facta imperatorum celebrentur. quin ipse, conpositus alias et velut eluctantium verborum, solutius promptiusque eloquebatur, quotiens subveniret. at P. Suillium, quaestorem quondam Germanici, cum Italia arceretur convictus pecuniam ob rem iudicandam cepisse, amovendum in insulam censuit, tanta contentione animi,  
 10 ut iure iurando obstringeret e re publica id esse. quod aspere acceptum ad praesens mox in laudem vertit regresso Suillio; quem vidit sequens aetas praepotentem, venalem et Claudii principis amicitia diu prospere, numquam bene usum.  
 15 eadem poena in Catum Firmium senatorem statuitur, tamquam falsis maiestatis criminibus sororem petivisset. Catus, ut rettuli, Libonem inlexerat insidiis, deinde indicio perculerat. eius operae memor Tiberius, sed alia praetendens, exilium deprecatus est: quo minus senatu pelleretur non  
 20 obstitit.

32. Pleraque eorum, quae rettuli quaeque referam, parva forsitan et levia memoratu videri non nescius sum: set nemo annales nostros cum scriptura eorum contenderit, qui veteres populi Romani res composuere. ingentia illi bella, expugnationes urbium, fusos captosque reges, aut si quando ad interna praeverterent, discordias consulum adversum tribunos, agrarias frumentariasque leges, plebis et optimatum certamina libero egressu memorabant: nobis in arto et inglorius labor; immota quippe aut modice lacescita pax, maestae  
 25 urbis res et princeps proferendi imperi incuriosus erat. non tamen sine usu fuerit introspicere illa primo aspectu levia, ex quis magnarum saepe rerum motus oriuntur.

33. Nam cunctas nationes et urbes populus aut primo-

---

11 ut iure iur. *Ritter*: ut eiurando 17 indicio *Vertranius*:  
 iudicio 23 veteris *Freinsheim*, ut est I 1 24 cōpossuere  
 26 praeverterentur *malebat Nipperdey* 29 immota] immo ita

res aut singuli regunt: delecta ex iis et consociata rei publicae forma laudari facilius quam evenire, vel si evenit, haud diuturna esse potest. igitur ut olim plebe valida, vel cum patres pollerent, noscenda vulgi natura et quibus modis temperanter haberetur, senatusque et optimatum ingenia 5 qui maxime perdidicerant, callidi temporum et sapientes credebantur, sic converso statu neque alia re Romana, quam si unus imperitet, haec conquiri tradique in rem fuerit, quia pauci prudentia honesta ab deterioribus, utilia ab noxiis discernunt, plures aliorum eventis docentur. ceterum ut pro- 10 futura, ita minimum oblectationis adferunt. nam situs gentium, varietates proeliorum, clari ducum exitus retinent ac redintegrant legentium animum: nos saeva iussa, continuas accusationes, fallaces amicitias, perniciem innocentium et easdem exitii causas coniungimus, obvia rerum similitudine 15 et satietate. tum quod antiquis scriptoribus rarus obrectator, neque refert cuiusquam Punicas Romanasve acies laetius extuleris: at multorum, qui Tiberio regente poenam vel infamias subiere, posterii manent, utque familiae ipsae iam extinctae sint, reperies qui ob similitudinem morum aliena 20 malefacta sibi obiectari putent. etiam gloria ac virtus infensos habet, ut nimis ex propinquo diversa arguens. sed ad inceptum redeo.

34. Cornelio Cosso Asinio Agrippa consulibus Cremutius Cordus postulatur, novo ac tunc primum audito crimine, 25 quod editis annalibus laudatoque M. Bruto C. Cassium Romanorum ultimum dixisset. accusabant Satrius Secundus et Pinarius Natta, Seiani clientes. id perniciosum reo et Caesar truci vultu defensionem accipiens, quam Cremutius, relinquendae vitae certus, in hunc modum exorsus est: 'verba 30 mea, patres conscripti, arguuntur: adeo factorum innocens

---

1 consociata *Ernesti*: consociata 3 haud *delevit Madvig*  
 7 re Romana *Lipsius*: rerum 15 exitii *Pichena*: exitu 17 Romanasne *Nipperdey*; cf. *JB. XI* 39 19 infamiam *Lipsius*,  
 poenas vel infamiam *C. Heraeus* 20 reperias *Madvig*, cf. ad  
*VI* 22, 4 22 nimis *Muretus*: animis | ad inceptum *Halm*: an-  
 cepto (ad incepta *al.*) cf. *VI* 22. *Sall. Cat.* 7. *Iug.* 4. 42

sum. sed neque haec in principem aut principis parentem, quos lex maiestatis amplectitur: Brutum et Cassium laudavisse dicor, quorum res gestas cum plurimi composuerint, nemo sine honore memoravit. Titus Livius, eloquentiae ac fidei praeclarus in primis, Cn. Pompeium tantis laudibus tulit, ut Pompeianum eum Augustus appellaret; neque id amicitiae eorum offecit. Scipionem, Afranium, hunc ipsum Cassium, hunc Brutum nusquam latrones et parricidas, quae nunc vocabula inponuntur, saepe ut insignis viros nominat. Asinii Pollionis scripta egregiam eorundem memoriam tradunt; Messalla Corvinus imperatorem suum Cassium praedicabat: et uterque opibus atque honoribus perviguere. Marci Ciceronis libro, quo Catonem caelo aequavit, quid aliud dictator Caesar quam rescripta oratione, velut apud iudices, respondit? Antonii epistulae, Bruti contiones falsa quidem in Augustum probra, set multa cum acerbitate habent; carmina Bibaculi et Catulli referta contumeliis Caesarum leguntur: sed ipse divus Iulius, ipse divus Augustus et tulere ista et reliquere, haud facile dixerim, moderatione magis an sapientia. namque que spreta exolescunt: si irascere, adgnita videntur.

35. Non attingo Graecos, quorum non modo libertas, etiam libido impunita; aut si quis advertit, dictis dicta ultus est. sed maxime solutum et sine obtrectatore fuit prodere de iis, quos mors odio aut gratiae emisisset. num enim armatis Cassio et Bruto ac Philippenses campos optinentibus belli civilis causa populum per contiones incendo? an illi quidem septuagesimum ante annum perempti, quo modo imaginibus suis noscuntur, quas ne victor quidem abolevit, sic partem memoriae apud scriptores retinent? suum cuique decus posteritas rependit; nec deerunt, si damnatio ingruit, qui non modo Cassii et Bruti, set etiam mei meminerint. egressus dein senatu vitam abstinentia finivit. libros per

8 vocabulum ponuntur, *emend. m. posterior* 9 insigni, *emend. m. posterior* 12 opibus *Acidalius*: opibusque 24 enim *Halm*: eum 28 ne *Jo. Fr. Gronovius*: nec 30 rependunt, *emend. m. posterior* | derunt 31 sed et (et *del.*) etiam (sed et *Ritter*)



aediles cremandos censuere patres; set manserunt, occultati et editi. quo magis socordiam eorum inridere libet, qui praesenti potentia credunt extingui posse etiam sequentis aevi memoriam. nam contra punitis ingeniis gliscit auctoritas, neque aliud externi reges aut qui eadem saevitia usi sunt, nisi dedecus sibi atque illis gloriam peperere.

36. Ceterum postulandis reis tam continuus annus fuit, ut feriarum Latinarum diebus praefectum urbis Drusum, auspiciandi gratia tribunal ingressum, adierit Calpurnius Sal-  
vianus in Sextum Marium. quod a Caesare palam increpitem 10  
causa exilii Salviano fuit. obiecta publice Cyzicenis incuria caerimoniarum divi Augusti, additis violentiae criminibus adversum cives Romanos; et amisere libertatem, quam bello Mithridatis meruerant, circumsessi nec minus sua constantia quam praesidio Luculli pulso rege. at Fonteius Capito, qui 15  
pro consule Asiam curaverat, absolvitur, conperto ficta in eum crimina per Vibium Serenum. neque tamen id Sereno noxae fuit, quem odium publicum tutiorem faciebat. nam ut quis districtior accusator, velut sacrosanctus erat: leves ignobiles poenis adiciebantur.

37. Per idem tempus Hispania ulterior missis ad senatum legatis oravit, ut exemplo Asiae delubrum Tiberio matri-  
que eius exstrueret. qua occasione Caesar, validus alioqui spernendis honoribus et respondendum ratus iis, quorum rumore arguebatur in ambitionem flexisse, huiusce modi ora- 25  
tionem coepit: 'scio, patres conscripti, constantiam meam a plerisque desideratam, quod Asiae civitatibus nuper idem istud petentibus non sim adversatus. ergo et prioris silentii defensionem, et quid in futurum statuerim, simul aperiam. cum divus Augustus sibi atque urbi Romae templum apud 30  
Pergamum sisti non prohibuisset, qui omnia facta dictaque eius vice legis observem, placitum iam exemplum promptius secutus sum, quia cultui meo veneratio senatus adiunge-

---

1 set *Lipsius*: et 2 socordia, *emend. m. posterior* 16 pro-  
consul in *fine paginae* 19 districtior *Beroaldus*, at *v. Halm*  
in *N. Ann. philol.* vol. 56, 37 31 ficta

batur. ceterum ut semel recepisse veniam habuerit, ita per omnes provincias effigie numinum sacrari ambitiosum, superbum; et vanescet Augusti honor, si promiscuis adulationibus vulgatur.

- 5 38. Ego me, patres conscripti, mortalem esse et hominum officia fungi satisque habere, si locum principem impleam, et vos testor et meminisse posteros volo; qui satis superque memoriae meae tribuent, ut maioribus meis dignum, rerum vestrarum providum, constantem in periculis,  
 10 offensionum pro utilitate publica non pavidum credant. haec mihi in animis vestris templa, hae pulcherrimae effigies et mansurae; nam quae saxo struuntur, si iudicium posterorum in odium vertit, pro sepulchris spernuntur. proinde socios cives et deos ipsos precor, hos ut mihi ad finem usque vitae  
 15 quietam et intellegentem humani divinique iuris mentem duint, illos ut, quandoque concessero, cum laude et bonis recordationibus facta atque famam nominis mei prosequantur.' perstititque posthac secretis etiam sermonibus aspernari talem sui cultum. quod alii modestiam, multi, quia  
 20 diffideret, quidam ut degeneris animi interpretabantur. optumos quippe mortalium altissima cupere; sic Herculem et Liberum apud Graecos, Quirinum apud nos deum numero additos. melius Augustum, qui speraverit. cetera principibus statim adesse: unum insatiabiliter parandum, prosperam sui  
 25 memoriam; nam contemptu famae contemni virtutes.

39. At Seianus nimia fortuna socors et muliebri insuper cupidine incensus, promissum matrimonium flagitante Livia, componit ad Caesarem codicillos; moris quippe tum erat quamquam praesentem scripto adire. eius talis forma fuit:  
 30 benivolentia patris Augusti et mox plurimis Tiberii iudiciis ita insuevisse, ut spes votaque sua non prius ad deos quam ad principum aures conferret. neque fulgorem honorum umquam precatum: excubias ac labores, ut unum e militibus,

---

1 per omnes *restitui*: per omnes per, *sed posterius per expunxit eadem m.*, ut videtur 2 sacrari *Lipsius*: sacra 12 posterorum *Rhenanus*: posteriorum 14 deos ipsos *Pichena*: deos et deos ipsos 1 *m.*, deos et deas ipsas 2 *m.*

pro incolumitate imperatoris malle. ac tamen, quod pulcherrimum, adeptum, ut coniunctione Caesaris dignus crederetur. hinc initium spei; et quoniam audiverit Augustum in conlocanda filia non nihil etiam de equitibus Romanis consultavisse, ita, si maritus Liviae quaereretur, haberet in animo 5 amicum sola necessitudinis gloria usurum. non enim exuere inposita munia: satis aestimare firmari domum adversum iniquas Agrippinae offensiones, idque liberorum causa; nam sibi multum superque vitae fore, quod tali cum principe explevisset. 10

40. Ad ea Tiberius laudata pietate Seiani suisque in eum beneficiis modice percursis, cum tempus tamquam ad integram consultationem petivisset, adiunxit: ceteris mortalibus in eo stare consilia, quid sibi conducere putent; principum 15 diversam esse sortem, quibus praecipua rerum ad famam derigenda. ideo se non illuc decurrere, quod promptum rescriptu, posse ipsam Liviam statuere, nubendum post Drusum an in penatibus isdem tolerandum haberet; esse illi matrem et aviam, propiora consilia. simplicius acturum, de inimicitiiis primum Agrippinae, quas longe acrius arsuras, si 20 matrimonium Liviae velut in partes domum Caesarum distraxisset. sic quoque erumpere aemulationem feminarum, eaque discordia nepotes suos convelli: quid si intendatur certamen tali coniugio? 'falleris enim, Seiane, si te mansurum in eodem ordine putas, et Liviam, quae C. Caesari, 25 mox Druso nupta fuerit, ea mente acturam, ut cum equite Romano senescat. ego ut sinam, credisne passuros qui fratrem eius, qui patrem maioresque nostros in summis imperiis videre? vis tu quidem istum intra locum sistere: sed illi magistratus et primores, qui te invitum perrumpunt omnibus- 30 que de rebus consulunt, excessisse iam pridem equestre fastigium longeque antisse patris mei amicitias non occulti ferunt perque invidiam tui me quoque incusant. at enim Augustus filiam suam equiti Romano tradere meditatus est.

12 ueneficiis, corr. eadem m. 30 invitum *Heinsius*: inuite, sed e corr. eadem m. ex coepta littera u; o superscr. m. posterior 32 longeque *Rhenanus*: legeque

mirum hercule, si, cum in omnis curas distraheretur immensumque attolli provideret quem coniunctione tali super alios extulisset, C. Proculium et quosdam in sermonibus habuit insigni tranquillitate vitae, nullis rei publicae negotiis permixtos. sed si dubitatione Augusti movemur, quanto validius est quod Marco Agrippae, mox mihi conlocavit? atque ego haec pro amicitia non occultavi: ceterum neque tuis neque Liviae destinatis adversabor. ipse quid intra animum volutaverim, quibus adhuc necessitudinibus inmiscere te mihi parem, omittam ad praesens referre: id tantum aperiam, nihil esse tam excelsum, quod non virtutes istae tuusque in me animus mereantur, datoque tempore vel in senatu vel in contione non reticebo.'

41. Rursum Seianus, non iam de matrimonio, sed altius metuens, tacita suspicionum, vulgi rumore, ingruentem invidiam deprecatur. ac ne adsiduos in domum coetus arcendo infringeret potentiam aut receptando facultatem criminantibus praeberet, huc flexit, ut Tiberium ad vitam procul Roma amoenis locis degendam impelleret. multa quippe providebat: sua in manu aditus litterarumque magna ex parte se arbitrum fore, cum per milites commeaerent; mox Caesarem vergente iam senecta secretoque loci mollitum munia imperii facilius tramissurum: et minui sibi invidiam adempta salutantum turba, sublatisque inanibus veram potentiam augeri. igitur paulatim negotia urbis, populi adcursus, multitudinem adfluentium increpat, extollens laudibus quietem et solitudinem, quis abesse taedia et offensiones ac praecipua rerum maxime agitari.

42. Ac forte habita per illos dies de Votieno Montano, celebris ingenii viro, cognitio cunctantem iam Tiberium perpulit, ut vitandos crederet patrum coetus vocesque, quae plerumque verae et graves coram ingerebantur. nam postulato Votieno ob contumelias in Caesarem dictas, testis Aemilius, e militaribus viris, dum studio probandi cuncta refert et

---

14 iam *Muretus*: tam 18 elexit 24 manibus | veram potentiam augeri *Marcilius*: vera potentia augere (vera potentia augeri *Rhenanus*)

quamquam inter obstrepentes, magna adseveratione nititur, audit Tiberius probra, quis per occultum lacerabatur, adeoque percussus est, ut se vel statim vel in cognitione purgaturum clamitaret precibusque proximorum, adulatione omnium aegre componeret animum. et Votienus quidem maiestatis poenis adfectus est: Caesar obiectam sibi adversus reos inclementiam eo pervicacius amplexus, Aquiliam adulterii delatam cum Vario Ligure, quamquam Lentulus Gaetulicus consul designatus lege Iulia damnasset, exilio punivit Apidiumque Merulam, quod in acta divi Augusti non iuraverat, albo senatorio erasit.

43. Audita dehinc Lacedaemoniorum et Messeniorum legationes de iure templi Dianae Limnatidis, quod suis a maioribus suaque in terra dicatum Lacedaemonii firmabant annalium memoria vatumque carminibus, sed Macedonis Philippi, cum quo bellasset, armis ademptum ac post C. Caesaris et M. Antonii sententia redditum. contra Messenii veterem inter Herculis posteros divisionem Peloponnesi protulere, suoque regi Denthaliatem agrum, in quo id delubrum, cecidisse; monumentaque eius rei sculpta saxi et aere prisco manere. quod si vatum, annalium ad testimonia vocentur, plures sibi ac locupletiores esse; neque Philippum potentia, sed ex vero statuisset. idem regis Antigoni, idem imperatoris Mummii iudicium; sic Milesios permissio publice arbitrio, postremo Atidium Geminum praetorem Achaiae decrevisse. ita secundum Messenios datum. et Segestani aedem Veneris montem apud Erycum, vetustate dilapsam, restaurari postulare, nota memorantes de origine eius et laeta Tiberio. suscepit curam libens ut consanguineus. tunc tractatae Massiliensium preces probatumque P. Rutilii exemplum; namque eum legibus pulsum civem sibi Zmyrnaei addiderant.

---

18 Limnatidis *Lipsius*: liminatidis 19 regi Denthaliatem  
*Nipperdey*: recident hēliatem (regi Denthaliatem priores)  
 21 annaliumque *Ernesti*, aut annalium *C. Heraeus* 22 im-  
 potentia *Madvig* 27 delapsam, *em. Ernesti* 29 suscepitque  
*Ritter*

quo iure Vulcaci<sup>1</sup> Moschus exul in Massilienses receptus bona sua rei publicae eorum ut patriae reliquerat.

44. Obiere eo anno viri nobiles Cn. Lentulus et L. Domitius. Lentulo super consulatum et triumphalia de Getis  
 5 gloriae fuerat bene tolerata paupertas, dein magnae opes innocent<sup>2</sup>er partae et modeste habitae. Domitium decoravit pater civili bello maris potens, donec Antonii partibus, mox Caesaris misceretur. avus Pharsalica acie pro optumatibus ceciderat. ipse delectus, cui minor Antonia, Octavia genita, in  
 10 matrimonium daretur, post exercitu flumen Albim transcendit longius penetrata Germania, quam quisquam priorum, easque ob res insignia triumph<sup>3</sup>i adeptus est. obiit et L. Antonius, multa claritudine generis, sed inprospera. nam patre eius Iullo Antonio ob adulterium Iuliae morte punito hunc  
 15 admodum adulescentulum, sororis nepotem, seposuit Augustus in civitatem Massiliensem, ubi specie studiorum nomen exilii tegeretur. habitus tamen supremis honor, ossaque tumulo Octav<sup>4</sup>iorum inlata per decretum senatus.

45. Isdem consulibus facinus atrox in citeriore Hispania  
 20 admissum a quodam agresti nationis Termestinae. is praetorem provinciae L. Pisonem, pace incuriosum, ex improviso in itinere adortus uno vulnere in mortem adfecit; ac pernici<sup>5</sup>tate equi profugus, postquam saltuosos locos attigerat, dimisso equo per derupta et avia sequentis frustratus est.  
 25 neque diu fefellit: nam presso ductoque per proximos pagos equo, cuius foret cognitum. et repertus cum tormentis edere conscios adigeretur, voce magna sermone patrio frustra se interrogari clamitavit: adsisterent socii ac spectarent; nullam vim tantam doloris fore, ut veritatem eliceret. idemque cum  
 30 postero ad quaestionem retraheretur, eo nisu proripuit se custodibus saxoque caput adflixit, ut statim exanimaretur. sed Piso Termest<sup>6</sup>inorum dolo caesus habetur; quippe pecu-

---

1 vulcatus, cf. XVI 8, 8    4 degetes    6 partae *Lipsius*: paratae    9 delectus *Pichena*: deiectus    10 post cum exercitu *Prammer*    14 Iullo *scripsi*: Iulio, cf. I 10, 19    30 quaesitlonem, *em. Ritter*    32 quippe *Bezenberger*: qui (quia *Pichena*)

nias e publico interceptas acrius quam ut tolerarent barbari coge-  
bat.

46. Lentulo Gaetulico C. Calvisio consulibus decreta triumphi insignia Poppaeo Sabino contusis Thraecum gentibus, qui montium editis incultu atque eo ferocius agitabant. causa <sup>5</sup>  
motus super hominum ingenium, quod pati dilectus et validissimum quemque militiae nostrae dare aspernabantur, ne regibus quidem parere nisi ex libidine soliti, aut si mitterent auxilia, suos ductores praeficere nec nisi adversum accolos belligerare. ac tum rumor incesserat fore ut disiecti <sup>10</sup>  
aliisque nationibus permixti diversas in terras traherentur. sed antequam arma inciperent, misere legatos amicitiam obsequiumque memoraturos, et mansura haec, si nullo novo onere temptarentur; sin ut victis servitium indiceretur, esse sibi ferrum et iuventutem et promptum libertati aut ad <sup>15</sup>  
mortem animum. simul castella rupibus indita conlatosque illuc parentes et coniuges ostentabant bellumque impeditum arduum cruentum minitabantur.

47. At Sabinus, donec exercitus in unum conduceret, datis mitibus responsis, postquam Pomponius Labeo e Moesia <sup>20</sup>  
cum legione, rex Rhoemetalces cum auxiliis popularium, qui fidem non mutaverant, venere, addita praesenti copia ad hostem pergit, compositum iam per angustias saltuum. quidam audentius apertis in collibus visebantur, quos dux Romanus acie suggestus haud aegre pepulit, sanguine barbarorum modico ob propinqua suffugia. mox castris in loco communitis valida manu montem occupat angustum et aequali dorso continuum usque ad proximum castellum, quod magna vis armata aut incoudita tuebatur; simul in ferocissimos, qui ante vallum more gentis cum carminibus et tripudiis persultabant, mittit delectos sagittariorum. ii dum <sup>30</sup>  
eminus grassabantur, crebra et inulta vulnera fecere: pro-

---

<sup>5</sup> quae in montium *Bezzenberger* | incultu] sine cultu *Bezzenberger*, inculti *Beroaldus*, incultius *Georges*, cf. *Nipperdey ad IV 51 in.*) <sup>19</sup> conduceretur *coni. Pichena* <sup>20</sup> postquam .. venere *Jac. Gronovius*: quam .. uenire <sup>29</sup> aut: at *Rhenanus*, v. ad I 16

pius incedentes eruptione subita turbati sunt receptique subsidio Sugambrae cohortis, quam Romanus promptam ad pericula nec minus cantuum et armorum tumultu trucem haud procul instruxerat.

5 48. Translata dehinc castra hostem propter, relictis apud priora munimenta Thraecibus, quos nobis adfuisse memoravi; iisque permissum vastare urere, trahere praedas, dum populatio lucem intra sisteretur noctemque in castris tutam et vigilem capessèrent. id primo servatum: mox versi in  
10 luxum et raptis opulenti omittere stationes lascivia epularum aut somno et vino procumbere. igitur hostes incuria eorum conperta duo agmina parant, quorum altero populatores invaderentur, alii castra Romana adpugnarent, non spe capiendi, sed ut clamore telis suo quisque periculo intentus  
15 sonorem alterius proelii non acciperet; tenebrae insuper delectae augendam ad formidinem. sed qui vallum legionum temptabant, facile pelluntur; Thraecum auxilia repentino incursu territa, cum pars munitionibus adiacerent, plures extra palarentur, tanto infensius caesi, quanto perfugae et  
20 proditores ferre arma ad suum patriaeque servitium incusabantur.

49. Postera die Sabinus exercitum aequo loco ostendit, si barbari successu noctis alacres proelium auderent. et postquam castello aut coniunctis tumultis non degrediebantur,  
25 obsidium coepit per praesidia, quae opportune iam muniebat; dein fossam loricamque contexens quattuor milia passuum ambitu amplexus est. tum paulatim, ut aquam pabulumque eriperet, contrahere claustra atque circumdare; et struebatur agger, unde saxa hastae ignes propinquum  
30 iam in hostem iacerentur. sed nihil aequae quam sitis fatigabat, cum ingens multitudo bellatorum, inbellium uno reliquo fonte uterentur; simul equi armenta, ut mos barbaris, iuxta clausa, egestate pabuli exanimari; adiacere corpora hominum,

---

10 statione 25 immuniebat *Freinsheim*, ut XI 19 32 simul equi *Lipsius* (vel simulque): simul eque (eque *delevit Novák* ut repetitum ex v. 30)



quos vulnera, quos sitis peremerat; pollui cuncta sanie odore contactu.

50. Rebusque turbatis malum extremum discordia accessit, his deditionem, aliis mortem et mutuos inter se ictus parantibus; et erant qui non inultum exitium, sed eruptionem suaderent. neque ignobiles tantum his diversi sententiiis, verum e ducibus Dinis, proventus senecta et longo usu vim atque clementiam Romanam edoctus, ponenda arma, unum afflictis id remedium disserebat, primusque se cum coniuge et liberis victori permisit. secuti aetate aut sexu inbecilli et quibus maior vitae quam gloriae cupido. at iuventus Tarsam inter et Turesim distrahebatur. utrique destinatum cum libertate occidere, sed Tarsa properum finem, abrumpendas pariter spes ac metus clamitans dedit exemplum demisso in pectus ferro; nec defuere qui eodem modo oppeterent. Turesis sua cum manu noctem opperitur, haud nescio duce nostro. igitur firmatae stationes densioribus globis. et ingruebat nox nimbo atrox, hostisque clamore turbido, modo per vastum silentium, incertos obsessores effecerat, cum Sabinus circumire, hortari, ne ad ambigua sonitus aut simulationem quietis casum insidiantibus aperirent, sed sua quisque munia servarent immoti telisque non in falsum iactis.

51. Interea barbari catervis decurrentes nunc in vallum manualia saxa, praeustas sudes, decisa robora iacere, nunc virgultis et cratibus et corporibus exanimis complere fossas; quidam pontis et scalas ante fabricati inferre propugnaculis eaque prensare detrahare et adversum resistentis comminus niti. miles contra deturbare telis, pellere umbonibus, muralia pila, congestas lapidum moles provolvere. his partae victoriae spes et, si cedant, insignitius flagitium, illis extrema iam salus et adistentes plerisque matres et coniuges earumque lamenta addunt animos. nox aliis in audaciam, aliis ad

---

6 tantum his *Madvig* (*Advers. II* 548): quamvis 18 pro-  
perandum *Ricklefs*, properus in *Joh. Müller*; an verba pro-  
perum finem errore librarii ex c. 58, 7 hic praecepta sunt?  
30 partae prope victoriae *Greef*

formidinem opportuna; incerti ictus, vulnera improvisa; suorum atque hostium ignoratio et montis anfractu percussae velut a tergo voces adeo cuncta miscuerant, ut quaedam munimenta Romani quasi perrupta omiserint. neque tamen pervasere hostes nisi admodum pauci: ceteros, deiecto promptissimo quoque aut saucio, adpetente iam luce trusere in summa castelli, ubi tandem coacta deditio. et proxima sponte incolarum recepta: reliquis, quo minus vi aut obsidio subigerentur, praematura montis Haemi et saeva hiems subvenit.

52. At Romae commota principis domo, ut series futuri in Agrippinam exitii inciperet, Claudia Pulchra sobrina eius postulatur accusante Domitio Afro. is recens praetura, modicus dignationis et quoquo facinore properus clarescere, crimen inpudicitiae, adulterum Furnium, veneficia in principem et devotiones obiebat. Agrippina semper atrox, tum et periculo propinquae accensa, pergit ad Tiberium ac forte sacrificantem patri repperit. quo initio invidiae non eiusdem ait mactare divo Augusto victimas et posteros eius insectari. non in effigies mutas divinum spiritum transfusum: se imaginem veram, caelesti sanguine ortam, intellegere discrimen, suscipere sordes. frustra Pulchram praescribi, cui sola exitii causa sit, quod Agrippinam stulte prorsus ad cultum delegerit, oblita Sosiae ob eadem adflictae. audita haec raram occulti pectoris vocem elicuere, correptamque Graeco versu admonuit non ideo laedi, quia non regnaret. Pulchra et Furnius damnantur. Afer primoribus oratorum additus, divulgato ingenio et secuta adseveratione Caesaris, qua suo iure disertum eum appellavit, mox capessendis accusationibus aut reos tutando prosperiore eloquentiae quam morum fama fuit, nisi quod aetas extrema multum etiam eloquentiae dempsit, dum fessa mente retinet silentii inpatientiam.

53. At Agrippina pervicax irae et morbo corporis impli-

5 deiecto *Orelli*: delecto (deleto *Beroaldus*) 8 incolarum: incorum *cf. XIII 39* alia sponte incolarum in deditionem veniebant 9 hiemps 17 reperit *Ernesti* 19 se imaginem *Muretus*: sed maginem (*lectio orta ex setmagine in frequentissima i et t litterarum confusione*) 28 desertum, *sed i superscr. m. posterior.*

cata, cum viseret eam Caesar, profusis diu ac per silentium lacrimis, mox invidiam et preces orditur: subveniret solitudini, daret maritum; habilem adhuc iuventam sibi, neque aliud probis quam ex matrimonio solacium; esse in civitate, <qui> \*\*\* Germanici coniugem ac liberos eius recipere dignarentur. sed Caesar non ignarus, quantum ex re publica peteretur, ne tamen offensionis aut metus manifestus foret, sine responso quamquam instantem reliquit. id ego, a scriptoribus annalium non traditum, repperi in commentariis Agrippinae filiae, quae Neronis principis mater vitam suam et casus suorum posteris memoravit.

54. Ceterum Seianus maerentem et improvidam altius perculit, immissis qui per speciem amicitiae monerent paratum ei venenum, vitandas soceri epulas. atque illa simulationum nescia, cum propter discumberet, non vultu aut sermone flecti, nullos attingere cibos, donec advertit Tiberius, forte an quia audiverat; idque quo acrius experiretur, poma, ut erant adposita, laudans nurui sua manu tradidit. aucta ex eo suspicio Agrippinae, et intacta ore servis tramisit. nec tamen Tiberii vox coram secuta, sed obversus ad matrem non mirum ait, si quid severius in eam statuisset, a qua beneficii insimularetur. inde rumor parari exitium, neque id imperatorem palam audere, secretum ad perpetrandum quaeri.

55. Sed Caesar quo famam averteret, adesse frequens senatui legatosque Asiae ambigentes quam in civitate templum statueretur, pluris per dies audivit. undecim urbes certabant, pari ambitione, viribus diversae. neque multum distantia inter se memorabant de vetustate generis, studio in populum Romanum per bella Persi et Aristonici aliorumque regum. verum Hypaepeni Trallianique Laodiceis ac Magnetibus simul tramissi ut parum validi; ne Ilienses qui-

---

4 probria Petersen | post civitate desunt in fine versus quatuordecim fere litterae; qui divi Augusti neptem supplevit Crollius, qui divo Augusto ortam Haase 6 ex re p.] ea re Madvig, v. Jahresb. 1873 p. 39 18 sua Rhenanus; suae 31 hypae penitrali tanique 32 nellenses

dem, cum parentem urbis Romae Troiam referrent, nisi antiquitatis gloria pollebant. paulum addubitatum, quod Halicarnasii mille et ducentos per annos nullo motu terrae nutavisse sedes suas vivoque in saxo fundamenta templi adseveraverant. Pergamenos (eo ipso nitebantur) aede Augusto ibi sita satis adeptos creditum. Ephesii Milesiique, hi Apollinis, illi Dianae caerimonia occupavisse civitates visi. ita Sardianos inter Zmyrnaeosque deliberatum. Sardiani decretum Etruriae recitavere ut consanguinei: nam Tyrrhenum Lydumque  
 10 Atye rege genitos ob multitudinem divisisse gentem; Lydum patriis in terris resedissee, Tyrrheno datum novas ut conderet sedes; et ducum e nominibus indita vocabula illis per Asiam, his in Italia; auctamque adhuc Lydorum opulentiam missis in Graeciam populis, cui mox a Pelope nomen. simul  
 15 litteras imperatorum et icta nobiscum foedera bello Macedonum ubertatemque fluminum suorum, temperiem caeli ac dites circum terras memorabant.

56. At Zmyrnaei repetita vetustate, seu Tantalus Iove ortus illos, sive Theseus divina et ipse stirpe, sive una Amazonum condidisset, transcendere ad ea, quis maxime fidebant, in populum Romanum officiis, missa navali copia non modo externa ad bella, sed quae in Italia tolerabantur; seque primos templum urbis Romae statuisset, M. Porcio consule, magnis quidem iam populi Romani rebus, nondum tamen ad summum elatis, stante adhuc Punica urbe et validis per Asiam regibus. simul L. Sullam testem adferebant, gravissimo in discrimine exercitus ob asperitatem hiemis et penuriam vestis, cum id Zmyrnam in contionem nuntiatum foret, omnes qui adstabant detraxisse corpori tegmina nostrisque legionibus misisse. ita rogati sententiam patres Zmyrnaeos praetulere. censuitque Vibius Marsus, ut M'. Lepido,  
 30 cui ea provincia obvenerat, super numerum legaretur, qui

---

2 alicarnasii; simplex s. codd. optimi item habent in Cic. Tusc. III 75. de Divin. II 58 5 aede . . sita Lipsius: aedē . . sitam  
 10 divide 14 in insulam Urlichs 15 icta Rhenanus: dicta (pacta ego olim) 31 Marsus Rhenanus: marcus | M'. Borghesi: M.

templi curam susciperet. et quia Lepidus ipse deligere per modestiam abnuebat, Valerius Naso e praetoriis sorte missus est.

57. Inter quae diu meditato prolatoque saepius consilio tandem Caesar in Campaniam, specie dedicandi templa apud 5 Capuam Iovi, apud Nolam Augusto, sed certus procul urbe degere. causam abscessus quamquam secutus plurimos auctorum ad Seiani artes rettuli, quia tamen caede eius patrata sex postea annos pari secreto coniunxit, plerumque permoveor, num ad ipsum referri verius sit, saevitiam ac 10 libidinem, cum factis promeret, locis occultantem. erant qui crederent in senectute corporis quoque habitum pudori fuisse: quippe illi praegracilis et incurva proceritas, nudus capillo vertex, ulcerosa facies ac plerumque medicaminibus inter-  
stincta; et Rhodi secreto vitare coetus, recondere voluptates 15 insuerat. traditur etiam matris inpotentia extrusum, quam dominationis sociam aspernabatur neque depellere poterat, cum dominationem ipsam donum eius accepisset. nam dubitaverat Augustus Germanicum, sororis nepotem et cunctis laudatum, rei Romanae imponere, sed precibus uxoris evictus 20 Tiberio Germanicum, sibi Tiberium adscivit; idque Augusta exprobrabat, reposcebat.

58. Profectio arto comitatu fuit: unus senator consulatu functus, Cocceius Nerva, cui legum peritia; eques Romanus praeter Seianum ex inlustribus Curtius Atticus; ceteri liberalibus studiis praediti, ferme Graeci, quorum sermonibus levaretur. ferebant periti caelestium iis motibus siderum excessisse Roma Tiberium, ut reditus illi negaretur. unde exitii causa multis fuit properum finem vitae coniectantibus vulgantibusque; neque enim tam incredibilem casum providebant, ut undecim per annos libens patria careret. mox patuit breve confinium artis et falsi, veraque quam obscu-

---

5 post in Campaniam *supplevit* abscessit *Halm*, concessit *Otto* (cf. III 31), secessit *Ritter*, cf. *Nipperdey adnot.* 10 num] ut *Probst* 11 occultantem *Rhenanus*: occultantis 15 verba et Rhodi . . insuerat *Henr. Cron* post occultantem *ponenda* censebat.

ris tegerentur. nam in urbem non regressurum haud forte dictum: ceterorum nescii egere, cum propinquo rure aut litore et saepe moenia urbis adsidens extremam senectam compleverit.

5 59. Ac forte illis diebus oblatum Caesari anceps periculum auxit vana rumoris praebuitque ipsi materiem, cur amicitiae constantiaeque Seiani magis fideret. vescebantur in villa, cui vocabulum Speluncae, mare Amunclanum inter  
 10 <et> Fundanos montes, nativo in specu. eius os lapsis repente saxis obruit quosdam ministros. hinc metus in omnes et fuga eorum, qui convivium celebrabant: Seianus genu vultuque et manibus super Caesarem suspensus opposuit sese incidentibus, atque habitu tali repertus est a militibus, qui subsidio venerant. maior ex eo, et quamquam exitiosa  
 15 suaderet, ut non sui anxius, cum fide audiebatur. adsimulabatque iudicis partes adversum Germanici stirpem, subditis qui accusatorum nomina sustinerent maximeque insectarentur Neronem proximum successioni et, quamquam modesta iuventa, plerumque tamen quid in praesentiarum conducirer  
 20 oblitum, dum a libertis et clientibus, apiscendae potentiae properis, exstimulatur, ut erectum et fidentem animi ostenderet: velle id populum Romanum, cupere exercitus, neque ausurum contra Seianum, qui nunc patientiam senis et segnitiam iuvenis iuxta insultet.

25 60. Haec atque talia audienti nihil quidem pravae cogitationis, sed interdum voces procedebant contumaces et inconsultae, quas adpositi custodes exceptas auctasque cum deferrent neque Neroni defendere daretur, diversae insuper sollicitudinum formae oriebantur. nam alius occursum eius  
 30 vitare, quidam salutatione reddita statim averti, plerique inceptum sermonem abruptum, insistentibus contra inridentibusque qui Seiano fautores aderant. enimvero Tiberius torvus aut falsum renidens vultu: seu loqueretur seu taceret iuvenis, crimen ex silentio, ex voce. ne nox quidem segura,

8 Amuclanum Beroaldus 9 et add. Bezzenberger 11 genu] sinu Probst 21 animum Pichena, cf. I 35 26 procidebant Haase 32 aberant 34 crimen ex voce Prammer

cum uxor vigilias somnos suspiria matri Liviae atque illa Seiano patefaceret; qui fratrem quoque Neronis Drusum traxit in partes, spe obiecta principis loci, si priorem aetate et iam labefactum demovisset. atrox Drusi ingenium super cupidinem potentiae et solita fratribus odia accendebatur <sup>5</sup> invidia, quod mater Agrippina promptior Neroni erat. neque tamen Seianus ita Drusum fovebat, ut non in eum quoque semina futuri exitii meditaretur, gnarus praeferocem et insidiis magis opportunum.

61. Fine anni excessere insignes viri Asinius \*Agrippa, <sup>10</sup> claris maioribus quam vetustis vitaeque non degener, et Q. Haterius, familia senatoria, eloquentiae, quoad vixit, celebratae; monumenta ingeni eius haud perinde retinentur. scilicet impetu magis quam cura vigeat; utque aliorum meditatio et labor in posterum valet, sic Haterii canorum illud <sup>15</sup> et profluens cum ipso simul extinctum est.

62. M. Licinio L. Calpurnio consulibus ingentium bellorum cladem aequavit malum improvisum: eius initium simul et finis exstitit. nam coepto apud Fidenam amphitheatro Atilius quidam libertini generis, quo spectaculum gladiatorum celebraret, neque fundamenta per solidum subdidit, neque firmis nexibus ligneam compagem superstruxit, ut qui non abundantia pecuniae nec municipali ambitione, sed in sordidam mercedem id negotium quaesivisset. adfluxere avidi talium, imperitante Tiberio procul voluptatibus habiti, virile <sup>25</sup> ac muliebre secus, omnis aetas, ob propinquitatem loci effusius; unde gravior pestis fuit, conferta mole, dein convulsa, dum ruit intus aut in exteriora effunditur inmensamque vim mortalium, spectaculo intentos aut qui circum adstabant, praeceps trahit atque operit. et illi quidem, quos principium <sup>30</sup> stragis in mortem adflixerat, ut tali sorte, cruciatum effu-

---

6 pronior *Ernesti* malebat 10 insignis 11 Q.] quae 12 quae ad (ut VI 51, 12), corr. eadem m. 19 amphitheatrū, corr. eadem m. 23 in sordida mercede, em. *Pichena*, cf. XI 6. *Germ.* 24 25 virilis ac muliebris sexus *Beroaldus* 26 effusus *Lipsius*: effusus 27 moles *Ritter* 31 beati ante ut inseruit *H. Sauppe*

gere: miserandi magis quos abrupta parte corporis nondum vita deseruerat; qui per diem visu, per noctem ululatus et gemitu coniuges aut liberos noscebant. iam ceteri fama excitati, hic fratrem, propinquum ille, alius parentes lamentari; etiam quorum diversa de causa amici aut necessarii aberant, pavere tamen; nequedum comperto, quos illa vis perculisset, latior ex incerto metus.

63. Ut coepere dimoveri obruta, concursus ad exanimos complectentium, osculantium; et saepe certamen, si confusior  
 10 facies, sed par forma aut aetas errorem agnoscentibus fecerat. quinquaginta hominum milia eo casu debilitata vel obtrita sunt; cautumque in posterum senatus consulto, ne quis gladiatorum munus ederet, cui minor quadringentorum milium res, neve amphitheatrum imponeretur nisi solo  
 15 firmitatis spectatae. Atilius in exilium actus est. ceterum sub recentem cladem patuere procerum domus, fomenta et medici passim praebiti, fuitque urbs per illos dies, quamquam maesta facie, veterum institutis similis, qui magna post proelia saucios largitione et cura sustentabant.

64. Nondum ea clades exoleverat, cum ignis violentia urbem ultra solitum adfecit, deusto monte Caelio; feralemque annum ferebant et ominibus adversis susceptum principi consilium absentiae, qui mos vulgo, fortuita ad culpam trahentes, ni Caesar obviam isset tribuendo pecunias ex  
 25 modo detrimenti. actaeque ei grates apud senatum ab illustribus famaue apud populum, quia sine ambitione aut proximorum precibus, ignotos etiam et ultro accitos munificentia iuverat. adduntur sententiae, ut mons Caelius in posterum Augustus appellaretur, quando cunctis circum flagrantibus sola Tiberii effigies, sita in domo Iunii senatoris,  
 30 inviolata mansisset. evenisse id olim Claudia Quintae, eiusque statuam vim ignium bis elapsam maiores apud aedem matris deum consecrassisse. sanctos acceptosque numinibus

---

2 aut qui *Pluygers* 6 uis periculis sed 10 et par *Bero-*  
*aldus, cf. C. Heraei Stud. 1, 41* 12 manus 18 instituti  
 20 nam dum, *sed corr. eadem m.* 22 omnibus



Claudios, et augendam caerimoniam loco, in quo tantum in principem honorem di ostenderint.

65. Haud fuerit absurdum tradere montem eum antiquitus Querquetulanum cognomento fuisse, quod talis silvae frequens fecundusque erat, mox Caelium appellatum a Caele 5 Vibenna, qui dux gentis Etruscae cum auxilium tulisset, sedem eam acceperat a Tarquinio Prisco, seu quis alius regum dedit: nam scriptores in eo dissentiunt. cetera non ambigua sunt, magnas eas copias per plana etiam ac foro propinqua habitavisse, unde Tuscum vicum e vocabulo ad- 10 venarum dictum.

66. Sed ut studia procerum et largitio principis adversum casus solacium tulerant, ita accusatorum maior in dies et infestior vis sine levamento grassabatur; corripueratque Varum Quintilium, divitem et Caesari propinquum, Domitius 15 Afer, Claudia Pulchrae matris eius condemnator, nullo mirante quod diu egens et parto nuper praemio male usus plura ad flagitia accingeretur. Publium Dolabellam socium delationis extitisse miraculo erat, quia claris maioribus et Varo conexus suam ipse nobilitatem, suum sanguinem per- 20 ditum ibat. restitit tamen senatus et opperiendum imperatorem censuit, quod unum urgentium malorum suffugium in tempus erat.

67. At Caesar dedicatis per Campaniam templis, quamquam edicto monuisset, ne quis quietem eius inrumperet, 25 concursusque oppidanorum disposito milite prohiberentur, perosus tamen municipia et colonias omniaque in continenti sita, Capreas se in insulam abdidit, trium milium freto ab extremis Surrentini promunturii diiunctam. solitudinem eius placuisse maxime crediderim, quoniam inportuosum circa 30

---

2 ostenderent, *em. Lipsius* 6 tulisset *Lipsius*: appellatum tanisset (adportavisset *Crollius*, appellatus tulisset *Danesius*, portavisset *Döderlein coll. Sall. Cat. 6, 5* sociis auxilia portabant) 18 casus *Heinsius*: casum 20 conexus *Lipsius*: conixius, sed i ante u expunctum est 25 interrumpere *C. Heraeus* 28 addidit, sed b superscr. m. posterior 29 promuntirii, o superscripsit m. posterior

mare et vix modicis navigiis pauca subsidia; neque adpulerit quisquam nisi gnaro custode. caeli temperies hieme mitis obiectu montis, quo saeva ventorum arcentur; aestas in favonium obversa et aperto circum pelago peramoena; pro-  
 5 spectabatque pulcherrimum sinum, antequam Vesuvius mons ardescens faciem loci verteret. Graecos ea tenuisse Capreasque Telebois habitatas fama tradit. sed tum Tiberius duodecim villarum nominibus et molibus insederat, quanto intentus olim publicas ad curas, tanto occultiores in luxus et  
 10 malum otium resolutus. manebat quippe suspicionum et credendi temeritas, quam Seianus augere etiam in urbe suctus acrius turbabat non iam occultis adversum Agrippinam et Neronem insidiis. quis additus miles nuntios introitus, aperta secreta velut in annales referebat, ultroque struebantur,  
 15 tur, qui monerent perfugere ad Germaniae exercitus vel celeberrimo fori effigiem divi Augusti amplecti populumque ac senatum auxilio vocare. eaque sprete ab illis, velut pararent, obiciebantur.

68. Iunio Silano et Silio Nerva consulibus foedum anni  
 20 principium incessit tracto in carcerem inlustri equite Romano Titio Sabino ob amicitiam Germanici: neque enim omiserat coniugem liberosque eius percolare, sectator domi, comes in publico, post tot clientes unus eoque apud bonos laudatus et gravis iniquis. hunc Lucanius Latiaris, Porcius  
 25 Cato, Petilius Rufus, M. Opsius praetura functi adgrediuntur, cupidine consulatus, ad quem non nisi per Seianum aditus; neque Seiani voluntas nisi scelere quaerebatur. compositum inter ipsos, ut Latiaris, qui modico usu Sabinum contingebat, strueret dolum, ceteri testes adessent, deinde  
 30 accusationem inciperent. igitur Latiaris iacere fortuitos primum sermones, mox laudare constantiam, quod non, ut ceteri, florentis domus amicus afflictam deseruisset; simul honora de Germanico Agrippinam miserans disserebat. et post-

2 grano 9 occultiores *Weissenborn*: occultior (occultos *Jo. Fr. Gronovius*) cf. *Wölfflin in Philol.* 25, 119 et 27, 147

24 Lucanius] Latinius, cf. VI 4, 1 et *Prosopogr. Imp. R. II* p. 300 25 Petilius *Lipsius*: petitiuus

quam Sabinus, ut sunt molles in calamitate mortalium animi, effudit lacrimas, iunxit questus, audentius iam onerat Seianum, saevitiam superbiam spes eius; ne in Tiberium quidem convicio abstinet. iique sermones, tamquam vetita mis-  
cuissent, speciem artae amicitiae fecere. ac iam ultro Sa-  
binus quaerere Latia rem, ventitare domum, dolores suos  
quasi ad fidissimum deferre.

69. Consultant quos memoravi, quonam modo ea plurium auditu acciperentur. nam loco, in quem coibatur, servanda solitudinis facies; et si pone fores adsisterent, metus visus, 10 sonitus aut forte ortae suspicionis erat. tectum inter et laquearia tres senatores haud minus turpi latebra quam detestanda fraude sese abstrudunt, foraminibus et rimis aurem admovent. interea Latiaris repertum in publico Sabinum, velut recens cognita narraturus, domum et in cubiculum tra-  
hit praeteritaque et instantia, quorum adfatim copia, ac no-  
vos terrores cumulat. eadem ille et diutius, quanto maesta, ubi semel prorupere, difficilius reticentur. properata inde accusatio, missisque ad Caesarem litteris ordinem fraudis suumque ipsi dedecus narravere. non alias magis anxia et 20 pavens civitas, reticens adversum proximos; congressus, colloquia, notae ignotaeque aures vitari; etiam muta atque inanima, tectum et parietes circumspectabantur.

70. Sed Caesar sollemnia incipientis anni kalendis Ianuariis epistula precatus, vertit in Sabinum, corruptos quos-  
dam libertorum et petitem se arguens, ultionemque haud ob-  
scure poscebat. nec mora quin decerneretur; et trahebatur damnatus, quantum obducta veste et adstrictis faucibus niti poterat, clamitans sic inchoari annum, has Seiano victimas  
cadere. quo intendisset oculos, quo verba acciderent, fuga 30 vastitas, deserere itinera fora. et quidam regrediebantur ostentabantque se rursum, id ipsum paventes, quod timuissent.

---

5 fecere *Faërnus*: facere    10 metu (*i. e.* metui) . . suspi-  
ciones erant *Ernesti*    11 erat *Rhenanus*: erant    20 ipse  
21 reticens *Weissenborn*: egens (*tegens Lipsius*, se *tegens Ver-*  
*tranius*, sui *tegens Joh. Müller*)    30 acciderent *Rhenanus*: ac-  
ciperent

quem enim diem vacuum poena, ubi inter sacra et vota, quo tempore verbis etiam profanis abstineri mos esset, vincla et laqueus inducantur? non imprudentem Tiberium tantam invidiam adisse: quaesitum meditatumque, ne quid impedire  
 5 credatur, quo minus novi magistratus, quo modo delubra et altaria, sic carcerem recludant. secutae insuper litterae grates agentis, quod hominem infensum rei publicae punivissent, adiecto trepidam sibi vitam, suspectas inimicorum insidias, nullo nominatim compellato; neque tamen dubitabatur in Ne-  
 10 ronem et Agrippinam intendi.

71. Ni mihi destinatum foret suum quaeque in annum referre, avebat animus antire statimque memorare exitus, quos Lucanius atque Opsius ceterique flagitii eius repertoires habuere, non modo postquam C. Caesar rerum potitus est, sed  
 15 incolumi Tiberio, qui scelerum ministros ut perverti ab aliis nolebat, ita plerumque satiatus et oblati in eandem operam recentibus veteres et praegraves adflixit. verum has atque alias sontium poenas in tempore trademus. tum censuit Asinius Gallus, cuius liberorum Agrippina matertera erat,  
 20 petendum a principe, ut metus suos senatui fateretur amoverique sineret. nullam aequae Tiberius, ut rebatur, ex virtutibus suis quam dissimulationem diligebat: eo aegrius accepit recludi quae premeret. sed mitigavit Seianus, non Galli amore, verum ut cunctationes principis opperiretur, gnarus  
 25 lentum in meditando, ubi prorupisset, tristibus dictis atrociam facta coniungere.

Per idem tempus Iulia mortem obiit, quam neptem Augustus convictam adulterii damnaverat proieceratque in insulam Trimerum, haud procul Apulis litoribus. illic viginti  
 30 annis exilium toleravit Augustae ope sustentata, quae florentes privignos cum per occultum subvertisset, misericordiam erga adflictos palam ostentabat.

72. Eodem anno Frisii, transrhenanus populus, pacem

---

3 imprudentem *idem*: prudentem 4 adisset, *sed t expunctum est* (adisse set *Wurm*) 8 adiecti 13 Lucanius] Latinus, cf. c. 68, 6 24 opperiretur *Muretus*: aperirentur 29 Tremetum *Freinsheim*, Trimetum *al.*

exuere, nostra magis avaritia quam obsequii inpatientes. tributum iis Drusus iusserat modicum pro angustia rerum, ut in usus militares coria bouum penderent, non intenta cuiusquam cura, quae firmitudo, quae mensura, donec Olennius e primipilaribus, regendis Frisiis inpositus terga uorum de-  
legit, quorum ad formam acciperentur. id aliis quoque nationibus arduum apud Germanos difficilior tolerabatur, quis ingentium beluarum feraces saltus, modica domi armenta sunt. ac primo boves ipsos, mox agros, postremo corpora coniugum aut liberorum servitio tradebant. hinc ira et questus, et postquam non subveniebatur, remedium ex bello. rapti qui tributo aderant milites et patibulo adfixi; Olennius infensos fuga praevenit, receptus castello, cui nomen Flevum; et haud spernenda illic civium sociorumque manus litora Oceani praesidebat.

73. Quod ubi L. Apronio inferioris Germaniae pro praetore cognitum, vexilla legionum e superiore provincia peditumque et equitum auxilium delectos accivit ac simul utrumque exercitum Rheno devectum Frisiis intulit, soluto iam castelli obsidio et ad sua tutanda degressis rebellibus. igitur proxima aestuaria aggeribus et pontibus traducendo graviori agmini firmat. atque interim repertis vadis alam Canninefatem et quod peditum Germanorum inter nostros merebat circumgredi terga hostium iubet; qui iam acie compositi pellunt turmas sociales equitesque legionum subsidio missos. tum tres leves cohortes ac rursum duae, dein tempore interiecto alarius eques inmissus. satis validi, si simul incubuissent, per intervallum adventantes neque constantiam addiderant turbatis et pavore fugientium auferebantur. Cethego Labeoni legato quintae legionis quod reliquum auxiliorum tradit. atque ille dubia suorum re in anceps tractus

---

2 iniunxerat *Cornelissen* 5 uorum] taurorum *Nipperdey*,  
cf. *Ulrichs in N. Ann. phil.* 69, 161 11 subveniebatur, em. *Rhe-*  
*nanus* 20 castelli *idem*: castello | digressis *Beroaldus*  
22 Canninefatium, ut est in titulis, *Aschbach Rheinl. Jahrb.* XX,  
51 25 pelluntur, sed ur expunctum est 27 alarius *Freins-*  
*heim*: acrius 29 Cethego *Lipsius*: cethecio

missis nuntiis vim legionum inplorabat. prorumpunt quintani ante alios et acri pugna hoste pulso recipiunt cohortis alasque fessas vulneribus. neque dux Romanus ultum iit aut corpora humavit, quamquam multi tribunorum praefectorum-  
 5 que et insignes centuriones cecidissent. mox compertum a transfugis nongentos Romanorum apud lucum, quem Badu-  
 hennae vocant, pugna in posterum extracta confectos, et aliam quadringentorum manum occupata Cruptorigis quon-  
 dam stipendiarii villa, postquam proditio metuebatur, mutuis  
 10 ictibus procubuisse.

74. Clarum inde inter Germanos Frisium nomen, dissimulante Tiberio damna, ne cui bellum permetteret. neque senatus in eo cura, an imperii extrema dehonestarentur: pavor internus occupaverat animos, cui remedium adulatione  
 15 quaerebatur. ita quamquam diversis super rebus consulerentur, aram clementiae, aram amicitiae effigiesque circum Caesaris ac Seiani censuere; crebrisque precibus efflagitabant visendi sui copiam facerent. non illi tamen in urbem aut propinqua urbi degressi sunt: satis visum omittere insulam et in proximo Campaniae aspici. eo venire patres  
 20 eques, magna pars plebis, anxii erga Seianum, cuius durior congressus, atque eo per ambitum et societate consiliorum parabatur. satis constabat auctam ei adrogantiam foedum illud in propatulo servitium spectanti; quippe Romae sueti  
 25 discursus, et magnitudine urbis incertum, quod quisque ad negotium pergat: ibi campo aut litore iacentes nullo discrimine noctem ac diem iuxta gratiam aut fastus ianitorum perpetiebantur, donec id quoque vetitum. et revenere in urbem trepidi, quos non sermone, non visu dignatus erat, quidam  
 30 male alacres, quibus infaustae amicitiae gravis exitus imminebat.

---

6 Baduennae *Müllenhoff Z. f. d. Alt. IX, 240* 7 confeltos; c *superscr. m. posterior* 8 Cruptorigis *Otto: cruptoricis* 14 internos, *em. Rhenanus* 24 illum in propatibulo  
 25 magnitudini, *em. Rhenanus, cf. Jahresb. 1874 p. 76* 28 id quoque *Muretus: idque*

75. Ceterum Tiberius neptem Agrippinam Germanico ortam cum coram Cn. Domitio tradidisset, in urbe celebrari nuptias iussit. in Domitio super vetustatem generis propinquum Caesaribus sanguinem delegerat; nam is aviam Octaviam et per eam Augustum avunculum praeferibat. 5

---

5 praeferibat. Finit liber III. Inci pit liber. V.

# CORNELII TACITI

## AB EXCESSU DIVI AUGUSTI

### LIBRI V FRAGMENTUM.

1. Rubellio et Fufio consulibus, quorum utrique Geminus  
5 cognomentum erat, Iulia Augusta mortem obiit, aetate extrema, nobilitatis per Claudiam familiam et adoptione Liviorum Iuliorumque clarissimae. primum ei matrimonium et liberi fuere cum Tiberio Nerone, qui bello Perusino profugus, pace inter Sex. Pompeium ac triumviros pacta in urbem rediit. exin Caesar cupidine formae aufert marito, incertum an invitam, adeo properus, ut ne spatio quidem ad enitendum dato penatibus suis gravidam induxerit. nullam posthac subolem edidit, sed sanguini Augusti per coniunctionem Agrippinae et Germanici adnexa communes prone-  
15 potes habuit. sanctitate domus priscum ad morem, comis ultra quam antiquis feminis probatum, mater inpotens, uxor facilis et cum artibus mariti, simulatione filii bene composita. funus eius modicum, testamentum diu inritum fuit. laudata est pro rostris a C. Caesare pronepote, qui mox rerum potitus est.

2. At Tiberius, quod supremis in matrem officiis defuisset, nihil mutata amoenitate vitae magnitudinem negotiorum per litteras excusavit, honoresque memoriae eius ab senatu large decretos quasi per modestiam imminuit, paucis ad-  
25 modum receptis et addito, ne caelestis religio decerneretur: sic ipsam maluisse. quin et parte eiusdem epistolae increpuit amicitias muliebres, Fufium consulem oblique perstrin-

---

2 Ab excessu divi augusti. Rubellio *e. q. s.*      8 perusinio,  
*sed i ante o expunctum est*



gens. is gratia Augustae floruerat, aptus alliciendis feminarum animis, dicax idem et Tiberium acerbis facetiis inridere solitus, quarum apud praepotentes in longum memoria est.

3. Ceterum ex eo praerupta iam et urgens dominatio. nam incolumi Augusta erat adhuc perfugium, quia Tiberio in-  
veteratum erga matrem obsequium, neque Seianus audebat auctoritati parentis antire: tunc velut frenis exsoluti proruperunt, missaeque in Agrippinam ac Neronem litterae, quas pridem allatas et cohibitas ab Augusta credidit vulgus: haud enim multum post mortem eius recitatae sunt. verba in-  
rant quaesita asperitate, sed non arma, non rerum novarum  
studium, amores iuvenum et inpudicitiam nepoti obiectabat. in nurum ne id quidem confingere ausus, adrogantiam oris et contumacem animum incusavit, magno senatus pavore ac silentio, donec pauci, quis nulla ex honesto spes (et publica  
mala singulis in occasionem gratiae trahuntur), ut referretur postulavere, promptissimo Cotta Messalino cum atroci sententia. sed aliis a primoribus maximeque a magistratibus trepidabatur: quippe Tiberius, etsi infense invectus, cetera  
ambigua reliquerat. 30

4. Fuit in senatu Iunius Rusticus, componendis patrum actis delectus a Caesare eoque meditationes eius introspicere creditus. is fatali quodam motu (neque enim ante specimen constantiae dederat) seu prava sollertia, dum imminentium oblitus incerta pavet, inserere se dubitantibus ac monere  
consules, ne relationem inciperent; disserebatque brevibus momentis summa verti: posse quandoque <domus> Germanici exitium paenitentiae <esse> seni. simul populus effigies Agrippinae ac Neronis gerens circumssistit curiam faustisque in Caesarem omnibus falsas litteras et principe invito exitium 30

9 et: sed *Acidalius* 10 multo *Heinsius*, sed cf. XII 4, 5 multum ante 18 confringere 22 meditationis, em. *Rhenanus* 27 Germanici exitium *Ruperti*: germanicis titium; *Nipperdey* domus addidit 28 esse seni *Walther*: senis (seni esse *Ruperti* et *Novák*; p. q. Germanici stirpem resurgere; darent spatium poenitentiae senis *Madvig*) 29 faustisque *Muretus*: festisque (infestisque *Kritz*) 30 omnibus

domui eius intendi clamitat. ita nihil triste illo die patrum. ferebantur etiam sub nominibus consularium fictae in Seianum sententiae, exercentibus plerisque per occultum atque eo procacius libidinem ingeniorum. unde illi ira violentior et materies criminandi: spretum dolorem principis ab senatu, descivisse populum; audiri iam et legi novas conditiones, nova patrum consulta; quid reliquum nisi ut caperent ferrum et, quorum imagines pro vexillis secuti forent, duces imperatoresque deligerent?

- 10 5. Igitur Caesar repetitis adversum nepotem et nurum probris increpitaque per edictum plebe, questus apud patres quod fraude unius senatoris imperatoria maiestas elusa publice foret, integra tamen sibi cuncta postulavit. nec ultra deliberatum, quo minus non quidem extrema decernerent  
15 (id enim vetitum), sed paratos ad ultionem vi principis impediri testarentur.

---

15 se impediri Ritter 16 post testarentur novus versus incipit a v. Quattuor. Initium sexti libri hic posuit Haase (Philol. 3, 152sq.), cum Lipsius inde a cap. 7 (Cn. Domitius etc.) posuisset.

# CORNELII TACITI

## AB EXCESSU DIVI AUGUSTI

### LIBER VI.

V, 6. . . . Quattuor et quadraginta orationes super ea re habitae, ex quis ob metum paucae, plures adsuetudine . . . 5  
. . . 'mihi pudorem aut Seiano invidiam allaturum censui. versa est fortuna, et ille quidem, qui collegam et generum adsciverat, sibi ignoscit; ceteri, quem per dedecora fovere, cum scelere insectantur. miserius sit ob amicitiam accusari an amicum accusare, haud discreverim. non crudelitatem, 10 non clementiam cuiusquam experiar, sed liber et mihi ipsi probatus antibo periculum. vos obtestor, ne memoriam nostri per maerorem quam laeti retineatis, adiciendo me quoque iis, qui fine egregio publica mala effugerunt.'

V, 7. Tunc singulos, ut cuique adstistere, adloqui animus 15 erat, retinens aut dimittens partem diei absumpsit, multoque adhuc coetu et cunctis intrepidum vultum eius spectantibus, cum superesse tempus novissimis crederent, gladio, quem sinu abdiderat, incubuit. neque Caesar ullis criminibus aut probris defunctum insectatus est, cum in Blaesum 20 multa foedaque incusavisset.

V, 8. Relatum inde de P. Vitellio et Pomponio Secundo. illum indices arguebant claustra aerarii, cui praefectus erat, et militarem pecuniam rebus novis obtulisse; huic a Considio praetura functo obiectabatur Aelii Galli amicitia, qui 25 punito Seiano in hortos Pomponii quasi fidissimum ad subsidium perfugisset. neque aliud periclitantibus auxilii quam

---

4 in codice nec ante quattuor nec v. 5 post adsuetudine lacuna est 16 adsumpsit, b superscr. m. posterior 24 C. Considio Wurm 25 Aelii Lipsius: uelii

in fratrum constantia fuit, qui vades exstitere. mox crebris prolationibus spem ac metum iuxta gravatus Vitellius petito per speciem studiorum scalpro levem ictum venis intulit vitamque aegritudine animi finivit. at Pomponius multa morum elegantia et ingenio inlustri, dum adversam fortunam  
 5 aequus tolerat, Tiberio superstes fuit.

V, 9. Placitum posthac, ut in reliquos Seiani liberos adverteretur, vanescente quamquam plebis ira ac plerisque per priora supplicia lenitis. igitur portantur in carcerem filius  
 10 imminuentium intellegens, puella adeo nescia, ut crebro interrogaret, quod ob delictum et quo traheretur; neque facturam ultra, et posse se puerili verberare moneri. tradunt temporis eius auctores, quia triumvirali supplicio adfici virginem inauditum habebatur, a carnifice laqueum iuxta compressam;  
 15 exim obliis faucibus id aetatis corpora in Gemonias abiecta.

V, 10. Per idem tempus Asia atque Achaia exterritae sunt acri magis quam diuturno rumore, Drusum Germanici filium apud Cycladas insulas, mox in continenti visum. et erat iuvenis haud dispari aetate, quibusdam Caesaris libertis velut  
 20 agnitus; per dolumque comitantibus alliciebantur ignari fama nominis et promptis Graecorum animis ad nova et mira. quippe elapsam custodiae pergere ad paternos exercitus, Aegyptum aut Suriam invasurum fingeant simul credebantque. iam iuventutis concursu, iam publicis studiis frequen-  
 25 tabatur, laetus praesentibus et inani spe, cum auditum id Poppaeo Sabino. is Macedoniae tum intentus Achaiam quoque curabat. igitur quo vera seu falsa antiret, Toronaeum Thermaeumque sinum praefestinans, mox Euboeam Aegaei maris insulam et Piraeum Atticae orae, dein Corinthiense  
 30 litus angustiasque Isthmi evadit; marique alio Nicopolim Romanam coloniam ingressus, ibi demum cognoscit sollertius

---

20 dolum qui, e *superscr. m. posterior* (qui *delevit Novák*; agnitus per dolum: quis comitantibus *Haase*) 22 elapsum *Rhenanus*: lapsum 25 inani spe *Nipperdey*: inanium spe (inani in spe *Joh. Müller*, inanium specie *Heinsius*) 26 Poppaeo *Rhenanus*: pompeio 30 alio] *Ionio Th. Barthold (mus. Rhen. 22, 644)*

interrogatum, quisnam foret, dixisse M. Silano genitum, et multis sectatorum dilapsis ascendisse navem, tamquam Italiam peteret. scripsitque haec Tiberio, neque nos originem finemve eius rei ultra comperimus.

V, 11. Exitu anni diu aucta discordia consulum erupit. 5 nam Trio, facilis capessendis inimicitiis et foro exercitus, ut segnem Regulum ad opprimendos Seiani ministros oblique perstrinxerat: ille, nisi lacesseretur, modestiae retinens, non modo rettudit collegam, sed ut noxium coniurationis ad disquisitionem trahebat. multisque patrum orantibus ponerent 10 odia in perniciem itura, mansere infensi ac minitantes, donec magistratu abirent.

VI, 1. Cn. Domitius et Camillus Scribonianus consulatum inierant, cum Caesar tramisso quod Capreas et Surrentum interluit freto Campaniam praelegebat, ambiguus an urbem 15 intraret, seu, quia contra destinaverat, speciem venturi simulans. et saepe in propinqua degressus, aditis iuxta Tiberim hortis, saxa rursum et solitudinem maris repetiit, pudore scelerum et libidinum, quibus adeo indomitis exarserat, ut more regio pubem ingenuam stupris pollueret. nec formam 20 tantum et decora corpora, set in his modestam pueritiam, in aliis imagines maiorum incitamentum cupidinis habebat. tuncque primum ignota antea vocabula reperta sunt sellariorum et spintriarum ex foeditate loci ac multiplici patientia; praepositique servi, qui conquirent pertraherent, dona 25 in promptos, minas adversum abnuentis, et si retinerent propinquus aut parens, vim raptus suaeque ipsi libita velut in captos exercebant.

2. At Romae principio anni, quasi recens cognitis Liviae flagitiis ac non pridem etiam punitis, atroces sententiae 30 dicebantur, in effigies quoque ac memoriam eius, et bona Seiani ablata aerario ut in fiscum cogerentur, tamquam refferret. Scipiones haec et Silani et Cassii isdem ferme aut

---

2 delapsis, sed i superscr. m. posterior 17 digressus Be-  
roaldus 24 p. sintriarum (psintriarum Döderlein) 25 qui  
conquirent Döderlein: quirent 26 retinuerent (retinuerant  
Ritter) 31 infigies 32 tamquam Lipsius: tam

paulum inmutatis verbis adseveratione multa censebant, cum repente Togonius Gallus, dum ignobilitatem suam magnis nominibus inserit, per deridiculum auditur. nam principem orabat deligere senatores, ex quis viginti sorte ducti et ferro  
 5 accincti, quotiens curiam inisset, salutem eius defenderent. crediderat nimirum epistolae subsidio sibi alterum ex consulibus poscentis, ut tutus a Capreis urbem peteret. Tiberius tamen, ludibria seriis permiscere solitus, egit gratis benivolentiae patrum: sed quos omitti posse, quos deligi? semperne  
 10 eosdem an subinde alios? et honoribus perfunctos an iuvenes, privatos an e magistratibus? quam deinde speciem fore sumentium in limine curiae gladios? neque sibi vitam tanti, si armis tegenda foret. haec, adversus Togonium verbis moderans, neque <ut> ultra abolitionem sententiae suaderet.  
 15 3. At Iunium Gallionem, qui censuerat, ut praetoriani actis stipendiis ius apicerentur in quattuordecim ordinibus sedendi, violenter increpuit, velut coram rogicans, quid illi cum militibus, quos neque dicta <nisi> imperatoris neque praemia nisi ab imperatore accipere par esset. repperisse prorsus  
 20 quod divus Augustus non providerit. an potius discordiam et seditionem a satellite Seiani quaesitam, qua rudes animos nomine honoris ad corrumpendum militiae morem propelleret? hoc pretium Gallio meditatae adulationis tulit, statim curia, deinde Italia exactus; et quia incusabatur facile  
 25 toleraturus exilium delecta Lesbo, insula nobili et amoena, retrahitur in urbem custoditurque domibus magistratum. isdem litteris Caesar Sextium Paconianum praetorium perculit, magno patrum gaudio, audacem, maleficum, omnium secreta rimantem delectumque ab Seiano, cuius ope dolus  
 30 C. Caesari pararetur. quod postquam patefactum, prorupere

---

9 delegi (i superscr. m. posterior) 13 verbis] urbis 14 ut  
 add. Döderlein (neque ultra . . suadere Beroaldus, ne quid  
 ultra . . suaderet Madvig) 18 edicta Muretus, at v. II 45, 10 |  
 nisi add. Rhenanus ([imperatoris] Lipsius) 27 Sextium Pa-  
 conianum Lipsius: extium pagonianum 29 ab Weissenborn:  
 ad (a alii)

concepta pridem odia, et summum supplicium decernebatur, ni professus indicium foret.

4. Ut vero Lucanium Latiarem ingressus est, accusator ac reus iuxta invisi gratissimum spectaculum praebebantur. Latiaris, ut rettuli, praecipuus olim circumveniendi Titii 5 Sabini et tunc luendae poenae primus fuit. inter quae Haterius Agrippa consules anni prioris invasit, cur mutua accusatione intenta nunc silerent: metum prorsus et noxae conscientiam pro foedere haberi; at non patribus reticenda quae audivissent. Regulus manere tempus ultionis, seque 10 coram principe executurum; Trio aemulationem inter collegas et si qua discordes iecissent melius obliterari respondit. urgente Agrippa Sanquinius Maximus e consularibus oravit senatum, ne curas imperatoris conquisitis insuper acerbitatibus augerent: sufficere ipsum statuendis remediis. 15 sic Regulo salus et Trioni dilatio exitii quaesita. Haterius inuisior fuit, quia somno aut libidinis vigiliis marcidus et ob segnitiam quamvis crudelem principem non metuens inlustribus viris perniciem inter ganeam ac stupra meditabatur.

5. Exim Cotta Messalinus, saevissimae cuiusque senten- 20 tiae auctor eoque inveterata invidia, ubi primum facultas data, arguitur pleraque <in> C. Caesarem quasi incertae virilitatis, et cum die natali Augustae inter sacerdotes epularetur, novendialem eam cenam dixisse; querensque de potentia M'. Lepidi ac L. Arruntii, cum quibus ob rem pecunia- 25 riam disceptabat, addidisse: 'illos quidem senatus, me autem tuebitur Tiberiolus meus.' quae cuncta a primoribus civitatis revincebatur, iisque instantibus ad imperatorem provocavit. nec multo post litterae adferuntur, quibus in mo-

---

3 lucanium hic codex, Latinum vulgo, cf. IV 68 | aggressus Lipsius 4 ac reus idem: acrius | praebebant Ursinus 8 noxae conscientiam Groslothus: noxiam conscientiae (noxiam conscientiam Pichena) 22 in C. Caes. Muretus: C. Caesarem (Gaiam Caes. Freinsheim, Gaiam C. Caesarem Ritter) | incertae Lipsius: incerta (incestae Rhenanus) cf. Sen. de prov. 3, 13 exsectae virilitatis vel dubiae 25 M'. Lipsius: M. 27 quae Nipperdey: neque (eaeque Pichena)

dum defensionis, repetito inter se atque Cottam amicitiae principio crebrisque eius officiis commemoratis, ne verba prave detorta neu convivalium fabularum simplicitas in crimen duceretur postulavit.

5 6. Insigne visum est earum Caesaris litterarum initium; nam his verbis exorsus est: 'quid scribam vobis, patres conscripti, aut quo modo scribam aut quid omnino non scribam hoc tempore, di me deaeque peius perdant, quam perire me cotidie sentio, si scio'. adeo facinora atque flagitia sua  
10 ipsi quoque in supplicium verterant. neque frustra praestantissimus sapientiae firmare solitus est, si recludantur tyrannorum mentes, posse aspici laniatus et ictus, quando ut corpora verberibus, ita saevitia libidine malis consultis animus dilaceretur. quippe Tiberium non fortuna, non solitudines  
15 protegebant, quin tormenta pectoris suasque ipse poenas fateretur.

7. Tum facta patribus potestate statuendi de Caeciliano senatore, qui plurima adversum Cottam prompserat, placitum eandem poenam inrogari quam in Aruseium et Sanquini-  
20 nium, accusatores L. Arruntii; quo non aliud honorificentius Cottae evenit, qui nobilis quidem, set egens ob luxum, per flagitia infamis, sanctissimis Arruntii artibus dignitate ultionis aequabatur.

Q. Servaeus posthac et Minucius Thermus inducti, Servaeus praetura functus et quondam Germanici comes, Minucius equestri loco, modeste habita Seiani amicitia; unde illis maior miseratio. contra Tiberius praecipuos ad scelera increpans admonuit C. Cestium patrem dicere senatui quae sibi scripsisset, suscepitque Cestius accusationem. quod  
30 maxime exitiabile tulere illa tempora, cum primores senatus infimas etiam delationes exercerent, alii propalam, multi per occultum; neque discerneres alienos a coniunctis, amicos ab

---

7 quo modo] quando, cf. Suet. Tib. 67 17 C. ante Caeciliano inseruit Wurm | caesiliano, em. Lipsius 19 Aruleium Reinesius, item c. 40 | sangunnium (qui superscr. m. posterior; Sangurium coni. Nipperdey) 22 ultioni sequebatur 23 patrem] praetorem Lipsius; cf. Urlichs Rhein. Mus. 31, 500



ignotis, quid repens aut vetustate obscurum: perinde in foro, in convivio, quaque de re locuti incusabantur, ut quis praevenire et reum destinare properat, pars ad subsidium sui, plures infecti quasi valitudine et contactu. sed Minucius et Servaeus damnati indicibus accessere. tractique sunt in casum eundem Iulius Africanus e Santonis Gallica civitate, Seius Quadratus: originem non repperi. neque sum ignarus a plerisque scriptoribus ommissa multorum pericula et poenas, dum copia fatiscunt aut, quae ipsis nimia et maesta fuerant, ne pari taedio lecturos adficerent verentur: nobis pleraque digna cognitu obvenere, quamquam ab aliis incelebrata.

8. Nam ea tempestate, qua Seiani amicitiam ceteri falso exuerant, ausus est eques Romanus M. Terentius, ob id reus, amplecti, ad hunc modum apud senatum ordiendo: 'fortunae quidem meae fortasse minus expediat agnoscere crimen quam abnuere; sed utcumque casura res est, fatebor et fuisse me Seiano amicum, et ut essem expetisse, et postquam adeptus eram laetatum. videram collegam patris regendis praetoriis cohortibus, mox urbis et militiae munia simul obeuntem. illius propinqui et adfines honoribus augebantur; ut quisque Seiano intimus, ita ad Caesaris amicitiam validus; contra quibus infensus esset, metu ac sordibus conflictabantur. nec quemquam exemplo adsumo: cunctos, qui novissimi consilii expertes fuimus, meo unius discrimine defendam. non enim Seianum Vulsiniensem, set Claudiae et Iuliae domus partem, quas adfinitate occupaverat, tuum, Caesar, generum, tui consulatus socium, tua officia in re publica capessentem colebamus. non est nostrum aestimare, quem supra ceteros et quibus de causis extollas: tibi summum rerum iudicium di dedere, nobis obsequii gloria relicta est. spectamus porro quae coram habentur, cui ex te opes honores, quis plurima iuvandi nocendive potentia, quae Seiano fuisse nemo negaverit: abditos principis sensus, et si quid occultius parat, exquirere illicitum, anceps; nec ideo

1 perinde *Rhenanus*: proinde      5 tractatique      25 set *Rhenanus*: et      29 summum corr. eadem m. ex summuae (*fuitne summuae?*)

adsequare. ne, patres conscripti, ultimum Seiani diem, sed sedecim annos cogitaveritis. etiam Satrium atque Pomponium venerabamur; libertis quoque ac ianitoribus eius notescere pro magnifico accipiebatur. quid ergo? indistincta  
 5 haec defensio et promisca dabitur? immo iustis terminis dividatur. insidiae in rem publicam, consilia caedis adversum imperatorem puniantur: de amicitia et officiis idem finis et te, Caesar, et nos absolverit.'

9. Constantia orationis, et quia repertus erat, qui efferret  
 10 quae omnes animo agitabant, eo usque potuere, ut accusatores eius additis quae ante deliquerant, exilio aut morte multarentur.

Secutae dehinc Tiberii litterae in Sex. Vistilium praetorium, quem Druso fratri percarum in cohortem suam translulerat. causa offensionis Vistilio fuit, seu composuerat quaedam in C. Caesarem ut impudicum, sive ficto habita fides.  
 15 atque ob id convictu principis prohibitus cum senili manu ferrum temptavisset, obligat venas; precatusque per codicillos, immiti rescripto, venas resolvit.

20 Acervatim ex eo Annius Pollio, Appius Silanus Scauro Mamerco simul ac Sabino Calvisio maiestatis postulantur, et Vinicianus Pollioni patri adiciebatur, clari genus et quidam summis honoribus. contremuerantque patres (nam quotus quisque adfinitatis aut amicitiae tot inlustrium virorum ex  
 25 pers erat?), ni Celsus urbanae cohortis tribunus, tum inter indices, Appium et Calvisium discrimini emisisset. Caesar Pollionis ac Viniciani Scaurique causam, ut ipse cum senatu nosceret, distulit, datis quibusdam in Scaurum tristibus notis.

10. Ne feminae quidem exortes periculi. quia occupandae  
 30 rei publicae argui non poterant, ob lacrimas incusabantur; necataque est anus Vitia, Fufii Gemini mater, quod filii necem flevisset.

---

2 Pinarium *Ritter* 18 uestilium, *em. Nipperdey* 18 obligat  
*Baiter*: obligatu 19 [venas] *Ritter* 22 et quidam] atque idem  
*(i. e. iidem) Nipperdey, probabiliter* 29 quia *Muretus*: qua  
*(quando Kiessling)* 31 Vibia coni. *Nipperdey* | Fufii *Lipsius*:  
 fugii

Haec apud senatum; nec secus apud principem Vescularius Flaccus ac Iulius Marinus ad mortem aguntur, e vetustissimis familiarium, Rhodum secuti et apud Capreas individui, Vescularius insidiarum in Libonem internuntius; Marino particeps Seianus Curtium Atticum oppresserat. quo laetius 6 acceptum sua exempla in consultores recidissee.

Per idem tempus L. Piso pontifex, rarum in tanta claritudine, fato obiit, nullius servilis sententiae sponte auctor, et quotiens necessitas ingrueret, sapienter moderans. patrem ei censorium fuisse memoravi; aetas ad octogesimum 10 annum processit; decus triumphale in Thraecia meruerat. sed praecipua ex eo gloria, quod praefectus urbi recens continuam potestatem et insolentia parendi graviolem mire temperavit.

11. Namque antea, profectis domo regibus ac mox ma- 15 gistratibus, ne urbs sine imperio foret, in tempus deligebatur, qui ius redderet ac subitis mederetur; feruntque ab Romulo Dentrem Romulium, post ab Tullo Hostilio Numam Marcium et ab Tarquinio Superbo Spurium Lucretium inpositos. dein consules mandabant; duratque simulacrum, quo- 20 tiens ob ferias Latinas praeficitur qui consulare munus usurpet. ceterum Augustus bellis civilibus Cilnium Maecenatem equestris ordinis cunctis apud Romam atque Italiam praeposuit. mox rerum potitus ob magnitudinem populi ac tarda legum auxilia sumpsit e consularibus qui coërceret servitia 25 et quod civium audacia turbidum, nisi vim metuat. primusque Messala Corvinus eam potestatem et paucos intra dies finem accepit, quasi nescius exercendi; tum Taurus Statilius, quamquam propecta aetate, egregie toleravit; dein Piso quindecim per annos pariter probatus, publico funere ex decreto 30 senatus celebratus est.

12. Relatum inde ad patres a Quintiliano tribuno plebei

---

2 Flaccus *Pichena*: atticus    3 familiarum    5 participis  
15 profectis domo *Rhenanus*: praefectis demum    22 Cilnium  
*Lipsius*: cillinium    29 quindecim *Ernesti*: viginti (sex *Cor-*  
*sinius de Praef. urb. p. 33*) cf. tamen *Mommsen, Röm. Staatsr. II*  
*p. 1014 not. 2 (2)*

de libro Sibullae, quem Caninius Gallus quindecimvirum  
 recipi inter ceteros eiusdem vatis et ea de re senatus con-  
 sultum postulaverat. quo per discessionem facto misit litte-  
 ras Caesar, modice tribunum increpans ignarum antiqui  
 5 moris ob iuventam. Gallo exprobrabat, quod scientiae caerim-  
 oniarumque vetus incerto auctore, ante sententiam collegii,  
 non, ut adsolet, lecto per magistros aestimatoque carmine,  
 apud infrequentem senatum egisset. simul commonefecit,  
 quia multa vana sub nomine celebri vulgabantur, sanxisse  
 10 Augustum, quem intra diem ad praetorem urbanum defer-  
 rentur neque habere privatim liceret. quod a maioribus  
 quoque decretum erat post exustum sociali bello Capitolium,  
 quaesitis Samo Ilio Erythris, per Africam etiam ac Siciliam et  
 Italicas colonias carminibus Sibullae, una seu plures fuere,  
 15 datoque sacerdotibus negotio, quantum humana ope potuis-  
 sent, vera discernere. igitur tunc quoque notioꝑi quindecim-  
 virum is liber subicitur.

13. Isdem consulibus gravitate annonae iuxta seditionem  
 ventum, multaque et plures per dies in theatro licentius  
 20 efflagitata, quam solitum adversum imperatorem. quis com-  
 motus incusavit magistratus patresque, quod non publica  
 auctoritate populum coërcuissent, addiditque quibus e pro-  
 vinciiis et quanto maiorem quam Augustus rei frumentariae  
 copiam advectaret. ita castigandae plebi compositum sena-  
 25 tus consultum prisca severitate, neque segnius consules  
 edixere. silentium ipsius non civile, ut crediderat, sed in  
 superbiam accipiebatur.

14. Fine anni Geminus, Celsus, Pompeius, equites Ro-  
 mani, cecidere coniurationis crimine; ex quis Geminus pro-  
 30 digentia opum ac mollitia vitae amicus Seiano, nihil ad serius.  
 et Iulius Celsus tribunus in vinclis laxatam catenam et cir-

1 quindecimvir *Beroaldus*, at v. *Buecheler Mus. rhen. XI*  
*527* 7 magistrum *Sirker*, at v. *Momms. R. Staatsr. II*  
*1051 n. 4 (2)* 11 neve *Ernesti* 12 civili bello *Lipsius*,  
*Sullano b. C. Heraeus*, [sociali b.] *Nipperdey*, cf. *Kiene Ge-*  
*schichte d. Bundesgenossenkriegs p. 311* 22 e *Novák*: et  
 (alii ex)

cumdatam in diversum tendens suam ipse cervicem per-  
fregit. at Rubrio Fabato, tamquam desperatis rebus Roma-  
nis Parthorum ad misericordiam fugeret, custodes additi.  
sane is repertus aput fretum Siciliae retractusque per cen-  
turionem nullas probabiles causas longinquae peregrinatio-  
nis adferebat; mansit tamen incolumis, oblivione magis quam  
clementia.

15. Ser. Galba L. Sulla consulibus diu quaesito, quos ne-  
ptibus suis maritos destinaret, Caesar, postquam instabat  
virginum aetas, L. Cassium, M. Vinicium legit. Vinicio oppi-  
danum genus: Calibus ortus, patre atque avo consularibus,  
cetera equestri familia erat, mitis ingenio et comptae facun-  
diae. Cassius plebei Romae generis, verum antiqui hono-  
ratiq̃ue, et severa patris disciplina eductus facilitate saepius  
quam industria commendabatur. huic Drusillam, Vinicio Iu-  
liam Germanico genitas coniungit superque ea re senatui  
scribit, levi cum honore iuvenum. dein redditis absentiae  
causis admodum vagis flexit ad graviora et offensiones ob  
rem publicam coeptas, utque Macro praefectus tribunorum-  
que et centurionum pauci secum introirent, quotiens curiam  
ingrederetur, petivit. factoque large et sine praescriptione  
generis aut numeri senatus consulto ne tecta quidem urbis,  
adeo publicum consilium numquam adiit, deviis plerumque  
itineribus ambiens patriam et declinans.

16. Interea magna vis accusatorum in eos inrupit, qui  
pecunias faenore auctitabant adversum legem dictatoris Cae-  
saris, qua de modo credendi possidendique intra Italiam ca-  
vetur, omissam olim, quia privato usui bonum publicum post-  
ponitur. sane vetus urbi faenebre malum et seditionum dis-  
cordiarumque creberrima causa, eoque cohibebatur antiquis  
quoque et minus corruptis moribus. nam primo duodecim  
tabulis sanctum, ne quis unciario faenore amplius exerceret,  
cum antea ex libidine locupletium agigaretur; dein rogatione

4 sane is *Faërnus*: sanus (an sane? cf. H. III 66, 7, ubi  
sanem senem pro sane senem in codice est 19 susceptas  
*Muretus* 24 ambiens *Rhenanus*: ambigens 28 omissa, em.  
*Lipsius* 31 primum *Ritter*

tribunicia ad semuncias redactum; postremo vetita versura multisque plebi scitis obviam itum fraudibus; quae totiens repressae miras per artes rursum oriebantur. sed tum Gracchus praetor, cui ea quaestio evenerat, multitudine periclitantium subactus rettulit ad senatum, trepidique patres (neque enim quisquam tali culpa vacuus) veniam a principe petivere; et concedente annus in posterum sexque menses dati, quis secundum iussa legis rationes familiares quisque componerent.

10 17. Hinc inopia rei nummariae, commoto simul omnium aere alieno, et quia tot damnatis bonisque eorum divenditis signatum argentum fisco vel aerario attinebatur. ad hoc senatus praescripserat, duas quisque faenoris partes in agris per Italiam conlocaret. sed creditores in solidum appella-  
 15 bant, nec decorum appellatis minuire fidem. ita primo concursatio et preces, dein strepere praetoris tribunal, eaque quae remedio quaesita, venditio et emptio, in contrarium mutari, quia faeneratores omnem pecuniam mercandis agris condiderant. copiam vendendi secuta vilitate, quanto quis  
 20 obaeratio, aegrius distrahebant, multique fortunis provolvebantur; eversio rei familiaris dignitatem ac famam praeceps dabat, donec tulit opem Caesar disposito per mensas milies sestertio factaque mutuandi copia sine usuris per triennium, si debitor populo in duplum praediis cavisset.  
 25 sic refecta fides, et paulatim privati quoque creditores reperti. neque emptio agrorum exercita ad formam senatus consulti, acribus, ut ferme talia, initiis, incurioso fine.

18. Dein redeunt priores metus postulato maiestatis Considio Proculo; qui nullo pavore diem natalem celebrans  
 30 raptus in curiam pariterque damnatus interfectusque, et sorori eius Sanciae aqua atque igni interdictum accusante

---

1 redactum *Halm*: redactu, redacta alii, cf. *Liv. VII 27, 3*  
 2 plebi *Nipperdey*: plebis 7 et] eo *Pichena* 12 ob hoc *coni. Nipperdey* 14 ante sed addidit idem ex *Suet. Tib. 48*: debi-  
 tores totidem aeris alieni statim solverent, *probabiliter* 21 in  
 praeceps *Muretus*, at cf. *IV 62* 26 emitio 30 et] est  
*Besszenberger*

Q. Pomponio. is moribus iniquis haec et huiusce modi a se factitari praetendebat, ut parta apud principem gratia periculis Pomponii Secundi fratris mederetur. etiam in Pompeiam Macrinam exilium statuitur, cuius maritum Argolicum, socerum Laconem, e primoribus Achaeorum, Caesar adflixerat; pater quoque inlustris eques Romanus ac frater praetorius, cum damnatio instaret, se ipsi interfecere. datum erat crimini, quod Theophanen Mytilenaeum proavum eorum Cn. Magnus inter intimos habuisset, quodque defuncto Theophani caelestes honores Graeca adulatio tribuerat. 10

19. Post quos Sex. Marius Hispaniarum ditissimus defertur incestasse filiam et saxo Tarpeio deicitur; ac ne dubium haberetur magnitudinem pecuniae malo vertisse, aurarias <argentarias>que eius, quamquam publicarentur, sibimet Tiberius seposuit. inritatusque suppliciis cunctos, qui carere attinebantur accusati societatis cum Seiano, necari iubet. iacuit immensa strages, omnis sexus, omnis aetas, inlustres ignobiles, dispersi aut aggerati. neque propinquis aut amicis adsistere, inlacrimare, ne visere quidem diutius dabatur, sed circumiecti custodes et in maerorem cuiusque 20 intenti corpora putrefacta adsectabantur, dum in Tiberim traherentur, ubi fluitantia aut ripis adpulsa non cremare quisquam, non contingere. interciderat sortis humanae commercium vi metus, quantumque saevitia glisceret, miseratio arcebatur.

20. Sub idem tempus C. Caesar, discedenti Capreas avo 25 comes, Claudiam, M. Silani filiam, coniugio accepit, immanem animum subdola modestia tegens, non damnatione matris, non exitio fratrum rupta voce; qualem diem Tiberius induisset, pari habitu, haud multum distantibus verbis. unde mox scitum Passieni oratoris dictum percrebruit neque meliorem 30 umquam servum neque deteriolem dominum fuisse.

Non omiserim praesagium Tiberii de Servio Galba tum consule; quem accitum et diversis sermonibus pertemptatum

7 interficere 18 aurarias argentariasque *Weissenborn*: aurariasque (aur. aerariasque *Bezenberger*; aerarias aurariasque *Ritter*; illud aptius videtur, cum sit sermo de homine Hispaniarum ditissimo) 28 exitio *Nipperdey*: exilio

postremo Graecis verbis in hanc sententiam adlocutus <est>:  
 'et tu, Galba, quandoque degustabis imperium,' seram ac  
 brevem potentiam significans, scientia Chaldaeorum artis,  
 cuius apiscendae otium apud Rhodum, magistrum Thrasullum  
 5 habuit, peritiam eius hoc modo expertus.

21. Quotiens super tali negotio consultaret, edita domus  
 parte ac liberti unius conscientia utebatur. is litterarum igna-  
 rus, corpore valido, per avia ac derupta (nam saxis domus  
 imminet) praeibat eum, cuius artem experiri Tiberius statuis-  
 10 set, et regredientem, si vanitatis aut fraudum suspicio inces-  
 serat, in subiectum mare praecipitabat, ne index arcani ex-  
 isteret. igitur Thrasullus isdem rupibus inductus postquam  
 percunctantem commoverat, imperium ipsi et futura sollerter  
 patefaciens, interrogatur an suam quoque genitalem horam  
 15 comperisset, quem tum annum, qualem diem haberet. ille  
 positus siderum ac spatia dimensus haerere primo, dein pa-  
 vescere, et quantum introspiceret, magis ac magis trepidus  
 admirationis et metus, postremo exclamat ambiguum sibi ac  
 prope ultimum discrimen instare. tum complexus eum Ti-  
 20 berius praescium periculorum et incolumem fore gratatur,  
 quaeque dixerat oraculi vice accipiens inter intimos amico-  
 rum tenet.

22. Sed mihi haec ac talia audienti in incerto iudicium  
 est, fatone res mortalium et necessitate immutabili an forte  
 25 volvantur. quippe sapientissimos veterum quique sectam  
 eorum aemulantur diversos reperies ac multis insitam opi-  
 nionem non initia nostri, non finem, non denique homines  
 dis curae; ideo creberrime tristia in bonos, laeta apud dete-  
 riores esse. contra alii fatum quidem congruere rebus pu-  
 30 tant, sed non e vagis stellis, verum apud principia et nexus  
 naturalium causarum; ac tamen electionem vitae nobis re-  
 linquunt, quam ubi elegeris, certum imminetium ordinem.

---

1 est *add. Ernesti* 6 super tali *Pichena*: superta 16 pa-  
 uescente (*pavescens Jac. Gronovius*) 21 uici accipiens; *sed*  
*librarius errans a pro i mutavit in e* 25 sectas *Wurm*  
 26 reperies *corr. eadem m. in reperies, cf. IV 33* 28 creber-  
 rime *Freinsheim*: creberrima et 29 ingruere *Nipperdey*



neque mala vel bona, quae vulgus putet: multos, qui conflictari adversis videantur, beatos, at plerosque, quamquam magnas per opes, miserrimos, si illi gravem fortunam constanter tolerant, hi prospera inconsulte utantur. ceterum plurimis mortalium non eximitur, quin primo cuiusque ortu 5 ventura destinentur, sed quaedam secus quam dicta sint cadere fallaciis ignara dicentium: ita corrumpi fidem artis, cuius clara documenta et antiqua aetas et nostra tulerit. quippe a filio eiusdem Thrasulli praedictum Neronis imperium in tempore memorabitur, ne nunc incepto longius 10 abierim.

23. Isdem consulibus Asinii Galli mors vulgatur, quem egestate cibi peremptum haud dubium, sponte vel necessitate, incertum habebatur. consultusque Caesar an sepeliri sineret, non erubuit permittere ultroque incusare casus, qui 15 reum abstulissent, antequam coram convinceretur. scilicet medio triennio defuerat tempus subeundi iudicium consulari seni, tot consularium parenti. Drusus deinde exstinguitur, cum se miserandis alimentis, mandendo e cubili tomento, nonum ad diem detinuisset. tradidere quidam praescriptum 20 fuisse Macroni, si arma ab Seiano temptarentur, extractum custodiae iuvenem (nam in Palatio attinebatur) ducem populo imponere. mox, quia rumor incedebat fore ut nuru ac nepoti conciliaretur Caesar, saevitiam quam paenitentiam maluit. 25

24. Quin et invectus in defunctum probra corporis, exitiabilem in suos, infensum rei publicae animum obiecit recitarique factorum dictorumque eius descripta per dies iussit, quo non aliud atrocius visum: adstitisse tot per annos, qui vultum, gemitus, occultum etiam murmur exciperent, et 30 potuisse avum audire, legere, in publicum promere vix fides, nisi quod Attii centurionis et Didymi liberti epistulae servorum nomina praeferebant, ut quis egredientem cubiculo Drusum pulsaverat, exterruerat. etiam sua verba centurio

11 aberrem *Heinsius* 18 uel] an *Ursinus*, at cf. *IV* 33, 18  
19 tomentum *Ritter* haud scio an recte, v. *Jahresb.* 1874 p. 78  
n. 5

saevitiae plena, tamquam egregium, vocesque deficientis adiecerat, quis primo [alienationem mentis simulans] quasi per dementia[m] funesta Tiberio, mox, ubi expses vitae fuit, meditata[s] compositasque diras inprecabatur, ut, quem ad modum 5 nurum filiumque fratris et nepotes domumque omnem caedibus complevisset, ita poenas nomini generique maiorum et posteris exsolveret. obturbabant quidem patres specie detestandi: sed penetrabat pavor et admiratio callidum olim et tegendis sceleribus obscurum huc confidentiae venisse, 10 ut tamquam dimotis parietibus ostenderet nepotem sub verberare centurionis, inter servorum ictus, extrema vitae alimenta frustra orantem.

25. Nondum is dolor exoleverat, cum de Agrippina auditum, quam interfecto Seiano spe sustentatam provixisse reor, et postquam nihil de saevitia remittebatur, voluntate 15 extinctam, nisi si negatis alimentis adsimulatus est finis, qui videretur sponte sumptus. enimvero Tiberius foedissimis criminationibus exarsit, impudicitiam arguens et Asinium Gallum adulterum, eiusque morte ad taedium vitae compulsam. 20 sed Agrippina aequi inpatiens, dominandi avida, virilibus curis feminarum vitia exuerat. eodem die defunctam, quo biennio ante Seianus poenas luisset, memoriaeque id prodendum addidit Caesar iactavitque, quod non laqueo strangulata neque in Gemonias proiecta foret. actae ob id 25 grates decretumque, ut quintum decimum kal. Novembris, utriusque necis die, per omnes annos donum Iovi sacraretur.

26. Haud multo post Cocceius Nerva, continuus principis, omnis divini humanique iuris sciens, integro statu, corpore inlaeso, moriendi consilium cepit. quod ut Tiberio 30 cognitum, adsidere, causas requirere, addere preces; fateri postremo grave conscientiae, grave famae suae, si proximus amicorum nullis moriendi rationibus vitam fugeret. aversa-

---

2 [alien. m. simulans] *Bährdt, alii vv. quasi per dementia[m] pro glossemate habent* 5 nepotes necasset domumque *Ritter* 14 sust. vitam produxisse *Raim. Seyffert* 25 ut a. d. quintum *Ursinus* 27 principi omnis *Heinsius*: principis om̃s (i. e. omnes, unde principi comes *conieci*) 29 ut] ubi *Wölfflin*

tus sermonem Nerva abstinentiam cibi coniunxit. ferebant gnari cogitationum eius, quanto propius mala rei publicae viseret, ira et metu, dum integer, dum intemptatus, honestum finem voluisse.

Ceterum Agrippinae perniciēs, quod vix credibile, Plan- 5 cinam traxit. nupta olim Cn. Pisoni et palam laeta morte Germanici, cum Piso caderet, precibus Augustae nec minus inimicitii Agrippinae defensa erat. ut odium et gratia desiere, ius valuit; petitaque criminibus haud ignotis sua manu sera magis quam inmerita supplicia persolvit. 10

27. Tot luctibus funesta civitate pars maeroris fuit, quod Iulia Drusi filia, quondam Neronis uxor, denupsit in domum Rubellii Blandi, cuius avum Tiburtem equitem Romanum plerique meminerant.

Extremo anni mors Aelii Lamiae funere censorio cele- 15 brata, qui administrandae Syriae imagine tandem exsolutus urbi praefuerat. genus illi decorum, vivida senectus; et non permissa provincia dignationem addiderat. exin Flacco Pomponio Syriae pro praetore defuncto recitantur Caesaris litterae, quis incusabat egregium quemque et regendis exer- 20 citibus idoneum abnuere id munus seque ea necessitudine ad preces cogi, per quas consularium aliqui capessere provincias adigerentur, oblitus Arruntium, ne in Hispaniam pergeret, decimum iam annum attineri. obiit eodem anno et M'. Lepidus, de cuius moderatione atque sapientia in priori- 25 bus libris satis conlocavi; neque nobilitas diutius demonstranda est: quippe Aemilium genus fecundum bonorum civium, et qui eadem familia corruptis moribus, inlustri tamen fortuna egere.

28. Paulo Fabio L. Vitellio consulibus post longum sae- 30 culorum ambitum avis phoenix in Aegyptum venit praebuitque materiem doctissimis indigenarum et Graecorum multa super eo miraculo disserendi. de quibus congruunt et plura ambigua, sed cognitu non absurda promere libet. sacrum

---

20 exercitibus *corr. eadem m. ex exercitus* 25 M'. *Lipsius*:  
M. 32 materiem *ex materiam corr. eadem m.*

Soli id animal, et ore ac distinctu pinnarum a ceteris avibus  
diversum consentiunt qui formam eius effinxere; de numero  
annorum varia traduntur. maxime vulgatum quingentorum  
spatium; sunt qui adseverent mille quadringentos sexaginta  
5 unum interici, prioresque alites Sesoside primum, post  
Amaside dominantibus, dein Ptolemaeo, qui ex Macedonibus  
tertius regnavit, in civitatem, cui Heliopolis nomen, advola-  
visse, multo ceterarum volucrum comitatu novam faciem mi-  
rantium. sed antiquitas quidem obscura: inter Ptolemaeum  
10 ac Tiberium minus ducenti quinquaginta anni fuerunt. unde  
nonnulli falsum hunc phoenicem neque Arabum e terris cre-  
didere, nihilque usurpavisse ex his, quae vetus memoria fir-  
mavit. confecto quippe annorum numero, ubi mors propin-  
quet, suis in terris struere nidum eique vim genitalem ad-  
15 fundere, ex qua fetum oriri; et primam adulto curam sepe-  
liendi patris, neque id temere, sed sublato murrae pondere  
temptatoque per longum iter, ubi par oneri, par meatui sit,  
subire patrium corpus inque Solis aram perferre atque adole-  
lere. haec incerta et fabulosis aucta: ceterum aspici ali-  
20 quando in Aegypto eam volucrem non ambigitur.

29. At Romae caede continua Pomponius Labeo, quem  
praefuisse Moesiae rettuli, per abruptas venas sanguinem  
effudit; aemulataque est coniunx Paxaea. nam promptas  
eius modi mortes metus carnificis faciebat, et quia damnati  
25 publicatis bonis sepultura prohibebantur, eorum, qui de se  
statuebant, humabantur corpora, manebant testamenta, pre-  
tium festinandi. sed Caesar missis ad senatum litteris disse-  
ruit morem fuisse maioribus, quotiens dirimerent amicitias,  
interdicere domo eumque finem gratiae ponere: id se repe-  
30 tivisse in Labeone, atque illum, quia male administratae pro-  
vinciae aliorumque criminum urgebatur, culpam invidia ve-  
lavisse, frustra conterrita uxore, quam etsi nocentem peri-

---

2 effinxere *Pichena*: effinere (definire *Beroaldus*) 5 alites  
*Rhenanus*: aliter (alios tres *Halm*) | Sesoside *Jac. Gronovius*:  
esse sosi de 12 iis *Ritter* 18 annorum M. (i. e. mille) numero  
*Heinsius* 31 arguebatur *Ernesti* (criminum mole urgebatur  
*Ritter*)

culi tamen expertem fuisse. Mamercus dein Scaurus rursum postulatur, insignis nobilitate et orandis causis, vita probrosus. nihil hunc amicitia Seiani, sed labefecit haud minus validum ad exitia Macronis odium, qui easdem artes occultius exercebat detuleratque argumentum tragoediae a Scauro scriptae, additis versibus, qui in Tiberium flecterentur. verum ab Servilio et Cornelio accusatoribus adulterium Liviae, magorum sacra obiectabantur. Scaurus, ut dignum veteribus Aemiliis, damnationem anteiit, hortante Sextia uxore, quae incitamentum mortis et particeps fuit.

30. Ac tamen accusatores, si facultas incideret, poenis adiciebantur, ut Servilius Corneliusque perditio Scauro famosi, quia pecuniam a Vario Ligure omittendae delationis ceperant, in insulas interdicto igni atque aqua demoti sunt. et Abudius Ruso functus aedilitate, dum Lentulo Gaetulico, sub quo legioni praefuerat, periculum facessit, quod is Seiani filium generum destinasset, ultro damnatur atque urbe exigitur. Gaetulicus ea tempestate superioris Germaniae legiones curabat mirumque amorem adsecutus erat, effusae clementiae, modicus severitate et proximo quoque exercitui per L. Apronium socerum non ingratus. unde fama constans ausum mittere ad Caesarem litteras, adfinitatem sibi cum Seiano haud sponte, sed consilio Tiberii coeptam; perinde se quam Tiberium falli potuisse, neque errorem eundem illi sine fraude, aliis exitio habendum. sibi fidem integram et, si nullis insidiis peteretur, mansuram; successorem non aliter quam indicium mortis accepturum. firmarent velut foedus, quo princeps ceterarum rerum poteretur, ipse provinciam retineret. haec, mira quamquam, fidem ex eo trahebant, quod unus omnium Seiani adfinium incolumis multa gratia mansit, reputante Tiberio publicum sibi odium, extremam aetatem, magisque fama quam vi stare res suas.

31. C. Cestio M. Servilio consulibus nobiles Parthi in urbem venire, ignaro rege Artabano. is metu Germanici

---

7 ab] ad 9 anteiit *Halm*: ante it | hortante Sextia *Lipsius*: hortantes exitia (h. *Sextilia Walther*) 13 delationi *Heinsius*

fidus Romanis, aequabilis in suos, mox superbiam in nos, saevitiam in populares sumpsit, fretus bellis, quae secunda adversum circumiectas nationes exercuerat, et senectutem Tiberii ut inermem despiciens avidusque Armeniae, cui de-  
 5 functo rege Artaxia Arsacen liberorum suorum veterrimum imposuit, addita contumelia et missis, qui gazam a Vonone relictam in Syria Ciliciaque reposcerent; simul veteres Persarum ac Macedonum terminos, seque invasurum possessa Cyro et post Alexandro per vaniloquentiam ac minas iac-  
 10 ciebat. sed Parthis mittendi secretos nuntios validissimus auctor fuit Sinnaces, insigni familia ac perinde opibus, et proximus huic Abdus ademptae virilitatis. non despectum id apud barbaros ultroque potentiam habet. ii adscitis et aliis primoribus, quia neminem gentis Arsacidarum summae  
 15 rei imponere poterant, interfectis ab Artabano plerisque aut nondum adultis, Phraaten regis Phraatis filium Roma poscebant: nomine tantum et auctore opus, [ut] sponte Caesaris ut genus Arsacis ripam apud Euphratis cerneretur.

32. Cupitum id Tiberio: ornat Phraaten accingitque pat-  
 20 ternum ad fastigium, destinata retinens, consiliis et astu res externas moliri, arma procul habere. interea cognitis insidiis Artabanus tardari metu, modo cupidine vindictae inardescere; et barbaris cunctatio servilis, statim exsequi regium videtur. valuit tamen utilitas, ut Abdum specie amicitiae  
 25 vocatum ad epulas lento veneno inligaret, Sinnacem dissimulatione ac donis, simul per negotia moraretur. et Phraates apud Syriam, dum omisso cultu Romano, cui per tot annos insueverat, instituta Parthorum sumit, patriis moribus impar morbo absumptus est. sed non Tiberius omisit incepta: Tiri-  
 30 datem, sanguinis eiusdem, aemulum Artabano recipiendaeque Armeniae Hiberum Mithridaten deligit conciliatque fratri Pharasmani, qui gentile imperium obtinebat; et cunctis,

---

3 excreuerat 4 inertem *Heinsius* 5 vetustissimum *Ritter*  
 9 Cyro: icyro (primum Cyro *Baiter*, a Cyro *Ritter*) 17 [ut] *Joh. Müller*; aliis et sponte scribendum, aliis ut ante genus delendum videtur 18 arsaces, i superscr. m. posterior 28 sumit *Lipsius*: insumit 31 diligit, e superscr. m. posterior

quae apud Orientem parabantur, L. Vitellium praefecit. eo de homine haud sum ignarus sinistram in urbe famam, ple-  
raque foeda memorari, ceterum regendis provinciis prisca  
virtute egit: unde regressus et formidine C. Caesaris, familiari-  
tate Claudii turpe in servitium mutatus exemplar apud 5  
posteror adulatorii dedecoris habetur, cesseruntque prima  
postremis, et bona iuventae senectus flagitiosa oblitteravit.

33. At ex regulis prior Mithridates Pharasmanem perpu-  
lit dolo et vi conatus suos iuvare, repertique corruptores  
ministros Arsacis multo auro ad scelus cogunt; simul Hiberi 10  
magnis copiis Armeniam inrumpunt et urbe Artaxata potiun-  
tur. quae postquam Artabano cognita, filium Orodem ulto-  
rem parat; dat Parthorum copias, mittit qui auxilia mercede  
facerent. contra Pharasmanes adiungere Albanos, accire Sar-  
matas, quorum sceptuchi utrimque donis acceptis more gen- 15  
tico diversa induere. sed Hiberi locorum potentes Caspia  
via Sarmatam in Armenios raptim effundunt. at qui Parthis  
adventabant, facile arcebantur, cum alios incessus hostis  
clausisset, unum reliquum, mare inter et extremos Albanorum  
montes, aestas impediret, quia flatibus etesiarum implentur 20  
vada; hibernus auster revolvit fluctus pulsoque introrsus  
freto brevia litorum nudantur.

34. Interim Orodem sociorum inopem auctus auxilio Pha-  
rasmanes vocare ad pugnam et detrectantem incessere: ade-  
quitare castris, infensare pabula; ac saepe <in> modum obsidii 25  
stationibus cingebat, donec Parthi contumeliarum insolentes  
circumsisterent regem, poscerent proelium. atque illis sola  
in equite vis: Pharasmanes et pedite valebat. nam Hiberi  
Albanique saltuosos locos incolentes duritiae patientiaeque  
magis insuevere: feruntque se Thessalis ortos, qua tempe- 30

---

2 pluraque *G. Chr. Herrmann* 3 in regendis *Otto* 10 simul  
haberi, i *superscr. m. posterior* 13 dat Parthorum *Dübner*:  
dat parthorumque, unde *verisimile est nomen gentis intercidisse*,  
ut Ariorum (*Bezenberger*), Medorum (*C. Heraeus*), Hyrcanorum  
(*Nipperdey*); cf. ad VI 19 (dat pecuniam Parthorumque *Ritter*)  
14 accire *Jo. Fr. Gronovius*: accipere 17 effunt 25 in *add.*  
*Muretus*

state Iaso post avectam Medeam genitosque ex ea liberos inanem mox regiam Aeetae vacuosque Colchos repetivit; multaque de nomine eius et oraculum Phrixi celebrant; nec quisquam ariete sacrificaverit, credito vexisse Phrixum, sive  
 5 id animal seu navis insigne fuit. ceterum directa utrimque acie Parthus imperium Orientis, claritudinem Arsacidarum contraque ignobilem Hiberum mercenario milite disserebat; Pharasmanes integros semet a Parthico dominatu, quanto maiora peterent, plus decoris victores aut, si terga darent,  
 10 flagitii atque periculi laturus; simul horridam suorum aciem, picta auro Medorum agmina, hinc viros, inde praedam ostendere.

35. Enimvero apud Sarmatas non una vox ducis: se quisque stimulant, ne pugnam per sagittas sinerent: impetu  
 15 et comminus praeveniendum. variae hinc bellantium species, cum Parthus sequi vel fugere pari arte suetus distraheret turmas, spatium ictibus quaereret, Sarmatae omisso arcu, quo brevius valent, contis gladiisque ruerent; modo equestris proelii more frontis et tergi vices, aliquando ut conserta  
 20 acie corporibus et pulsu armorum pellerent pellerentur. iamque et Albani Hiberique prensare detrudere, ancipitem pugnam hostibus facere, quos super eques et propioribus vulneribus pedites adflctabant. inter quae Pharasmanes Orodesque, dum strenuis adsunt aut dubitantibus subveniunt,  
 25 conspicui eoque gnari, clamore telis equis concurrunt, instantius Pharasmanes; nam vulnus per galeam adegit. nec iterare valuit, praelatus equo et fortissimis satellitum protegentibus saucium. fama tamen occisi falso credita exterruit Parthos, victoriamque concessere.

30 36. Mox Artabanus tota mole regni ultum iit. peritia locorum ab Hiberis melius pugnatum; nec ideo abscedebat, ni contractis legionibus Vitellius et subdito rumore, tamquam Mesopotamiam invasurus, metum Romani belli fecisset.

2 aetae 5 directa, *corr. Halm*  
*Acidalius* 14 inirent *Beroaldus*  
 equites tres 19 conferta *Ernesti*  
 30 ultum iit *Lipsius*: ultimi id

7 mercennarium militem  
 18 equestris *Rhenanus*:  
 20 acie *Heinsius*: acies



tum omissa Armenia versaeque Artabani res, inlicente Vitellio desererent regem saevum in pace et adversis proeliorum exitiosum. igitur Sinnaces, quem antea infensum memoravi, patrem Abdagaesen aliosque occultos consilii et tunc continuis cladibus promptiores ad defectionem trahit, adfluentibus paulatim, qui metu magis quam benivolentia subiecti repertis auctoribus sustulerant animum. nec iam aliud Artabano reliquum, quam si qui externorum corpori custodes aderant, suis quisque sedibus extorres, quis neque boni intellectus neque mali cura, sed mercede aluntur ministri sceleribus. his adsumptis in longinqua et contermina Scythiae fugam maturavit, spe auxilii, quia Hyrcanis Carmaniisque per adfinitatem innexus erat: atque interim posse Parthos absentium aequos, praesentibus mobiles, ad paenitentiam mutari.

37. At Vitellius profugo Artabano et flexis ad novum regem popularium animis, hortatus Tiridaten parata capessere, robur legionum sociorumque ripam ad Euphratis ducit. sacrificantibus, cum hic more Romano suovetaurilia daret, ille equum placando amni adornasset, nuntiavere accolae Euphraten nulla imbrium vi sponte et inmensum attolli, simul albetibus spumis in modum diadematis sinuare orbes, auspiciis prosperi transgressus. quidam callidius interpretabantur, initia conatus secunda neque diuturna, quia eorum, quae terra caelove portenderentur, certior fides, fluminum instabilis natura simul ostenderet omnia raperetque. sed ponte navibus effecto tramissoque exercitu primus Ornospades multis equitum milibus in castra venit, exul quondam et Tiberio, cum Delmaticum bellum conficeret, haud inglorius auxiliator eoque civitate Romana donatus, mox repetita amicitia regis multo apud eum honore, praefectus campis, qui Euphrate et Tigre inclutis amnibus circumflui Mesopotamiae nomen acceperunt. neque multo post Sinnaces auget copias, et columnen partium Abdagaeses gazam et paratus regiones adicit. Vitellius ostentasse Romana arma satis ratus monet

---

4 consilii *Faërnus*: consilii    22 prosperi *Rhenanus*: prospere  
 25 omnia    31 fort. Tigri, ut est XII 13

Tiridaten primoresque, hunc, Phraatis avi et altoris Caesaris quaeque utrobique pulchra meminerit, illos, obsequium in regem, reverentiam in nos, decus quisque suum et fidem retinerent. exim cum legionibus in Syriam remeavit.

5 38. Quae duabus aestatibus gesta coniunxi, quo requiesceret animus a domesticis malis. non enim Tiberium, quamquam triennio post caedem Seiani, quae ceteros mollire solent, tempus preces satias mitigabant, quin incerta vel abo-  
lita pro gravissimis et recentibus puniret. eo metu Fulcinus  
10 Trio, ingruentis accusatores haud perpressus, supremis tabulis multa et atrocia in Macronem ac praecipuos libertorum Caesaris composuit, ipsi fluxam senio mentem et continuo abscessu velut exilium obiectando. quae ab heredibus occul-  
tata recitari Tiberius iussit, patientiam libertatis alienae osten-  
15 tans et contemptor suae infamiae, an scelerum Seiani diu nescius mox quoquo modo dicta vulgari malebat veritatisque, cui adulatio officit, per probra saltem gnarus fieri. isdem diebus Granius Marcianus senator a. C. Graccho maiestatis postulatus vim vitae suae attulit, Tariusque Gratianus prae-  
20 tura functus lege eadem extremum ad supplicium damnatus.

39. Nec dispare Trebelleni Rufi et Sextii Paconiani exitus: nam Trebellenus sua manu cecidit, Paconianus in carcere ob carmina illic in principem factitata strangulatus est. haec Tiberius non mari, ut olim, divisus neque per lon-  
25 ginquos nuntios accipiebat, sed urbem iuxta, eodem ut die vel noctis interiectu litteris consulum rescriberet, quasi aspiciens undantem per domos sanguinem aut manus carnificum.

Fine anni Poppaeus Sabinus concessit vita, modicus originis, principum amicitia consulatum ac triumphale decus adeptus  
30 maximisque provinciis per quattuor et viginti annos inpositus, nullam ob eximiam artem, sed quod par negotiis neque supra erat.

---

1 et *Rhenanus*: ut (hunc ut P. avi, altoris *Döderlein*, hunc ut P. avi, ut alt. *Ritter*, ut *delevit Becher* 2 quaeque *Neue*: quae 10 hau, ut *saepe* 20 damnatur *Sirker*, damnatus est *Nipperdey* 21 trebellieni . . trebellienus, cf. III 38, 12

40. Quintus Plautius Sex. Papinius consules sequuntur. eo anno neque quod L. Aruseius \*\*\* morte adfecti forent, ad-  
suetudine malorum ut atrox advertetur, sed exterruit quod  
Vibulenus Agrippa eques Romanus, cum perorassent accu-  
satores, in ipsa curia depromptum sinu venenum hausit, pro-  
lapsusque ac moribundus festinatis lictorum manibus in car-  
cerem raptus est faucesque iam exanimis laqueo vexatae.  
ne Tigranes quidem, Armenia quondam potitus ac tunc reus,  
nomine regio supplicia civium effugit. at C. Galba consula-  
ris et duo Blaesi voluntario exitu cecidere, Galba tristibus  
Caesaris litteris provinciam sortiri prohibitus; Blaesis sacer-  
dotia, integra eorum domo destinata, convulsa distulerat, tunc  
ut vacua contulit in alios, quod signum mortis intellexere  
et executi sunt. et Aemilia Lepida, quam iuveni Druso nu-  
ptam rettuli, crebris criminibus maritum insectata, quamquam  
intestabilis, tamen impunita agebat, dum superfuit pater Le-  
pidus: post a delatoribus corripitur ob servum adulterum;  
nec dubitabatur de flagitio. ergo omissa defensione finem  
vitae sibi posuit.

41. Per idem tempus Cietarum natio Cappadoci Arche-  
lao subiecta, quia nostrum in modum deferre census, pati tri-  
buta adigebatur, in iuga Tauri montis abscessit locorumque  
ingenio sese contra imbelles regis copias tutabatur, donec  
M. Trebellius legatus, a Vitellio praeside Syriae cum quat-  
tuor milibus legionariorum et delectis auxiliis missus, duos  
collis, quos barbari insederant (minori Cadra, alteri Davara  
nomen est), operibus circumdedit et erumpere ausos ferro,  
ceteros siti ad deditionem coëgit.

At Tiridates volentibus Parthis Nicephorium et Anthemu-  
siada ceterasque urbes, quae Macedonibus sitae Graeca vo-  
cabula usurpant, Halumque et Artemitam Parthica oppida  
recepit, certantibus gaudio qui Artabanum Scythas inter edu-

---

1 Quintus *Rhenanus*: quintius    2 lacunam hic notavit *Döderlein*, *supplevit Ritter*: exul rediret neque quod eo accusante  
multi    8 positus    10 Blaesi *Aurelius*: blaesii    20 cietarum,  
*cf. XII 55, 2 et JB. XXI 204*    30 quae a M. *Faërnus*, ut  
*est III 38, 20*

ctum ob saevitiam exsecrati come Tiridatis ingenium Romanas per artes sperabant.

42. Plurimum adulationis Seleucenses induere, civitas potens, saepta muris neque in barbarum corrupta, sed conditoris Seleuci retinens. trecenti opibus aut sapientia delecti ut senatus; sua populo vis. et quoties concordēs agunt, spernitur Parthus; ubi dissensere, dum sibi quisque contra aemulos subsidium vocant, accitus in partem adversum omnes valet. id nuper acciderat Artabano regnante, qui 10 plebem primoribus tradidit ex suo usu: nam populi imperium iuxta libertatem, paucorum dominatio regiae libidini propior est. tum adventantem Tiridaten extollunt veterum regum honoribus et quos recens aetas largius invenit; simul probra in Artabanum fundebant, materna origine Arsaciden, cetera 15 degenerem. Tiridates rem Seleucensem populo permittit. mox consultans, quonam die sollemnia regni capesseret, litteras Phraatis et Hieronis, qui validissimas praefecturas optinebant, accipit, brevem moram precantium. placitumque opperiri viros praepollentis, atque interim Ctesiphon sedes 20 imperii petita. sed ubi diem ex die prolatabant, multis coram et adprobantibus Surena patrio more Tiridaten insigni regio evinxit.

43. Ac si statim interiora ceterasque nationes petivisset, oppressa cunctantium dubitatio et omnes in unum cedebant: 25 adsidendo castellum, in quod pecuniam et paelices Artabanus contulerat, dedit spatium exuendi pacta. nam Phraates et Hiero et si qui alii delectum capiendi diademati diem haut concelebraverant, pars metu, quidam invidia in Abdagaesen, qui tum aula et novo rege potiebatur, ad Artabanum vertere. 30 isque in Hyrcanis repertus est, inluvie obsitus et alimenta arcu expediens. ac primo tamquam dolus pararetur territum, ubi data fides reddendae dominationi venisse, adlevatur animum et quae repentina mutatio exquirat. tum Hiero pueritiam Tiridatis increpat, neque penes Arsaciden imperium, sed

---

7 spernitur *Rhenanus*: spernuntur    21 tiridan    24 dubitatione omnes *Freinsheim*    27 haut *Pichena*: haci

inane nomen apud inbellem externa mollitia, vim in Abdagaesis domo.

44. Sensit vetus regnandi falsos in amore odia non fingere. nec ultra moratus, quam dum Scytharum auxilia conciret, pergit properus et praeveniens inimicorum astus, amicorum paenitentiam; neque exuerat paedorem, ut vulgum miseratione adverteret. non fraus, non preces, nihil omis-  
sum, quo ambiguos inliceret, prompti firmarentur. iamque multa manu propinqua Seleucia adventabat, cum Tiridates simul fama atque ipso Artabano percussus distrahi consiliis, iret contra an bellum cunctatione tractaret. quibus proelium et festinati casus placebant, disiectos et longinquitate itineris fessos ne animo quidem satis ad obsequium coaluisse disserunt, proditores nuper hostesque eius, quem rursum foveant. verum Abdagaeses regrediendum in Mesopotamiam censebat, ut amne obiecto, Armeniis interim Elymaeisque et ceteris a tergo excitis, aucti copiis socialibus et quas dux Romanus misisset fortunam temptarent. ea sententia valuit, quia plurima auctoritas penes Abdagaesen et Tiridates ignavus ad pericula erat. sed fugae specie discessum; ac principio a gente Arabum facto ceteri domos abeunt vel in castra Artabani, donec Tiridates cum paucis in Syriam revectus pudore proditiōnis omnes exsolvit.

45. Idem annus gravi igne urbem adfecit, deusta parte circi, quae Aventino contigua, ipsoque Aventino; quod damnum Caesar ad gloriam vertit exsolutis domuum et insularum pretiis. milies sestertium in munificentia ea conlocatum, tanto acceptius in vulgum, quanto modicus privatis aedificationibus ne publice quidem nisi duo opera struxit, templum Augusto et scaenam Pompeiani theatri; eaque perfecta, contemptu ambitionis an per senectutem, haud dedicavit. sed aestimando cuiusque detrimento quattuor pro-

1 inbellem, *corr. eadem m. ex inbellum* 4 dum *Rhenanus*: tum 9 propinquans *Madvig* | aduentabant, *corr. eadem m.*  
10 percussus *Rhenanus*: percussus 20 principio agentis 24 ad-  
ficit, *em. Wurm*; cf. ad IV 15 27 ea *add. eadem m. in*  
*marginē*

generi Caesaris, Cn. Domitius, Cassius Longinus, M. Vinicius, Rubellius Blandus, delecti additusque nominatione consulum P. Petronius. et pro ingenio cuiusque quaesiti decretique in principem honores. quos omiserit receperitve, in incerto fuit  
 5 ob propinquum vitae finem.

Neque enim multo post supremi Tiberio consules, Cn. Acerronius C. Pontius, magistratum occepere, nimia iam potentia Macronis, qui gratiam C. Caesaris numquam sibi neglectam acrius in dies fovebat impuleratque post mortem  
 10 Claudiae, quam nuptam ei rettuli, uxorem suam Enniam imitando amorem iuvenem illicere pactoque matrimonii vincere, nihil abnuentem, dum dominationis apisceretur; nam, etsi commotus ingenio, simulationum tamen falsa in sinu avi perdidicerat.

15 46. Gnarum hoc principi, eoque dubitavit de tradenda re publica, primum inter nepotes, quorum Druso genitus sanguine et caritate propior, sed nondum pubertatem ingressus, Germanici filio robur iuventae, vulgi studia, eaque apud avum odii causa. etiam de Claudio agitanti, quod is  
 20 composita aetate, bonarum artium cupiens erat, imminuta mens eius obstitit. sin extra domum successor quaereretur, ne memoria Augusti, ne nomen Caesarum in ludibria et contumelias verterent, metuebat: quippe illi non perinde curae gratia praesentium quam in posteros ambitio. mox incertus  
 25 animi, fesso corpore consilium, cui impar erat, fato permisit, iactis tamen vocibus, per quas intellexeretur providus futurorum. namque Macroni non abdita ambage occidentem ab eo deseri, orientem spectari exprobravit, et C. Caesari forte orto sermone L. Sullam inridenti omnia Sullae vitia et  
 30 nullam eiusdem virtutem habiturum praedixit. simul crebris cum lacrimis minorem ex nepotibus complexus, truci alterius vultu, 'occides hunc tu' inquit 'et te alius.' sed gravescente valitudine nihil e libidinibus omittebat, in patientia firmitudinem simulans solitusque eludere medicorum artes atque  
 35 eos, qui post tricesimum aetatis annum ad internoscenda corpori suo utilia vel noxia alieni consilii indigerent.

2 rubellius

3 cuius

11 pactoque M. patri monii vincere

47. Interim Romae futuris etiam post Tiberium caedibus semina iaciebantur. Laelius Balbus Acutiam, P. Vitellii quondam uxorem, maiestatis postulaverat; qua damnata cum praemium accusatori decerneretur, Iunius Otho tribunus plebei intercessit, unde illis odia, mox Othoni exitium. dein multorum amoribus famosa Albucilla, cui matrimonium cum Satrio Secundo coniurationis indice fuerat, defertur impietatis in principem; conectebantur ut conscii et adulteri eius Cn. Domitius, Vibius Marsus, L. Arruntius. de claritudine Domitii supra memoravi: Marsus quoque vetustis honoribus et inlustis studiis erat. sed testium interrogationi, tormentis servorum Macronem praesedis commentarii ad senatum missi ferebant, nullaeque in eos imperatoris litterae suspicionem dabant invalido ac fortasse ignaro ficta pleraque ob inimicitias Macronis notas in Arruntium.

48. Igitur Domitius defensionem meditans, Marsus tamquam inediam destinavisset, producere vitam; Arruntius cunctationem et moras suadentibus amicis non eadem omnibus decora respondit: sibi satis aetatis, neque aliud paenitendum, quam quod inter ludibria et pericula anxiam senectam toleravisset, diu Seiano, nunc Macroni, semper alicui potentium invisus, non culpa, sed ut flagitiorum inpatiens. sane paucos ad suprema principis dies posse vitari: quem ad modum evasurum imminentis iuventam? an, cum Tiberius post tantam rerum experientiam vi dominationis convulsus et mutatus sit, C. Caesarem vix finita pueritia, ignarum omnium aut pessimis innutritum, meliora capessiturum Macrone duce, qui ut deterior ad opprimendum Seianum delectus plura per scelera rem publicam conflictavisset? prospectare iam se acrius servitium, eoque fugere simul acta et instantia. haec vatis in modum dictitans venas resolvit. documento sequentia erunt bene Arruntium morte usum. Albucilla inrito ictu ab semet vulnerata iussu senatus in carcerem fertur. stu-

2 laetius    5 exitium *Nipperdey*: exilium    12 praesidiis se  
20 periculosa    23 ad suprema *Madvig*: et suprema    33 ab  
*Otto*: ac

prorum eius ministri, Carsidius Sacerdos praetorius ut in insulam deportaretur, Pontius Fregellanus amitteret ordinem senatorium, et eadem poenae in Laelium Balbum decernuntur, id quidem a laetantibus, quia Balbus truci eloquentia  
5 habebatur, promptus adversum insontes.

49. Isdem diebus Sex. Papinius consulari familia repentinum et informem exitum delegit, iacto in praecipuum corpore. causa ad matrem referebatur, quae pridem repudiata adsentationibus atque luxu perpulisset iuvenem ad ea, quorum ef-  
10 fugium non nisi morte inveniret. igitur accusata in senatu, quamquam genua patrum advolveretur luctumque communem et magis inbecillum tali super casu feminarum animum aliaque in eundem dolorem maesta et miseranda diu ferret, urbe tamen in decem annos prohibita est, donec minor filius lubri-  
15 cum iuventae exiret.

50. Iam Tiberium corpus, iam vires, nondum dissimulatio deserebat: idem animi rigor; sermone ac vultu intentus quaesita interdum comitate quamvis manifestam defectionem tegebat. mutatisque saepius locis tandem apud promunturium Miseni consedit in villa, cui L. Lucullus quondam dominus. illic eum adpropinquare supremis tali modo compertum. erat medicus arte insignis, nomine Charicles, non quidem regere valitudoines principis solitus, consilii tamen copiam praebere. is velut propria ad negotia digrediens et  
25 per speciem officii manum complexus pulsum venarum attigit. neque fefellit: nam Tiberius, incertum an offensus tantoque magis iram premens, instaurari epulas iubet discumbitque ultra solitum, quasi honori abeuntis amici tribueret. Charicles tamen labi spiritum nec ultra biduum duraturum  
30 Macroni firmavit. inde cuncta conloquiis inter praesentes, nuntiis apud legatos et exercitus festinabantur. XVII kal. Aprilis interclusa anima creditus est mortalitatem explevisse; et multo gratantum concursu ad capienda imperii primordia C. Caesar egrediebatur, cum repente adfertur redire Ti-

1 grasidius, em. Reinesius      2 deportatur, em. Rhenanus |  
Pontilius de Rhoden Prosop. Imp. R. III p. 82      4 [a] Aci-  
dalius      11 patrum Rhenanus: patris



berio vocem ac visus vocarique qui recreandae defectioni cibum adferrent. pavor hinc in omnes, et ceteri passim dispergi, se quisque maestum aut nescium fingere; Caesar in silentium fixus a summa spe novissima exspectabat. Macro intrepidus opprimi senem iniectu multae vestis iubet discedique ab limine. sic Tiberius finivit, octavo et septuagesimo aetatis anno. 5

51. Pater ei Nero et utrimque origo gentis Claudiae, quamquam mater in Liviam et mox Iuliam familiam adoptionibus transierit. casus prima ab infantia ancipites; nam proscrip- 10 tum patrem exsul secutus, ubi domum Augusti privignus introiit, multis aemulis conflictatus est, dum Marcellus et Agrippa, mox Gaius Luciusque Caesares viguere; etiam frater eius Drusus prosperiore civium amore erat. sed maxime in lubrico egit accepta in matrimonium Iulia, inpudicitiam 15 uxoris tolerans aut declinans. dein Rhodo regressus vacuos principis penates duodecim annis, mox rei Romanae arbitrium tribus ferme et viginti obtinuit. morum quoque tempora illi diversa: egregium vita famaue, quoad privatus vel in imperiis sub Augusto fuit; occultum ac subdolum fingendis virtutibus, donec Germanicus ac Drusus superfuere; idem inter bona malaue mixtus incolumi matre; intestabilis saevitia, sed obtectis libidinibus, dum Seianum dilexit timuitve: postremo in scelera simul ac dedecora prorupit, postquam remoto pudore et metu suo tantum ingenio utebatur. 25

---

6 finivit vitam *Heinsius*, vitam f. *Ritter* 10 transierat malebat *Ernesti* 14 rumore *C. Hude* 15 indicitiam 17 principes 19 qua ad, ut *IV 61* 22 intestabili *Heinsius* 23 obiectis

# CORNELII TACITI

## AB EXCESSU DIVI AUGUSTI

### LIBER XI.

1. \*\* nam Valerium Asiaticum, bis consulem, fuisse quon-  
dam adulterum eius credidit; pariterque hortis inhians, quos  
ille a Lucullo coeptos insigni magnificentia extollebat, Suil-  
lium accusandis utrisque immittit. adiungitur Sosibius Bri-  
tannici educator, qui per speciem benivolentiae moneret  
Claudium cavere vim atque opes principibus infensas: prae-  
cipuum auctorem Asiaticum interficiendi <C.> Caesaris non  
extimuisse contione in populi Romani fateri gloriamque fa-  
cinoris ultro petere; clarum ex eo in urbe, didita per pro-  
vincias fama parare iter ad Germanicos exercitus, quando  
genitus Viennae multisque et validis propinquitatibus sub-  
nixus turbare gentiles nationes promptum haberet. at Clau-  
dus nihil ultra scrutatus citis cum militibus tamquam op-  
primendo bello Crispinum praetorii praefectum misit, a quo  
reperitus est apud Baias vinclisque inditis in urbem raptus.

2. Neque data senatus copia: intra cubiculum auditur,  
Messalina coram, et Suillio corruptionem militum, quos pe-  
cunia et stupro in omne flagitium obstrictos arguebat, exin

---

*Lectiones diversae iam sunt Medicei alterius (Plut. 68, 2), qui habet posteriores Annalium et Historiarum libros. De eo v. Praefationem. Lectiones, quibus auctor emendationis non adscriptus est, iam in editione principe aut in aliquo codicum deteriorum, quos omnes ex unico Mediceo fluxisse constat, correctae sunt. al. vel dett. in his libris lectiones memorabiles, quae in aliquo codice deteriore inveniuntur, significat.*

9 caueri 10 C. add. Al. Ruperti 11 contione in Halm: contionem; de positu praepositionis v. Nipperdey ad III 72  
21 omni flagitio, em. Rhenanus

adulterium Poppaeae, postremum molliam corporis obieccante. ad quod victo silentio prorupit reus et 'interroga' inquit 'Suilli, filios tuos: virum esse me fatebuntur.' ingressusque defensionem, commoto maiorem in modum Claudio, Messalinae quoque lacrimas excivit. quibus abluendis 5 cubiculo egrediens monet Vitellium, ne elabi reum sineret; ipsa ad perniciem Poppaeae festinat, subditis qui terrore carceris ad voluntariam mortem propellerent, adeo ignaro Caesare, ut paucos post dies epulantem apud se maritum eius Scipionem percontaretur, cur sine uxore discubisset, 10 atque ille functam fato responderet.

3. Sed consultanti super absolutione Asiatici flens Vitellius, commemorata vetustate amicitiae utque Antoniam principis matrem pariter observavissent, dein percursis Asiatici in rem publicam officiis recentique adversus Britanniam mili- 15 tia, quaeque alia conciliandae misericordiae videbantur, liberum mortis arbitrium ei permisit; et secuta sunt Claudii verba in eandem clementiam. hortantibus dehinc quibusdam inediam et lenem exitum, remittere beneficium Asiaticus ait; et usurpatis quibus insueverat exercitationibus, lauto cor- 20 pore, hilare epulatus, cum se honestius calliditate Tiberii vel impetu C. Caesaris periturum dixisset, quam quod fraude muliebri et in pudico Vitellii ore caderet, venas exsolvit, viso tamen ante rogo iussoque transferri partem in aliam, ne opacitas arborum vapore ignis minueretur: tantum illi securi- 25 tatis novissimae fuit.

4. Vocantur post haec patres, pergitque Suillius addere reos equites Romanos illustres, quibus Petra cognomentum. at causa necis ex eo, quod domum suam Mnesteris et Poppaeae congressibus praebuissent. verum nocturnae quietis 30 species alteri obiecta, tamquam vidisset Claudium spicea corona evinctum spicis retro conversis, eaque imagine gravi-

---

1 Poppaeae *Jac. Gronovius*: poppe ac | postremo *malit Wölfflin Philol.* 27, 119 7 subditos 11 respondit *Ernesti* 14 percurs 27 agere reos *Muretus* 29 [at] *Acidalius*, ac *Ryckius*, cognomentum erat. causa *Ernesti*, cf. V 1, 1

tatem annonae praedixisset. quidam pampineam coronam  
 albetibus foliis visam atque ita interpretatum tradidere,  
 vergente autumnio mortem principis ostendi. illud haud am-  
 bigitur, qualicumque insomnio ipsi fratrique perniciem al-  
 5 latam. sestertium quindecies et insignia praeturae Crispino  
 decreta. adiecit Vitellius sestertium decies Sosibio, quod Bri-  
 tannicum praeceptis, Claudium consiliis iuvaret. rogatus sen-  
 tentiam et Scipio, 'cum idem' inquit 'de admissis Poppaeae  
 sentiam quod omnes, putate me idem dicere quod omnes,'  
 10 eleganti temperamento inter conjugalem amorem et senator-  
 riam necessitatem.

5. Continuus inde et saevus accusandis reis Suillius, mul-  
 tique audaciae eius aemuli: nam cuncta legum et magistra-  
 tum munia in se trahens princeps materiam praedandi pa-  
 15 tefecerat. nec quicquam publicae mercis tam venale fuit  
 quam advocatorum perfidia, adeo ut Samius, insignis eques  
 Romanus, quadringentis nummorum milibus Suillio datis et  
 cognita praevaricatione ferro in domo eius incubuerit. igitur  
 incipiente C. Sillo consule designato, cuius de potentia <et>  
 20 exitio in tempore memorabo, consurgunt patres legemque  
 Cinciam flagitant, qua cavetur antiquitus, ne quis ob causam  
 orandam pecuniam donumve accipiat.

6. Deinde obstrepentibus iis, quibus ea contumelia para-  
 batur, discors Suillio Silius acriter incubuit, veterum ora-  
 25 torum exempla referens, qui famam et posteros praemia elo-  
 quentiae cogitavissent. pulcherrimam alioquin et bonarum  
 artium principem sordidis ministeriis foedari; ne fidem qui-  
 dem integram manere, ubi magnitudo quaestuum spectetur.  
 quodsi in nullius mercedem negotia eant, pauciora fore:  
 30 nunc inimicitias accusationes, odia et iniurias foveri, ut quo  
 modo vis morborum pretia medentibus, sic fori tabes pecu-

---

1 praedixisset *Rhenanus*: dixisset (portendi dixisset *Cornelissen*) 6 vitellium 8 poppe assenaessentiam, *em. Puteolanus*  
 16 T. Samius *Ritter* 19 et *om.* 22 obstrepentibus si his  
 26 pulcherrima, *em. Nipperdey* 29 negotia eant *Jo. Fr. Gro-  
 novius*: negotiant (neg. agantur *Heinsius*, neg. fiant *Bessen-  
 berger*)

niam advocatis ferat. meminissent Asinii, Messalae ac recentiorum Arruntii et Aesernini: ad summa provectos in-corrupta vita et facundia. talia dicente consule designato, consentientibus aliis, parabatur sententia, qua lege repetundarum tenerentur, cum Suillius et Cossutianus et ceteri, qui non iudicium, quippe in manifestos, sed poenam statui videbant, circumstant Caesarem, ante acta deprecantes.

7. Et postquam annuit, agere incipiunt: quem illum tanta superbia esse, ut aeternitatem famae spe praesumat? usui et rebus subsidium praeparari, ne quis inopia advocatorum potentibus obnoxius sit. neque tamen eloquentiam gratuito contingere: omitti curas familiares, ut quis se alienis negotiis intendat. multos militia, quosdam exercendo agros tolerare vitam: nihil a quoquam expeti, nisi cuius fructus ante providerit. facile Asinium et Messalam, inter Antonium et Augustum bellorum praemiis refertos, aut ditium familiarum heredes Aeserninos et Arruntios magnum animum induisse. prompta sibi exempla, quantis mercedibus P. Clodius aut C. Curio contionari soliti sint. se modicos senatores, <qui> quieta re publica nulla nisi pacis emolumenta peterent. cogitaret plebem, quae toga enitesceret: sublatis studiorum pretiis etiam studia peritura. ut minus decora haec, ita haud frustra dicta princeps ratus, capiendis pecuniis <posuit> modum usque ad dena sestertia, quem egressi repetundarum tenerentur.

8. Sub idem tempus Mithridates, quem imperitasse Armeniis <iussuque C.> Caesaris vinctum memoravi, monente Claudio in regnum remeavit, sisus Pharasmanis opibus. is rex Hiberis idemque Mithridatis frater nuntiabat discordare

1 Asinii *Walther*: gali asinii *per interpolationem*, nam gali ex galli ortum esse videtur (C. Asinii, M. Messallae *Heinsius*)  
2 provectos *corr. eadem* 1:1. ex praevectos 8 tacere (ita agere *Weissenborn*) 10 et reis *Jacob* | praeparare (parari *Haase*, *codicis scripturam tuctur Becher*) 12 se om. *Heinsius* 20 qui quieta *Halm*: qui et a (senatores, quieta . . petere *Pichena*)  
21 quae *Pichena*: qua 24 posuit modum *det.*: modum (statuit *supplevit Orelli*), cf. IV 9, 2. XI 10, 8 27 iussuque C. *supplevit Urlichs*, in *cod.* est lacuna

Parthos summaque imperii ambigua, minora sine cura haberi. nam Gotarzes inter pleraque saeva, necem fratri Artabano coniugique ac filio eius properaverat, unde metus [eius] in ceteros, et accivere Vardanem. ille, ut erat magnis ausis  
 5 promptus, biduo tria milia stadiorum invadit ignarumque et exterritum Gotarzen proturbat; neque cunctatur quin proximas praefecturas corripiat, solis Seleucensibus dominationem eius abnuentibus. in quos, ut patris sui quoque defectores, ira magis quam ex usu praesenti accensus, impli-  
 10 catur obsidione urbis validae et munimentis obiecti amnis muroque et commeatibus firmatae. interim Gotarzes Daharum Hyrcanorumque opibus auctus bellum renovat, coactusque Vardanes omittere Seleuciam Bactrianos apud campos castra contulit.

15 9. Tunc distractis Orientis viribus et quonam inclinarent incertis, casus Mithridati datus est occupandi Armeniam, vi militis Romani ad excidenda castellorum ardua, simul Hiberi exercitu campos persultante. nec enim resistere Armenii, fuso qui proelium ausus erat Demonacte praefecto.  
 20 paululum cunctationis attulit rex minoris Armeniae Cotys, versis illuc quibusdam procerum; dein litteris Caesaris coercitus, et cuncta in Mithridaten fluxere, atrociorum quam novo regno conduceret. at Parthi imperatores cum pugnam pararent, foedus repente iaciunt cognitis popularium insi-  
 25 diis, quas Gotarzes fratri patefecit; congressique primo cunctanter, dein complexi dextras apud altaria deum pepigere fraudem inimicorum ulcisci atque ipsi inter se concedere. potiorque Vardanes visus retinendo regno; at Gotarzes, ne quid aemulationis existeret, penitus in Hyrcaniam abiit. re-

---

2 Gotarzes inter *Döderlein*: inter gotharzes | saeva *Halm*: saeva qui (nam inter Gotarzen \*\*: Gotarzis pleraque saeva; quin necem etc. *Madvig*) 3 properaverat eadem m. et in textu et in margine corr. ex praeparaverat | [eius] *Acidalius* 5 tri- duo duo *Kritz* | pervadit *Haase*, evadit *Heinsius* 8 sui- que *Wurm*, quoque sui *Urlichs* 17 excidenda *Halm* | Hiberorum *Ritter* 18 resistere 22 atrociorum det.: quam atrociorum (quamquam atrociorum *Haase*) 24 faciunt *Lipsius*, iciunt *Agricola*

gressoque Vardani deditur Seleucia septimo post defectionem anno, non sine dedecore Parthorum, quos una civitas tam diu eluserat.

10. Exin validissimas praefecturas invisit; et recuperare Armeniam aiebat, ni a Vibio Marso, Syriae legato, bellum 5 minitante cohibitus foret. atque interim Gotarzes paenitentia concessi regni et vocante nobilitate, cui in pace durius servitium est, contrahit copias. et hinc contra itum ad amnem Erinden; in cuius transgressu multum certato pervicit Vardanes, prosperisque proeliis medias nationes subegit ad flumen Sinden, quod Dahas Ariosque disternat. ibi modus rebus secundis positus: nam Parthi quamquam victores longinquam militiam aspernabantur. igitur structis monimentis, quibus opes suas testabatur nec cuiquam ante Arsacidarum tributa illis de gentibus parta, regreditur ingens gloria atque 15 eo ferocior et subiectis intolerantior; qui dolo ante composito incautum venationique intentum interfecere, primam intra iuventam, sed claritudine paucos inter senum regum, si perinde amorem inter populares quam metum apud hostes quaesivisset. nece Vardanis turbatae Parthorum res inter 20 ambiguos, quis in regnum acciperetur. multi ad Gotarzen inclinabant, quidam ad Meherdaten prolem Phraatis, obsidio nobis datum. dein praevaluit Gotarzes; potitusque regiam, per saevitiam ac luxum adegit Parthos mittere ad principem Romanum occultas preces, quis permitti Meherdaten patrium 25 ad fastigium orabant.

11. Isdem consulibus ludi saeculares octingentesimo post Romam conditam, quarto et sexagesimo, quam Augustus ediderat, spectati sunt. utriusque principis rationes praeter-

---

1 Vardani *Lipsius*: Vardane, quod tuetur *Weissenborn* in *Ann. philol.* vol. 52, 30 5 aiebat *Lipsius*: habeat (parabat *al.*) 9 Charindam *Ryckius coll. Ptolem.* 6, 2, 2 et *Amm. Marc.* 23, 6, 40 13 aspernabantur (a *superscr. m. posterior*) | structis *scripsi*: estructis (*exstructis vulgo*) | munimentis, *em. Lipsius* 15 parata 18 inter se umregum 20 rex 21 regno, *em. Lipsius* | agordazen 22 prahatis 23 positusque | regia *al.* (rerum regiam per saevitiam *Prammer*) 25 remitti *J. J. Hartman* 28 anno post conditam *inseruit Ritter*

mitto, satis narratas libris, quibus res imperatoris Domitiani composui. nam is quoque edidit ludos saeculares iisque intentius affui sacerdotio quindecimvirali praeditus ac tunc praetor. quod non iactantia refero, sed quia collegio quindecimvirum antiquitus ea cura, et magistratus potissimum exequabantur officia caerimoniarum. sedente Claudio circensibus ludis, cum pueri nobiles equis ludicrum Troiae inirent interque eos Britannicus imperatore genitus et L. Domitius adoptione mox in imperium et cognomentum Neronis adscitus, favor plebis acrior in Domitium loco praesagii acceptus est. vulgabaturque adfuisse infantiae eius dracones in modum custodum, fabulosa et externis miraculis adsimilata; nam ipse, haudquaquam sui detractor, unam omnino anguem in cubiculo visam narrare solitus est.

12. Verum inclinatio populi supererat ex memoria Germanici, cuius illa reliqua suboles virilis; et matri Agrippinae miseratio augebatur ob saevitiam Messalinae, quae semper infesta et tunc commotior, quo minus strueret crimina et accusatores, novo et furori proximo amore distinebatur. nam in C. Silium, iuventutis Romanae pulcherrimum, ita exarserat, ut Iuniam Silanam, nobilem feminam, matrimonio eius exturbaret vacuoque adultero poteretur. neque Silius flagitii aut periculi nescius erat; sed certo, si abnueret, exitio et nonnulla fallendi spe, simul magnis praemiis, operire futura et praesentibus frui pro solacio habebat. illa non furtim, sed multo comitatu ventitare domum, egressibus adhaerescere, largiri opes honores; postremo, velut translata iam fortuna, servi liberti paratus principis apud adulterum visebantur.

13. At Claudius matrimonii sui ignarus et munia censoria usurpans, theatralem populi lasciviam severis edictis increpuit, quod in Publium Pomponium consularem (is carmina scaenae dabat) inque feminas illustres probra iecerat; et lege lata saevitiam creditorum coercuit, ne in mortem parentum

2 hisque, *sed h. erasum*    3 affuit    10 acrior in] acriori  
18 detractor *Burman*    24 operire *Nipperdey*: operiri (operiri *Beroaldus*)    28 adulterum *Puteolanus*: alterum    33 mortem *ed. Froben.*: morte



pecunias filiis familiarum faenori darent; fontesque aquarum Simbruinis collibus deductos urbi intulit; ac novas litterarum formas addidit vulgavitque, comperto Graecam quoque litteraturam non simul coeptam absolutamque.

14. Primi per figuras animalium Aegyptii sensus mentis effingebant — ea antiquissima monimenta memoriae humanae inpressa saxis cernuntur —, et litterarum semet inventores perhibent; inde Phoenicas, quia mari praepollebant, intulisse Graeciae gloriamque adeptos, tamquam reppererint, quae acceperant. quippe fama est Cadmum classe Phoenicum vectum rudibus adhuc Graecorum populis artis eius auctorem fuisse. quidam Cecropem Atheniensem vel Linum Thebanum et temporibus Troianis Palamedem Argivum memorant sedecim litterarum formas, mox alios ac praecipuum Simoniden ceteras repperisse. at in Italia Etrusci ab Corinthio Demarato, Aborigines Arcade ab Evandro didicerunt; et forma litteris Latinis quae veterrimis Graecorum. sed nobis quoque paucae primum fuere, deinde additae sunt. quo exemplo Claudius tres litteras adiecit, quae usui imperitante eo, post oblitteratae, aspiciuntur etiam nunc in aere publico [dis plebiscitis] per fora ac templa fixo.

15. Rettulit deinde ad senatum super collegio haruspicum, ne vetustissima Italiae disciplina per desidiā exoleret. saepe adversis rei publicae temporibus accitos, quorum monitu redintegratas caerimonias et in posterum rectius habitas; primoresque Etruriae sponte aut patrum Romanorum impulsu retinuisse scientiam et in familias propagasse; quod nunc segnius fieri publica circa bonas artes socordia, et quia externae superstitiones valescant. et laeta quidem in praesens omnia, sed benignitati deum gratiam referendam,

2 Simbruinis *Rhenanus*: sub Inbruinis 3 quoque graecam, *em. in ed. Froben.* 6 ea *Lipsius*: et 11 advectum *Ritter* 16 aboriginib; arcades, *em. Puteol.* 17 formas, *sed s. delevit eadem m.* 19 in usu *Nipperdey* 21 dis plebiscitis *delevit Nipperdey* (publicandis plebi iis *Madvig*, publicandis de iis senatus consultis *Halm*, publicandis plebi senatus consultis *Grotius et Urlichs*) 24 accitos *Ursinus*: accitis 30 referendam cavendumque ne *Becher*

ne ritus sacrorum inter ambigua culti per prospera oblitterarentur. factum ex eo senatus consultum, viderent pontifices quae retinenda firmandaque haruspicum.

16. Eodem anno Cheruscorum gens regem Roma peti-  
vit, amissis per interna bella nobilibus et uno reliquo stirpis  
regiae, qui apud urbem habebatur nomine Italicus. pater-  
num huic genus e Flavio fratre Arminii, mater ex Actumero  
principe Chattorum erat; ipse forma decorus et armis equis-  
que in patrum nostrumque morem exercitus. igitur Caesar  
auctum pecunia, additis stipatoribus, hortatur gentile decus  
magno animo capessere: illum primum Romae ortum nec  
obsidem, sed civem ire externum ad imperium. ac primo  
laetus Germanis adventus atque eo, quod nullis discordiis  
inbutus pari in omnes studio ageret, celebrari, coli, modo  
comitatem et temperantiam, nulli invisa, saepius vinolentiam  
ac libidines, grata barbaris, usurpans. iamque apud proximos,  
iam longius clarescere, cum potentiam eius suspectantes,  
qui factionibus floruerant, discedunt ad conterminos populos  
ac testificantur adimi veterem Germaniae libertatem  
et Romanas opes insurgere. adeo neminem isdem in terris  
ortum, qui principem locum impleat, nisi exploratoris Flavi  
progenies super cunctos attollatur? frustra Arminium praescribi:  
cuius si filius hostili in solo adultus in regnum venisset,  
posse extimesci, infectum alimonio servitio cultu, omnibus  
externis: at si paterna Italico mens esset, non alium  
infensius arma contra patriam ac deos penates quam parentem  
eius exercuisse.

17. His atque talibus magnas copias coëgere, nec pauciores Italicum sequebantur. non enim irrupisse ad invitos,

3 quae retinendae firmandaeque haruspicinae *Nipperdey*; de retinenda firmandaque haruspicum disciplina *Cornelissen*

4 Roma *Rhenanus*: romae, cf. XII 14 6 italicus, em. *Agricola*  
7 armenii | Catumero *vulgo*, v. *Müllenhoff* *Z. f. d. Alt.* 9, 223;  
*illud tuetur R. Much* *ibid.* 1891, 361 10 auctum] augustus,  
*radendo effectum ex* augustum 15 vinolentiam, sed o *superscr.*  
*eadem m.* 21 Flavi *Orelli*: flabii 23 ueniasse posse. Testi-  
mesci, em. *Rhenanus* 25 at et in *textu et in margine eadem*  
*m. correctum ex ac*

sed accitum memorabat, quando nobilitate ceteros anteiret: virtutem experirentur, an dignum se patruo Arminio, avo Actumero praeberet. nec patrem rubori, quod fidem adversus Romanos volentibus Germanis sumptam numquam omis-  
 5 sisset. falso libertatis vocabulum obtendi ab iis, qui privatum degeneres, in publicum exitiosi, nihil spei nisi per discordias habeant. adstrepebat huic alacre vulgus; et magno inter barbaros proelio victor rex, dein secunda fortuna ad superbiam prolapsus pulsusque ac rursus Langobardorum opibus reffectus per laeta per adversa res Cheruscas afflic-  
 10 tabat.

18. Per idem tempus Chauci, nulla dissensione domi, et morte Sanquinii alacres, dum Corbulo adventat, inferiorem Germaniam incursavere duce Gannasco, qui natione Canninefas, auxiliare stipendium meritus, post transfuga, levibus  
 15 navigiis praedabundus Gallorum maxime oram vastabat, non ignarus dites et inbelles esse. at Corbulo provinciam ingressus magna cum cura et mox gloria, cui principium illa militia fuit, triremes alveo Rheni, ceteras navium, ut quaeque  
 20 habiles, per aestuaria et fossas adegit; luntribusque hostium depressis et exturbato Gannasco, ubi praesentia satis composita sunt, legiones operum et laboris ignavas, populationibus laetantes, veterem ad morem reduxit, ne quis agmine decederet nec pugnam nisi iussus iniret. stationes vigiliae,  
 25 diurna nocturnaque munia in armis agitabantur; feruntque militem, quia vallum non accinctus, atque alium, quia pugione tantum accinctus foderet, morte punitos. quae nimia et incertum an falso iacta originem tamen e severitate ducis traxere; intentumque et magnis delictis inexorabilem scias, cui tantum asperitatis etiam adversus levia credebatur.  
 30

1 memorabant 3 catumero, em. *Müllenhoff* 5 ab his  
 7 magno ut inter *Lipsius* 12 nulia 14 caninefas 15 auxiliare  
 stipendium meritus *Bipontini*: auxiliare ex diu meritis (auxiliares inter diu meritis *Acidalius*, auxiliare aes diu meritis *Mercerus*, auxiliaris et diu meritis *Puteol.*) cf. II 52 is natione Numida . . auxiliaria stipendia meritus, mox desertor etc.  
 20 lintribusque al. 22 ignaras al. 28 iacta *Rhenanus*: acta  
 29 delectis

19. Ceterum is terror milites hostesque in diversum af-  
fecit: nos virtutem auximus, barbari ferociam infregere. et  
natio Frisiorum post rebellionem clade L. Apronii coeptam  
infensa aut male fida, datis obsidibus consedit apud agros a  
5 Corbulone descriptos; idem senatum magistratus leges in-  
posuit. ac ne iussa exuerent, praesidium immunivit, missis  
qui maiores Chaucos ad deditionem pellicerent, simul Gan-  
nascum dolo aggredierentur. nec irritae aut degeneres insi-  
diae fuere adversus transfugam et violatorem fidei. sed caede  
10 eius motae Chaucorum mentes, et Corbulo semina rebellionis  
praebebat, ut laeta apud plerosque, ita apud quosdam sini-  
stra fama. cur hostem conciret? adversa in rem publicam  
casura; sin prospere egisset, formidolosum paci virum in-  
signem et ignavo principi praegravem. igitur Claudius adeo  
15 novam in Germanias vim prohibuit, ut referri praesidia cis  
Rhenum iuberet.

20. Iam castra in hostili solo molienti Corbuloni eae lit-  
terae redduntur. ille re subita, quamquam multa simul of-  
funderentur, metus ex inperatore, contemptio ex barbaris,  
20 ludibrium apud socios, nihil aliud prolocutus quam 'beatos  
quondam duces Romanos', signum receptui dedit. ut tamen  
miles otium exueret, inter Mosam Rhenumque trium et vi-  
ginti milium spatio fossam perduxit, qua incerta Oceani vi-  
tarentur. insigne tamen triumphi indulsit Caesar, quamvis  
25 bellum negavisset.

Nec multo post Curtius Rufus eundem honorem adipisci-  
tur, qui in agro Mattiaco recluserat specus quaerendis venis  
argenti: unde tenuis fructus nec in longum fuit, at legioni-  
bus cum damno labor, effodere rivos, quaeque in aperto gra-  
30 via, humum infra moliri. quis subactus miles, et quia plu-  
res per provincias similia tolerabantur, componit occultas  
litteras nomine exercituum, precantium imperatorem, ut,

---

5 senatum *Puteol.*: senatus eadem m. *perperam effectum ex*  
senatum 11 Insinistra 12 rē publica 21 quondam *Lipsius*:  
quosdam | ut] ui 23 pduxit, *fortasse non mutandum* | ueta-  
rentur, *em. Vertranius* 24 insigne *Halm*: insigni (— nia *corr.*  
m. 2), cf. IV 23, 3 et XII 3, 8 29 et fodere, *em. Rhenanus*

quibus permissurus esset exercitus, triumphalia ante tribueret.

21. De origine Curtii Rufi, quem gladiatore genitum quidam prodidere, neque falsa prompserim et vera exequi pudet. postquam adolevit, sectator quaestoris, cui Africa optigerat, dum in oppido Adrumeto vacuis per medium diei porticibus secretus agit, oblata ei species muliebris ultra modum humanum et audita est vox 'tu es, Rufe, qui in hanc provinciam pro consule venies'. tali omine in spem sublatuS degressusque in urbem largitione amicorum, simul acri ingenio quaesturam et mox nobiles inter candidatos praeturam principis suffragio assequitur, cum hisce verbis Tiberius dedecus natalium eius velavisset: 'Curtius Rufus videtur mihi ex se natus.' longa post haec senecta et adversus superiores tristi adulatione, arrogans minoribus, inter pares difficilis, consulare imperium, triumphi insignia ac postremo Africam obtinuit; atque ibi defunctus fatale praesagium implevit.

22. Interea Romae, nullis palam neque cognitis mox causis, Cn. Nonius eques Romanus ferro accinctus reperitur in coetu salutantum principem. nam postquam tormentis dilaniabatur, de se non <infitiatus> conscios non edidit, incertum an occultans.

Isdem consulibus P. Dolabella censuit spectaculum gladiatorum per omnes annos celebrandum pecunia eorum, qui quaesturam adipiscerentur. apud maiores virtutis id praemium fuerat, cunctisque civium, si bonis artibus fiderent, licitum petere magistratus; ac ne aetas quidem distinguebatur, quin prima iuventa consulatum et dictaturas inirent. sed quaestores regibus etiam tum imperantibus instituti sunt, quod lex curiata ostendit ab L. Bruto repetita. mansitque consulibus potestas deligendi, donec eum quoque honorem populus mandaret. creatique primum Valerius Potitus et

10 digressusque *al.* | urbem *Nipperdey*: urbae et (urbem et *al.*) 22 non infitiatus *Jac. Gronovius*: noni *cum lacuna* 13 *litterarum* 26 id *s. l.*: sit 1 *m.* 33 Potitus *Lipsius*: potus

Aemilius Mamercus sexagesimo tertio anno post Tarquinius exactos, ut rem militarem comitarentur. dein gliscentibus negotiis duo additi, qui Romae curarent. mox duplicatus numerus, stipendiaria iam Italia et accedentibus provinciarum vectigalibus. post lege Sullae viginti creati supplendo senatui, cui iudicia tradiderat. et quamquam equites iudicia recuperavissent, quaestura tamen ex dignitate candidatorum aut facilitate tribuentium gratuito concedebatur, donec sententia Dolabellae velut venundaretur.

23. A. Vitellio L. Vipstano consulibus cum de supplendo senatu agitaretur primoresque Galliae, quae Comata appellatur, foedera et civitatem Romanam pridem assecuti, ius adipiscendorum in urbe honorum expeterent, multus ea super re variusque rumor. et studiis diversis apud principem certabatur, asseverantium non adeo aegram Italiam, ut senatum suppeditare urbi suae nequiret. suffecisse olim indigenas consanguineis populis, nec paenitere veteris rei publicae. quin adhuc memorari exempla, quae priscis moribus ad virtutem et gloriam Romana indoles prodiderit. an parum quod Veneti et Insubres curiam intruperint, nisi coetu alienigenarum velut captivitas inferatur? quem ultra honorem residuis nobilium, aut si quis pauper e Latio senator foret? oppleturos omnia divites illos, quorum avi proavique hostilium nationum duces exercitus nostros ferro vique ceciderint, divum Iulium apud Alesiam obsederint. recentia haec: quid si memoria eorum oreretur, qui <sub> Capitolio et arce Romana manibus eorundem prostrati sint? fruerentur sane vocabulo civitatis: insignia patrum, decora magistratuum ne vulgarent.

24. His atque talibus haud permotus princeps et statim

---

5 legē suillae    10 Vipstano *Chr. Ad. Rupertus*: uipsana  
 15 egenam *Oelschläger*    20 coetu *Ritter*: coetus    26 oreretur  
*Bach*: moreretur (*moveretur Jac. Gronovius*) | sub *add. Dräger*,  
*an obsessa post Romana supplendum est?* | arce *Acidalius*: ara  
 27 prostrati sint *Halm praeunte Freinsheim*: per se satis (*manibias* deorum deripere conati sint *Nipperdey praeunte Heinsio*)  
 29 vulgarentur *Pluygers*

contra disseruit et vocato senatu ita exorsus est: maiores mei, quorum antiquissimus Clausus origine Sabina simul in civitatem Romanam et in familias patriciorum adscitus est, hortantur uti paribus consiliis in re publica capessenda, transferendo huc quod usquam egregium fuerit. neque enim 5 ignoro Iulios Alba, Coruncanios Camerio, Porcios Tusculo, et ne vetera scrutemur, Etruria Lucaniaque et omni Italia in senatum ascitos, postremo ipsam ad Alpes promotam, ut non modo singuli viritim, sed terrae, gentes in nomen nostrum coalescerent. tunc solida domi quies et adversus ex- 10 terna floruimus, cum Transpadani in civitatem recepti, cum specie deductarum per orbem terrae legionum additis provincialium validissimis fesso imperio subventum est. num paenitet Balbos ex Hispania nec minus insignes viros e Gallia Narbonensi transivisse? manent posteri eorum nec amore 15 in hanc patriam nobis concedunt. quid aliud exitio Lacedaemoniis et Atheniensibus fuit, quamquam armis pollerent, nisi quod victos pro alienigenis arcebant? at conditor nostri Romulus tantum sapientia valuit, ut plerosque populos eodem die hostes, dein cives habuerit. advenae in nos regnaverunt; 20 libertinorum filiis magistratus mandare non, ut plerique falluntur, repens, sed priori populo factitatum est. at cum Senonibus pugnavimus: scilicet Vulsci et Aequi numquam adversam nobis aciem instruxere. capti a Gallis sumus: sed et Tuscis obsides dedimus et Samnitium iugum subiimus. ac 25 tamen, si cuncta bella recenseas, nullum brevioris spatio quam adversus Gallos confectum: continua inde ac fida pax. iam moribus artibus adfinitatibus nostris mixti aurum et opes suas inferant potius quam separati habeant. omnia, patres conscripti, quae nunc vetustissima creduntur, nova 30 fuere: plebei magistratus post patricos, Latini post plebeios, ceterarum Italiae gentium post Latinos. inveterascet

4 in re publica *Halm et Weissenborn*: rem publica cum rasure ante rem (rem publicam capessam *al.*) 8 ascitos *Nipperdey*: accitos : 21 mandaret, sed t. *delevit eadem m.* (mandari *Lipsius*) 22 recens *al.*, at cf. VI 7. XV 68 25 subimus, *em. Orelli* | ac tamen *Halm*: attamen

hoc quoque, et quod hodie exemplis tuemur, inter exempla erit.'

25. Orationem principis secuto patrum consulto primi Aedui senatorum in urbe ius adepti sunt. datum id foederi  
5 antiquo, et quia soli Gallorum fraternitatis nomen cum populo Romano usurpant.

Isdem diebus in numerum patriciorum ascivit Caesar vetustissimum quemque e senatu aut quibus clari parentes fuerant, paucis iam reliquis familiarum, quas Romulus ma-  
10 iorum et L. Brutus minorum gentium appellaverant, exhaustis etiam quas dictator Caesar lege Cassia et princeps Augustus lege Saenia sublegere; laetaque haec in rem publicam munia multo gaudio censoris inibantur. famosos probris quonam modo senatu depelleret anxius, mitem et recens  
15 repertam quam ex severitate prisca rationem adhibuit, monendo, secum quisque de se consultaret peteretque ius exuendi ordinis: facilem eius rei veniam. et motos senatu excusatosque simul propositurum, ut iudicium censorum ac pudor sponte cedentium permixta ignominiam mollirent. ob  
20 ea Vipstanus consul rettulit patrem senatus appellandum esse Claudium: quippe promiscuum patris patriae cognomentum; nova in rem publicam merita non usitatis vocabulis honoranda. sed ipse cohibuit consulem ut nimium adstantem. condiditque lustrum, quo censa sunt civium LVIII. LXXXIII.  
25 LXXII. isque illi finis inscitiae erga domum suam fuit: haud multo post flagitia uxoris noscere ac punire adactus <est>, ut deinde ardesceret in nuptias incestas.

26. Iam Messalina facilitate adulteriorum in fastidium versa ad incognitas libidines profluebat, cum abrupti dissimulationem etiam Silius, sive fatali vecordia an imminen-  
30 tium periculorum remedium ipsa pericula ratus, urgebat: quippe non eo ventum, ut senectam principis opperirentur.

4 senatorum] honorum *O. Hirschfeld* 12 senia, *em. Lipsius*  
16 exuendi *idem*: exeundi 18 censorium *Faërnus* 19 permixti, *em. Ritter* 20 uipsanius, *em. Chr. A. Rupertus* 26 est  
*add. Nipperdey* 28 Nam *Bekker* | adulteriorum 30 sive taedio  
incertae fortunae sive fatali v. *Nipperdey* 32 senecta principis opperiretur



insontibus innoxia consilia, flagitiis manifestis subsidium ab audacia petendum. adesse conscios paria metuentes. se caelibem, orbem, nuptiis et adoptando Britannico paratum. mansuram eandem Messalinae potentiam, addita securitate, si praevenirent Claudium, ut insidiis incautum, ita irae pro- 5 perum. segniter eae voces acceptae, non amore in maritum, sed ne Silius summa adeptus sperneret adulteram scelusque inter ancipitia probatum veris mox pretiis aestimaret. nomen tamen matrimonii concupivit ob magnitudinem infamiae, cuius apud prodigos novissima voluptas est. nec ultra expectato, quam dum sacrificii gratia Claudius Ostiam proficis- 10 cetur, cuncta nuptiarum sollemnia celebrat.

27. Haud sum ignarus fabulosum visum iri tantum ullis mortalium securitatis fuisse in civitate omnium gnara et nihil reticente, nedum consulem designatum cum uxore principis, 15 praedicta die, adhibitis qui obsignarent, velut suscipiendorum liberorum causa convenisse, atque illam audisse auspicum verba, subisse <flammeum>, sacrificasse apud deos; discubitu inter convivas; oscula complexus, noctem denique actam licentia coniugali. sed nihil compositum miraculi causa, verum 20 audita scriptaque senioribus trado.

28. Igitur domus principis inhorruerat, maximeque quos penes potentia et, si res verterentur, formido, non iam secretis colloquiis, sed aperte fremere, dum histrio cubiculum per principis exultaverit, dedecus quidem illatum, sed 25 excidium procul afuisse: nunc iuvenem nobilem dignitate formae, vi mentis ac propinquo consulatu maiorem ad spem adcingi; nec enim occultum, quid post tale matrimonium

---

1 flagitii *Acidalius* 2 paria *Puteol.*: patriā 10 profligatos *Dräger*, perditos *Nipperdey*, impudicos *Novák*, pudoris prodigos *Becher* 13 tanto nullis 18 flammeum *add. Urlichs coll. XV 37, 18* (templa subisse *Heinsius*, nupsisse *Lipsius*) 21 trado *ex tradam corr. eadem m.* 24 cubiculum per principis exultaverit *Becher*: cubiculum principis exultabero (cubiculum principis insultaverit *ed. Bipont.*) 25 sed et scidium (sed dissidium [*immo* discidium] *Pichena*) 26 affuisse 27 formae *Lipsius*: forma, *cf. XII 51, 13*

superesset. subibat sine dubio metus reputantes hebetem Claudium et uxori devinctum multasque mortes iussu Messalinae patratas: rursus ipsa facilitas imperatoris fiduciam dabat, si atrocitate criminis praevaluissent, posse opprimi  
 5 damnatam ante quam ream; sed in eo discrimen verti, si defensio audiretur, utque clausae aures etiam confitenti forent.

29. Ac primo Callistus, iam mihi circa necem <C.> Caesaris narratus, et Appianae caedis molitor Narcissus flagrantissimaque eo in tempore gratia Pallas agitavere, num Messalinam secretis minis depellerent amore Silii, cuncta alia dissimulantes. dein metu, ne ad perniciem ultro traherentur, desistunt, Pallas per ignaviam, Callistus prioris quoque regiae peritus et potentiam cautis quam acribus consiliis tutius  
 15 haberi: perstitit Narcissus, solum id immutans, ne quo sermone praesciam criminis et accusatoris faceret. ipse ad occasiones intentus, longa apud Ostiam Caesaris mora, duas paelices, quarum is corpori maxime insueverat, largitione ac promissis et uxore delecta plus potentiae ostentando per-  
 20 pulit delationem subire.

30. Exin Calpurnia (id paelici nomen), ubi datum secretum, genibus Caesaris provoluta nupsisse Messalinam Silio exclamat; simul Cleopatram, quae id opperiens adstabat, an comperisset interrogat, atque illa annuente cieri Narcissum  
 25 postulat. is veniam in praeteritum petens, quod ei Vettios, Plautios dissimulavisset, nec nunc adulteria obiecturum ait, ne domum servitia et ceteros fortunae paratus reposceret. frueretur immo his, set redderet uxorem rumperetque tabulas nuptiales. 'an discidium' inquit 'tuum nosti? nam

---

8 C *add. Faërnus* 12 *ultra* 15 *solum Rhenanus*: ut solum (at solum *Jac. Gronovius*, set solum *Halm*) 16 *accusatores* 19 *potentia* eos temptando | perculit, *em. Puteolanus* 21 id alteri paelici *conieci* 23 id *Halm*: idem (id ipsum *Döderlein*, ut est *H. II* 80, id demum *Becher*) 25 Vettios Plautios *Nipperdey*: cis uetticis plautio (Titios Vettios Plautios *Brotier*) 26 *dimulauisset* 27 *nedum domum Halm* nescio *an recte* (*nedum Ritter*) *cf. Dio* 60, 31 *Μεσσαλίνα οικίαν αὐτοῦ* (Silio) *βασιλικὴν ἐγκαίσατο* 28 set *Acidalius*: et

matrimonium Siliū vidit populus et senatus et miles; ac nī propere agis, tenet urbem maritus.’

31. Tum potissimum <quemque> amicorum vocat, primumque rei frumentariae praefectum Turranium, post Lusium Getam praetorianis inpositum percunctatur. quis fatentibus certatim ceteri circumstrepunt, iret in castra, firmaret praetorias cohortes, securitati ante quam vindictae consulere. satis constat eo pavore offusum Claudium, ut identidem interrogaret, an ipse imperii potens, an Silius privatus esset.

At Messalina non alias solutio luxu, adulto autumno si mulacrum vindemiae per domum celebrabat. urgeri praela, fluere lacus; et feminae pellibus accinctae adsultabant ut sacrificantes vel insanientes Bacchae; ipsa crine fluxo thyrsus quatiens, iuxtaque Silius hedera vinctus, gerere coturnos, iacere caput, strepente circum procaci choro. ferunt Vettium Valentem lascivia in praealtam arborem conisum, interrogantibus quid aspiceret, respondisse tempestatem ab Ostia atrocem, sive coeperat ea species, seu forte lapsa vox in praesagium vertit.

32. Non rumor interea, sed undique nuntii incedunt, qui gnara Claudio cuncta et venire promptum ultioni afferrent. igitur Messalina Lucullanos in hortos, Silius dissimulando metum ad munia fori digrediuntur. ceteris passim dilabentibus adfuere centuriones, inditaeque sunt vincla, ut quis reperiebatur in publico aut per latebras. Messalina tamen, quamquam res adversae consilium eximerent, ire obviam et aspicere a marito, quod saepe subsidium habuerat, haud segniter intendit misitque ut Britannicus et Octavia in complexum patris pergerent. et Vibidiam, virginum Vestalium vetustissimam, oravit pontificis maximi aures adire, clementiam expetere. atque interim tribus omnino comitantibus — id repente solitudinis erat — spatium urbis pedibus

---

3 quemque *add. Agricola*, potissimos *Mercerus*, ut est XIII 18. XIV 65 (amicorum praecipui XV 56) 6 certatim *Puteolanus*: certum 18 *lassa* 22 Lucullanos *Guil. Heraeus*: fucilianos (Lucullianos *Beroaldus*) 23 metu *vulgo* 28 misitque *Halm*: misique *corr. m. 2 in missique*

emensa, vehiculo, quo purgamenta hortorum excipiuntur, Ostiensem viam intrat, nulla cuiusquam misericordia, quia flagitiorum deformitas praevalebat.

33. Trepidabatur nihilo minus a Caesare: quippe Getae  
 5 praetorii praefecto haud satis fidebant, ad honesta seu prava  
 iuxta levi. ergo Narcissus adsumptis quibus idem metus,  
 non aliam spem incolumitatis Caesari affirmat, quam si ius  
 militum uno illo die in aliquem libertorum transferret, seque  
 offert suscepturum. ac ne, dum in urbem vehitur, ad pae-  
 10 nitentiam a L. Vitellio et Largo Caecina mutaretur, in eodem  
 gestamine sedem poscit assumiturque.

34. Crebra posthac fama fuit, inter diversas principis vo-  
 ces, cum modo iucusaret flagitia uxoris, aliquando ad me-  
 moriam coniugii et infantiam liberorum revolveretur, non  
 15 aliud prolocutum Vitellium quam 'o facinus! o scelus!' in-  
 stabat quidem Narcissus aperire ambages et veri copiam fa-  
 cere; sed non ideo pervicit, quin suspensa et quo ducerentur  
 inclinatura responderet exemploque eius Largus Caecina  
 uteretur. et iam erat in aspectu Messalina clamitabatque  
 20 audiret Octaviae et Britannici matrem, cum obstrepere ac-  
 cusator, Silium et nuptias referens; simul codicillos libidi-  
 num indices tradidit, quis visus Caesaris averteret. nec  
 multo post urbem ingredienti offerebantur communes liberi,  
 nisi Narcissus amoveri eos iussisset. Vibidiam depellere ne-  
 25 quivit, quin multa cum invidia flagitaret, ne indefensa con-  
 iux exitio daretur. igitur auditurum principem et fore di-  
 luendi criminis facultatem respondit: iret interim virgo et  
 sacra capesseret.

---

1 excipiuntur *Heinsius*: eripiuntur 2 cuiusque 4 ad Cae-  
 sarem *Nipperdey* 5 fidebat *al.* 7 Caesari *scripsi*: Caesaris,  
*sed in margine eadem m. scripsit ari* 9 vehitur *Puteolanus*:  
*refertur vehitur, sed refertur eadem m. lineolis delevit* 10 et  
*Nipperdey*: P. 11 poscit assumiturque *Walther*: poscitussum  
 Itque: *m. posterior u post t mutavit in a* 12 post haec *vulgo*  
 14 infantium *Nipperdey* 16 aperiret .. faceret *Madvig* | facere  
*ex faceret corr. eadem m., ut videtur* 20 obstreperet, *sed t*  
*delevit eadem m.* 25 quin *in margine eadem m.*: quid 27 re-  
 spondit: R

35. Mirum inter haec silentium Claudii, Vitellius ignaro propior: omnia liberti oboediebant. patefieri domum adulteri atque illuc deduci imperatorem iubet. ac primum in vestibulo effigiem patris Siliii consulto senatus abolitam demonstrat, tum quicquid avitum Neronibus et Drusis in pretium probri cessisse. incensumque et ad minas erumpentem castris infert, parata contione militum; apud quos praemonente Narcisso pauca verba fecit: nam etsi iustum dolorem pudor impediabat. continuus dehinc cohortium clamor nomina reorum et poenas flagitantium; admotusque Silius tribunali non defensionem, non moras temptavit, precatus ut mors acceleraretur. eadem constantia et illustres equites Romani [cupido maturaec necis fuit]. et Titium Proculum, custodem a Silio Messalinae datum et indicium offerentem, Vettium Valentem confessum et Pompeium Urbicum ac Saufeium Trogum ex consciis tradi ad supplicium iubet. Decrius quoque Calpurnianus vigilum praefectus, Sulpicius Rufus ludi procurator, Iuncus Vergilianus senator eadem poena affecti.

36. Solus Mnester cunctationem attulit, dilaniata veste clamitans, aspiceret verberum notas, reminisceretur vocis, qua se obnoxium iussis Messalinae dedisset: aliis largitione aut spei magnitudine, sibi ex necessitate culpam; nec cuiquam ante pereundum fuisse, si Silius rerum poteretur. commotum his et pronum ad misericordiam Caesarem perpulere liberti, ne tot illustribus viris interfectis histrioni consuleretur: sponte an coactus tam magna peccavisset, nihil referre. ne Trauli quidem Montani equitis Romani defensio recepta est. is modesta iuventa, sed corpore insigni, accitus ultro noctemque intra unam a Messalina proturbatus

---

1 iulius 5 avitum *Faërnus*: habitum 18 cupido mature necis fuit *secluserunt Ritter et Nipperdey* (romanos cupidos m. n. fecit *al.*, Romani cupidi maturaec necis fuerunt *deleto et Haase*, illustribus equitibus Ro. ac cupido m. n. fuit *Ulrichs* | et Titium] *conieci Tettium coll. H. I 79, 25 et IV 39, 3, ubi codex habet et titius pro Tettius et et tito pro Tettio* 16 trahi *Rhenanus* 27 consuleret *Prammer*

erat, paribus lasciviis ad cupidinem et fastidia. Suillio Caesonino et Plautio Laterano mors remittitur, huic ob patrum egregium meritum; Caesoninus vitiis protectus est, tamquam in illo foedissimo coetu passus muliebria.

- 5 37. Interim Messalina Lucullanis in hortis prolatare vitam, componere preces, nonnulla spe et aliquando ira: tantum inter extrema superbiae gerebat. ac ni caedem eius Narcissus properavisset, verterat perniciēs in accusatorem. nam Claudius domum regressus et tempestivis epulis del-
- 10 nitus, ubi vino incaluit, iri iubet nuntiarique miserae (hoc enim verbo usum ferunt) dicendam ad causam postera die adesset. quod ubi auditum et languescere ira, redire amor ac, si cunctarentur, propinqua nox et uxorii cubiculi memoria timebantur, prorumpit Narcissus denuntiatque centurio-
- 15 nibus et tribuno, qui aderat, exequi caedem: ita imperatorem iubere. custos et exactor e libertis Euodus datur. isque raptim in hortos praegressus repperit fusam humi, assidente matre Lepida, quae florenti filiae haud concors, supremis eius necessitatibus ad miserationem evicta erat suadebatque,
- 20 ne percussorem opperiretur: transisse vitam neque aliud quam morti decus quaerendum. sed animo per libidines corrupto nihil honestum inerat; lacrimaeque et questus irriti ducebantur, cum impetu venientium pulsae fores astititque tribunus per silentium, at libertus increpans multis
- 25 et servilibus probris.

38. Tunc primum fortunam suam introspexit ferrumque accepit, quod frustra iugulo aut pectori per trepidationem admovens ictu tribuni transigitur. corpus matri concessum. nuntiatumque Claudio epulanti perisse Messalinam, non di-
- 30 stincto sua an aliena manu; nec ille quaesivit, poposcitque poculum et solita convivio celebravit. ne secutis quidem diebus odii gaudii, irae tristitiae, ullius denique humani affectus signa dedit, non cum laetantes accusatores aspiceret,

---

1 suillio 5 lucilianis, *em. Guil. Heraeus* (Lucullianis *Alciatus*), *cf. c. 32, 3* 7 superbiae gerebat *Bezenberger*: superbia egebat 16 exactor 1 m. 28 impulsae *Heinsius*

non cum filios maerentes. iuvitque oblivionem eius senatus censendo nomen et effigies privatis ac publicis locis demovendas. decreta Narcisso quaestoria insignia, levissimum fastidio eius, cum super Pallantem et Callistum ageret. honesta quidem, sed ex quis deterrima orerentur <et> tristia 5 multis.

---

3 fastidii, em. *Ernesti* 4 eidem ante honesta quaedam deesse videbantur 5 et tristia multis scripsi: tristitiis multis (tristissimaque multis *Joh. Müller*; tr. m. *delevit Nipperdey*) — Cornelii taciti liber undecimus exp. Incip̄ XII.

# CORNELII TACITI

## AB EXCESSU DIVI AUGUSTI

### LIBER XII.

1. Caede Messalinae convulsa principis domus, orto apud  
libertos certamine, quis deligeret uxorem Claudio, caelibis  
vitae intoleranti et coniugum imperiis obnoxio. nec minore  
ambitu feminae exarserant: suam quaeque nobilitatem for-  
mam opes contendere ac digna tanto matrimonio ostentare.  
sed maxime ambigebatur inter Lolliam Paulinam M. Lollii  
consularis et Iuliam Agrippinam Germanico genitam: huic  
Pallas, illi Callistus fautores aderant; at Aelia Paetina e fa-  
milia Tuberorum Narcisso fovebatur. ipse huc modo, modo  
illuc, ut quemque suadentium audierat, promptus, discor-  
dantes in consilium vocat ac promere sententiam et adicere  
rationes iubet.

2. Narcissus vetus matrimonium, filiam communem (nam  
Antonia ex Paetina erat), nihil in penatibus eius novum dis-  
serebat, si sueta coniux rediret, haudquaquam novercalibus  
odiis visura Britannicum, Octaviam, proxima suis pignora.  
Callistus improbatam longo discidio, ac si rursum assumere-  
tur, eo ipso superbam; longeque rectius Lolliam induci,  
quando nullos liberos genuisset, vacuum aemulatione et pri-  
vignis parentis loco futuram. at Pallas id maxime in Agrip-

---

6 intoleranti *Muretus*: intonanti | imperatoris 8 conten-  
deret . . ostentaret. *sed huius vocabuli ultimam litteram del.*  
*eadem m.* | digna *ed. princ. et fort. 1 m. Med.*: dignam 9 M.  
Lollio, filio *post Paulinam add. Madvig* 13 pronus *Muretus*  
16 filiam *idem*: familiam, *cf. ad XVI 26, 10* 17 impaenali-  
bus 19 odiis] oculis *conieci coll. Sen. Contr. 4, 6* | Brit. et  
Octaviam *al., cf. XIII 55, 6* 20 dissidio



pina laudare, quod Germanici nepotem secum traheret; dignum prorsus imperatoria fortuna stirpem nobilem et familiae <Iuliae> Claudiaequae posteros coniungere; et ne femina expertae fecunditatis, integra iuventa, claritudinem Caesarum aliam in domum ferret.

3. Praevaluere haec adiuta Agrippinae inlecebris: ad eum per speciem necessitudinis crebro ventitando pellicit patrum, ut praelata ceteris et nondum uxor potentia uxoria iam uteretur. nam ubi sui matrimonii certa fuit, struere maiora nuptiasque Domitii, quem ex Cn. Ahenobarbo genuerat, et Octaviae Caesaris filiae moliri; quod sine scelere perpetrari non poterat, quia L. Silano desponderat Octaviam Caesar iuvenemque et alia clarum insigni triumphalium et gladiatorii muneris magnificentia protulerat ad studia vulgi. sed nihil arduum videbatur in animo principis, cui non iudicium, non odium erat nisi indita et iussa.

4. Igitur Vitellius, nomine censoris serviles fallacias obtegens ingruentiumque dominationum provisor, quo gratiam Agrippinae pararet, consiliis eius implicari, ferre crimina in Silanum, cuius sane decora et procax soror, Iunia Calvina, haud multum ante Vitellii nurus fuerat. hinc initium accusationis; fratrumque non incestum, sed incustoditum amorem ad infamiam traxit. et praebebat Caesar aures, accipiendis adversus generum suspicionibus caritate filiae promptior. at Silanus insidiarum nescius ac forte eo anno praetor, repente per edictum Vitellii ordine senatorio movetur, quamquam lecto pridem senatu lustroque condito. simul affinitatem Claudius diremit, adactusque Silanus eiurare magistratum, et reliquus praeturae dies in Eprium Marcellum collatus est.

5. C. Pompeio Q. Veranio consulibus pactum inter Claudium et Agrippinam matrimonium iam fama, iam amore illi-

---

3 Iuliae add. *Freinsheim* | claudiae quae | coniungere et *Joh. Müller*: conlungeret, sed litterae et praeter consuetudinem separatim scriptae sunt | experta, em. *Agricola*, cf. III 74, 12  
6 quae ad eum al. 8 et] etsi *Nipperdey* 19 serere *Puteolanus* 20 cui 21 multo *Halm* 28 magistratu 30 uerania: de littera a, quae nata est ex litteris o et c coniunctis, cf. XI 23, 1

cito firmabatur; necdum celebrare sollemnia nuptiarum audebant, nullo exemplo deductae in domum patruī fratris filiae: quin et incestum; ac, si sperneretur, ne in malum publicum erumperet, metuebatur. nec ante omīssa cunctatio, quam  
 5 Vitellius suis artibus id perpetrandum sumpsit. percunctatusque Caesarem an iussis populi, an auctoritati senatus cederet, ubi ille unum se civium et consensui imparem respondit, opperiri intra Palatium iubet. ipse curiam ingreditur, summamque rem publicam agi obtestans veniam dicendi  
 10 ante alios exposcit orditurque: gravissimos principis labores, quis orbem terrae capessat, egere adminiculis, ut domestica cura vacuus in commune consulat. quod porro honestius censoriae mentis levamentum quam assumere coniugem, prosperis dubiisque sociam, cui cogitationes intimas, cui par-  
 15 vos liberos tradat, non luxui aut voluptatibus adsuefactus, sed qui prima ab iuventa legibus obtemperavisset.

6. Postquam haec favorabili oratione praemisit multaque patrum assentatio sequebatur, capto rursus initio, quando maritandum principem cuncti suaderent, deligi oportere feminam nobilitate puerperiis sanctimonia insignem. nec diu  
 20 anquirendum quin Agrippina claritudine generis anteiret; datum ab ea fecunditatis experimentum et congruere artes honestas. id vero egregium, quod provisu deum vidua iungeretur principi sua tantum matrimonia experto. audivisse a  
 25 parentibus, vidisse ipsos abripi coniuges ad libita Caesarum: procul id a praesenti modestia. statueretur immo documentum, quo uxorem imperator <a patribus> acciperet. at enim nova nobis in fratrum filias coniugia: sed aliis gentibus sollemnia neque lege ulla prohibita; et sobrinarum diu ignorata  
 30 tempore addito percrebuisse. morem accommodari, prout conducerat, et fore hoc quoque in iis quae mox usurpentur.

---

2 filia, sed corr. eadem m. 18 levamentum quam P. Victorius et Petersen: leuamen unquam 25 abripi Ritter: arripi 27 a patribus Ritter: om. in lacuna sex litterarum, a re publ. suppl. Orelli (ex eis quae omīssa sunt potest videri reliqua esse in margine littera a) 29 sobrinarum ac consobrinarum Nipperdey 31 his

7. Haud defuere qui certatim, si cunctaretur Caesar, vi acturos testificantes erumperent curia. conglobatur promisca multitudo populumque Romanum eadem orare clamitat. nec Claudius ultra expectato obviis apud forum praebet se grantantibus, senatumque ingressus decretum postulat, quo iustae inter patruos fratrumque filias nuptiae etiam in posterum statuerentur. nec tamen repertus est nisi unus talis matrimonii cupitor, Alledius Severus eques Romanus, quem plerique Agrippinae gratia impulsum ferebant.

Versa ex eo civitas, et cuncta feminae oboediebant, non 10 per lasciviam, ut Messalina, rebus Romanis illudenti: adductum et quasi virile servitium. palam severitas ac saepius superbia; nihil domi inpudicum, nisi dominationi expediret. cupido auri immensa obtentum habebat, quasi subsidium regno pararetur.

8. Die nuptiarum Silanus mortem sibi conscivit, sive eo usque spem vitae produxerat, seu delecto die augendam ad invidiam. Calvina soror eius Italia pulsa est. addidit Claudius sacra ex legibus Tulli regis piaculaque apud lucum Dianae per pontifices danda, irridentibus cunctis, quod poe- 20 nae procurationesque incesti id temporis exquirerentur. at Agrippina, ne malis tantum facinoribus notesceret, veniam exilii pro Annaeo Seneca, simul praeturam impetrat, laetum in publicum rata ob claritudinem studiorum eius, utque Domitii pueritia tali magistro adolesceret et consiliis eiusdem 25 ad spem dominationis uterentur, quia Seneca fidus in Agrippinam memoria beneficii et infensus Claudio dolore iniuriae credebatur.

9. Placitum dehinc non ultra cunctari, sed designatum consulem Mammium Pollionem ingentibus promissis inducunt sententiam expromere, qua oraretur Claudius despondere Octaviam Domitio, quod aetati utriusque non absurdum et maiora patefacturum erat. Pollio haud disparibus verbis

7 recepturus (repertus est *eadem m. in margine*) 8 talle-  
dius, *em. Ritter* (T. Alledius *Lipsius*) 21 ad agrippinae  
26 uteretur *al.* 30 Mammium *scripsi coll. CIL. XI 6236:*  
Memmum

ac nuper Vitellius censet; despondeturque Octavia, ac super priorem necessitudinem sponsus iam et gener Domitius aequari Britannico studiis matris, arte eorum, quis ob accusatam Messalinam ultio ex filio timebatur.

- 5 10. Per idem tempus legati Parthorum ad expetendum, ut rettuli, Meherdaten missi senatum ingrediuntur mandataque in hunc modum incipiunt: non se foederis ignaros nec defectione a familia Arsacidarum venire, set filium Vono-  
 10 nis, nepotem Phraatis accersere adversus dominationem Gotar-  
 zis nobilitati plebique iuxta intolerandam. iam fratres, iam propinquos, iam longius sitos caedibus exhaustos; adici coniuges gravidas, liberos parvos, dum socors domi, bellis infaustus ignaviam saevitia tegat. veterem sibi ac publice  
 15 coeptam nobiscum amicitiam, et subveniendum sociis virium  
 aemulis cedentibusque per reverentiam. ideo regum obsides  
 liberos dari, ut, si domestici imperii taedeat, sit regressus  
 ad principem patresque, quorum moribus assuefactus rex  
 melior adscisceretur.

11. Ubi haec atque talia dissertavere, incipit orationem  
 20 Caesar de fastigio Romano Parthorumque obsequiis, seque  
 divo Augusto adaequabat, petitum ab eo regem referens,  
 omitta Tiberii memoria, quamquam is quoque miserat. ad-  
 didit praecepta (etenim aderat Meherdates), ut non domina-  
 tionem et servos, sed rectorem et cives cogitaret, clemen-  
 25 tiamque ac iustitiam, quanto ignota barbaris, tanto laetiora  
 capesseret. hinc versus ad legatos extollit laudibus alumnum  
 urbis, spectatae ad id modestiae: ac tamen ferenda regum  
 ingenia, neque usui crebras mutationes. rem Romanam huc  
 satietate gloriae provectam, ut externis quoque gentibus  
 30 quietem velit. datum posthac C. Cassio, qui Suriae praeerat,  
 deducere iuvenem ripam ad Euphratis.

12. Ea tempestate Cassius ceteros praeminebat peritia

---

8 qui sub 4 uitio 1 m. 8 set *Lipsius*: sed et (sed ad *Rhenanus*) 9 praatis | accedere 16 liberos obsides *Dräger*  
 24 concitaret 25 ignata (ignara *al.*) cf. II 2, 15 | tanto lae-  
 tiora *Ursinus*: tanto toleratiora, sed in priore vocabulo to-  
 levit eadem m.

legum: nam militares artes per otium ignotae, industriosque aut ignavos pax in aequo tenet. ac tamen quantum sine bello dabatur, revocare priscum morem, exercitare legiones, cura provisu perinde agere, ac si hostis ingrueret, ita dignum maioribus suis et familia Cassia <ratus> per illas quoque 5 gentes celebrata. igitur excitis quorum de sententia petitus rex, positisque castris apud Zeugma, unde maxime pervius amnis, postquam illustres Parthi rexque Arabum Acbarus advenerat, monet Meherdaten barbarorum impetus acres cunctatione languescere aut in perfidiam mutari: ita urgueret 10 coepta. quod spretum fraude Achari, qui iuvenem ignarum et summam fortunam in luxu ratum multos per dies attinuit apud oppidum Edessam. et vocante Carene promptasque res ostentante, si citi advenissent, non comminus Mesopotamiam, sed flexu Armeniam petivit id temporis infortunam, quia 15 hiems occipiebat.

13. Exim nivibus et montibus fessi, postquam campos propinquabant, copiis Carenis adiunguntur, transmissoque amne Tigri permeant Adiabenos, quorum rex Izates societatem Meherdatis palam induerat, in Gotarzen per occulta et 20 magis fida inclinabat. sed capta in transitu urbs Ninos, vetustissima sedes Assyriae, <et> castellum insigne fama, quod postremo inter Darium atque Alexandrum proelio Persarum illic opes conciderant. interea Gotarzes apud montem, cui nomen Sanbulos, vota dis loci suscipiebat, praecipua reli- 25 gione Herculis, qui tempore stato per quietem monet sacerdotes, ut templum iuxta equos venatui adornatos sistant. equi ubi pharetras telis onustas acceperere, per saltus vagi

5 ratus s. l. m. 2: om. 1 m. spatium vacuo 6 peritus 8 Abgarus Ryckius ex nummis et titulis, infra c. 14 Med. abbarus 9 advenerant Ritter | impetus, sed s. deletit eadem m., unde mentes barbarorum impetu acres conieci 11 ignavum Madvig 15 petunt Lipsius 16 hiemps 17 campis al., ut Tacitus habet I 63. XV 39 etc. 18 carrenis 19 Izates Freinsheim (v. Jos. Antiq. 20, 2, 3): iuliatas, sed c. 14 ezates | societate 22 et add. Lipsius | castello, sed um superscr. eadem m. (et Arbela castellum Agricola, et Arbelon Gutschmid) 25 praecipuae 26 herculi

nocte demum vacuis pharetris multo cum anhelitu redeunt. rursum deus, qua silvas pererraverit, nocturno visu demonstrat, reperiunturque fusae passim ferae.

14. Ceterum Gotarzes, nondum satis aucto exercitu, flumine Corma pro munimento uti, et quamquam per insectationes et nuntios ad proelium vocaretur, nectere moras, locos mutare et missis corruptoribus exuendam ad fidem hostes emercari. ex quis Izates Adiabeno, mox Acbarus Arabum cum exercitu abscedunt, levitate gentili, et quia experimentis cognitum est barbaros malle Roma petere reges quam habere. at Meherdates validis auxiliis nudatus, ceterorum proditione suspecta, quod unum reliquum, rem in casum dare proelioque experiri statuit. nec detrectavit pugnam Gotarzes deminutis hostibus ferox; concursumque magna caede et ambiguo eventu, donec Carenem profligatis obviis longius evectum integer a tergo globus circumveniret. tum omni spe perdita Meherdates, promissa Parracis paterni clientis secutus, dolo eius vincitur traditurque victori. atque ille non propinquum neque Arsacis de gente, sed alienigenam et Romanum increpans, auribus decisis vivere iubet, ostentui clementiae suae et in nos dehonestamento. dein Gotarzes morbo obiit, accitusque in regnum Vonones Medos tum praesidens. nulla huic prospera aut adversa, quis memoraretur: brevi et inglorio imperio perfunctus est, resque Parthorum in filium eius Vologaesen translatae.

15. At Mithridates Bosporanus amissis opibus vagus, postquam Didium ducem Romanum roburque exercitus abisse cognoverat, relictos in novo regno Cotyn inventa rudem et paucas cohortium cum Iulio Aquila equite Romano, spretis utrisque concire nationes, illicere perfugas; postremo exercitu coacto regem Dandaridarum exturbat imperioque eius potitur. quae ubi cognita et iam iamque Bosporum invasurus habebatur, diffisi propriis viribus Aquila et Cotys, quia

---

8 Adiabeno Jo. Fr. Gronovius: adiabenus (Adiabenus suo Ritter) 10 peteres, sed s. deletit eadem m. 11 haberet 15 obviis scripsi: obusis (obversis vulgo) 22 Medis al. 25 uologese 28 coti; n. add. eadem m. 33 diffisis, em. Pichena | cotis

Zorsines Siracorum rex hostilia resumpserat, externas et ipsi gratias quaesivere missis legatis ad Eunonen, qui Aorsorum genti <praesidens opibus> praecellebat. nec fuit in arduo societas potentiam Romanam adversus rebellem Mithridaten ostendantibus. igitur pepigere, equestribus proeliis Eunones 5 certaret, obsidia urbium Romani capesseren.

16. Tunc composito agmine incedunt, cuius frontem et terga Aorsi, media cohortes et Bosporani tutabantur nostris in armis. sic pulsus hostis, ventumque Sozam, oppidum Dandaricae, quod desertum a Mithridate ob ambiguos popula- 10 rium animos, optineri relicto ibi praesidio visum. exim in Siracos pergunt, et transgressi amnem Pandam circumveniunt urbem Uспен, editam loco et moenibus ac fossis munitam, nisi quod moenia non saxo, sed cratibus et vimentis ac media humo adversum irrumpentes invalida erant; educ- 15 taeque altius turres facibus atque hastis turbabant obsessos. ac ni proelium nox diremisset, coepta patrataque expugnatio eundem intra diem foret.

17. Postero misere legatos, veniam liberis corporibus orantes: servitii decem milia offerebant. quod aspernati sunt vic- 20 tores, quia trucidare deditos saevum, tantam multitudinem custodia cingere arduum: belli potius iure caderent. datumque militibus, qui scalis evaserant, signum caedis. excidio Uspensium metus ceteris iniectus, nihil tutum ratis, cum arma munimenta, impediti vel eminentes loci amnesque et 25 urbes iuxta perrumperentur. igitur Zorsines, diu pensitato, Mithridatisne rebus extremis an patrio regno consuleret, postquam praevaluit gentilis utilitas, datis obsidibus apud effigiem Caesaris procubuit, magna gloria exercitus Romani, quem incruentum et victorem tridui itinere afuisse ab amne 30 Tanai constitit. sed in regressu dispar fortuna fuit, quia navium quasdam (quippe mari remeabant) in litora Taurorum

---

1 Siracorum *Lipsius*: syracusorum 2 eunone | adorsorum, *em. Lipsius* 3 praesidens opibus *supplevit Halm*, (praesidebat *Haase pro praecellebat*) 4 adorsi 12 seracos 19 postremo, *em. ed. Frobeniana* 22 belli *Ernesti*: ut belli 26 perrumpentur, *em. Rhenanus* 32 quippe *Nipperdey*: quae

delatas circumvenere barbari, praefecto cohortis et plerisque auxiliarium interfectis.

18. Interea Mithridates nullo in armis subsidio consultat, cuius misericordiam experiretur. frater Cotys, proditor olim, 5 deinde hostis, metuebatur; Romanorum nemo id auctoritatis aderat, ut promissa eius magni penderentur. ad Eunonen convertit, propriis odiis <non> infensum et recens coniuncta nobiscum amicitia validum. igitur cultu vultuque quam maxime ad praesentem fortunam comparato regiam ingreditur 10 genibusque eius provolutus 'Mithridates' inquit 'terra marique Romanis per tot annos quaesitus sponte adsum: utere, ut voles, prole magni Achaemenis, quod mihi solum hostes non abstulerunt.'

19. At Eunones claritudine viri, mutatione rerum et prece 15 haud degeneri permotus, adlevat supplicem laudatque, quod gentem Aorsorum, quod suam dextram petendae veniae delegerit; simul legatos litterasque ad Caesarem in hunc modum mittit: populi Romani imperatoribus, magnarum nationum regibus primam ex similitudine fortunae amicitiam, sibi 20 et Claudio etiam communionem victoriae esse. bellorum egregios fines, quotiens ignoscendo transigatur. sic Zorsini victo nihil ereptum: pro Mithridate, quando gravius mereretur, non potentiam neque regnum precari, sed ne triumpharetur neve poenas capite expenderet.

20. At Claudius, quamquam nobilitatibus externis mitis, 25 dubitavit tamen, accipere captivum pacto salutis an repetere armis rectius foret. hinc dolor iniuriarum et libido vindictae adigebat: sed disserebatur contra suscipi bellum avio itinere, inportuoso mari; ad hoc reges feroces, vagos populos, 30 solum frugum egenum, taedium ex mora, pericula ex properantia, modicam victoribus laudem ac multum infamiae, si pellerentur. quin arriperet oblata et servaret exulem; cui

---

2 auxiliarium *Lipsius*: consiliarium 7 non *add. Agricola*, inoffensum *Jac. Gronovius* 16 aduorsorum, in *marginem* aduorsorum *eadem m.* 19 primum *Ritter* 21 hinc] huc *Lipsius* 30 egenum *Agricola*: egentum 32 cui *Puteol.*: quin (*an* quin *delegendum est?* *Potest enim errore iteratum esse*)



inopi quanto longiorem vitam, tanto plus supplicii fore. his permotus scripsit Eunoni meritum quidem novissima exempla Mithridatem, nec sibi vim ad exequendum deesse: verum ita maioribus placitum, quanta pervicacia in hostem, tanta beneficentia adversus supplices utendum; nam triumphos de 5 populis regnisque integris acquiri.

21. Traditus posthac Mithridates vectusque Romam per Iunium Cilonem, procuratorem Ponti, ferocius quam pro fortuna disseruisse apud Caesarem ferebatur, elataque vox eius in vulgum hisce verbis: 'non sum remissus ad te, sed rever- 10 sus; vel si non credis, dimitte et quaere.' vultu quoque interrito permansit, cum rostra iuxta custodibus circumdatus visui populo praeberetur. consularia insignia Ciloni, Aquilae praetoria decernuntur.

22. Isdem consulibus atrox odii Agrippina ac Lolliae in- 15 fensa, quod secum de matrimonio principis certavisset, molitur crimina et accusatorem, qui obiceret Chaldaeos, magos interrogatumque Apollinis Clarii simulacrum super nuptiis imperatoris. exim Claudius inaudita rea multa de claritudine eius apud senatum praefatus, sorore L. Volusii geni- 20 tam, maiorem ei patrum Cottam Messalinum esse, Memmio quondam Regulo nuptam (nam de C. Caesaris nuptiis consulto reticebat), addidit perniciose in rem publicam consilia et materiem sceleri detrahendam: proin publicatis bonis cederet Italia. ita quinquagies sestertium ex opibus immensis 25 exuli relictum. et Calpurnia illustris femina pervertitur, quia formam eius laudaverat princeps, nulla libidine, sed fortuito sermone, unde ira Agrippinae citra ultima stetit. in Lolliam mittitur tribunus, a quo ad mortem adigeretur. damnatus et lege repetundarum Cadius Rufus accusantibus Bithynis. 30

23. Galliae Narbonensi ob egregiam in patres reverentiam datum, ut senatoribus eius provinciae non exquisita princi-

---

4 hostem tanta *Muretus*: hoc temptata 7 roma 8 colonem et 18 coloni, *em. Lipsius ex Dione* 60, 33 10 vulgus *Ritter* 18 simulacrum] oraculum *conieci coll. II* 54; *sequitur* 24, 4 tauri simulacrum 20 genita 25 [ita] *Acidalius, idem at coni.* 28 Ira (*litterae Ir pallent*) *corr. ex Irę eadem m., ut vid.*

pis sententia, iure quo Sicilia haberetur, res suas invisere  
 liceret. Ituraeque et Iudaei defunctis regibus Sohaemo at-  
 que Agrippa provinciae Suriae additi. Salutis augurium quin-  
 que et XX annis omisum repeti ac deinde continuari pla-  
 citum. et pomerium urbis auxit Caesar, more prisco, quo  
 iis, qui protulere imperium, etiam terminos urbis propagare  
 datur. nec tamen duces Romani, quamquam magnis nationi-  
 bus subactis, usurpaverant nisi L. Sulla et divus Augustus.

24. Regum in eo ambitio vel gloria varie vulgata. sed  
 initium condendi, et quod pomerium Romulus posuerit, no-  
 scere haud absurdum reor. igitur a foro boario, ubi aereum  
 tauri simulacrum aspicimus, quia id genus animalium aratro  
 subditur, sulcus designandi oppidi coeptus, ut magnam Her-  
 culis aram amplecteretur; inde certis spatiis interiecti la-  
 pides per ima montis Palatini ad aram Consii, mox curias  
 veteres, tum ad sacellum Larum; forumque Romanum et  
 Capitolium non a Romulo, sed a Tito Tatius additum urbi  
 credidere. mox pro fortuna pomerium auctum. et quos tum  
 Claudius terminos posuerit, facile cogniti et publicis actis  
 perscriptum.

25. C. Antistius M. Sullius consulibus adoptio in Domitium  
 auctoritate Pallantis festinatur, qui obstrictus Agrippinae ut  
 conciliator nuptiarum et mox stupro eius inligatus stimula-  
 bat Claudium, consuleret rei publicae, Britannici pueritiam  
 robore circumdaret. sic apud divum Augustum, quamquam  
 nepotibus subnixum, viguisse privignos; a Tiberio super pro-  
 priam stirpem Germanicum assumptum: se quoque accin-  
 geret iuvene partem curarum capessituro. his evictus trien-  
 nio maiorem natu Domitium filio anteponit, habita apud se-  
 natum oratione <in> eundem quem a liberto acceperat modum.

4 septuaginta *Ritter*, sed cf. *Not. d. Scavi 1910, 134*

11 boario 14 certis, sed s. *delevit eadem m.* | interiectis *C. M. Francken* 15 palatii ad aram consii 16 forumque Romanum  
*restitui*: de forumque Romanum, sed de *delevit eadem m.* (inde  
 forum Romanum, forumque *Weissenborn*, denique Vestae aedem,  
 forumque Romanum *F. Leo*) 18 tradidere *Pluygers* | actum  
 19 cognitum 21 optio, *em. Puteol.* 25 robor, e *add. m.*  
*posterior* 28 iuvenē | triennio *Freinsheim*: biennio 30 in

adnotabant periti nullam antehac adoptionem inter patricios Claudios reperiri, eosque ab Atto Clauso continuos duravisse.

26. Ceterum actae principi grates, quaesitiore in Domitium adulatione; rogataque lex, qua in familiam Claudiam et nomen Neronis transiret. augetur et Agrippina cognomento Augustae. quibus patris nemo adeo expers misericordiae fuit, quem non Britannici fortuna maerore afficeret. desolatus paulatim etiam servilibus ministeriis puer intempestiva novercae officia in ludibrium vertebat, intellegens falsi. neque enim segnem ei fuisse indolem ferunt, sive verum, 10 seu periculis commendatus retinuit famam sine experimento.

27. Sed Agrippina, quo vim suam sociis quoque nationibus ostentaret, in oppidum Ubiorum, in quo genita erat, veteranos coloniamque deduci impetrat, cui nomen inditum e vocabulo ipsius. ac forte acciderat, ut eam gentem Rhenum 15 transgressam avus Agrippa in fidem acciperet.

Isdem temporibus in superiore Germania trepidatum adventu Chattrorum latrocinia agitantium. dein P. Pomponius legatus auxiliares Vangionas ac Nemetas, addito equite alario, <inmittit>, monitos ut anteirent populatores vel dilapsis 20 improvisi circumfunderentur. et secuta consilium ducis industria militum, divisique in duo agmina, qui laevum iter petiverant, recens reversos praedaeque per luxum usos et somno graves circumvenere, aucta laetitia, quod quosdam e clade Variana quadragensimum post annum servitio ex- 25 merant.

28. At qui dextris et propioribus compendiis ierant, obvio hosti et aciem auso plus cladis faciunt, et praeda famaeque onusti ad montem Taunum revertuntur, ubi Pomponius

eundem *Muretus*: eundem (*post eundem in fine versus erasa est littera q*;) 3 quaestiore, *em. Pichena* 6 augustae mutavit eadem m. in augusta 7 fortuna maerore *Ernesti*: fortunae maeror | affigeret 1 m. 8 puer *C. L. Roth et Sirker*: per 9 ludibria, *em. Nipperdey* 14 imperat *Lipsius* 15 Rhenum *Sirker*: rheno 16 transgressa | acceperit malebat *Halm* 17 advectu (*corr. eadem m. ex advectum*) catthorum 18 P. *Ritter*: . L. 19 elario, *em. Puteol.* 20 inmittit *supplevit Döderlein*, mittit *Walther post Nemetas*

cum legionibus opperiebatur, si Chatti cupidine ulciscendi casum pugnae praeberent. illi metu, ne hinc Romanus, inde Cherusci, cum quis aeternum discordant, circumgrederentur, legatos in urbem et obsides misere; decretusque Pomponio triumphalis honos, modica pars famae eius apud posteros, in quis carminum gloria praecellit.

29. Per idem tempus Vannius Suebis a Druso Caesare inpositus pellitur regno, prima imperii aetate clarus acceptusque popularibus, mox diuturnitate in superbiam mutans  
 10 et odio accolarum, simul domesticis discordiis circumventus. auctores fuere Vibilius Hermundurorum rex et Vangio ac Sido sorore Vannii geniti. nec Claudius, quamquam saepe oratus, arma certantibus barbaris interposuit, tutum Vannio perfugium promittens, si pelleretur; scripsitque Palpellio  
 15 Histro, qui Pannoniam praesidebat, legionem ipsaque e provincia lecta auxilia pro ripa componere, subsidio victis et terrorem adversus victores, ne fortuna elati nostram quoque pacem turbarent. nam vis innumera, Lugii aliaeque gentes, adventabant, fama ditis regni, quod Vannius triginta per  
 20 nos praedationibus et vectigalibus auxerat. ipsi manus propria pedites, eques e Sarmatis Iazugibus erat, impar multitudini hostium, eoque castellis sese defensare bellumque ducere statuerat.

30. Sed Iazuges obsidionis impatientes et proximos per  
 25 campos vagi necessitudinem pugnae attulere, quia Lugius Hermundurisque illic ingruerant. igitur degressus castellis Vannius funditur proelio, quamquam rebus adversis, laudatus, quod et pugnam manu capessit et corpore adverso vulnera exceptit. ceterum ad classem in Danuvio opperientem  
 30 perfugit; secuti mox clientes et acceptis agris in Pannonia

---

7 suevis 8 carus Wölfflin; sed cf. Sall. Iug. 70, 2 11 uibillius, cf. II 63 18 certantibus barbaris certantibus 14 Palpellio Lipsius: p. atellio 16 componeret ed. princ., at cf. XV 25 18 ligii et 30, 2 ligius, em. Müllenhoff Z. f. d. Alt. 9, 253 (Lygii Oberlin) 21 Iazugibus; sed azigi scripsit m. posterior in rasura; cf. H. III 5 24 Iazigies 26 illuc Becher | digressus, em. Ernesti 28 capessit (capessivit Ritter) 29 danio

locati sunt. regnum Vangio ac Sido inter se partivere, egregia adversus nos fide, subiectis, suone an servitii ingenio, dum adipiscerentur dominationes, multa caritate, et maiore odio, postquam adepti sunt.

31. At in Britannia P. Ostorium pro praetore turbidae res excepere, effusis in agrum sociorum hostibus eo violentius, quod novum ducem exercitu ignoto et coepta hieme iturum obviam non rebantur. ille gnarus primis eventibus metum aut fiduciam gigni, citas cohortes rapit et caesis qui restiterant, disiectos consecratus, ne rursus conglobarentur infensaque et infida pax non duci, non militi requiem permitteret, detrahare arma suspectis cunctaque castris Avonam <inter> et Sabrinam fluvios cohibere parat. quod primi Icenii abnuere, valida gens nec proeliis contusi, quia societatem nostram volentes accesserant. hisque auctoribus circumiectae nationes locum pugnae delegere saeptum agresti aggere et aditu angusto, ne pervius equiti foret. ea munimenta dux Romanus, quamquam sine robore legionum sociales copias ducebat, perrumpere aggreditur et distributis cohortibus turmas quoque peditum ad munia accingit. tunc dato signo perfringunt aggerem suisque claustris impeditos turbant. atque illi conscientia rebellionis et obsaeptis effugiis multa et clara facinora fecere. qua pugna filius legati M. Ostorius servati civis decus meruit.

32. Ceterum clade Icenorum compositi qui bellum inter et pacem dubitabant, et ductus in Ceangos exercitus. vastati agri, praedae passim actae, non ausis aciem hostibus, vel si ex occulto carpere agmen temptarent, punito dolo. iamque ventum haud procul mari, quod Hiberniam insulam aspectat, cum ortae apud Brigantas discordiae retraxere du-

1 uagio ac sidio    3 dominationis *Heinsius coll. VI 45, 20 et III 55, 3*    6 et fusis    7 ghiemei turum, *sed g del. eadem m.*  
 10 restiterunt    12 Avonam *Mannert: antonam (Abonam Glück Jahrb. f. Philol. 1864, 690)*    13 inter *add. Heinsius (usque Ritter, ad Av. ed. Bip., castris ad Trisantonam et Sabrinam fluvios F. Haverfield, cis Trisantonam et S. fl. alii)*    26 in Ceangos *scripsi: Inde cangos (in Decangos Bezzenberger); cf. CIL. VII 1204 sqq.*    30 brigantes, *sed a superscr. eadem m.*

cem destinationis certum, ne nova moliretur nisi prioribus firmatis. et Brigantes quidem, paucis qui arma coeptabant interfectis, in reliquos data venia, resedere: Silurum gens non atrocitate, non clementia mutabatur, quin bellum exerceret castrisque legionum premenda foret. id quo promptius veniret, colonia Camulodunum valida veteranorum manu deducitur in agros captivos, subsidium adversus rebelles et inbuendis sociis ad officia legum.

33. Itum inde in Siluras, super propriam ferociam Carataci viribus confisos, quem multa ambigua, multa prospera extulerant, ut ceteros Britannorum imperatores praemineret. sed tum astu locorum fraude prior, vi militum inferior, transfert bellum in Ordovicas, additisque qui pacem nostram metuebant, novissimum casum experitur, sumpto ad proelium loco, ut aditus abscessus, cuncta nobis inopportuna et suis in melius essent, hinc montibus arduis, et si qua clementer accedi poterant, in modum valli saxa praestruit; et praefluebat amnis vado incerto, catervaeque armatorum pro munimentis constituerant.

34. Ad hoc gentium ductores circumire hortari, firmare animos minuendo metu, accendenda spe aliisque belli incitamentis. enimvero Caratacus huc illuc volitans illum diem, illam aciem testabatur aut recuperandae libertatis aut servitutis aeternae initium fore; vocabatque nomina maiorum, qui dictatorem Caesarem pepulissent, quorum virtute vacui a securibus et tributis intemerata coniugum et liberorum corpora retinerent. haec atque talia dicenti adstrepere vulgus; gentili quisque religione obstringi, non telis, non vulneribus cessuros.

35. Obstupefecit ea alacritas ducem Romanum; simul ob-

---

2 coëptarant *Acidalius* 3 Silurum *Rhenanus*: siluarum  
 6 eveniret *Pluygers* | manus *Faërnus* 10 confisos 12 [astu]  
*Haase*, [locorum fraude] *Ritter*, [fraude] *Halm* quondam  
 13 ordovicas: u corr. eadem m. ex l aut coepta littera b  
 16 hinc *Halm*: Tunc (cincto *Bezenberger*) 17 poterat malebat  
*Halm* coll. *H. III* 71 | ballis, sed b in u mutavit eadem m.  
 18 cateruaeque, em. *Lipsius* | armatorum *Freinsheim*: maiorum  
 (sequitur maiorum 34, 5) 21 accenda 28 religioni, em. *Lipsius*

iectus amnis, additum vallum, imminetia iuga, nihil nisi atrox et propugnatoribus frequens terrebat. sed miles proelium poscere, cuncta virtute expugnabilia clamitare; praefectique <et> tribuni paria disserentes ardorem exercitus intendebant. tum Ostorius, circumspectis quae inpenetra- 5 bilia quaeque pervia, ducit infensos amnemque haud difficulter evadit. ubi ventum ad aggerem, dum missilibus certabatur, plus vulnere in nos et pleraeque caedes oriebantur: postquam facta testudine rudes et informes saxorum con- 10 pages distractae parque comminus acies, decedere barbari in iuga montium. sed eo quoque irrupere ferentarius gravisque miles, illi telis adsultantes, hi conferto gradu, turbatis contra Britannorum ordinibus, apud quos nulla loricarum galearumve tegmina; et si auxiliariis resisterent, gladiis ac pilis legionariorum, si huc verterent, spathis et hastis auxi- 15 liarium sternebantur. clara ea victoria fuit, captaque uxor et filia Carataci fratresque in deditionem accepti.

36. Ipse, ut ferme intuta sunt adversa, cum fidem Cartimandus reginae Brigantum petivisset, victus ac victoribus traditus est, nono post anno, quam bellum in Britannia coep- 20 tum. unde fama eius evecta insulam et proximas provincias pervagata per Italiam quoque celebrabatur, auebantque visere, quis ille tot per annos opes nostras sprevisset. ne Romae quidem ignobile Carataci nomen erat; et Caesar dum suum decus extollit, addidit gloriam victo. vocatus quippe 25 ut ad insigne spectaculum populus; stetero in armis praetoriae cohortes campo, qui castra praeiacet. tunc incendentibus regiis clientulis phalerae torques quaeque bellis externis quaesiverat traducta, mox fratres et coniux et filia, postremo ipse ostentatus. ceterorum preces degeneres fuere 30

---

3 virtuti malebat Pichena | expugnabili 4 et add. Bezzenberger 5 incendeant Lipsius 10 distracta 16 uxor Bezzenberger: uxore 18 cartimanduae Puteolanus coll. H. III 45 21 insulam Heinsius: insulas (error ortus est ex eis quae sequuntur) 27 tum Ernesti 28 clientulis: u in e mutavit m. posterior; in margine vetus manus adscripsit clienteli | torques Döderlein: torquibus (cum torquibus Ritter)

ex metu: at non Caratacus aut vultu demisso aut verbis misericordiam requirens, ubi tribunali astitit, in hunc modum locutus est.

37. 'Si quanta nobilitas et fortuna mihi fuit, tanta rerum  
 5 prosperarum moderatio fuisset, amicus potius in hanc urbem quam captus venissem, neque dedignatus esses claris maioribus ortum, plurimis gentibus imperitantem foedere et pace accipere. praesens sors mea ut mihi informis, sic tibi magnifica est. habui equos viros, arma opes: quid mirum, si haec  
 10 invitatus amisi? nam si vos omnibus imperitare vultis, sequitur ut omnes servitutem accipiant? si statim deditus traherer, neque mea fortuna neque tua gloria inclaruisset; et supplicium mei oblivio sequeretur: at si incolumem servaveris, aeternum exemplar clementiae ero.' ad ea Caesar veniam  
 15 ipsique et coniugi et fratribus tribuit. atque illi vinclis absoluti Agrippinam quoque, haud procul alio suggestu conspicuam, isdem quibus principem laudibus gratibusque venerati sunt. novum sane et moribus veterum insolitum, feminam signis Romanis praesidere: ipsa semet parti a maioribus suis imperii sociam ferebat.

38. Vocati posthac patres multa et magnifica super captivitate Carataci disseruere, neque minus id clarum, quam quod Syphacem P. Scipio, Persen L. Paulus, et si qui alii vinctos reges populo Romano ostendere. censentur Ostorio  
 25 triumphi insignia, prosperis ad id rebus eius, mox ambiguis, sive amoto Carataco, quasi debellatum foret, minus intenta apud nos militia fuit, sive hostes miseratione tanti regis acrius ad ultionem exarsere. praefectum castrorum et legionarias cohortes extruendis apud Siluras praesidiis relictas  
 30 circumfundunt. ac ni cito nuntiis e castellis proximis <missis>

1 cataratacus 7 foedere et pace accipere *Becher*: foedere pacem accipere, *sed* foedere *eadem m. corr.* ex foederet, accipere *ex* acciperet 10 nam] num *Lipsius* 11 traherer *Bekker*: traderer 13 sequetur *insolita scriptura*, et r ex u, ut vid., *correctum est*: sequetur *Lipsius*, nescio an recte 15 exsoluti *Lipsius*, soluti *Ritter*, cf. IV 23 in. 19 partim, unde parti olim *conieci coll. XIII* 34, 14. *H. II* 86, 21 29 silulas | relictas 30 citis nuntiis *Lipsius*, cito nuntiis dimissis *Wurm*



subventum foret copiarum obsidioni, obcubuissent: praefectus tamen et octo centuriones ac promptissimus quisque e manipulis cecidere. nec multo post pabulantis nostros ipsos missasque ad subsidium turmas profligant.

39. Tum Ostorius cohortes expeditas opposuit; nec ideo 5 fugam sistebat, ni legiones proelium exceperant: earum robore aequata pugna, dein nobis pro meliore fuit. effugere hostes tenui damno, quia inclinabat dies. crebra hinc proelia, et saepius in modum latrocinii per saltus per paludes, ut cuique sors aut virtus, temere proviso, ob iram ob prae- 10 dam, iussu et aliquando ignaris ducibus. ac praecipua Silurum pervicacia, quos accendebat vulgata inperatoris Romani vox, ut quondam Sugambri excisi aut in Gallias traieci forent, ita Silurum nomen penitus extinguendum. igitur duas auxiliares cohortes avaritia praefectorum incautius populates 15 intercepere; spoliaque et captivos largiendo ceteras quoque nationes ad defectionem trahebant, cum taedio curarum fessus Ostorius concessit vita, laetis hostibus, tamquam ducem haud spernendum etsi non proelium, at certe bellum absumpsisset.

40. At Caesar cognita morte legati, ne provincia sine rec- 20 tore foret, A. Didium suffecit. is propere vectus non tamen integras res invenit, adversa interim legionis pugna, cui Manlius Valens praeerat; auctaque et apud hostes eius rei fama, quo venientem ducem exterrerent, atque illo augente audita, ut maior laus compositis et, si duravissent, venia 25 iustior tribueretur. Silures id quoque damnum intulerant, lateque persultabant, donec adcurso Didii pellerentur. sed

---

(ac ni ocius ex *Cornelissen*) | e scripsi: et, sed t deletit eadem m. (ex vulgo) | missis add. *Nipperdey* 1 copiae tum occisione *Rhenanus* | obsidioni *Bezzenger*: obsidione (obsidio, occisione *Halm*) 2 e manipulis *Lipsius*: manipulus (manipularis al.) 3 nostros ipsos det. et *Nipperdey*: nos ipsos (nostros *Puteolanus*) 4 a ad, sed a del. eadem m., ut vid. 5 opposuit *Lipsius*: exposuit 10 proviso *Lipsius* 11 [ac] *Freinsheim* 13 excisi aut *Faërnus*: excisia ut 18 uitā 19 adsumpsisset 23 et] est *Nipperdey* (aucta aequae *Heinsius*) 24 illo] ipso *Ernesti* 25 compositis et scripsi: compositi vel, sed in marg. eadem m. set

post captum Caratacum praecipuus scientia rei militaris Venutius, e Brigantum civitate, ut supra memoravi, fidusque diu et Romanis armis defensus, cum Cartimandum reginam matrimonio teneret: mox orto discidio et statim bello etiam  
 5 adversus nos hostilia induerat. sed primo tantum inter ipsos certabatur, callidisque Cartimandus artibus fratrem ac propinquos Venutii interceptit. inde accensi hostes, stimulante ignominia, ne feminae imperio subderentur, valida et lecta armis iuventus regnum eius invadunt. quod nobis praevi-  
 10 sum, et missae auxilio cohortes acre proelium fecere, cuius initio ambiguo finis laetior fuit. neque dispari eventu pugnatum a legione, cui Caesius Nasica praeerat; nam Didius, senectute gravis et multa copia honorum, per ministros agere et arcere hostem satis habebat. haec, quamquam a duobus  
 15 pro praetoribus plures per annos gesta, coniunxi, ne divisa haud perinde ad memoriam sui valerent: ad temporum ordinem redeo.

41. Ti. Claudio quintum Servio Cornelio [Orfito] consulibus virilis toga Neroni maturata, quo capessendae rei pu-  
 20 blicae habilis videretur. et Caesar adulationibus senatus libens cessit, ut vicesimo aetatis anno consulatum Nero iniret atque interim designatus proconsulare imperium extra urbem haberet ac princeps iuventutis appellaretur. additum nomine eius donativum militi, congiarium plebei. et ludicro circen-  
 25 sium, quod acquirendis vulgi studiis edebatur, Britannicus in praetexta, Nero triumphali veste travecti sunt; spectaret populus hunc decore imperatorio, illum puerili habitu, ac perinde fortunam utriusque praesumeret. simul qui centurionum tribunorumque sortem Britannici miserabantur, re-  
 30 moti fictis causis et alii per speciem honoris; etiam liber-

---

2 e Brigantum *Agricola*: euigantum 6 cartimannus  
 9 regiam *Nipperdey* 11 initium ambiguum *C. Meiser*, at cf. *Sall. Cat. 11*, 4 bonis initiis malos eventus habuit 14 a duobus *Freinsheim*: a duobus ostrio (i. e. Ostorio) didioque  
 16 proinde, *em. Puteol.* 18 Ti. *Vertranius*: T.I. | [Orfito] *Ritter*  
 26 triumphali *Gryphius*: triumphalium | sunt] ut *Ruperti*  
 27 puerili: li *scripsit m. post. in fine versus* 29 remotis

torum si quis incorrupta fide, depellitur tali occasione. ob-  
vii inter se Nero Britannicum nomine, ille Domitium salu-  
tare. quod ut discordiae initium Agrippina multo questu  
ad maritum defert: sperni quippe adoptionem, quaeque cen-  
suerint patres, iusserit populus, intra penates abrogari; ac  
nisi pravitas tam infensa docentium arceatur, eruptura in  
publicam perniciem. commotus his quasi criminibus optimum  
quemque educatorem filii exilio aut morte afficit datosque  
a noverca custodiae eius inponit.

42. Nondum tamen summa moliri Agrippina audebat, ni  
praetoriarum cohortium cura exolverentur Lusius Geta et  
Rufrius Crispinus, quos Messalinae memores et liberis eius  
devinctos credebat. igitur distrahi cohortes ambitu duorum  
et, si ab uno regerentur, intentiorem fore disciplinam adse-  
verante uxore, transfertur regimen cohortium ad Burrum  
Afranum, egregiae militaris famae, gnarum tamen cuius  
sponte praeficeretur. suum quoque fastigium Agrippina ex-  
tollere altius: carpento Capitolium ingredi, qui honos sacer-  
dotibus et sacris antiquitus concessus venerationem augēbat  
feminae, quam imperatore genitam, sororem eius, qui rerum  
potitus sit, et coniugem et matrem fuisse unicum ad hunc  
diem exemplum est. inter quae praecipuus propugnator eius  
Vitellius, validissima gratia, aetate extrema (adeo incertae  
sunt potentium res) accusatione corripitur, deferente Iunio  
Lupo senatore. is crimina maiestatis et cupidinem imperii  
obiectabat; praebuissetque aures Caesar, nisi Agrippinae minis  
magis quam precibus mutatus esset, ut accusatori aqua at-  
que igni interdiceret. hactenus Vitellius voluerat.

43. Multa eo anno prodigia evenere. insessum diris avi-  
bus Capitolium, crebris terrae motibus prorutae domus, ac  
dum latius metuitur, trepidatione vulgi invalidus quisque ob-

7 is 8 aut *Petersen*: ac, cf. III 24 morte aut fuga punivit,  
VI 9 exilio aut morte multarentur 12 Rufrius *Halm*:  
rufus, cf. XIII 45. XV 71. XVI 17. *Suet. Ner.* 35 17 pro-  
ficeretur 18 honos *Ursinus*: mos 30 prorupte, em. *Lipsius*  
31 invalidissimus quisque *expectares*, ut bene monuit *Wölfflin*,  
cf. XIII 18 validissimum quemque, sed *Suetonius Otho* 2 in-

triti; frugum quoque egestas et orta ex eo fames in prodigium accipiebatur. nec occulti tantum questus; sed iura reddentem Claudium circumvasere clamoribus turbidis, pulsumque in extremam fori partem vi urgebant, donec militum globo infensos perrupit. quindecim dierum alimenta urbi, non amplius, superfuisse constitit, magnaque deum benignitate et modestia hiemis rebus extremis subventum. at hercule olim Italia legionibus longinquas in provincias com-  
 5 meatus portabat, nec nunc infecunditate laboratur, sed Africam potius et Aegyptum exercemus, navibusque et casibus  
 10 vita populi Romani permissa est.

44. Eodem anno bellum inter Armenios Hiberosque exortum Parthis quoque ac Romanis gravissimorum inter se motuum causa fuit. genti Parthorum Vologaeses imperitabat,  
 15 materna origine ex paelice Graeca, concessu fratrum regnum adeptus; Hiberos Pharasmanes vetusta possessione, Armenios frater eius Mithridates optinebat opibus nostris. erat Pharasmanis filius nomine Radamistus, decora proceritate, vi corporis insignis et patrias artes edoctus, claraque inter  
 20 accolas fama. is modicum Hiberiae regnum senecta patris detineri ferocius crebriusque iactabat, quam ut cupidinem occultaret. igitur Pharasmanes iuvenem potentiae properum et studio popularium accinctum, vergentibus iam annis suis metuens, aliam ad spem trahere et Armeniam ostentare,  
 25 pulsus Parthis datam Mithridati a semet memorando; sed vim differendam et potiore dolum, quo incautum opprimerent. ita Radamistus simulata adversus patrem discordia tamquam novercae odiis impar pergit ad patrum, multaque ab eo comitate in speciem liberum cultus primores Armeniorum ad res novas illicit, ignaro et ornante insuper Mithridate.  
 30

45. Reconciliationis specie assumpta regressusque ad pa-

---

validum quemque. *Tac. Agr.* 26 maxime invalidam 7 [et]  
*Acidalius* | subuenientum 8 legionibus *Ernesti*: regionibus  
 18 *Pharasmani Puteolanus* 22 properum *Freinsheim*: prompte  
 (promptum *Lipsius*) 29 cultum 30 ornante *Lipsius*: orante

trem, quae fraude confici potuerint, prompta nuntiat, cetera armis exequenda. interim Pharasmanes belli causas confingit: proelianti sibi adversus regem Albanorum et Romanos auxilio vocanti fratrem adversatum, eamque iniuriam excidio ipsius ultum iturum; simul magnas copias filio tradidit. ille irruptione subita territum exutumque campis Mithridaten compulit in castellum Gorneas, tutum loco ac praesidio militum, quis Caelius Pollio praefectus, centurio Casperius praeerat. nihil tam ignarum barbaris quam machinamenta et astus oppugnationum. [at nobis ea pars militiae maxime gnara est.] ita Radamistus frustra vel cum damno temptatis munitionibus obsidium incipit; et cum vis neglegeretur, avaritiam praefecti emercatur, obtestante Casperio, ne socius rex, ne Armenia donum populi Romani scelere et pecunia verterentur. postremo quia multitudinem hostium Pollio, iussa patris Radamistus obtendebant, pactus indutias abscedit, ut, nisi Pharasmanem bello absterruisset, Ummidium Quadratum praesidem Syriae doceret, quo in statu Armenia foret.

46. Digressu centurionis velut custode exsolutus praefectus hortari Mithridaten ad sanciendo foedus, coniunctionem fratrum ac priorem aetate Pharasmanen et cetera necessitudinum nomina referens, quod filiam eius in matrimonio haberet, quod ipse Radamisto socer esset: non abnuere pacem Hiberos, quamquam in tempore validiores; et satis cognitam Armeniorum perfidiam, nec aliud subsidii quam castellum commeatu egenum: ne dubia tentare armis quam incruentas condiciones mallet. cunctante ad ea Mithridate et suspectis praefecti consiliis, quod paelicem regiam polluerat inque omnem libidinem venalis habebatur, Casperius interim

1 quae . . prompta *Lipsius*: qua . . prompte, sed e ex a mut., ut vid. 6 castris *Haase* 9 praeerant *Halm* 10 [at . . gnara est] *Ritter* 15 pecuniā uterentur (pecunia amitterentur *Becher*, an pecunia mutarentur? cf. IV 23, 7) 17 fort. Pharasmanen | tummidium, em. *Ritter* 18 armeniae 25 cognita, em. *Lipsius* 27 commeatū (commeatum al., an commeatus?) | ne dubia tentare . . mallet *Sirker*: ne dubitare . . malle (ne dubitaret armis incruentas cond. malle *Grossetius*)

ad Pharasmanen pervadit, utque Hiberi obsidio decedant expostulat. ille propalam incerta et saepius molliora respondens, secretis nuntiis monet Radamistum obpugnationem quoquo modo celerare. augetur flagitii merces, et Pollio occulta corruptione inpellit milites, ut pacem flagitarent seque praesidium omissuros minitarentur. qua necessitate Mithridates diem locumque foederi accepit castelloque egreditur.

47. Ac primo Radamistus in amplexus eius effusus simul-  
 10 lare obsequium, socerum ac parentem appellare; adicit ius iurandum, non ferro, non veneno vim allaturum; simul in lucum propinquum trahit, provisum illic sacrificii paratum dictitans, ut diis testibus pax firmaretur. mos est regibus, quotiens in societatem coeant, implicare dexteras pollicesque  
 15 inter se vincire nodoque praestringere; mox ubi sanguis in artus <se> extremos suffuderit, levi ictu cruorem eliciunt atque invicem lambunt. id foedus arcanum habetur quasi mutuo cruore sacratum. sed tunc qui ea vincla admovebat, decidisse simulans genua Mithridatis invadit ipsumque pro-  
 20 sternit; simulque concursu plurium iniciuntur catenae. ac compede, quod dedecorum barbaris, trahebatur; mox quia vulgus duro imperio habitum, probra ac verbera intentabat. et erant contra, qui tantam fortunae commutationem miserrarentur; secutaque cum parvis liberis coniux cuncta lamen-  
 25 tatione complebat. diversis et contextis vehiculis abduntur, dum Pharasmanis iussa exquirerentur. illi cupido regni fratre et filia potior, animusque sceleribus paratus; visui tamen consuluit, ne coram interficeret. et Radamistus, quasi iuris iurandi memor, non ferrum, non venenum in sororem et

---

1 expostulant 6 omissuros *Freinsheim*: ammis in extremo versu (amissuros *C. F. W. Müller*) 9 faramistus 12 sacrificii paratum *Pflugk*: sacrificium imperatum (sacrificum paratum *Bezenberger coll. II 69* sacrificialis apparatus) 14 societate 15 perstringere, *em. in ed. Frob.* 16 se *add. Jac. Gronovius* (se effuderit *al.*, sanguis artus extr. suffuderit *Heinsius*) 17 archanum 21 compedes, *em. Lipsius* | moxque v. *al.*, at cf. *Wölfflin Philol. 23, 138* 22 habitu 23 econtra (e contrario *Baiter coll. H. I 88*) 28 ius iurandi

patrum expromit, sed proiectos in humum et veste multa gravique opertos necat. filii quoque Mithridatis, quod caedibus parentum illacrimaverant, trucidati sunt.

48. At Quadratus cognoscens proditum Mithridaten et regnum ab interfectoribus optineri, vocat consilium, docet acta et an ulcisceretur consultat. paucis decus publicum curae, plures tuta disserunt: omne scelus externum cum laetitia habendum; semina etiam odiorum iacienda, ut saepe principes Romani eandem Armeniam specie largitionis turbandis barbarorum animis praeberint: poteretur Radamistus male partis, dum invisus, infamis, quando id magis ex usu, quam si cum gloria adeptus foret. in hanc sententiam itum. ne tamen adnuisse facinori viderentur et diversa Caesar iuberet, missi ad Pharasmanen nuntii, ut abscederet a finibus Armeniis filiumque abstraheret.

49. Erat Cappadociae procurator Iulius Paelignus, ignavia animi et deridiculo corporis iuxta despiciendus, sed Claudio perquam familiaris, cum privatus olim conversatione scurrarum iners otium oblectaret. is Paelignus auxiliis provincialium contractis tamquam recuperaturus Armeniam, dum socios magis quam hostes praedatur, abscessu suorum et incursantibus barbaris praesidii egens ad Radamistum venit; donisque eius evictus ultro regium insigne sumere cohortatur sumentique adest auctor et satelles. quod ubi turpi fama divulgatum, ne ceteri quoque ex Paeligno coniectarentur, Helvidius Priscus legatus cum legione mittitur, rebus turbidis pro tempore ut consuleret. igitur propere montem Taurum transgressus moderatione plura quam vi composuerat, cum redire in Suriam iubetur, ne initium belli adversus Parthos existeret.

50. Nam Vologaeses casum invadendae Armeniae obvenisse ratus, quam a maioribus suis possessam externus rex flagitio optineret, contrahit copias fratremque Tiridaten de-

---

7 omne *Lipsius*: omnes 12 adeptus] depulsus *Nipperdey*  
 16 ignavi, *em. Muretus* 18 priuatis | conversatione scurrarum  
*Lipsius*: conversationes curaret 19 [Paelignus] *Freinsheim*  
 20 rediret

- ducere in regnum parat, ne qua pars domus sine imperio ageret. incessu Parthorum sine acie pulsi Hiberi, urbesque Armeniorum Artaxata et Tigranocerta iugum acceperunt. deinde atrox hiems et parum provisi commeatus et orta ex utroque  
 5 tabes perpellunt Vologaesen omittere praesentia. vacuumque rursus Armeniam Radamistus invasit, truculentior quam antea, tamquam adversus defectores et in tempore rebellaturos. atque illi, quamvis servitio sueti, patientiam abrum-  
 10 51. Nec aliud Radamisto subsidium fuit quam pernicitas equorum, quis seque et coniugem abstulit. sed coniux gravida primam utcumque fugam ob metum hostilem et mariti caritatem toleravit; post festinatione continua ubi quati uterus et viscera vibrantur, orare ut morte honesta contume-  
 15 liis captivitatis eximeretur. ille primo amplecti adlevare adhortari, modo virtutem admirans, modo timore aeger, ne quis relicta poteretur. postremo violentia amoris et facinorum non rudis destringit acinacen vulneratamque ripam ad Araxis trahit, flumini tradit, ut corpus etiam auferretur:  
 20 ipse praeceps Hiberos ad patrium regnum pervadit. interim Zenobiam (id mulieri nomen) placida in eluvie spirantem ac vitae manifestam advertere pastores, et dignitate formae haud degenerem reputantes obligant vulnus, agrestia medicamina adhibent cognitoque nomine et casu in urbem Ar-  
 25 taxata ferunt; unde publica cura deducta ad Tiridaten comiterque excepta cultu regio habita est.

52. Fausto Sulla Salvio Othone consulibus Furius Scribonianus in exilium agitur, quasi finem principis per Chaldaeos

---

4 hiemps | et parum *scripsi*: set parum (*vulgo* seu parum)  
 5 percellunt. *em. Rhenanus* 7 quanquam | bellaturos, *em. Rhenanus* 9 circum ueunt 13 quatitur *Heinsius* 14 vibrabantur  
*C. John* 20 ad Hiberos patrium in r. *Heinsius*, ad Hib. patrium r. *Bezzenger*, [Hiberos] ad p. r. *C. Heraeus*; Hiberos ad p. r. *dictum est ut IV 67* Capreas se in insulam abdidit, *H. IV 32* adlatis Geldubam in castra nuntiis, *nec verisimile est Tacitum, nisi addito* ad p. regnum, *dicturum fuisse* Hiberos pervadit 21 in eluvie *Madvig*: Illuvie (*Illuvie scripsit m. posterior*) 27 Fausto silla *corr. eadem m. ex* Faustos ulla



scrutaretur. adnectebatur crimini Vibia mater eius, ut casus prioris (nam relegata erat) inpatiens. pater Scriboniani Camillus arma per Dalmatiam moverat; idque ad clementiam trahebat Caesar, quod stirpem hostilem iterum conservaret. neque tamen exuli longa posthac vita fuit: morte fortuita an per venenum extinctus esset, ut quisque credidit, vulgare. de mathematicis Italia pellendis factum senatus consultum atrox et irritum. laudati dehinc oratione principis, qui ob angustias familiares ordine senatorio sponte cederent, motique, qui remanendo inpudentiam paupertati adicerent.

53. Inter quae refert ad patres de poena feminarum, quae servis coniungerentur; statuiturque, ut ignaro domino ad id prolapsae in servitute, sin consensisset, pro libertis haberentur. Pallanti, quem repertorem eius relationis ediderat Caesar, praetoria insignia et centies quinquagies sestertium censuit consul designatus Barea Soranus. additum a Scipione Cornelio grates publice agendas, quod regibus Arcadiae ortus veterrimam nobilitatem usui publico postponeret seque inter ministros principis haberi sineret. adseveravit Claudius contentum honore Pallantem intra priorem paupertatem subsistere. et fixum est <in aere> publico senatus consultum, quo libertinus sestertii ter miliens possessor antiquae parsimoniae laudibus cumulabatur.

54. At non frater eius, cognomento Felix, pari moderatione agebat, iam pridem Iudaeae impositus et cuncta malefacta sibi inpune ratus tanta potentia subnixo. sane prae-buerant Iudaei speciem motus orta seditione, postquam\*\*\* cognita caede eius haud obtemperatum esset, manebat metus, ne quis principum eadem imperitaret. atque interim Felix intempestivis remediis delicta accendebat, aemulo ad

---

1 Vibia *Gryphius*: uiuia    7 Italia] Ita    14 prolapsa, *em. Heinsius*    22 in aere *supplevi*: in codice est lacuna quinque fere litterarum ambitu; aere *suppl. m. posterior in margine*  
 27 patientia    28 lacunam ab *Acidali*o notatam *Haase ex H. V 9 sic supplevit*: postquam <a C. Caesare iussi erant effigiem eius in templo locare; et quamquam> cognita c.

detrerrima Ventidio <Cumano>, cui pars provinciæ habebatur, ita divisus, ut huic Galilæorum natio, Felici Samaritæ parent, discordes olim et tum contemptu regentium minus cœrcitis odiis. igitur raptare inter se, immittere latronum  
 5 globos, componere insidias et aliquando proeliis congregi, spoliaque et prædas ad procuratores referre. hique primo laetari, mox gliscente perniciæ cum arma militum interiecissent, caesi milites; arsissetque bello provincia, ni Quadratus Syriæ rector subvenisset. nec diu adversus Iudæos, qui in  
 10 necem militum proruperant, dubitatum quin capite poenas luerent: Cumanus et Felix cunctationem adferebant, quia Claudius causis rebellionis auditis ius statuendi etiam de procuratoribus dederat. sed Quadratus Felicem inter iudices ostentavit, receptum in tribunal, quo studia accusantium deterrerentur; damnatusque flagitiorum, quæ duo deliquerant,  
 15 Cumanus, et quies provinciæ reddita.

55. Nec multo post agrestium Cilicum nationes, quibus Cietarum cognomentum, sæpe et alias commotæ, tunc Troxobore duce montes asperos castris cepere, atque inde de-  
 20 cursu in litora aut urbes vim cultoribus et oppidanis ac plerumque in mercatores et navicularios audebant. obsessaque civitas Anemuriensis, et missi e Syria in subsidium equites cum præfecto Curtio Severo turbantur, quod duri circum loci peditibusque ad pugnam idonei equestre proe-  
 25 lium haud patiebantur. dein rex eius orae Antiochus blandimentis adversum plebem, fraude in ducem cum barbarorum copias dissociasset, Troxobore paucisque primoribus interfectis ceteros clementia composuit.

56. Sub idem tempus inter lacum Fucinum amnemque  
 30 Lirim perrupto monte, quo magnificentia operis a pluribus viseretur, lacu in ipso navale proelium adornatur, ut quon-

---

1 Cumano om. in lacuna suppl. m. post. in marg. 2 diuisae Jo. Fr. Gronovius 15 damnatosque 16 cumanos (unus Cumanus Prammer) 18 Cietarum A. Wilhelm: Clitarum, cf. VI 41, 1 | Troxoboro Haase, ut Med. v. 27 habet 23 ante quod erasum est et 24 circum: litteram r (an totum vocabulum?) del. eadem m. et in marg. adscripsit duri locis 26 fraudē

dam Augustus structo trans Tiberim stagno, sed levibus navigiis et minore copia ediderat. Claudius triremes quadriremesque et undeviginti hominum milia armavit, cincto ratibus ambitu, ne vaga effugia forent, ac tamen spatium amplexus ad vim remigii, gubernantium artes, impetus navium et proelio solita. in ratibus praetoriarum cohortium manipuli turmaeque adstiterant, antepositis propugnaculis, ex quis catapultae ballistaeque tenderentur. reliqua lacus classarii tectis navibus optinebant. ripas et colles montiumque edita in modum theatri multitudo innumera complevit, proximis e municipiis et alii urbe ex ipsa, visendi cupidine aut officio in principem. ipse insigni paludamento neque procul Agrippina chlamyde aurata praesedere. pugnatum quamquam inter fontes fortium virorum animo, ac post multum vulnerum occidioni exempti sunt. 15

57. Sed perfecto spectaculo apertum aquarum iter. incuria operis manifesta fuit, haud satis depressi ad lacus imam vel media. eoque, tempore interiecto, altius effossi specus, et contrahendae rursum multitudini gladiatorum spectaculum editur, inditis pontibus pedestrem ad pugnam. quin et convivium effluvio lacus appositum magna formidine cunctos affecit, quia vis aquarum prorumpens proxima trahebat, convulsis ulterioribus aut fragore et sonitu exterritis. simul Agrippina trepidatione principis usa ministrum operis Narcissum incusat cupidinis ac praedarum, nec ille reticet, in potentiam muliebrem nimiasque spes eius arguens. 25

58. D. Iunio Q. Haterio consulibus sedecim annos natus Nero Octaviam Caesaris filiam in matrimonium accepit. utque studiis honestis <et> eloquentiae gloria enitesceret, causa

---

1 trans *Urlichs*: cis, cf. *mon. Ancy.* IV 43      2 Claudius  
centum triremes *Lipsius*      4 vacua *Heinsius*      8 tenderentur  
*corr. eadem m. ex tenderent*      9 montiumque *C. Heraeus*: mon-  
tium (ac m. al.)      13 praesidere, *em. Lipsius*      18 [vel media]  
*Acidalius, probabiliter* | eo quo      20 quin et *ex* qui nec *corr.*  
*m. posterior*      23 exterriti (exterritos *Heinsius*)      26 eius spes  
eius, *sed priore loco eius erasum*      27 Haterio *Lipsius*: auterio  
29 et *om.*

Iliensium suscepta Romanum Troia demissum et Iuliae stirpis auctorem Aeneam aliaque haud procul fabulis vetera facunde executus perpetrat, ut Ilienses omni publico munere solverentur. eodem oratore Bononiensi coloniae igni  
 5 haustae subventum centies sestertii largitione; reddita Rhodiis libertas, adempta saepe aut firmata, prout bellis externis meruerant aut domi seditione deliquerant; tributumque Apamensibus terrae motu convolsis in quinquennium remissum.

59. At Claudius saevissima quaeque promere adigebatur  
 10 eiusdem Agrippinae artibus, quae Statilium Taurum opibus inlustrem hortis eius inhians pervertit accusante Tarquitio Prisco. legatus is Tauri Africam imperio proconsulari regentis, postquam revererant, pauca repetundarum crimina, ceterum magicas superstitiones obiectabat. nec ille diutius  
 15 falsum accusatorem, indignas sordes perpressus vim vitae suae attulit ante sententiam senatus. Tarquitiu tamen curia exactus est, quod patres odio delatoris contra ambitum Agrippinae pervicere.

60. Eodem anno saepius audita vox principis, parem vim  
 20 rerum habendam a procuratoribus suis iudicatarum, ac si ipse statuisset; ac ne fortuito prolapsus videretur, senatus quoque consulto cautum plenius quam antea et uberius. nam divus Augustus apud equestres, qui Aegypto praesiderent, lege agi decretaque eorum proinde haberi iusserat, ac si  
 25 magistratus Romani constituissent; mox alias per provincias et in urbe pleraque concessa sunt, quae olim a praetoribus noscebantur. Claudius omne ius tradidit, de quo totiens seditione aut armis certatum, cum Semproniis rogationibus equester ordo in possessione iudiciorum locaretur,  
 30 aut rursum Serviliae leges senatui iudicia redderent, Marius-

2 vetera *Rhenanus*: uera (*incl. Haase*) 5 redditur, *em. Nipperdey* 15 indignas sordes *Jacob*: indigna sortes 20 iudicaturum, *em. Rhenanus* 21 prolapsa *Heinsius* 23 equestres: re in rasura *m. post.*; loco litterae r fuerat e (equites illustres *Ad. Schmidt*, equites Rom. *Baiter*) 24 prode (*periñ vetere m. in marg.*, perinde *al.*) 25 magistratus populi Romani *coniecti* 30 post redderent *Nipperdey* vel adimerent aut similia *excidisse suspicatus est*

que et Sulla olim de eo vel praecipue bellarent. sed tunc ordinum diversa studia, et quae vicerant publice valebant. C. Oppius et Cornelius Balbus primi Caesaris opibus potuere condiciones pacis et arbitria belli tractare. Matios posthac et Vedios et cetera equitum Romanorum praevalida nomina 5 referre nihil attinuerit, cum Claudius libertos, quos rei fam-  
iliari praefecerat, sibi et legibus adaequaverit.

61. Rettulit dein de inmunitate Cois tribuenda, multaque super antiquitate eorum memoravit: Argivos vel Coeum La-  
tonae parentem vetustissimos insulae cultores; mox adventu 10 Aesculapii artem medendi inlatam maximeque inter posteros eius celebrem fuisse, nomina singulorum referens et quibus quisque aetatibus viguissent. quin etiam dixit Xenophon-  
tem, cuius scientia ipse uteretur, eadem familia ortum, pre-  
cibusque eius dandum, ut omni tributo vacui in posterum 15 Coi sacram et tantum dei ministram insulam colerent. ne-  
que dubium habetur multa eorundem in populum Romanum merita sociasque victorias potuisse tradi: set Claudius, faci-  
litate solita quod uni concesserat, nullis extrinsecus adiu-  
mentis velavit. 20

62. At Byzantii data dicendi copia, cum magnitudinem onerum apud senatum deprecarentur, cuncta repetivere. orsi  
a foedere, quod nobiscum icerant, qua tempestate bellavimus  
adversus regem Macedonum, cui ut degeneri Pseudophilippi  
vocabulum inpositum, missas posthac copias in Antiochum 25  
Persen Aristonicum, et piratico bello adiutum Antonium me-  
morabant, quaeque Sullae aut Lucullo aut Pompeio obtulis-  
sent, mox recentia in Caesares merita, quando ea loca insi-  
derent, quae transmeantibus terra marique ducibus exerciti-  
busque, simul vehendo commeatu opportuna forent. 30

63. Namque artissimo inter Europam Asiamque divortio  
Byzantium in extremo Europae posuere Graeci, quibus Py-

2 evicerant *Heinsius* 9 Argivos 1 m. | Coeum *Mercerus*: cum  
17 haberetur, *em. Lipsius* 18 potuisse tradi set *Rhenanus*:  
potuisset (*sed t posterius expunctum*) tradidisset 21 bizantiis  
23 lecerant, *cf. IV 55* (fecerant *Ernesti*) 26 memorabant  
quaeque *Acidalius*: memorabantq; quae 32 extremo *Agricola*  
et *Theod. Opitz*: extrema (extrema Europa *Rhenanus*)

thium Apollinem consulentibus, ubi conderent urbem, redditum oraculum est, quaerent sedem caecorum terris adversam. ea ambage Chalcedonii monstrabantur, quod priores illuc advecti, praevisa locorum utilitate, peiora legissent. 5 quippe Byzantium fertili solo, secundo mari, quia vis piscium immensa Pontum erumpens et obliquis subter undas saxis exterrita omisso alterius litoris flexu hos ad portus defertur. unde primo quaestuosi et opulenti; post magnitudine onerum urgente finem aut modum orabant, adnitente principe, 10 qui Thraecio Bosporanoque bello recens fessos iuvandosque rettulit. ita tributa in quinquennium remissa.

64. M. Asinio M'. Acilio consulibus mutationem rerum in deterius portendi cognitum est crebris prodigiis. signa ac tentoria militum igne caelesti arsere; fastigium Capitolii examen apium insedit; bifformes hominum partus, et sus fetum 15 edidit, cui accipitrum unguis inessent. numerabatur inter ostenta deminutus omnium magistratuum numerus, quaestore, aedili, tribuno ac praetore et consule paucos intra menses defunctis. sed in praecipuo pavore Agrippina, vocem 20 Claudii, quam temulentus iecerat, fatale sibi ut coniugum flagitia ferret, dein puniret, metuens, agere et celerare statuit, perdita prius Domitia Lepida muliebribus causis, quia Lepida minore Antonia genita, avunculo Augusto, Agrippinae sobrina propior ac Gnaei mariti eius soror, parem sibi claritudinem credebat. nec forma aetas opes multum distabant; 25 et utraque inpudica infamis violenta haud minus vitiis aemulabantur, quam si qua ex fortuna prospera acceperant. enimvero certamen acerrimum, amita potius an mater apud Neronem praevaleret: nam Lepida blandimentis ac largitionibus

2 caecorum *Rhenanus*: graecorum 4 parum visa *Lipsius*  
 6 immensa *Ruperti*: Immeta 12 M. Asinio *Vertranius*: Masilino | M'. Acilio *Ernesti*: macilio 14 fastigium *Nipperdey*: fastigio 15 paratus, sed a ante t expunctum | sus scripsi: suis  
 16 edidit scripsi: ediditū, sed ū expunctum, cf. XVI 20, 6 deditum pro dedit (suis fetu editum *Joh. Müller*) 18 aelidi (aedile *Ritter*) 22 Domitia Lepida *Pichena*: domitiale | qua  
 24 propior *Vertranius*: prior | Gnaei Domiti, prioris mariti conieci (Domiti excidisse iam *Ritter* suspicatus erat)

iuvenilem animum devinciebat, truci contra ac minaci Agrippina, quae filio dare imperium, tolerare imperitantem nequibat.

65. Ceterum obiecta sunt, quod coniugem principis devotionibus petivisset quodque parum coërcitis per Calabriam <sup>5</sup> servorum agminibus pacem Italiae turbaret. ob haec mors indicta, multum adversante Narcisso, qui Agrippinam magis magisque suspectans prompsisse inter proximos ferebatur certam sibi perniciem, seu Britannicus rerum seu Nero poteretur; verum ita de se meritum Caesarem, ut vitam usui eius <sup>10</sup> inpenderet. convictam Messalinam et Silium; pares iterum accusandi causas esse, si Nero imperitaret; Britannico successore nullum principi metum. at novercae insidiis domum omnem convelli, maiore flagitio, quam si inpudicitiam prioris coniugis reticuisset. quamquam ne inpudicitiam quidem nunc <sup>15</sup> abesse Pallante adultero, ne quis ambigat decus pudorem corpus, cuncta regno viliora habere. haec atque talia dictitans amplecti Britannicum, robur aetatis quam maturrimum precari, modo ad deos, modo ad ipsum tendere manus, adolesceret, patris inimicos depelleret, matris etiam interfe- <sup>20</sup> ctos ulcisceretur.

66. In tanta mole curarum valetudine adversa corripitur, refovendisque viribus mollitia caeli et salubritate aquarum Sinuessam pergit. tum Agrippina, sceleris olim certa et oblatae occasionis propera nec ministrorum egens, de genere <sup>25</sup> veneni consultavit, ne repentino et praecipiti facinus proderetur; si lentum et tabidum delegisset, ne admotus supremis Claudius et dolo intellecto ad amorem filii rediret. exquisitum aliquid placebat, quod turbaret mentem et mortem differret. deligitur artifex talium vocabulo Locusta, nuper ve- <sup>30</sup> neficii damnata et diu inter instrumenta regni habita. eius mulieris ingenio paratum virus, cuius minister e spadonibus fuit Halotus, inferre epulas et explorare gustu solitus.

---

<sup>18</sup> metum *Ferrarius*: meritum, cf. *Madvigii Adv. crit. II* 552 | at *Muretus*: ad obscurata d littera <sup>17</sup> haberi *Grotius* <sup>20</sup> locusta: o corr. eadem m. ex u

67. Adeoque cuncta mox pernotuere, ut temporum illorum scriptores prodiderint infusum delectabili boleto venenum, nec vim medicaminis statim intellectam, socordiane an Claudii vinolentia; simul soluta alvus subvenisse videbatur. igitur exterrita Agrippina, et quando ultima timebantur, sprete praesentium invidia provisam iam sibi Xenophontis medici conscientiam adhibet. ille tamquam nisus evomentis adiuveret, pinnam rapido veneno inlitam faucibus eius demisisse creditur, haud ignarus summa scelera incipi cum periculo, peragi cum praemio.

68. Vocabatur interim senatus votaque pro incolumitate principis consules et sacerdotes nuncupabant, cum iam exanimis vestibus et fomentis obtegeretur, dum quae res forent firmando Neronis imperio componuntur. iam primum Agrippina, velut dolore victa et solacia conquirens, tenere amplexu Britannicum, veram paterni oris effigiem appellare ac variis artibus demorari, ne cubiculo egrederetur. Antoniam quoque et Octaviam sorores eius attinuit, et cunctos aditus custodiis clauserat, crebroque vulgabat ire in melius valitudinem principis, quo miles bona in spe ageret tempusque prosperum ex monitis Chaldaeorum adventaret.

69. Tunc medio diei tertium ante Idus Octobris, foribus Palatii repente diductis, comitante Burro Nero egreditur ad cohortem, quae more militiae excubiis adest. ibi monente praefecto faustis vocibus exceptus inditur lecticae. dubitavisse quosdam ferunt, respectantes rogitantesque ubi Britannicus esset: mox nullo in diversum auctore quae offerebantur

---

2 boleto *Wurm*: cibo leto (*an leto delendum?*) 3 socordiane an (n. m. *posterior*; fuerat d) claudii ui. an vinolentia (soc. Claudii an vinolentia *Rhenanus*) 8 adiuuare *mutatum eadem m. ex* adiuveret 11 vacabatur, *sed corr. eadem m.* | votaque *corr. eadem m. ex* vocataque 13 tomentis *Bezzenger* | dum quae res forent *det.*: dumque res forent (*forent m. posteriore punctis notatum*; dum quae e re forent *Heinsius*, dum res *al.*, dum reliqua *ego olim* 15 evicta *Heinsius*, ut est *IV* 57. *XII* 25. *XV* 64. *H.* II 64, at *cf. I* 57 22 ante tertium *Bezzenger* 25 faustis *Ernesti*: festis 26 rogitantesque: r *corr. eadem m. ex c*



secuti sunt. illatusque castris Nero et congruentia tempori praefatus, promisso donativo ad exemplum paternae largitionis, imperator consalutatur. sententiam militum secuta patrum consulta, nec dubitatum est apud provincias. caelestesque honores Claudio decernuntur et funeris sollemne 5 perinde ac divo Augusto celebratur, aemulante Agrippina proaviae Liviae magnificentiam. testamentum tamen haud recitatum, ne antepositus filio privignus iniuria et invidia animos vulgi turbaret.

---

3 consalutatur *Puteolanus*: consultatur (*sequitur consulta*)  
 9 turbaret. Explicit cornelii taciti Liber duodecimus. Incip̃ XIII.

# CORNELII TACITI

## AB EXCESSU DIVI AUGUSTI

### LIBER XIII.

1. Prima novo principatu mors Iunii Silani proconsulis  
5 Asiae ignaro Nerone per dolum Agrippinae paratur, non quia  
ingenii violentia exitium irritaverat, segnis et dominationi-  
bus aliis fastiditus, adeo ut C. Caesar pecudem auream eum  
appellare solitus sit: verum Agrippina fratri eius L. Silano  
necem molita ultorem metuebat, crebra vulgi fama antepo-  
10 nendum esse vixdum pueritiam egresso Neroni et imperium  
per scelus adepto virum aetate composita, insontem, nobi-  
lem et, quod tunc spectaretur, e Caesarum posteris: quippe  
et Silanus divi Augusti abnepos erat. haec causa necis. mi-  
nistri fuere P. Celer eques Romanus et Helius libertus, rei  
15 familiari principis in Asia inpositi. ab his proconsuli vene-  
num inter epulas datum est apertius, quam ut fallerent. nec  
minus properato Narcissus Claudii libertus, de cuius iurgiis  
adversus Agrippinam rettuli, aspera custodia et necessitate  
extrema ad mortem agitur, invito principe, cuius abditis ad-  
20 huc vitiis per avaritiam ac prodigientiam mire congruebat.

2. Ibaturque in caedes, nisi Afranius Burrus et Annaeus  
Seneca obviam issent. hi rectores imperatoriae iuventae et,  
rarum in societate potentiae, concordēs, diversa arte ex aequo  
pollebant, Burrus militariis curis et severitate morum, Se-

---

5 patratur *Freinsheim sine necessitate; nam ait Tacitus:*  
prima novo principatu patrata mors Silani per dolum A. pa-  
ratur 6 exitum, *em. Agricola* 14 Celer *Lipsius: celerius, cf.*  
c. 33 | aelius 15 familiaris | Inpositi *eadem m. corr. ex* In-  
positus 19 adigitur *al.* | inulto 22 li 23 rarum in s. potentiae  
*Bozhorn: parum in s. potentia et*

neca praeceptis eloquentiae et comitate honesta, iuvantes in vicem, quo facilius lubricam principis aetatem, si virtutem aspernaretur, voluptatibus concessis retinerent. certamen utrique unum erat contra ferociam Agrippinae, quae cunctis malae dominationis cupidinibus flagrans habebat in partibus 6 Pallantem, quo auctore Claudius nuptiis incestis et adoptione exitiosa semet pervererat. sed neque Neroni infra servos ingenium, et Pallas tristi adrogantia modum liberti egressus taedium sui moverat. propalam tamen omnes in eam honores cumulabantur, signumque more militiae petenti tribuno 10 dedit optimae matris. decreti et a senatu duo lictores, flaminium Claudiale, simul Claudio censorium funus et mox consecratio.

3. Die funeris laudationem eius princeps exorsus est, dum antiquitatem generis, consulatus ac triumphos maiorum enu- 15 merabat, intentus ipse et ceteri; liberalium quoque artium commemoratio et nihil regente eo triste rei publicae ab externis accidisse pronis animis audita: postquam ad providentiam sapientiamque flexit, nemo risui temperare, quamquam oratio a Seneca composita multum cultus praeferret, 20 ut fuit illi viro ingenium amoenum et temporis eius auribus accommodatum. adnotabant seniores, quibus otiosum est vetera et praesentia contendere, primum ex iis, qui rerum potiti essent, Neronem alienae facundiae eguisse. nam dictator Caesar summis oratoribus aemulus; et Augusto prompta ac 25 profluens quaeque deceret principem eloquentia fuit. Tibertius artem quoque callebat, qua verba expenderet, tum validus sensibus aut consulto ambiguus. etiam C. Caesaris turbata mens vim dicendi non corrumpit; nec in Claudio, quotiens meditata dissereret, elegantiam requireres. Nero puerilibus 30 statim annis vividum animum in alia detorsit: caelare pingere, cantus aut regimen equorum exercere; et aliquando

1 comite, *corr. eadem m.* 9 sui *corr. eadem m. ex suae*  
 11 etas senatu | flaminium *al. cf. ad IV 16* 16 ceteris  
 23 contendere *eadem m. mutavit in* contemnere | his 26 quae-  
 que *Ernesti*: quae 28 C. Caesari *Heinsius* 30 dissererentur  
 Nero *m. posterior corr. ex* Ne pro

carminibus pangendis inesse sibi elementa doctrinae ostendebat.

4. Ceterum peractis tristitiae imitamentis curiam ingressus et de auctoritate patrum et consensu militum praefatus, 5 consilia sibi et exempla capessendi egregie imperii memoravit, neque iuventam armis civilibus aut domesticis discordiis inbutam; nulla odia, nullas iniurias nec cupidinem ultionis afferre. tum formam futuri principatus praescripsit, ea maxime declinans, quorum recens flagrabat invidia. non enim se ne- 10 gotiorum omnium iudicem fore, ut clausis unam intra domum accusatoribus et reis paucorum potentia grassaretur; nihil in penetribus suis venale aut ambitioni pervium; discretam domum et rem publicam. teneret antiqua munia senatus, consulum tribunalibus Italia et publicae provinciae assiste- 15 rent: illi patrum aditum praeberent, se mandatis exercitibus consulturum.

5. Nec defuit fides, multaque arbitrio senatus constituta sunt: ne quis ad causam orandam mercede aut donis emeretur, ne designatis quaestoribus edendi gladiatores necessitas esset. quod quidem adversante Agrippina, tamquam acta 20 Claudii subverterentur, obtinuerunt patres, qui in Palatium ob id vocabantur, ut astaret additis a tergo foribus velo discreta, quod visum arceret, auditus non adimeret. quin et legatis Armeniorum causam gentis apud Neronem orantibus escen- 25 dere suggestum imperatoris et praesidere simul parabat, nisi ceteris pavore defixis Seneca admonuisset, venienti matri occurrere. ita specie pietatis obviam itum dedecori.

6. Fine anni turbidis rumoribus prorupisse rursum Parthos et rapi Armeniam allatum est, pulso Radamisto, qui 30 saepe regni eius potitus, dein profugus, tum quoque bellum

---

4 consensum, *sed m del. eadem m.* 7 Inbuta 19 quae-  
storibus *Ursinus*: quidem quaestoribus 22 assisteret *deleta*  
*littera i, ut vid.* | obditis *Lipsius*, additis *al.* 23 auditus  
*Lipsius*: aditus (visus . . auditum *C. Heraeus*, at *v. Wölfflin*  
*Philol.* 27, 114) 24 escendere: *litterae e ante s superposuit a*  
*nescio quae manus* 27 occurreret, *sed t expunctum* 30 potius  
1 m.

deseruerat. igitur in urbe sermonum avida, quem ad modum princeps vix septemdecim annos egressus suscipere eam molem aut propulsare posset, quod subsidium in eo, qui a femina regeretur, num proelia quoque et obpugnationes urbium et cetera belli per magistros administrari possent, anquire-  
 bant. contra alii melius evenisse disserunt, quam si invalidus senecta et ignavia Claudius militiae ad labores vocaretur, servilibus iussis obtemperaturus. Burrum tamen et Senecam multarum rerum experientia cognitos; et imperatori quantum ad robur deesse, cum octavo decimo aetatis anno Cn. 10 Pompeius, nono decimo Caesar Octavianus civilia bella sustinuerint? pleraque in summa fortuna auspiciis et consiliis quam telis et manibus geri. daturum plane documentum, honestis an secus amicis uteretur, si ducem amota invidia egregium quam si pecuniosum et gratia subnixum per am- 15 bitum deligeret.

7. Haec atque talia vulgantibus, Nero et iuventutem proximas per provincias quaesitam supplendis Orientis legionibus admoveere legionesque ipsas propius Armeniam collocari iubet, duosque veteres reges Agrippam et Antiochum expe- 20 dire copias, quis Parthorum fines ultro intrarent, simul pontes per amnem Euphraten iungi; et minorem Armeniam Aristobulo, regionem Sophenen Sohaemo cum insignibus regiis mandat. exortusque in tempore aemulus Vologaesio filius Vardanes; et abscessere Armenia Parthi, tamquam differrent 25 bellum.

8. Sed apud senatum omnia in maius celebrata sunt sententiis eorum, qui supplicationes et diebus supplicationum vestem principi triumphalem, utque ovans urbem iniret, effigiemque eius pari magnitudine ac Martis Ultoris eodem in 30 templo censuere, praeter suetam adulationem laeti, quod

2 septē decē 9 multa conieci, cf. VI 48, 10. XIV 36, 13  
 12 pluraque al. 15 si del. Acidalius 18 regionibus 19 ad-  
 moveri Pichena | proius 20 Antiochum Lipsius: Iochum, cf.  
 c. 37 21 pontes corr. eadem m. ex pontem 22 Iunlu (iuncti  
 Wurm) 24 Vologesi Agricola 25 uardanis, em. ed. Froben.  
 29 effigiesque, em. Nipperdey

Domitium Corbulonem retinendae Armeniae praeposuerat videbaturque locus virtutibus patefactus. copiae Orientis ita dividuntur, ut pars auxiliarium cum duabus legionibus apud provinciam Suriam et legatum eius Quadratum Ummidium  
 5 remaneret, par civium sociorumque numerus Corbuloni esset, additis cohortibus alisque, quae <in> Cappadocia hiemabant. socii reges, prout bello conduceret, parere iussi; sed studia eorum in Corbulonem promptiora erant. qui ut <instaret> famae, quae in novis coeptis validissima est, itinere  
 10 propere confecto apud Aegeas civitatem Ciliciae obvium Quadratum habuit, illuc progressum, ne, si ad accipiendas copias Syriam intravisset Corbulo, omnium ora in se verteret, corpore ingens, verbis magnificis et super experientiam sapientiamque etiam specie inanum validus.

15 9. Ceterum uterque ad Vologaesem regem nuntiis monebant, pacem quam bellum mallet datisque obsidibus solitam prioribus reverentiam in populum Romanum continuaret. et Vologaeses, quo bellum ex commodo pararet, an ut aemulationis suspectos per nomen obsidum amoveret, tradit  
 20 bilissimos ex familia Arsacidarum. accepitque eos centurio Insteius ab Ummidio missus, forte prior ea de causa adito rege. quod postquam Corbuloni cognitum est, ire praefectum cohortis Arrium Varum et recipere obsides iubet. hinc ortum inter praefectum et centurionem iurgium ne diutius ex  
 25 ternis spectaculo esset, arbitrium rei obsidibus legatisque, qui eos ducebant, permissum. atque illi recentem gloria et inclinatione quadam etiam hostium Corbulonem praetulere. unde discordia inter duces, querente Ummidio praerepta quae suis consiliis patravisset, testante contra Corbulone non

5 pars, sed s del. eadem m. 6 aliis quaeque, em. Rhenanus | in add. Bekker (an per Cappadociam?) 7 iussit, sed t del. eadem m. 8 instaret hic inseruit Halm, post famae Haase (famae inserviret al.) 10 egeas, em. Lipsius 13 magnificus al. 14 inanimus 15 ad del. Becher | immo Vologaesen | nuntiis missis Ritter 18 commodo Muretus: quomodo | pararent, sed corr. eadem m. 21 prior ea Muretus: priore 26 ille, sed corr. eadem m. | gloria Nipperdey: gloriam 27 inclinationem, sed m del. eadem m. | corbulone

prius conversum regem ad offerendos obsides, quam ipse dux bello delectus spes eius ad metum mutaret. Nero quo componeret diversos, sic evulgari iussit: ob res a Quadrato et Corbulone prospere gestas laurum fascibus imperatoriis addi. quae in alios consules egressa coniunxi.

10. Eodem anno Caesar effigiem Cn. Domitio patri et consularia insignia Asconio Labeoni, quo tutore usus erat, petivit a senatu; sibi quoque statuas argento vel auro solidas adversus offerentes prohibuit. et quamquam censuissent patres, ut principium anni inciperet mense Decembri, quo ortus erat Nero, veterem religionem kalendarum Ianuariarum inchoando anno retinuit. neque recepti sunt inter reos Carrinas Celer senator servo accusante, aut Iulius Densus equester, cui favor in Britannicum crimini dabatur.

11. Claudio Nerone L. Antistio consulibus cum in acta principum iurarent magistratus, in sua acta collegam Antistium iurare prohibuit, magnis patrum laudibus, ut iuvenilis animus levium quoque rerum gloria sublatus maiores continuaret. secutaque lenitas in Plautium Lateranum, quem ob adulterium Messalinae ordine demotum reddidit senatui, clementiam suam obstringens crebris orationibus, quas Seneca testificando, quam honesta praeciperet, vel iactandi ingenii voce principis vulgabat.

12. Ceterum infracta paulatim potentia matris delapso Nerone in amorem libertae, cui vocabulum Acte fuit, simul assumptis in conscientiam <M.> Othone et Claudio Senecione, adulescentulis decoris, quorum Otho familia consulari, Senecio liberto Caesaris patre genitus. ignara matre, dein frustra obnitente, penitus inreperat per luxum et ambigua secreta, ne senioribus quidem principis amicis adversantibus, muliercula nulla cuiusquam iniuria cupidines principis explente, quando uxore ab Octavia, nobili quidem et probitatis specta-

---

3 diversus    5 addi *Puteolanus*: addidit (additam *Ritter*) |  
 coniunxit, sed t. *delevit eadem m.*    12 cerer    13 eques Ro.  
*Muretus*, at v. XII 60    20 demotum corr. *eadem m.* ex re-  
 motum (motum *Acidalius*)    26 M. add. *Ritter*    28 C. Caesaris  
*L. Spengel*

tae, fato quodam, an quia praevalent inlicita, abhorrebat, metuebaturque, ne in supra feminarum illustrium prorumperet, si illa libidine prohiberetur.

13. Sed Agrippina libertam aemulam, nurum ancillam alia-  
 5 que eundem in modum muliebriter fremere, neque paenitentiam filii aut satietatem opperiri, quantoque foediora exprobrabat, acrius accendere, donec vi amoris subactus exueret obsequium in matrem seque Senecae permetteret, ex cuius familiaribus Annaeus Serenus simulatione amoris adversus  
 10 eandem libertam primas adolescentis cupidines velaverat praebueratque nomen, ut quae princeps furtim mulierculae tribuebat, ille palam largiretur. tum Agrippina versis artibus per blandimenta iuvenem adgredi, suum potius cubiculum ac sinum offerre contegendis quae prima aetas et summa  
 15 fortuna expeterent. quin et fatebatur intempestivam severitatem et suarum opum, quae haud procul imperatoris aberant, copias tradebat, ut nimia nuper coërcendo filio, ita rursum intemperanter demissa. quae mutatio neque Neronem fefellit, et proximi amicorum metuebant orabantque  
 20 cavere insidias mulieris semper atrocis, tum et falsae. forte illis diebus Caesar inspecto ornatu, quo principum coniuges ac parentes effulserant, deligit vestem et gemmas misitque donum matri, nulla parsimonia, cum praecipua et cupita aliis prior deferret. sed Agrippina non his instrui cultus  
 25 suos, sed ceteris arceri proclamat et dividere filium, quae cuncta ex ipsa haberet.

14. Nec defuere qui in deterius referrent. et Nero infensus iis, quibus superbia muliebris innitebatur, demovet Pallantem cura rerum, quis a Claudio impositus velut arbi-  
 30 trium regni agebat; ferebaturque degrediente eo magna prosequentium multitudine non absurde dixisse ire Pallantem, ut eiuraret. sane pepigerat Pallas, ne cuius facti in praetorium interrogaretur paresque rationes cum re publica haberet.

---

1 facto    7 accenderet    8 Senecae *Muretus*: nece    15 in-  
 tempestatē    20 atrocius    29 arbitrum *al.*, cf. *H. IV 21*  
 32 ne *corr. eadem m. ex qu*



Praeceptis posthac Agrippina ruere ad terrorem et minas, neque principis auribus abstinere, quo minus testaretur adul- tum iam esse Britannicum, veram dignamque stirpem sus- cipiendo patris imperio, quod insitus et adoptivus per in- iurias matris exerceret. non abnuere se, quin cuncta infelicis 5 domus mala patefierent, suae in primis nuptiae, suum vene- ficium: id solum diis et sibi provisum, quod viveret privi- gnus. ituram cum illo in castra; audiretur hinc Germanici filia, inde debilis Burrus et exul Seneca, trunca scilicet manu et professoria lingua generis humani regimen expostulantes. 10 simul intendere manus, aggerere probra, consecratum Clau- dium, infernos Silanorum manes invocare et tot inrita fa- cinora.

15. Turbatus his Nero et propinquo die, quo quantum decimum aetatis annum Britannicus explebat, volutare se- 15 cum modo matris violentiam, modo ipsius indolem, levi qui- dem experimento nuper cognitam, quo tamen favorem late quaesivisset. festis Saturno diebus inter alia aequalium lu- dicra regnum lusu sortientium evenerat ea sors Neroni. igitur ceteris diversa nec ruborem allatura: ubi Britannico iussit 20 exurgeret progressusque in medium cantum aliquem inci- peret, inrisum ex eo sperans pueri sobrios quoque convictus, nedum temulentos ignorantis, ille constanter exorsus est car- men, quo evolutum eum sede patria rebusque summis signi- ficabatur. unde orta miseratio manifestior, quia dissimulatio- 25 nem nox et lascivia exemerat. Nero intellecta invidia odium intendit; urgentibusque Agrippinae minis, quia nullum cri- men neque iubere caedem fratris palam audebat, occulta molitur pararique venenum iubet, ministro Polliione Iulio praetoriae cohortis tribuno, cuius cura attinebatur damnata 30

---

1 rueret, sed t del. eadem m. 5 abnueret, sed t del. eadem m. | quin] qui 1 m. 9 inde debilis Lipsius: indebilis | rursus burrus, sed rursus del. eadem m. Sic coniectura Acidali et Mureti, qui rursus secluserunt, confirmatur 10 expostu- lantis 12 inferno 16 levi quidem Freinsheim: ut quidam 18 ludicā R. regnum (R. del. Puteolanus) 19 ea sors del. Francken

veneficii nomine Locusta, multa scelerum fama. nam ut proximus quisque Britannico neque fas neque fidem pensi haberet, olim provisum erat. primum venenum ab ipsis educatoribus accepit, tramisitque exsoluta alvo parum validum, sive temperamentum inerat, ne statim saeviret. sed Nero lenti sceleris inpatiens minitari tribuno, iubere supplicium veneficae, quod, dum rumore respiciunt, dum parant defensiones, securitatem morarentur. promittentibus dein tam praecipitem necem, quam si ferro urgeretur, cubiculum Caesaris iuxta decoquitur virus cognitis antea venenis rapidum.

16. Mos habebatur principum liberos cum ceteris idem aetatis nobilibus sedentes vesci in aspectu propinquorum propria et parciore mensa. illic epulante Britannico, quia cibos potusque eius delectus ex ministris gustu explorabat, ne omitteretur institutum aut utriusque morte proderetur scelus, talis dolus repertus est. innoxia adhuc ac praecalida et libata gustu potio traditur Britannico; dein, postquam fervore aspernabatur, frigida in aqua affunditur venenum, quod ita cunctos eius artus pervasit, ut vox pariter et spiritus raperentur. trepidatur a circumsedentibus, diffugiunt imprudentes: at quibus altior intellectus, resistunt defixi et Neronem intuentes. ille ut erat reclinis et nescio similis, solitum ita ait per comitalem morbum, quo prima ab infantia afflicteretur Britannicus, et redituros paulatim visus sensusque. at Agrippinae is pavor, ea consternatio mentis, quamvis vultu premeretur, emicuit, ut perinde ignaram fuisse <atque> Octaviam sororem Britannici constiterit: quippe sibi supremum auxilium ereptum et parricidii exemplum intellegebat. Octavia quoque, quamvis rudibus annis, dolorem caritatem, omnis affectus abscondere didicerat. ita post breve silentium reperta convivii laetitia.

1 locusta: o ex u corr. eadem m. (ut XII 66), u ante s scripsit m. posterior 8 securitate, em. Puteol. 9 urgerentur, sed n del. eadem m. 11 mox, sed s restituit eadem m. 14 cibos . . explorabat Danesius: cibos . . explorabatur 15 omitteret, em. Beroaldus 19 spiritus eius 23 prima Agrippina: primum 25 agrippina 26 atque add. Faërnus, quam Otto ad Ann. I 18

17. Nox eadem necem Britannici et rogum coniunxit, pro-  
 viso ante funebri paratu, qui modicus fuit. in campo tamen  
 Martis sepultus est, adeo turbidis imbribus, ut vulgus iram  
 deum portendi crediderit adversus facinus, cui plerique  
 etiam hominum ignoscebant, antiquas fratrum discordias et  
 insociabile regnum aestimantes. tradunt plerique eorum tem-  
 porum scriptores crebris ante exitium diebus illud isse  
 pueritiae Britannici Neronem, ut iam non praematura neque  
 saeva mors videri queat, quamvis inter sacra mensae, ne  
 tempore quidem ad complexum sororum dato, ante oculos  
 inimici properata sit in illum supremum Claudiorum san-  
 guinem, stupro prius quam veneno pollutum. festinationem  
 exequiarum edicto Caesar defendit, id a maioribus institu-  
 tum referens, subtrahere oculis acerba funera neque lau-  
 dationibus aut pompa detinere. ceterum et sibi amisso fra-  
 tris auxilio reliquas spes in re publica sitas, et tanto magis  
 fovendum patribus populoque principem, qui unus superes-  
 set e familia summum ad fastigium genita.

18. Exin largitione potissimos amicorum auxit. nec de-  
 fuere qui arguerent viros gravitatem adseverantes, quod do-  
 mos, villas id temporis quasi praedam divisissent. alii ne-  
 cessitatem adhibitam credebant a principe, sceleris sibi  
 conscio et veniam sperante, si largitionibus validissimum  
 quemque obstrinxisset.

At matris ira nulla munificentia leniri, sed amplecti Octa-  
 viam, crebra cum amicis secreta habere, super ingentem  
 avaritiam undique pecunias quasi in subsidium corriprens, 25  
 tribunos et centuriones comiter excipere, nomina et vir-  
 tutes nobilium, qui etiam tum supererant, in honore ha-  
 bere, quasi quaereret ducem et partes. cognitum id Neroni, 30

---

4 protendi, *em. Puteolanus* 5 etiam] tamen *Heinsius*  
 6 estimantes: st *corr. eadem m. ex x* 7 isse *Lipsius*: esse  
 (illusisse *Rhenanus*) 8 pueritia 13 ediceo, *corr. m. posterior* |  
 id a] ita *Halm coll. III 69* sic a maioribus institutum  
 15 detinere: d *corr. eadem m. ex coepta littera r* | et sibi *corr.*  
*eadem m. ex exhibi* 22 scelere, *sed. corr. eadem m.* 27 corri-  
 pere *Lipsius*

excubiasque militares, quae ut coniugi imperatoris olim, tum ut matri servabantur, et Germanos nuper eundem <in> honorem custodes additos digredi iubet. ac ne coetu salutationum frequentaretur, separat domum matremque transfert in  
 5 eam, quae Antoniae fuerat, quotiens ipse illuc ventitaret, saeptus turba centurionum et post breve osculum digrediens.

19. Nihil rerum mortalium tam instabile ac fluxum est quam fama potentiae non sua vi nixae. statim relictum Agrippinae limen: nemo solari, nemo adire praeter paucas femi-  
 10 nas, amore an odio incertas. ex quibus erat Iunia Silana, quam matrimonio C. Sili a Messalina depulsam supra rettuli, insignis genere forma lascivia, et Agrippinae diu percara, mox occultis inter eas offensionibus, quia Sextium Africanum nobilem iuvenem a nuptiis Silanae deterruerat Agrippina,  
 15 inpudicam et vergentem annis dictitans, non ut Africanum sibi seponeret, sed ne opibus et orbitate Silanae maritus poteretur. illa spe ultionis oblata parat accusatores ex clientibus suis Iturium et Calvisium, non vetera et saepius iam audita deferens, quod Britannici mortem lugeret aut Octaviae iniurias evulgaret, sed destinavisse eam Rubellium Plautum, per maternam originem pari ac Nero gradu a divo Augusto, ad res novas extollere coniugioque eius et imperio rem publicam rursus invadere. haec Iturius et Calvisius Atimeto, Domitiae Neronis amitae liberto, aperiunt. qui lae-  
 20 tus oblati (quippe inter Agrippinam et Domitiam infensa aemulatio exercebatur) Paridem histrionem, libertum et ipsum Domitiae, impulit ire propere crimenque atrociter deferre.

20. Profecta nox erat et Neroni per vinulentiam traheretur, cum ingreditur Paris, solitus alioquin id temporis lu-

---

1 olim tum *idem*: solitum    2 nuper eundem in *Bötticher*: super eundem (*an* per eundem? *cf.* XV 33, 10)    3 degredi *Ernesti*    5. proaviae (*vel* aviae) Antoniae *Nipperdey*    8 nixae *Lipsius*: nixa    10 incertum *al. cf.* XI 9 | Iunia *Lipsius*: Iulia  
 12 lascivia: i ante a *expunctum est*    17 spe ultionis *m. posterior corr. ex speculationis*    19 differens    21 Neronem *Heinsius*  
 22 et imperio *Nipperdey*: etiam perio    20 lusus *Rhenanus*

xus principis intendere, sed tunc compositus ad maestitiam, expositoque indicii ordine ita audientem exterret, ut non tantum matrem Plautumque interficere, sed Burrum etiam demovere praefectura destinaret, tamquam Agrippinae gratia provectum et vicem reddentem. Fabius Rusticus auctor est <sup>5</sup> scriptos esse ad Caecinam Tuscum codicillos, mandata ei praetoriarum cohortium cura, sed ope Senecae dignationem Burro retentam: Plinius et Cluvius nihil dubitatum de fide praefecti referunt. sane Fabius inclinatur ad laudes Senecae, cuius amicitia floruit. nos consensum auctorum secuturi, si <sup>10</sup> qui diversa prodiderint, sub nominibus ipsorum trademus.

Nero trepidus et interficiendae matris avidus non prius differri potuit, quam Burrus necem eius promitteret, si facinoris coargueretur: sed cuicumque, nedum parenti defensionem tribuendam; nec accusatores adesse, sed vocem unius <sup>15</sup> et ex inimica domo afferri: reputaret tenebras et vigilatam convivio noctem omniaque temeritati et inscitiae propiora.

21. Sic lenito principis metu et luce orta itur ad Agrippinam, ut nosceret obiecta dissolveretque vel poenas lueret. Burrus iis mandatis Seneca coram fungebatur; aderant et <sup>20</sup> ex libertis arbitri sermonis. deinde a Burro, postquam crimina et auctores exposuit, minaciter actum. et Agrippina ferociae memor 'non miror' inquit 'Silanam numquam edito partu matrum affectus ignotos habere; neque enim proinde a parentibus liberi quam ab inpudica adulteri mutantur. nec <sup>25</sup> si Iturius et Calvisius adesit omnibus fortunis novissimam suscipiendae accusationis operam anui rependunt, ideo aut mihi infamia parricidii aut Caesari conscientia subeunda est. nam Domitiae inimicitias gratias agerem, si benivolentia mecum in Neronem meum certaret: nunc per concubinum Ati- <sup>30</sup> metum et histrionem Paridem quasi scaenae fabulas com-

---

<sup>10</sup> secuti *al.* | si qui *Halm*: qui (quae *al.*) <sup>16</sup> et ex *scripsi*: ex *corr. eadem m.* ex et | reputaret *Lipsius*: refutaret *deleta littera t post e* <sup>22</sup> et | est *Halm* (et *del. Rhenanus*) <sup>24</sup> perinde *Puteolanus* <sup>27</sup> suscipiendā <sup>29</sup> nunc . . . componit *Nipperdey* posuit post praepararentur *p. 268, 3* | concubinam, *em. Puteolanus* <sup>31</sup> componit, ut Baiaurum *Joh. Müller*

ponit. Baiarum suarum piscinas extollebat, cum meis consiliis adoptio et proconsulare ius et designatio consulatus et cetera apiscendo imperio praepararentur. aut exsistat qui cohortes in urbe temptatas, qui provinciarum fidem labefactatam, denique servos vel liberos ad scelus corruptos arguat. vivere ego Britannico potiente rerum poteram? ac si Plautus aut quis alius rem publicam iudicaturus obtinuerit, desunt scilicet mihi accusatores, qui non verba impatientia caritatis aliquando incauta, sed ea crimina obiciant, quibus nisi a filio absolvi non possim.' commotis qui aderant utroque spiritus eius mitigantibus, colloquium filii exposcit, ubi nihil pro innocentia, quasi diffideret, nec <de> beneficiis, quasi exprobraret, disseruit, sed ultionem in delatores et praemia amicis obtinuit.

22. Praefectura annonae Faenio Rufo, cura ludorum, qui a Caesare parabantur, Arruntio Stellae, Aegyptus Ti. Balbillo permittuntur. Syria P. Anteio destinata; set variis mox artibus elusus, ad postremum in urbe retentus est. at Silana in exilium acta; Calvisius quoque et Iturius relegantur; de Atimeto supplicium sumptum, validiore apud libidines principis Paride, quam ut poena afficeretur. Plautus ad praesens silentio transmissus est.

23. Deferuntur dehinc consensisse Pallas ac Burrus, ut Cornelius Sulla claritudine generis et adfinitate Claudii, cui per nuptias Antoniae gener erat, ad imperium vocaretur. eius accusationis auctor extitit Paetus quidam, exercendis apud aerarium sectionibus famosus et tum vanitatis manifestus. nec tam grata Pallantis innocentia quam gravis superbia fuit: quippe nominatis libertis eius, quos conscios haberet, respondit nihil umquam se domi nisi nutu aut manu significasse, vel si plura demonstranda essent, scripto usum, ne vocem consociaret. Burrus quamvis reus inter iudices

8 deerunt *Heinsius* | impotentia *Acidalius* 11 spiritus]  
 spm, sed m scripsit m. posterior 12 de add. *Acidalius*  
 15 Faenio *Vertranius*: senio 16 Ti. *Labus*: C. (Claudio *Ritter*)  
 17 P. Anteio *Lipsius*: pantelo | set *Heinsius*: et 24 cui *Rhe-*  
*nanus*: qui, sed q corr. ex coepta littera c

sententiam dixit. exiliumque accusatori inrogatum et tabulae exustae sunt, quibus oblitterata aerarii nomina retrahebat.

24. Fine anni statio cohortis adsidere ludis solita demovetur, quo maior species libertatis esset, utque miles theatri licentiae non permixtus incorruptior ageret et plebes daret experimentum, an amotis custodibus modestiam retineret. urbem princeps lustravit ex responso haruspicum, quod Iovis ac Minervae aedes de caelo tactae erant.

25. Q. Volusio P. Scipione consulibus otium foris, foeda domi lascivia, qua Nero itinera urbis et lupanaria et deverticula veste servili in dissimulationem sui compositus pererrabat, comitantibus qui raperent venditioni exposita et obviis vulnera inferrent, adversus ignaros adeo, ut ipse quoque exciperet ictus et ore praeferret. deinde ubi Caesarem esse, qui grassaretur, pernotuit augebanturque iniuriae adversus viros feminasque insignes, et quidam permissa semel licentia sub nomine Neronis inulti propriis cum globis eadem exercebant, in modum captivitatis nox agebatur; Iuliusque Montanus senatorii ordinis, sed qui nondum honorem capessisset, congressus forte per tenebras cum principe, quia vim temptantem acriter reppulerat, deinde adgnitum oraverat, quasi exprobrasset, mori adactus est. Nero autem metuentior in posterum milites sibi et plerosque gladiatores circumdedit, qui rixarum initia modica et quasi privata sinebant; si a laesis validius ageretur, arma inferebant. ludicram quoque licentiam et fautores histrionum velut in proelia convertit impunitate et praemiis atque ipse occultus et pleorumque coram prospectans, donec discordi populo et gravioris motus terrore non aliud remedium repertum est, quam

1 auxiliumque, sed ex eadem m. in margine 2 nomina Jo. Fr. Gronovius: monimenta | retrahebāt 4 finē annis, sed 5 del. eadem m. 5 utque] que del. eadem m., per errorem, ut vid. (et ut Becher) 8 ex] et 18 venditionē (ad vendit. al.) 19 in Jac. Gronovius: .T. | Iuliusquē, em. eadem m. 21 congressi | vim Puteolanus: uia (vi attemptantem Agricola) 22 adagnitum 23 autem] tamen Petersen | metu cautior Heinsius 29 et in ex mutavit m. posterior

ut histriones Italia pellerentur milesque theatro rursum ad-  
sideret.

26. Per idem tempus actum in senatu de fraudibus liber-  
torum, efflagitatumque ut adversus male meritos revocandae  
5 libertatis ius patronis daretur. nec deerant qui censerent,  
sed consules relationem incipere non ausi ignaro principe,  
perscribere tamen consensum senatus. ille an auctor con-  
stitutionis fieret, consultavit inter paucos et sententiae di-  
versos, quibusdam coalitam libertate irreverentiam eo pro-  
10 rupisse frementibus, <ut> vine an aequo cum patronis iure  
agerent, † sententiam eorum consultarent ac verberibus manus  
ultra intenderent, impudenter vel poenam suam ipsi suaden-  
tes. quid enim aliud laeso patrono concessum, quam ut cen-  
tesimum ultra lapidem in oram Campaniae libertum releget?  
15 ceteras actiones promiscas et pares esse: tribuendum aliquod  
telum, quod sperni nequeat. nec grave manu missis per  
idem obsequium retinendi libertatem, per quod adsecuti sint:  
at criminum manifestos merito ad servitutem retrahi, ut metu  
coërceantur, quos beneficia non mutavissent.

20 27. Disserebatur contra: paucorum culpam ipsis exitio-  
sam esse debere, nihil universorum iuri derogandum; quippe  
late fusum id corpus. hinc plerumque tribus decurias, mi-  
nisteria magistratibus et sacerdotibus, cohortes etiam in urbe  
conscriptas; et plurimis equitum, plerisque senatoribus non  
25 aliunde originem trahi: si separarentur libertini, manifestam  
fore penuriam ingenuorum. non frustra maiores, cum digni-  
tatem ordinum dividerent, libertatem in communi posuisse.  
quin et manu mittendi duas species institutas, ut relinqueretur  
paenitentiae aut novo beneficio locus. quos vindicta pa-

---

7 consensum: Icsensū (ei consensum *Pichena*) 8 consul-  
tavit *Halm*: ut | diversos *Lipsius*: adversos (paucos ei sent.  
adversos *Freinsheim*) 10 ut *om.* 11 patientiam eorum insult-  
arent *Draeger* 12 impudenter *C. L. Roth*: impulere (impune  
*Muretus*) | ipsi suadentes *Madvig*: dissuadentes (derisui ha-  
bentes *Heimisch*) 13 ut centesimum *Lipsius*: uicesimum  
15 promissas, *em. Puteolanus* 16 grave onus *m. Madvig*  
18 detrahi, *sed corr. eadem m.* 19 b. commutavissent *al.*



tronus non liberaverit, velut vinclo servitutis attineri. dispiceret quisque merita tardeque concederet, quod datum non adimeretur. haec sententia valuit, scripsitque Caesar senatui, privatim expenderent causam libertorum, quotiens a patronis arguerentur: in commune nihil derogarent. nec multo post ereptus amitae libertus Paris quasi iure civili, non sine infamia principis, cuius iussu perpetratum ingenuitatis iudicium erat.

28. Manebat nihilo minus quaedam imago rei publicae. nam inter Vibullium praetorem et plebei tribunum Antistium ortum certamen, quod inmodestos fautores histrionum et a praetore in vincla ductos tribunus omitti iussisset. comprobare patres, incusata Antistii licentia. simul prohibiti tribuni ius praetorum et consulum praeripere aut vocare ex Italia, cum quibus lege agi posset. addidit L. Piso designatus consul, ne quid intra domum pro potestate adverterent, neve multam ab iis dictam quaestores aerarii in publicas tabulas ante quattuor menses referrent; medio temporis contra dicere liceret, deque eo consules statuerent. cohibita artius et aedilium potestas statutumque, quantum curules, quantum plebei pignoris caperent vel poenae irrogarent. et Helvidius Priscus tribunus plebei adversus Obultronium Sabinum aerarii quaestorem contentiones proprias exercuit, tamquam ius hastae adversus inopes inclementer augetet. dein princeps curam tabularum publicarum a quaestoribus ad praefectos transtulit.

29. Varie habita ac saepe mutata eius rei forma. nam Augustus senatui permisit deligere praefectos; deinde ambitu suffragiorum suspecto, sorte ducebantur ex numero praetorum qui praeessent. neque id diu mansit, quia sors deerrabat ad parum idoneos. tum Claudius quaestores rur-

---

3 scriptaque, *corr. m. posterior in marg.* 4 causa 5 dero-  
gent, *em. Muretus* 6 ereptus Domitiae, Neronis amitae conieci  
11 et expunctum 17 his 21 et Jo. Fr. Gronovius: eo 24 au-  
geret *corr. eadem m. ex* auderet, *ut vid. (ageret Ricklefs)*  
27 Imitata, unde Immutata effecit *m. posterior* 31 tum Nipper-  
dey: tunc

sum imposuit, iisque, ne metu offensionum segnius consu-  
lerent, extra ordinem honores promisit: sed deerat robur  
aetatis eum primum magistratum capessentibus. igitur Nero  
praetura perfunctos et experientia probatos delegit.

- 5 30. Damnatus isdem consulibus Vipsanius Laenas ob Sar-  
diniam provinciam avare habitam; absolutus Cestius Procu-  
lus repetundarum, Cretensibus accusantibus. Clodius Quiri-  
nalis, quod praefectus remigum, qui Ravennae haberentur,  
velut infimam nationum Italiam luxuria saevitiaque afflicta-  
10 visset, veneno damnationem anteiiit. Caninius Rebilus, ex pri-  
moribus peritia legum et pecuniae magnitudine, cruciatus  
aegrae senectae misso per venas sanguine effugit, haud cre-  
ditus sufficere ad constantiam sumendae mortis, ob libidines  
muliebriter infamis. at L. Volusius egregia fama concessit,  
15 cui tres et nonaginta anni spatium vivendi praecipuaeque  
opes bonis artibus, inoffensa tot imperatorum amicitia fuit.

31. Nerone iterum L. Pisone consulibus pauca memoria  
digna evenere, nisi cui libeat laudandis fundamentis et tra-  
bibus, quis molem amphitheatri apud campum Martis Caesar  
20 extruxerat, volumina implere, cum ex dignitate populi Ro-  
mani repertum sit res illustres annalibus, talia diurnis urbis  
actis mandare. ceterum coloniae Capua atque Nuceria addi-  
tis veteranis firmatae sunt, plebeiue congiarium quadrigeni  
nummi viritim dati, et sestertium quadringenties aerario in-  
25 latum est ad retinendam populi fidem. vectigal quoque quin-  
tae et vicesimae venalium mancipiorum remissum, specie  
magis quam vi, quia cum venditor pendere iuberetur, in  
partem pretii emptoribus accrescebat. et edixit Caesar, ne  
quis magistratus aut procurator in provincia, <quam> opti-

---

4 praetura *Vertranius*: praefectura 6 Cestius *Rhenanus*:  
cestus (Caesius *Ritter*) 7 Cretensibus *Nipperdey*: credentibus  
8 habentur *Ritter* 10 damnatione 1 m. | Caninius Rebilus  
*Lipsius*: C. Aminius rebius 12 emissio *Heinsius* 16 amicitia  
*Lipsius*: malitia, quod *Halm* ita tuetur, ut ablativum intellegat  
et fuit in fuerunt mutet 22 actissimā dare ceterae 23 qua-  
dringeni *Lipsius*; sed cf. *Stangl*, *W. f. kl. Phil.* 1911, 271  
28 et edixit scripsi: et dixit (edixit *vulgo*) 29 quam add.  
*Madvig* (qui provinciam obt. *Rhenanus*)

neret, spectaculum gladiatorum aut ferarum aut quod aliud ludicrum ederet. nam ante non minus tali largitione quam corripiendis pecuniis subiectos affligebant, dum, quae libidine deliquerant, ambitu propugnant.

32. Factum et senatus consultum ultioni iuxta et securitati, ut si quis a suis servis interfectus esset, ii quoque, qui testamento manu missi sub eodem tecto mansissent, inter servos supplicia penderent. redditur ordini Lurius Varus consularis, avaritiae criminibus olim percussus. et Pomponia Graecina insignis femina, <A.> Plautio, quem ovasse de Britannis rettuli, nupta ac superstitionis externae rea, mariti iudicio permissa. isque prisco instituto propinquis coram de capite famaue coniugis cognovit et insontem nuntiavit. longa huic Pomponiae aetas et continua tristitia fuit. nam post Iuliam Drusi filiam dolo Messalinae interfectam per quadraginta annos non cultu nisi lugubri, non animo nisi maesto egit; idque illi imperitante Claudio inpune, mox ad gloriam vertit.

33. Idem annus plures reos habuit. quorum P. Celerem accusante Asia, quia absolvere nequibat Caesar, traxit, senecta donec mortem obiret; nam Celer interfecto, ut memoravi, Silano pro consule magnitudine sceleris cetera flagitia obtegebat. Cossutianum Capitonem Cilices detulerant, maculosum foedumque et idem ius audaciae in provincia ratum, quod in urbe exercuerat; sed pervicaci accusatione conflictatus postremo defensionem omisit ac lege repetundarum damnatus est. pro Eprio Marcello, a quo Lycii res repetebant, eo usque ambitus praevaluit, ut quidam accusatorum eius exilio multarentur, tamquam insonti periculum fecissent.

34. Nerone tertium consule simul iniit consulatum Vale-

---

3 dumque, *em. Puteolanus* 5 securitatis, *sed s del. eadem m.*  
 8 varius, *corr. eadem m.* 10 A. *add. Nipperdey* | platio, *em.*  
*Lipsius* | quem ovasse de B. rettuli *Acidalius*: qui ouans se de  
 britanniis rettulit, *sed qui in gem mutavit eadem m.* 13 pro-  
 nuntiavit *Muretus* 14 huic] hinc *ed. Spir.* 20 traxit senten-  
 tiam (traxit rem, senecta *Sirker*) donec *Faërnus* 27 licires  
 repetebat 30 init

rius Messala, cuius proavum, oratorem Corvinum, divo Augusto, abavo Neronis, collegam in eo magistratu fuisse pauci iam senum meminerant. sed nobili familiae honor auctus est oblati in singulos annos quingenis sestertiis, quibus Messala 5 paupertatem innoxiam sustentaret. Aurelio quoque Cottae et Haterio Antonino annuam pecuniam statuit princeps, quamvis per luxum avitas opes dissipassent.

Eius anni principio mollibus adhuc initiis prolatatum inter Parthos Romanosque de obtinenda Armenia bellum acriter 10 sumitur, quia nec Vologaeses sinebat fratrem Tiridaten dati a se regni expertem esse aut alienae id potentiae donum habere, et Corbulo dignum magnitudine populi Romani rebatur parta olim a Lucullo Pompeioque recipere. ad hoc Armenii ambigua fide utraque arma invitabant, situ terrarum, 15 similitudine morum Parthis propiores conubiisque permixti ac libertate ignota illud magis ad servitium inclinantes.

35. Sed Corbuloni plus molis adversus ignaviam militum quam contra perfidiam hostium erat: quippe Syria transmotae legiones, pace longa segnes, munia [Romanorum] aeger- 20 rime tolerabant. satis constitit fuisse in eo exercitu veteranos, qui non stationem, non vigiliis inissent, vallum fossamque quasi nova et mira viserent, sine galeis, sine loriceis, nitidi et quaestuosi, militia per oppida expleta. igitur dimissis, quibus senectus aut valitudo adversa erat, supplementum 25 petivit. et habiti per Galatiam Cappadociamque dilectus, adiectaque ex Germania legio cum equitibus alariis et peditatu cohortium. retentusque omnis exercitus sub pellibus, quamvis hieme saeva adeo, ut obducta glacie nisi effossa humus tentoriis locum non praeberet. ambusti multorum artus vi 30 frigoris et quidam inter excubias exanimati sunt. adnotatusque miles, qui fascem lignorum gestabat, ita praeriguisse manus, ut oneri adhaerentes truncis brachiis deciderent. ipse cultu levi, capite intecto, in agmine, in laboribus fre-

---

2 collega | in eodem *conieci coll. III 31, 3* 6 atherio, *em. Lipsius* 7 habitas, *em. idem* 10 resumitur *Heinsius* | tyridatem 16 illud *Lipsius*: illuc 19 Romanorum *seclusi* (castrorum *Böttcher*) 25 galitiam cappodociamque 31 fasce 33 eui

quens adesse, laudem strenuis, solacium invalidis, exemplum omnibus ostendere. dehinc quia duritia caeli militiaeque multi abnuebant deserebantque, remedium severitate quaesitum est. nec enim, ut in aliis exercitibus, primum alterumque delictum venia prosequeretur, sed qui signa reliquerat, 5 statim capite poenas luebat. idque usu salubre et misericordia melius apparuit: quippe pauciores illa castra deseruere quam ea, in quibus ignoscebatur.

36. Interim Corbulo legionibus intra castra habitis, donec ver adolesceret, dispositisque per idoneos locos cohortibus 10 auxiliariis, ne pugnam priores auderent praedicat. curam praesidiorum Paccio Orfito primi pili honore perfuncto mandat. is quamquam incautos barbaros et bene gerendae rei casum offerri scripserat, tenere se munimentis et maiores copias opperiri iubetur: sed rupto imperio, postquam paucae 15 e proximis castellis turmae advenerant pugnamque imperitia poscebant, congressus cum hoste funditur; et damno eius exterriti qui subsidium ferre debuerant, sua quisque in castra trepida fuga redire. quod graviter Corbulo accepit increpitumque Paccium et praefectos militesque tendere extra 20 vallum iussit; inque ea contumelia detenti nec nisi precibus universi exercitus exoluti sunt.

37. At Tiridates super proprias clientelas ope Vologaesi fratris adiutus, non furtim iam, sed palam bello infensare 25 Armeniam, quosque fidos nobis rebatur, depopulari, et si copiae contra ducerentur, eludere hucque et illuc volitans plura fama quam pugna exterrere. igitur Corbulo quaesito diu proelio frustra habitus et exemplo hostium circumferre bellum coactus, dispertit vires, ut legati praefectique diversos locos pariter invaderent; simul regem Antiochum monet 30 proximas sibi praefecturas petere. nam Pharasmanes interfecto filio Radamisto quasi proditore, quo fidem in nos testaretur, vetus adversus Armenios odium promptius exercebat.

11 audirent | edicit *al.* 12 pactio et 20 pacium, *em. Jo. Fr. Gronovius* 15 pauca 1 *m.* 23 Vologaesis *Nipperdey* 25 quosque *m. posterior corr. ex* cosque 26 duceretur | eludere *m. posterior corr. ex* cludere | hucque *Lipsius*: huc quoque

tuncque primum illecti Moschi, gens ante alias socia Romanis, avia Armeniae incursavit. ita consilia Tiridati in contrarium vertebant, mittebatque oratores, qui suo Parthorumque nomine expostularent, cur datis nuper obsidibus redintegrataque amicitia, quae novis quoque beneficiis locum aperiret, vetere Armeniae possessione depelleretur. ideo nondum ipsum Vologaesen commotum, quia causa quam vi agere mallent; sin perstaretur in bello, non defore Arsacidis virtutem fortunamque saepius iam clade Romana expertam. ad  
 10 ea Corbulo, satis comperto Vologaesen defectione Hyrcaniae attineri, suadet Tiridati precibus Caesarem aggredi: posse illi regnum stabile et res incruentas contingere, si omissa spe longinqua et sera praesentem potiolemque sequeretur.

38. Placitum dehinc, quia commeantibus in vicem  
 15 tiis nihil in summam pacis proficiebatur, colloquio ipsorum tempus locumque destinari. mille equitum praesidium Tiridates affore sibi dicebat: quantum Corbuloni cuiusque generis militum assisteret, non statuere, dum positis loriceis et galeis in faciem pacis veniretur. cuicumque mortalium, ne  
 20 dum veteri et provido duci, barbarae astutiae patuissent: ideo artum inde numerum finire et hinc maiorem offerri, ut dolus pararetur; nam equiti sagittarum usu exercito si detecta corpora obicerentur, nihil profuturam multitudinem. dissimulato tamen intellectu rectius de iis, quae in publi-  
 25 cum consulerentur, totis exercitibus coram dissertaturos respondit. locumque delegit, cuius pars altera colles erant clementer adsurgentes accipiendis peditum ordinibus, pars in planitiem porrigebatur ad explicandas equitum turmas. dieque pacto prior Corbulo socias cohortes et auxilia regum  
 30 pro cornibus, medio sextam legionem constituit, cui accita per noctem aliis ex castris tria milia tertianorum permiscuerat, una cum aquila, quasi eadem legio spectaretur. Tiridates vergente iam die procul adstitit, unde videri magis

1 tumque *malebat Haupt in Hermae V 28* | Moschi *Ritter: Insochi, cf. tamen JB. XXXVII 262* 2 *incursavere idem*  
 5 nobis, *sed corr. eadem m.* 7 *uologesē* 15 summam *Faërnus: summa* 21 *afferri, em. Agricola*

quam audiri posset. ita sine congressu dux Romanus abscedere militem sua quemque in castra iubet.

39. Rex sive fraudem suspectans, quia plura simul in loca ibatur, sive ut commeatus nostros Pontico mari et Trapezunte oppido adventantes interciperet, propere discedit. 5 sed neque commeatibus vim facere potuit, quia per montes ducebantur praesidiis nostris insessos, et Corbulo, ne irritum bellum traheretur utque Armenios ad sua defendenda cogeret, excindere parat castella, sibi quod validissimum in ea praefectura, cognomento Volandum, sumit; minora Cornelio Flacco legato et Insteio Capitoni castrorum praefecto 10 mandat. tum circumspectis munimentis et quae expugnationi idonea provis, hortatur milites, ut hostem vagum neque paci aut proelio paratum, sed perfidiam et ignaviam fuga confitentem exuerent sedibus gloriaeque pariter et praedae 15 consulerent. tum quadripertito exercitu hos in testudinem conglobatos subruendo vallo inducit, alios scalas moenibus admove, multos tormentis faces et hastas incutere iubet. libritoribus funditoribusque attributus locus, unde eminus glandes torquerent, ne qua pars subsidium laborantibus ferret pari undique metu. tantus inde ardor certantis exercitus fuit, ut intra tertiam diei partem nudati propugnatoribus muri, obices portarum subversi, capta escensu munimenta omnesque puberes trucidati sint, nullo milite amisso, paucis admodum vulneratis. et inbelle vulgus sub corona venundatum, reliqua praeda victoribus cessit. pari fortuna legatus ac praefectus usi sunt, tribusque una die castellis expugnat 20 tis cetera terrore et alia sponte incolarum in deditionem veniebant. unde orta fiducia caput gentis Artaxata aggrediendi. nec tamen proximo itinere ductae legiones, quae si amnem Araxen, qui moenia alluit, ponte transgrederentur, sub ictum dabantur: procul et latioribus vadis transiere.

40. At Tiridates pudore et metu, ne, si concessisset ob-

---

4 sive] si eadem m. corr. ex u, sicut 46, 5 ubi scripsit pro sibi 17 malim ducit 21 metu Lipsius: motu, cf. Wurm in Philol. 25, 101 22 nudatis 29 capti 1 m. capitis corr. 31 araxē 32 tutioribus Cornelissen 33 obsidio malebat Halm

sidioni, nihil opis in ipso videretur, si prohiberet, inpeditis locis seque et equestres copias illigaret, statuit postremo ostendere aciem et dato die proelium incipere vel simulatione fugae locum fraudi parare. igitur repente agmen Romanum circumfundit, non ignaro duce nostro, qui viae pariter et pugnae composuerat exercitum. latere dextro tertia legio, sinistro sexta incedebat, mediis decimanorum delectis; recepta inter ordines impedimenta, et tergum mille equites tuebantur, quibus iusserat, ut instantibus comminus resisterent, refugos non sequerentur. in cornibus pedes sagittarius et cetera manus equitum ibat, productior cornu sinistro per ima collium, ut, si hostis intravisset, fronte simul et sinu exciperetur. adsultare ex diverso Tiridates, non usque ad ictum teli, sed tum minitans, tum specie trepidantis, si laxare ordines et diversos consecrari posset. ubi nihil temeritate solutum, nec amplius quam decurio equitum audentius progressus et sagittis confixus ceteros ad obsequium exemplo firmaverat, propinquis iam tenebris abscessit.

41. Et Corbulo castra in loco metatus, an expeditis legionibus nocte Artaxata pergeret obsidioque circumdaret agitavit, concessisse illuc Tiridaten ratus. dein postquam exploratores attulere longinquum regis iter et Medi an Albani peterentur incertum, lucem opperitur, praemissaque levis armatura, quae muros interim ambiret oppugnationemque eminus inciperet. sed oppidani portis sponte patefactis se suaque Romanis permisere. quod salutem ipsis tulit; Artaxatis ignis inmissus deletaque et solo aequata sunt, quia nec teneri <poterant> sine valido praesidio ob magnitudinem moenium, nec id nobis virium erat, quod firmando praesidio et capessendo bello divideretur, vel si integra et incustodita relinquerentur, nulla in eo utilitas aut gloria, quod capta essent. adicitur miraculum velut numine oblatum: nam cuncta

---

11 productiore, *sed e del. eadem m.* | cornu sinistro *Agri-*  
*cola*: cornus Insinistro 13 ad ictum *Baiter*: addictum, *sed*  
*prius d et librarius ipse et m. posterior del.*; ad iactum *m. post.*  
15 diuerso 1 *m.* 23 leui (praemissa leui *Heinsius*) 26 artaxati  
28 poterant *addidit Halm*



[extra tectis] hactenus sole illustra fuere; quod moenibus cingebatur, repente ita atra nube coopertum fulguribusque discretum est, ut quasi infensantibus deis exitio tradi crederetur.

Ob haec consalutatus imperator Nero, et senatus consulto 5 supplicationes habitae, statuaeque et arcus et continui consulatus principi, utque inter festos referretur dies, quo patrata victoria, quo nuntiata, quo relatum de ea esset, aliaque in eandem formam decernuntur, adeo modum egressa, ut C. Cassius de ceteris honoribus adsensus, si pro benignitate 10 fortunae dis grates agerentur, ne totum quidem annum supplicationibus sufficere disseruerit, eoque oportere dividi sacros et negotiosos dies, quis divina colerent et humana non impedirent.

42. Variis deinde casibus iactatus et multorum odia me- 15 ritus reus, haud tamen sine invidia Senecae damnatur. is fuit Publius Suillius, imperitante Claudio terribilis ac venalis et mutatione temporum non quantum inimici cuperent demissus quique se nocentem videri quam supplicem mallet. eius opprimendi gratia repetitum credebatur senatus consul- 20 tum poenaeque Cinciae legis adversum eos, qui pretio causas oravissent. nec Suillius questu aut exprobratione abstinebat, praeter ferociam animi extrema senecta liber et Senecam increpans infensum amicis Claudii, sub quo iustissimum exilium pertulisset. simul studiis inertibus et iuvenum inperitiae 25 suetum vivere iis, qui vividam et incorruptam eloquentiam tuendis civibus exercerent. se quaestorem Germanici, illum domus eius adulterum fuisse. an gravius aestimandum sponte litigatoris praemium honestae operae assequi quam corrumpere cubacula principum feminarum? qua sapientia, quibus 30

---

1 [extra tectis] hactenus *Nipperdey*: extra tectis actenus, sed h ante actenus add. eadem m. (Artaxatis tenus *Acidalius*, extra tectis tenus *Lipsius*, extra tectis ac portis tenus *Weissenborn*) 2 repente habet cod. ante moenibus, edd. ante atra | fulguribusque, em. *Puteol.*, cf. tamen *Lachm.* ad *Lucr.* VI 170 5 consalutatus; m. *posterior superscr.* consalutatus 28 extimandum, cf. 17, 6 et *Caes. b. g. VII 14* multo illa gravius aestimare

philosophorum praeceptis intra quadriennium regiae amicitiae ter milies sestertium paravisset? Romae testamenta et orbos velut indagine eius capi, Italiam et provincias inmenso faenore hauriri: at sibi labore quaesitam et modicam pecuniam esse. crimen, periculum, omnia potius toleraturum, quam veterem ac domi partam dignationem subitae felicitati submitteret.

43. Nec deerant qui haec isdem verbis aut versa in deterius Senecae deferrent. repertique accusatores direptos socios, cum Suillius provinciam Asiam regeret, ac publicae pecuniae peculatum detulerunt. mox, quia inquisitionem annuam impetraverant, brevius visum urbana crimina incipi, quorum obvii testes erant. ii acerbitate accusationis Q. Pomponium ad necessitatem belli civilis detrusum, Iuliam Drusi filiam Sabinamque Poppaeam ad mortem actas et Valerium Asiaticum, Lusium Saturninum, Cornelium Lupum circumventos, iam equitum Romanorum agmina damnata omnemque Claudii saevitiam Suillio obiectabant. ille nihil ex his sponte susceptum, sed principi paruisse defendebat, donec eam orationem Caesar cohibuit, compertum sibi referens ex commentariis patris sui nullam cuiusquam accusationem ab eo coactam. tum iussa Messalinae praetendi et labare defensio: cur enim neminem alium delectum, qui saevienti impudicae vocem praeberet? puniendos rerum atrocium ministros, ubi pretia scelerum adepti scelera ipsa aliis delegent. igitur adempta bonorum parte (nam filio et nepti pars concedebatur eximebanturque etiam quae testamento matris aut aviae acceperant) in insulas Baleares pellitur, non in ipso discrimine, non post damnationem fractus animo; ferebaturque copiosa et molli vita secretum illud toleravisse. filium eius Nerullinum aggressis accusatoribus per invidiam

---

6 ac domi *Jac. Gronovius*: acdō (agendo *Döderlein*, ac sudore *Novák*) 7 submittere, *em. Lipsius* 12 visum *Ernesti*: uisum sub 13 QV. 22 protendi 23 aviae *Freinsheim*: auia, sed a in fine huius vocabuli nescio deleveritne eadem m. an in e mutaverit | insulā

patris et crimina repetundarum, intercessit princeps tamquam satis expleta ultione.

44. Per idem tempus Octavius Sagitta plebei tribunus, Pontiae mulieris nuptae amore vaecors, ingentibus donis adulterium et mox, ut omitteret maritum, emercatur, suum 5 matrimonium promittens ac nuptias eius pactus. sed ubi mulier vacua fuit, nectere moras, adversam patris voluntatem causari repertaque spe ditioris coniugis promissa exuere. Octavius contra modo conqueri, modo minitari, famam perditam, pecuniam exhaustam obtestans, denique salutem, quae 10 sola reliqua esset, arbitrio eius permittens. ac postquam spernebatur, noctem unam ad solacium poscit, qua delenitus modum in posterum adhiberet. statuitur nox, et Pontia consciae ancillae custodiam cubiculi mandat. ille uno cum liberto ferrum veste occultum infert. tum, ut adsolet in amore 15 et ira, iurgia preces, exprobratio satisfactio, et pars tenebrarum libidini seposita; ea quasi incensus nihil metuentem ferro transverberat et accurrentem ancillam vulnere absterret cubiculoque prorumpit. postera die manifesta caedes, haud ambiguus percussor; quippe mansitasse una convinc- 20 batur. sed libertus suum illud facinus profiteri, se patroni iniurias ultum esse. commoveratque quosdam magnitudine exempli, donec ancilla ex vulnere refecta verum aperuit. postulatusque apud consules a patre interfectae, postquam tribunatu abierat, sententia patrum et lege de sicariis con- 25 demnatur.

45. Non minus insignis eo anno inpudicitia magnorum rei publicae malorum initium fecit. erat in civitate Sabina Poppaea, T. Ollio patre genita, sed nomen avi materni sum- pserat, illustri memoria Poppaei Sabini consularis et trium- 30 phali decore praefulgentis; nam Ollium honoribus nondum functum amicitia Seiani pervertit. huic mulieri cuncta alia

---

18 in postremum 17 libidine, *em. Rhenanus* | ea quasi incensus *Novák*: et quastim census (ex qua incensus *Bekker*, et quasi inc. *Jac. Gronovius*, ex qua quasi incensus *Halm*) 21 se corr. *ex* sed *m. post.* 22 isse *Wölfflin* 23 verum: *litteras* *er scr. m. posterior in rasura* 30 triumphalis, *em. Puteolanus*

fuere praeter honestum animum. quippe mater eius, aetatis  
 suae feminas pulchritudine supergressa, gloriam pariter et  
 formam dederat; opes claritudini generis sufficiebant; sermo  
 comis nec absurdum ingenium. modestiam praeferre et la-  
 scivia uti; rarus in publicum egressus, idque velata parte  
 oris, ne satiaaret aspectum, vel quia sic decebat: famae num-  
 quam pepercit, maritos et adulteros non distinguens; neque  
 affectui suo aut alieno obnoxia, unde utilitas ostenderetur,  
 illuc libidinem transferebat. igitur agentem eam in matri-  
 monio Rufri Crispini equitis Romani, ex quo filium genuer-  
 rat, Otho pellexit iuventa ac luxu et quia flagrantissimus in  
 amicitia Neronis habebatur. nec mora quin adulterio matri-  
 monium iungeretur.

46. Otho sive amore incautus laudare formam elegantiam-  
 15 que uxoris apud principem, sive ut accenderet ac, si eadem  
 femina potirentur, id quoque vinculum potentiam ei adiceret.  
 saepe auditus est consurgens e convivio Caesaris seque ire  
 ad illam, sibi concessam dictitans nobilitatem pulchritudinem,  
 vota omnium et gaudia felicium. his atque talibus irritamen-  
 20 tis non longa cunctatio interponitur, sed accepto aditu Pop-  
 paea primum per blandimenta et artes valescere, imparem  
 cupidini et forma Neronis captam simulans; mox acri iam  
 principis amore ad superbiam vertens, si ultra unam alte-  
 ramque noctem attineretur, nuptam esse se dictitans, nec  
 25 posse matrimonium amittere, devinctam Othoni per genus  
 vitae, quod nemo adaequaret: illum animo et cultu magni-  
 ficum; ibi se summa fortuna digna visere: at Neronem, pae-  
 lice ancilla et adsuetudine Actes devinctum, nihil e contu-  
 bernio servili nisi abiectum et sordidum traxisse. deicitur  
 30 familiaritate sueta, post congressu et comitatu Otho, et ad

---

7 distinguens neque adfectui . . obnoxia: unde alii inter-  
 punpunt 10 rufri corr. eadem m. ex rufi | Crispini Lipsius:  
 crispini 16 ea diceret, sed inter e et a superscr. i eadem m.  
 17 cum surgens . . dictitaret Ernesti | se quidem Weissenborn;  
 sese Nipperdey 18 sibi ed. Froben.: ubi, cf. 39, 2 22 cupi-  
 dini: s add. m. posterior 25 omittit Agricola 27 pelicē  
 ancillā et adsuetudinē (per p. a. et adsuetudinem Weissenborn)

postremum, ne in urbe aemulatus ageret, provinciae Lusitaniae praeficitur; ubi usque ad civilia arma non ex priore infamia, sed integre sancteque egit, <sup>plebs lovatar</sup> prociat otii et potestatis temperantior.

47. Hactenus Nero flagitiis et sceleribus velamenta quae- 5  
sivit. suspectabat maxime Cornelium Sullam, socors ingenium eius in contrarium trahens callidumque et simulatorem interpretando. quem metum Graptus ex libertis Caesaris, usu et senecta Tiberio abusque domum principum edoctus, tali mendacio intendit. pons Mulvius in eo tempore celebris 10  
nocturnis inlecebris erat; ventitabatque illuc Nero, quo solutius urbem extra lasciviret. igitur regredienti per viam Flaminiam compositas insidias fatoque evitatas, quoniam diverso itinere Sallustianos in hortos remeaverit, auctoremque eius doli Sullam ementitur, quia forte redeuntibus ministris 15  
principis quidam per juvenilem licentiam, quae tunc passim exercebatur, inanem metum fecerant. neque servorum ququam neque clientium Sullae adgnitus, maximeque despecta et nullius ausi capax natura eius a crimine abhorrebat: proinde tamen, quasi convictus esset, cedere patria et Massi- 20  
liensium moenibus coërceri iubetur.

48. Isdem consulibus auditae Puteolanorum legationes, quas diversas ordo plebs ad senatum miserant, illi vim multitudinis, hi magistratuum et primi cuiusque avaritiam increpantes. eaque seditio ad saxa et minas ignium progressa ne 25  
caedem et arma proliceret, C. Cassius adhibendo remedio delectus. quia severitatem eius non tolerabant, precante ipso ad Scribonios fratres ea cura transfertur, data cohorte praetoria, cuius terrore et paucorum supplicio rediit oppidanis concordia.

30

---

1 aemulus *Grotius* 3 otio *Ritter* 5 Hactenus *corr. eadem m. ex Actenus, cf. 41, 14* 9 abusque *Lipsius: auo usque | principum corr. eadem m. ex principis, ut vid.* 11 uentabatque | solitius (i post l *corr. eadem m. ex o*) 13 flammineam, *em. Puteol.* | fato quieuit atas (fatoque vitatas *Novák*) 16 Iuenalementem cum rasura: *videtur fuisse Iuenalementem* 19 perinde *al.* 23 plebsque *m. post.* 25 ne caedem *Nipperdey: necem*

49. Non referrem vulgarissimum senatus consultum, quo civitati Syracusanorum egredi numerum edendis gladiatoribus finitum permittebatur, nisi Paetus Thrasea contra dixisset praebuissetque materiem obtrektoribus arguendae sententiae. cur enim, si rem publicam egere libertate senatoria crederet, tam levia consecraretur? quin de bello aut pace, de vectigalibus et legibus, quibusque aliis <res> Romana contineretur, suaderet dissuaderetve? licere patribus, quotiens ius dicendae sententiae accepissent, quae vellent  
 10 expromere relationemque in ea postulare. an solum emendatione dignum, ne Syracusis spectacula largius ederentur: cetera per omnes imperii partes perinde egregia, quam si non Nero, sed Thrasea regimen eorum teneret? quod si summa dissimulatione transmitterentur, quanto magis inani-  
 15 bus abstinendum! Thrasea contra, rationem poscentibus amicis, non praesentium ignarum respondebat eius modi consulta corrigere, sed patrum honori dare, ut manifestum fieret magnarum rerum curam non dissimulatu-  
 20 ros, qui animum etiam levissimis adverterent.

50. Eodem anno crebris populi flagitationibus, immodestiam publicanorum arguentis, dubitavit Nero, an cuncta vectigalia omitti iuberet idque pulcherrimum donum generi mortali-  
 25 um daret. sed impetum eius, multum prius laudata magnitudine animi, attinuere seniores, dissolutionem imperii docendo, si fructus, quibus res publica sustineretur, deminuerentur: quippe sublatis portoriis sequens, ut tributorum abolitio expostularetur. plerasque vectigalium societates a consulibus et tribunis plebis constitutas acri etiam  
 30 tum populi Romani libertate; reliqua mox ita provisa, ut ratio quaestuum et necessitas erogationum inter se congruerent.

---

1 vulgarissimum, *em. Haase coll. XVI 22* 7 res *add.*  
*Lipsius* 8 contineretur *det.*: continentur (continentur *Lipsius*,  
 res Romanae continentur *Ritter*) | suadere dissuadereue, *em.*  
*Lipsius* 20 flagitionibus 1 *m.* | immodestia 22 remitti *coni.*  
*Pichena* 24 seniores *Lipsius*: senatores 28 plebei *Ritter*  
 29 tum populi R. *Muretus*: p. R. tum 30 congruerent *al.*:  
 congruere (congrueret *Halm*)

temperandas plane publicanorum cupidines, ne per tot annos sine querela tolerata novis acerbitatibus ad invidiam verterent.

51. Ergo edixit princeps, ut leges cuiusque publici, occultae ad id tempus, proscriberentur; omissas petitiones non ultra annum resumerent; Romae praetor, per provincias qui pro praetore aut consule essent iura adversus publicanos extra ordinem redderent; militibus immunitas servaretur, nisi in iis, quae veno exercerent; aliaque admodum aequa, quae brevi servata, dein frustra habita sunt. manet tamen abolitio quadragesimae quinquagesimaeque et quae alia exactionibus illicitis nomina publicani invenerant. temperata apud transmarinas provincias frumenti subvectio, et ne censibus negotiatorum naves ascriberentur tributumque pro illis penderent, constitutum. 15

52. Reos ex provincia Africa, qui proconsulare imperium illic habuerant, Sulpicium Camerinum et Pompeium Silvanum absolvit Caesar, Camerinum adversus privatos et paucos, saevitiae magis quam captarum pecuniarum crimina obicientes. Silvanum magna vis accusatorum circumsteterat poscebatque tempus evocandorum testium; reus ilico defendi postulabat. valuitque pecuniosa orbitate et senecta, quam ultra vitam eorum produxit, quorum ambitu evaserat. 20

53. Quietae ad id tempus res in Germania fuerant, ingenio ducum, qui pervulgatis triumphi insignibus maius ex eo decus sperabant, si pacem continuavissent. Paulinus Pompeius et L. Vetus ea tempestate exercitui praeerant. ne tamen segnem militem attinerent, ille inchoatum ante tres et sexaginta annos a Druso aggerem coërcendo Rheno absolvit, Vetus Mosellam atque <Ararim> facta inter utrumque fossa 25 30

---

4 publicis, *sed s del. eadem m.* 9 his 11 quadringentesimae, *em. Puteol.* | exactionibus, *em. Rhenanus* 14 tributumve *Wurm* 17 habuerunt, *em. Rhenanus* | supplicium camelinum, *sed in marg. ri eadem m.* | Pompeium *Lipsius: pomponium* 21 poscebantque *Halm* 24 res *corr. eadem m. ex Inex* 25 pervulgati, *em. Puteolanus* 30 Ararim *add. idem*

conectere parabat, ut copiae per mare, dein Rhodano et Arare subvectae per eam fossam, mox fluvio Mosella in Rhenum, exin Oceanum decurrerent, sublatisque itineris difficultatibus navigabilia inter se Occidentis Septentrionisque litora fierent. invidit operi Aelius Gracilis Belgicae legatus, deterrendo Veterem, ne legiones alienae provinciae inferret studiaque Galliarum affectaret, formidolosum id imperatori dictitans, quo plerumque prohibentur conatus honesti.

54. Ceterum continuo exercituum otio fama incessit ereptum ius legis ducendi in hostem. eoque Frisii iuventutem saltibus aut paludibus, inbellem aetatem per lacus admovere ripae agrosque vacuos et militum usui sepositos insedere, auctore Verrito et Malorige, qui nationem eam regebant, in quantum Germani regnantur. iamque fixerant domos, semina arvis intulerant utque patrium solum exercebant, cum Dubius Avitus, accepta a Paulino provincia, minitando vim Romanam, nisi abscederent Frisii veteres in locos aut novam sedem a Caesare inpetrarent, perpulit Verritum et Malorigem preces suscipere. profectique Romam dum aliis curis intentum Neronem opperiuntur, inter ea, quae barbaris ostentantur, intravere Pompei theatrum, quo magnitudinem populi viserent. illic per otium (neque enim ludicris ignari oblectabantur) dum consessum caveae, discrimina ordinum, quis eques, ubi senatus, percunctantur, advertere quosdam cultu externo in sedibus senatorum: et quinam forent rogantes, postquam audiverant earum gentium legis id honoris datum, quae virtute et amicitia Romana praecellerent, nullos mortalium armis aut fide ante Germanos esse exclamant degrediunturque et inter patres considunt. quod comiter a visentibus exceptum, quasi impetus antiqui et bona aemulatione. Nero civitate Romana ambos donavit, Frisios decedere agris iussit. atque illis aspernantibus auxiliaris

1 rodano 3 itineris: s del. eadem m., ut vid. De dativo cf. XV 29, 13 7 studiaque *Rhenanus*: natudiaque 13 malorie (1 m.) quia 17 [Frisii] *Acidalius* 18 mallorigem 19 profecitque 26 legum (um in rasura) id 29 partes 31 aemulatio *Rhenanus*



eques repente immissus necessitatem attulit, captis caesisque qui pervicacius restiterant.

55. Eosdem agros Ampsivarii occupavere, validior gens non modo sua copia, sed adiacentium populorum miseratione, quia pulsi a Chaucis et sedis inopes tutum exilium orabant. 5 aderatque iis clarus per illas gentes et nobis quoque fidus nomine Boiocalus, vinctum se rebellione Cherusca iussu Arminii referens, mox Tiberio, Germanico ducibus stipendia meruisse, et quinquaginta annorum obsequio id quoque adiungere, quod gentem suam dicioni nostrae subiceret. quo- 10 tam partem campi iacere, in quam pecora et armenta militum aliquando transmitterentur! servarent sane receptus gregibus inter hominum famem, modo ne vastitatem et solitudinem mallent quam amicos populos. Chamavorum quondam ea arva, mox Tubantum et post Usiporum fuisse. sicuti 15 caelum deis, ita terras generi mortalium datas; quaeque vacuae, eas publicas esse. solem inde suspiciens et cetera sidera vocans quasi coram interrogabat, vellente contueri inane solum: potius mare superfunderent adversus terrarum ereptores. 20

56. Et commotus his Avitus: patienda meliorum imperia, id dis, quos inplorarent, placitum, ut arbitrium penes Romanos maneret, quid darent quid adimerent, neque alios iudices quam se ipsos paterentur. haec in publicum Ampsivariis respondit, ipsi Boiocalo ob memoriam amicitiae dat- 25 urum agros. quod ille ut prodicionis pretium aspernatus addidit 'deesse nobis terra ubi vivamus, in qua moriamur, non potest.' atque ita infensis utrimque animis discessum. illi Bructeros, Tencteros, posteriores etiam nationes socias bello vocabant; Avitus scripto ad Curtulium Manciam supe- 30

6 his 7 boiocalus, corr. eadem m. 8 et Germanico al., ac G. Ritter 10 quo tantam Lipsius (nihil mutandum esse docuit Joh. Müller) 12 receptos . . famam, em. Agricola 17 suspiciens Heinsius: despiciens cf. Germ. 10 et mea In Tac. Hist. stud. crit. II p. 14 n. 1 18 velletne 19 superfundere (velletne . . superfunderet Ritter) 21 et] nec Lipsius (immutus A. Weidner) 22 id] ait Lipsius, ait id Ritter, ita Wurm 27 terra ubi vivamus Sillig: terram viuam (terra in vitam Jac. Gronovius)

- rioris exercitus legatum, ut Rhenum transgressus arma a tergo ostenderet, ipse legiones in agrum Tencterum induxit, excidium minitans, ni causam suam dissociarent. igitur absistentibus his pari metu exterriti Bructeri; et ceteris quoque aliena pericula deserentibus sola Ampsivariorum gens retro ad Usipos et Tubantes concessit. quorum terris exacti cum Chattos, dein Cheruscos petissent, errore longo hospites, egeni, hostes in alieno quod iuventutis erat caeduntur, inbellis aetas in praedam divisa est.
- 10 57. Eadem aestate inter Hermundurios Chattosque certatum magno proelio, dum flumen gignendo sale fecundum et conterminum vi trahunt, super libidinem cuncta armis agendi religione insita, eos maxime locos propinquare caelo precesque mortalium a deis nusquam propius audiri. inde 15 indulgentia numinum illo in amne illisque silvis salem provenire, non ut alias apud gentes eluvie maris arescente unda, sed super ardentem arborum struem fusa ex contrariis inter se elementis, igne atque aquis, concretum. sed bellum Hermunduris prosperum, Chattis exitiosius fuit, quia victores 20 diversam aciem Marti ac Mercurio sacravere, quo voto equi viri, cuncta viva occidioni dantur. et minae quidem hostiles in ipsos vertebant. sed civitas Ubiorum socia nobis malo inproviso afflicta est. nam ignes terra editi villas arva vicos passim corripiebant ferebanturque in ipsa conditae nuper 25 coloniae moenia. neque extinguere poterant, non si imbres caderent, non fluvialibus aquis aut quo alio humore, donec inopia remedii et ira cladis agrestes quidam eminus saxa iacere, dein resistentibus flammis propius suppressi ictu fu-

---

2 Tencterum *Beroaldus*: tenerum 4 assistentibus, *em. Rhenanus* 5 deserentibus *idem*: defendentibus (*an locus ita supplendus est*: ceteris quoque <sua potius quam> aliena pericula defendentibus?) 8 In alio | erant 11 sali *Nipperdey* 12 libidine, *em. Rhenanus* 15 salem *Puteolanus*: item 16 arescente, sed unda super *Acidalius* 17 arentem, *em. Rhenanus* 18 alimentis | concreta, *em. Lipsius* 21 viva *Danesius*: uicta 22 Ubiorum *Heinsius*: uibonum 26 non *Pichena*: non si 27 remedii *corr. eadem m. ex remedio* | agrestis 28 iacere *corr. eadem m. ex iecere* | resistentibus *al.*

stium aliisque verberibus ut feras absterrebant. postremo tegmina corpori derepta iniciunt, quanto magis profana et usu polluta, tanto magis oppressura ignes.

58. Eodem anno Ruminalem arborem in comitio, quae octingentos et triginta ante annos Remi Romulique infantiam 5 texerat, mortuis ramalibus et arescente trunco deminutam prodigii loco habitum est, donec in novos fetus revivisceret.

---

2 direpta, *em. Agricola* | magis post quanto *del. Acidalius ex vulgari Taciti usu* 5 septingentos | triginta *Lipsius: quadraginta* (atque triginta *Heinsius*) 7 abditum, *sed corr. eadem m.* | revivisceret (*reviresceret Pichena*). — Explicit Cornelii taciti Liber Tertius decimus Incip XIII.

# CORNELII TACITI

## AB EXCESSU DIVI AUGUSTI

### LIBER XIV

1. Gaio Vipstano <C.> Fonteio consulibus diu meditatū  
5 scelus non ultra Nero distulit, vetustate imperii coalita au-  
dacia et flagrantior in dies amore Poppaeae, quae sibi ma-  
trimonium et discidium Octaviae intolūmi Agrippina haud  
sperans crebris criminationibus, aliquando per facetias incu-  
sare principem et pupillum vocare, qui iussis alienis obnoxius  
10 non modo imperii, sed libertatis etiam indigeret. cur enim  
differri nuptias suas? formam scilicet displicere et trium-  
phales avos. an fecunditatem et verum animum? timeri ne  
uxor saltem iniurias patrum, iram populi adversus super-  
biam avaritiamque matris aperiat. quod si nurum Agrippina  
15 non nisi filio infestam ferre posset, redderetur ipsa Othonis  
coniugio: ituram quoquo terrarum, ubi audiret potius con-  
tumelias imperatoris quam viseret periculis eius inmixta.  
haec atque talia lacrimis et arte adulterae penetrantia nemo  
prohibebat, cupientibus cunctis infringi potentiam matris et  
20 credente nullo usque ad caedem eius duratura filii odia.

2. Tradit Cluvius ardore retinendae Agrippinam poten-  
tiae eo usque provectam, ut medio diei, cum id temporis  
Nero per vinum et epulas incalesceret, offerret <se> saepius  
temulento comptam et incesto paratam; iamque lasciva os-  
cula et praenuntias flagitii blanditias adnotantibus proximis,  
25 Senecam contra muliebres inlecebras subsidium a femina

---

4 Vipstano *Ursinus*: uipsano | C. *add. Ritter* 8 incusaret  
... vocaret, *sed in* incusaret *eadem m. t. delevit (verum vidit*  
*Lipsius)* 15 redderetur *Acidalius*: redditur 23 offerre saepius  
25 flagitiis, *em. Rhenanus*

petivisse, inmissamque Acten libertam, quae simul suo periculo et infamia Neronis anxia deferret pervulgatum esse incestum gloriantem matre, nec toleraturos milites profani principis imperium. Fabius Rusticus non Agrippinae, sed Neroni cupitum id memorat eiusdemque libertae astu disiectum. 5 sed quae Cluvius, eadem ceteri quoque auctores prodidere, et fama huc inclinat, seu concepit animo tantum inmanitatis Agrippina, seu credibilior novae libidinis meditatio in ea visa est, quae puellaribus annis stuprum cum (M.) Lepido spe dominationis admiserat, pari cupidine usque ad libita Pallan- 10 tis provoluta et exercita ad omne flagitium patrum nuptiis.

3. Igitur Nero vitare secretos eius congressus, abscedentem in hortos aut Tusculanum vel Antiatem in agrum laudare, quod otium capesseret; postremo, ubicumque haberetur, praegravem ratus interficere constituit, hactenus consultans, 15 veneno an ferro vel qua alia vi. placuitque primo venenum. sed inter epulas principis si daretur, referri ad casum non poterat tali iam Britannici exitio; et ministros temptare arduum videbatur mulieris usu scelerum adversus insidias intentae; atque ipsa praesumendo remedia munierat corpus. 20 ferrum et caedes quoniam modo occultaretur, nemo reperiebat; et ne quis illi tanto facinori delectus iussa sperneret metuebat. optulit ingenium Anicetus libertus, classi apud Misenum praefectus et pueritiae Neronis educator ac mutuis odiis Agrippinae invisus. ergo navem posse componi docet, 25 cuius pars ipso in mari per artem soluta effunderet ignaram: nihil tam capax fortuitorum quam mare; et si naufragio intercepta sit, quem adeo iniquum, ut sceleri adsignet, quod venti et fluctus deliquerint? additurum principem defunctae templum et aras et cetera ostentandae pietati. 30

4. Placuit sollertia, tempore etiam iuta, quando Quinquatrum festos dies apud Baias frequentabat. illuc matrem elicit, ferendas parentum iracundias et placandum animum

9 M. add. *Nipperdey* 14 capesseret *Heinsius*: lacesseret  
15 praegraue, *em. Puteolanus* 22 illi *idem*: illo 23 metuebant,  
*sed n del. eadem m.* 31 quinquatrum: u post r. m. post. mu-  
tavit in i

dictitans, quo rumorem reconciliationis efficeret acciperet-  
 que Agrippina, facili seminarum credulitate ad gaudia. ve-  
 nientem dehinc obuius in litora (nam Antio adventabat) ex-  
 cepit manu et complexu ducitque Baulos. id villae nomen  
 5 est, quae promunturium Misenum inter et Baianum lacum  
 flexo mari alluitur. stabat inter alias navis ornatio, tam-  
 quam id quoque honori matris daretur: quippe sueverat tri-  
 remi et classiariorum remigio vehi. ac tum invitata ad epu-  
 las erat, ut occultando facinori nox adhiberetur. satis con-  
 10 stitit extitisse proditorem, et Agrippinam auditis insidiis, an  
 crederet ambiguam, gestamine sellae Baias pervectam. ibi  
 blandimentum sublevavit metum: comiter excepta superque  
 ipsum collocata. iam pluribus sermonibus, modo familiari-  
 tate iuvenili Nero et rursus adductus, quasi seria consocia-  
 15 ret, tracto in longum convictu, prosequitur abeuntem, artius  
 oculis et pectori haerens, sive explenda simulatione, seu per-  
 iturae matris supremus aspectus quamvis ferum animum  
 retinebat.

5. Noctem sideribus illustrem et placido mari quietam  
 20 quasi convincendum ad scelus dii praebuere. nec multum  
 erat progressa navis, duobus e numero familiarium Agrip-  
 pinam comitantibus, ex quis Crepereius Gallus haud procul  
 gubernaculis astabat, Acerronia super pedes cubitantis re-  
 clinis paenitentiam filii et recuperatam matris gratiam per  
 25 gaudium memorabat, cum dato signo ruere tectum loci multo  
 plumbo grave, pressusque Crepereius et statim exanimatus  
 est. Agrippina et Acerronia eminentibus lecti parietibus ac  
 forte validioribus, quam ut oneri cederent, protectae sunt. nec  
 dissolutio navigii sequebatur, turbatis omnibus et quod pleri-  
 30 que ignari etiam conscios impediabant. visum dehinc remi-  
 gibus unum in latus inclinare atque ita navem submergere;

---

3 in litore *Pichena* 7 matris *ed. Froben. et Lipsius*: matri  
 (honoris matri *Jac. Gronovius*) 11 Baias *Puteolanus*: baulos  
 12 blandimento *Agricola* 13 iam *Heinsius*: nam 16 pectore  
*Francken coll. Verg. Aen. I 717* | explendae simulationi *Lipsius* |  
 peturae 1 m. 24 matri *Faërnus* 28 quam ut *Pichena*:  
 quamuis

sed neque ipsis promptus in rem subitam consensus, et alii contra nitentes dedere facultatem lenioris in mare iactus. verum Acerronia, imprudentia dum se Agrippinam esse utque subveniretur matri principis clamat, contis et remis et quae fors optulerat navalibus telis conficitur. Agrippina 5 silens eoque minus agnita (unum tamen vulnus umero excepit) nando, deinde occursu lenunculorum Lucrinum in lacum vecta villae suae infertur.

6. Illic reputans ideo se fallacibus litteris accitam et honore praecipuo habitam, quodque litus iuxta, non ventis acta, 10 non saxis impulsa navis summa sui parte veluti terrestre machinamentum concidisset, observans etiam Acerroniae necem, simul suum vulnus aspiciens: solum insidiarum remedium esse, si non intellegerentur; misitque libertum Agermum, qui nuntiaret filio benignitate deum et fortuna eius 15 evasisse gravem casum; orare ut quamvis periculo matris exterritus visendi curam differret; sibi ad praesens quiete opus. atque interim securitate simulata medicamina vulneri et fomenta corpori adhibet; testamentum Acerroniae requiri bonaque obsignari iubet, id tantum non per simulationem. 20

7. At Neroni nuntios patrati facinoris opperienti affertur evasisse ictu levi sauciam et hactenus adito discrimine, <ne> auctor dubitaretur. tum pavore exanimis et iam iamque affore obtestans vindictae properam, sive servitia armaret vel militem accenderet, sive ad senatum et populum pervaderet, 25 naufragium et vulnus et interfectos amicos obiciendo: quod contra subsidium sibi? nisi quid Burrus et Seneca; quos statim acciverat, incertum, experiens an et ante gnaros. igitur longum utriusque silentium, ne irriti dissuaderent, an

6 excepit. nando vulgo, rectius interpunxit Wurm in Philol. 9, 103 14 esse sensit, si Bezenberger 16 evasisse se Heinsius 17 curam: in perperam del. eadem m. 22 discrimine auctor dubitaret 27 post Seneca est in Med. expurgens, cuius loco scripsit Pichenae amicus expedirent, transposuit in experiens correctum Wölfflin post incertum; plane certa loci emendatio nondum inventa est 28 gnaros quidam in margine Gryphianae: ignaros (an ante ignaros Ernesti, incertum an aperiens et anti-ignaros Nipperdey)

eo descensum credebant, <ut>, nisi praeveniretur Agrippina, pereundum Neroni esset. post Seneca hactenus promptius, <ut> respiceret Burrum ac sciscitaretur, an militi imperanda caedes esset. ille praetorianos toti Caesarum domui obstrictos memoresque Germanici nihil adversus progeniem eius atrox ausuros respondit; perpetraret Anicetus promissa. qui nihil cunctatus poscit summam sceleris. ad eam vocem Nero illo sibi die dari imperium auctoremque tanti muneris libertum proficitur: iret propere duceretque promptissimos ad iussa. ipse audito venisse missu Agrippinae nuntium Agerrimum, scaenam ultro criminis parat, gladiumque, dum mandata perfert, abicit inter pedes eius, tum quasi deprehenso vincla inici iubet, ut exitium principis molitam matrem et pudore deprehensi sceleris sponte mortem sumpsisse con-  
fingetur.

8. Interim vulgato Agrippinae periculo, quasi casu evenisset, ut quisque acceperat, decurrere ad litus. hi molium obiectus, hi proximas scaphas scandere; alii, quantum corpus sinebat, vadere in mare; quidam manus protendere; questibus votis clamore diversa rogitantium aut incerta respondentium omnis ora compleri; adfluere ingens multitudo cum luminibus, atque ubi incolumem esse pernotuit, ut ad gratandum sese expedire, donec aspectu armati et minitantis agminis delecti sunt. Anicetus villam statione circum-  
dat refractaque ianua obvios servorum abripit, donec ad fores cubiculi veniret; cui pauci adstabant, ceteris terrore inrumpentium exterritis. cubiculo modicum lumen inerat et ancillarum una, magis ac magis anxia Agrippina, quod nemo a filio ac ne Agerrimus quidem: aliam fore laetae rei faciem; nunc solitudinem ac repentinos strepitus et extremi mali in-

---

1 ut om.    2 prompsit *C. Heraeus*    3 ut add. *Döderlein*  
ac sciscitaretur (quasi sciscitaretur *Halm*)    7 summa 1 m.  
8 illo sibi die *m. post.*: illos inbidie (*littera b in u mutata*)  
10 agerrimum    13 exitum    20 votis *Rhenanus*: uocis    22 [ut]  
*Urlichs*    24 disiecti alii    25 retractaque    29 laetae rei *Bessenberger*: lataeret, sed litterae a post l eadem m. superpos. e  
30 repentino *Acidalius*



dicia. abeunte dehinc ancilla 'tu quoque me deseris?' prolocuta respicit Anicetum, trierarcho Herculeio et Obarito centurione classario comitatum: ac, si ad visendum venisset, refotam nuntiaret, sin facinus patraturus, nihil se de filio credere; non imperatum parricidium. circumstant lectum percussores et prior trierarchus fusti caput eius adflixit. iam in mortem centurioni ferrum destringenti protendens uterum 'ventrem feri' exclamavit multisque vulneribus confecta est.

9. Haec consensu produntur. aspexeritne matrem exanimem Nero et formam corporis eius laudaverit, sunt qui traderint, sunt qui abnuant. cremata est nocte eadem convivali lecto et exequiis vilibus; neque, dum Nero rerum potiebatur, congesta aut clausa humus. mox domesticorum cura levem tumulum accepit, viam Miseni propter et villam Caesaris dictatoris, quae subiectos sinus editissima prospectat. accenso rogo libertus eius cognomento Mnester <se> ipse ferro transegit, incertum caritate in patronam an metu exitii. hunc sui finem multos ante annos crediderat Agrippina contempseratque. nam consulenti super Nerone responderunt Chaldaei fore ut imperaret matremque occideret; atque illa 'occidat' inquit, 'dum imperet.'

10. Sed a Caesare perfecto demum scelere magnitudo eius intellecta est. reliquo noctis modo per silentium defixus, saepius pavore exurgens et mentis inops lucem opperiebatur tamquam exitium allaturam. atque eum auctore Burro prima centurionum tribunorumque adlatio ad spem firmavit, prensantium manum gratantiumque, quod discrimen inprovisum et matris facinus evasisset. amici dehinc adire templa, et coepto exemplo proxima Campaniae municipia victimis et legationibus laetitiam testari. ipse diversa simu-

---

7 iam in mortem *Faërnus*: nam morte 14 humus *ead. m.*  
mutavit in humo. *Scribendumne igitur neque . . . humo mox?*  
*Similiter mox positum est IV 53, 3. VI 34, 10. H. II 101, 5.*  
17 se hic *add. Nipperdey*, post ipse *Ernesti* 20 responderant  
*Haase* 21 ad quae illa *Heinsius* 28 prensantium *Ernesti*  
pressantium

latione maestus et quasi incolumitati suae infensus ac morti parentis illacrimans, quia tamen non, ut hominum vultus, ita locorum facies mutantur, obversabaturque maris illius et litorum gravis aspectus (et erant qui crederent sonitum tubae  
 5 collibus circum editis planctusque tumulo matris audiri), Neapolim concessit litterasque ad senatum misit, quarum summa erat repertum cum ferro percussorem Agermum, ex intimis Agrippinae libertis, et luisse eam poenam conscientia, quasi scelus paravisset.

10 11. Adiciebat crimina longius repetita, quod consortium imperii iuraturasque in feminae verba praetorias cohortes idemque dedecus senatus et populi speravisset, ac postquam frustra habita sit, infensa militi patribusque et plebi dissuasisset donativum et congiarium periculaque viris illustri-  
 15 bus struxisset. quanto suo labore perpetratum, ne irrumperet curiam, ne gentibus externis responsa daret! temporum quoque Claudianorum obliqua insectatione cuncta eius dominationis flagitia in matrem transtulit, publica fortuna extinctam referens. namque et naufragium narrabat: quod  
 20 fortuitum fuisse, quis adeo hebes inveniretur, ut crederet? aut a muliere naufraga missum cum telo unum, qui cohortes et classes imperatoris perfringeret? ergo non iam Nero, cuius inmanitas omnium questus anteibat, sed Seneca adverso rumore erat, quod oratione tali confessionem scrip-  
 25 sisset.

12. Miro tamen certamine procerum decernuntur supplicationes apud omnia pulvinaria, utque Quinquatrus, quibus apertae insidiae essent, ludis annuis celebrarentur, aureum Minervae simulacrum in curia et iuxta principis imago sta-  
 30 tuerentur, dies natalis Agrippinae inter nefastos esset. Thraesae Paetus silentio vel brevi adsensu priores adulationes

---

1 morti *Lipsius*: morte    5 e tumulo *Orelli*    9 quasi (i. e. quod) *Halm*: qua (tamquam *idem Halm*)    10 adiciebant  
 13 habita *Muretus*: ablata, cf. XIII 37 et 51    15 struxisset  
*Ritter*: Instruxisset    17 obliqua *Agricola*: oblita    20 fuisset,  
*em. Rhenanus*    28 celebraretur

transmittere solitus exiit tum senatu, ac sibi causam periculi fecit, ceteris libertatis initium non prae-buit. prodigia quoque crebra et irrita intercessere: anguem enixa mulier, et alia in concubitu mariti fulmine exanimata; iam sol repente obscuratus et tactae de caelo quattuordecim urbis regiones. quae adeo sine cura deum eveniebant, ut multos post annos Nero imperium et scelera continuaverit. ceterum quo gravaret invidiam matris eaque demota auctam lenitatem suam testificaretur, feminas illustres Iuniam et Calpurniam, praetura functos Valerium Capitonem et Licinium Gabolum sedibus patriis reddidit, ab Agrippina olim pulsos. etiam Lolliae Paulinae cineres reportari sepulcrumque extrui permisit; quosque ipse nuper relegaverat, Iturium et Calvisium poena exolvit. nam Silana fato functa erat, longinquo ab exilio Tarentum regressa labante iam Agrippina, cuius inimicitias conciderat, vel mitigata.

13. Cunctari tamen in oppidis Campaniae, quonam modo urbem ingrederetur, an obsequium senatus, an studia plebis reperiret anxius: contra deterrimus quisque, quorum non alia regia secundior extitit, invisum Agrippinae nomen et morte eius accensum populi favorem disserunt: iret intrepidus et venerationem sui coram experiretur; simul praegredi exposcunt. et promptiora quam promiserant inveniunt, obvias tribus, festo cultu senatum, coniugum ac liberorum agmina per sexum et aetatem disposita, extructos, quae incederet, spectaculorum gradus, quo modo triumphi visuntur. hinc superbus ac publici servitii victor Capitolium adiit, grates exolvit, seque in omnes libidines effudit, quas male coërcitas qualiscumque matris reverentia tardaverat.

14. Vetus illi cupido erat curriculo quadrigarum insistere, nec minus foedum studium cithara ludicrum in modum ca-

---

1 exiit tum senatu *Lipsius*: exitium senatui      5 tactas  
 7 postea *Greef*, nescio an recte; cf. IV 57, 6. XV 64, 8  
 10 praetura *Vertranius*: praefectura ut XIII 29      12 solliae  
 13 tyturium, em. *Rhenanus*      16 mitigata. Cunctari tamen  
*Bezenberger*: tamen mitigata. cunctari      23 invenit *Krafft*  
 24 senatu      25 incenderet 1 m.      30 cupido *Lipsius*: copia

nere. concertare equis regium et antiquis ducibus factitatum memorabat, idque vatum laudibus celebre et deorum honori datum. enimvero cantus Apollini sacros, talique ornatu astare non modo Graecis in urbibus, sed Romana apud  
 5 templa numen praecipuum et praescium. nec iam sisti poterat, cum Senecae ac Burro visum, ne utraque pervinceret, alterum concedere. clausumque valle Vaticana spatium, in quo equos regeret, haud promisco spectaculo. mox ultro vocari populus Romanus laudibusque extollere, ut est vulgus  
 10 cupiens voluptatum et, si eodem princeps trahat, laetum. ceterum evulgatus pudor non satietatem, ut rebantur, sed incitamentum attulit. ratusque dedecus molliri, si plures foedasset, nobilium familiarum posteros egestate venales in scaenam deduxit; quos fato perfunctos ne nominatim tradam,  
 15 maioribus eorum tribuendum puto. nam et eius flagitium est, qui pecuniam ob delicta potius dedit, quam ne delinquerent. notos quoque equites Romanos operas arenae promittere subegit donis ingentibus, nisi quod merces ab eo, qui iubere potest, vim necessitatis affert. \*

20 15. Ne tamen adhuc publico theatro dehonestaretur, instituit ludos Iuvenalium vocabulo, in quos passim nomina data. non nobilitas cuiquam, non aetas aut acti honores impedimento, quo minus Graeci Latinive histrionis artem exercerent usque ad gestus modosque haud viriles. quin et feminae illustres deformia meditari; extructaque apud nemus,  
 25 quod navali stagno circumposuit Augustus, conventicula et cauponae et posita veno irritamenta luxui. dabanturque stipēs, quas boni necessitate, intemperantes gloria consumerent. inde gliscere flagitia et infamia, nec ulla moribus olim  
 30 corruptis plus libidinum circumdedit quam illa colluvies. vix artibus honestis pudor retinetur, nedum inter certamina vi-

---

1 concertare equis *Halm*: cum celaret (certaret *ead. m. corr., ut vid.*) quis *cum rasura ante* quis (curru certare et equis *Baiter*) 2 memorat 3 appolinis, *sed s del eadem m.*  
 5 nomen *Rhenanus*: nomen 6 utrumque *Lambinus* 15 et *del. Becher* 21 iuvenilium, *em. Puteolanus* 24 motusque *Heinsius*

tiorum pudicitia aut modestia aut quicquam probi moris reservaretur. postremus ipse scaenam incedit, multa cura temptans citharam et praemeditans assistantibus phonascis. adcesserat cohors militum, centuriones tribunique et mae-  
rens Burrus ac laudans. tuncque primum conscripti sunt 6  
equites Romani cognomento Augustianorum, aetate ac ro-  
bore conspicui, et pars ingenio procaces, alii in spem po-  
tentiae. ii dies ac noctes plausibus personare, formam prin-  
cipis vocemque deum vocabulis appellantes; quasi per virtutem  
clari honoratique agere. 10

16. Ne tamen ludicrae tantum imperatoris artes notesce-  
rent, carminum quoque studium adfectavit, contractis qui-  
bus aliqua pangendi facultas necdum insignis erat. hi cenati  
considerare simul, et adlatos vel ibidem repertos versus co-  
nectere atque ipsius verba quoquo modo prolata supplere. 15  
quod species ipsa carminum docet, non impetu et instinctu  
nec ore uno fluens. etiam sapientiae doctoribus tempus im-  
pertiebat post epulas, utque contraria adseverantium discor-  
dia frueretur. nec deerant qui ore vultuque tristi inter ob-  
lectamenta regia spectari cuperent. 20

17. Sub idem tempus levi initio atrox caedes orta inter  
colonos Nucerinos Pompeianosque gladiatorio spectaculo, quod  
Livineius Regulus, quem motum senatu rettuli, edebat. quippe  
oppidana lascivia in vicem incessentes probra, dein saxa,  
postremo ferrum sumpsere, validiore Pompeianorum plebe, 25  
apud quos spectaculum edebatur. ergo deportati sunt in ur-

---

2 postremus: us eadem m. corr. ex um 3 phonascis *Mu-*  
*retus*: facies 4 abscesserat, em. *Lipsius* 5 tumque *M. Haupt*  
6 cognomentū, em. *Puteolanus* (in cognomentum *Wurm*) | au-  
gust tanorum (in marg. ead. m. ascripsit si), em. *Nipperdey*  
7 in spem *Acidalius*: in spe (spe *Muretus*) 8 Hii 13 erat .  
hi cenati *Halm*: aetatis nati (erat . . hi *Muretus*, auctoritas.  
hi cenati *Haase*, claritas . hi *Nipperdey*, artis notitia *ensor*  
in *Liter. Centralb.* 1876 num. 13) 14 ablato 15 probata  
m. post. 17 nec tenore uno *Acidalius* 18 utque] ut *Rhenanus* |  
discordia frueretur *Bezzenger*: discordiae rueretur 21 initio  
*Ernesti*: intentio 22 libidineiusus, sed b in u, d in n corr.  
ead. m. 24 incessente, em. *Lipsius* (ingerentes *Haase*)

hem multi e Nucerinis trunco per vulnera corpore, ac ple-  
 rique liberorum aut parentum mortes deflebant. cuius rei  
 iudicium princeps senatui, senatus consulibus permisit. et  
 rursus re ad patres relata, prohibiti publice in decem annos  
 5 eius modi coetu Pompeiani collegiaque, quae contra leges  
 instituerant, dissoluta; Livineius et qui alii seditionem con-  
 civerant exilio multati sunt.

18. Motus senatu et Pedius Blaesus, accusantibus Cyre-  
 nensibus violatum ab eo thesaurum Aesculapii dilectumque  
 10 militem pretio et ambitione corruptum. idem Cyrenenses  
 reum agebant Acilium Strabonem, praetoria potestate usum  
 et missum disceptatorem a Claudio agrorum, quos regis Apio-  
 nis quondam avitos et populo Romano cum regno relictos  
 proximus quisque possessor invaserant, diutinaque licentia  
 15 et iniuria quasi iure et aequo nitebantur. igitur abiudicatis  
 agris orta adversus iudicem invidia; et senatus ignota sibi  
 esse mandata Claudii et consulendum principem respondit.  
 Nero probata Strabonis sententia, se nihilo minus subvenire  
 sociis et usurpata concedere scripsit.

20 19. Sequuntur virorum illustrium mortes, Domitii Afri  
 et M. Servilii, qui summis honoribus et multa eloquentia vi-  
 guerant, ille orando causas, Servilius diu foro, mox traden-  
 dis rebus Romanis celebris et elegantia vitae, quam clari-  
 orem effecit, ut par ingenio, ita morum diversus.

25 20. Nerone quantum Cornelio Cosso consulibus quinquen-  
 nale ludicrum Romae institutum est ad morem Graeci certa-  
 minis, varia fama, ut cuncta ferme nova. quippe erant qui  
 Cn. quoque Pompeium incusatum a senioribus ferrent, quod  
 mansuram theatri sedem posuisset. nam antea subitariis  
 30 gradibus et scaena in tempus structa ludos edi solitos, vel  
 si vetustiora repetas, stantem populum spectavisse, ne, si

1 multi e *m. post. corr. ex* multae e *liuidineius* 18 avitos  
*Heinsius*: habitos (regi Apioni . . . habitos *Lipsius*) 15 nite-  
 bantur *eadem m. et in textu et in marg. corr. ex* utebantur  
 18 Nero *Pichena*: ne 19 rescipsit *Haase* 25 quarto, *em.*  
*Puteolanus* 31 ne hic posuit *Agricola, Med. habet post* conti-  
 nuaret (spectavisse. sed consideret . . . continuaret: specta-  
 culorum quidem *A. Weidner*)

consideret, theatro dies totos ignavia continuaret. spectaculorum quidem antiquitas servaretur, quotiens praetor sederet, nulla cuiquam civium necessitate certandi. ceterum abolitos paulatim patrios mores funditus everti per accitam lasciviam, ut quod usquam corrumpi et corrumpere queat, 5 in urbe visatur, degeneretque studiis externis iuventus, gymnasia et otia et turpes amores exercendo, principe et senatu auctoribus, qui non modo licentiam vitiis permiserint, sed vim adhibeant, <ut> procures Romani specie orationum et carminum scaena polluantur. quid superesse, nisi ut cor- 10 pora quoque nudent et caestus adsumant easque pugnas pro militia et armis meditentur? an iustitiam auctum iri et decurias equitum egregium iudicandi munus <melius> expleturas, si fractos sonos et dulcedinem vocum perite audissent? noctes quoque dedecori adiectas, ne quod tempus pudori re- 15 linquatur, sed coetu promisco, quod perditissimus quisque per diem concupiverit, per tenebras audeat.

21. Pluribus ipsa licentia placebat, ac tamen honesta nomina praetendebant. maiores quoque non abhorruisse spectaculorum oblectamenti pro fortuna, quae tum erat, eoque 20 a Tuscis accitos histriones, a Thuriis equorum certamina; et possessa Achaia Asiaque ludos curatius editos, nec quemquam Romae honesto loco ortum ad theatrales artes degeneravisse, ducentis iam annis a L. Mummi triumpho, qui primus id genus spectaculi in urbe praebuerit. sed et consultum 25 parsimoniae, quod perpetua sedes theatro locata sit potius, quam immenso sumptu singulos per annos consurgeret ac destrueretur. nec perinde magistratus rem familiarem exhausturos aut populo efflagitandi Graeca certamina <a> magistratibus causam fore, cum eo sumptu res publica funga- 30

2 praetores ederent *Lipsius, sed cf. XI 11, 9* 4 verti *Acidalius* 9 ut *add. idem* 10 quis 12 iustitiam auctum iri *Madvig: iustitia augurii* 13 melius *add. Urlichs et Prammer* expleturos, *em. R. Seyffert (codicis scripturam tuetur Nipperdey)* 15 pudoris, *sed s. del. ead. m.* 17 conceperit *Acidalius* 20 tum] tu relicto in fine versus vacuo spatio quattuor fere litterarum 28 destrueretur *Nodell: strueretur* 29 efflagitanti | a *add. Rhenanus*

tur. oratorum ac vatium victorias incitamentum ingeniis al-  
laturas; nec cuiquam iudici grave aures studiis honestis et  
voluptatibus concessis impertire. laetitiae magis quam lasci-  
viae dari paucas totius quinquennii noctes, quibus tanta luce  
5 ignium nihil illicitum occultari queat. sane nullo insigni de-  
honestamento id spectaculum transiit; ac ne modica quidem  
studia plebis exarsere, quia redditus quamquam scaenae pan-  
tomimi certaminibus sacris prohibebantur. eloquentiae primas  
nemo tulit, sed victorem esse Caesarem pronuntiatum. Graeci  
10 amictus, quis per eos dies plerique incesserant, tum exole-  
verunt.

22. Inter quae sidus cometes effulsit, de quo vulgi opi-  
nio est, tamquam mutationem regis portendat. igitur quasi  
iam depulso Nerone, quisnam deligeretur anquirebant. et  
15 omnium ore Rubellius Plautus celebrabatur, cui nobilitas per  
matrem ex Iulia familia. ipse placita maiorum colebat, ha-  
bitu severo, casta et secreta domo, quantoque metu occultior,  
tanto plus famae adeptus. auxit rumorem pari vanitate orta  
interpretatio fulguris. nam quia discumbentis Neronis apud  
20 Simbruina stagna <in villa>, cui Sublaqueum nomen est, ic-  
tae dapes mensaque disiecta erat, idque finibus Tiburtum  
acciderat, unde paterna Plauto origo, hunc illum numine  
deum destinari credebant, fovebantque multi, quibus nova  
et ancipitia praecolere avida et plerumque fallax ambitio est.  
25 ergo permotus his Nero componit ad Plautum litteras, con-  
suleret quieti urbis seque prava diffamantibus subtraheret:  
esse illi per Asiam avitos agros, in quibus tuta et inturbida  
iuventa frueretur. ita illuc cum coniuge Antistia et paucis  
familiarium concessit.

30 Isdem diebus nimia luxus cupido infamiam et periculum

---

4 totius *Lipsius*: potius 6 transit, *em. idem* 10 quis *Gros-*  
*lotius*: quo | tum exoleuerant, *em. Heinsius* (iam exoleverunt  
*Urlichs*) 12 quae et sidus, *sed et del. eadem m.* 13 regnis  
*Bentley* 15 celebrabatur *Muretus*: celebratur, *cf. XVI 2, 7*  
18 rumore 19 interra. et atio 20 in villa *add. Bezzenberger*  
*coll. IV 59 et VI 50, loco add. Jo. Fr. Gronovius* 26 quieti  
urbis *Pichena*: qui e turbis



Neroni tulit, quia fontem aquae Marciae ad urbem deductae nando incesserat; videbaturque potus sacros et caerimoniam loci corpore loto polluisse. secutaque anceps validudo iram deum affirmavit.

23. At Corbulo post deleta Artaxata utendum recenti terrore ratus ad occupanda Tigranocerta, quibus excisis metum hostium intenderet vel, si pepercisset, clementiae famam adipisceretur, illuc pergit, non infenso exercitu, ne spem veniae auferret, neque tamen remissa cura, gnarus facilem mutatu gentem, ut segnem ad pericula, ita infidam ad occasiones. barbari, pro ingenio quisque, alii preces offerre, quidam deserere vicos et in avia digredi; ac fuere qui se speluncis et carissima secum abderent. igitur dux Romanus diversis artibus, misericordia adversum supplices, celeritate adversus profugos, inmitis iis, qui latebras insederant, ora et exitus specuum sarmentis virgultisque completos igni exurit. atque illum fines suos praegredientem incursavere Mardi, latrocinii exerciti contraque irrumpentem montibus defensi; quos Corbulo inmissis Hiberis vastavit hostilemque audaciam externo sanguine ultus est. 20

24. Ipse exercitusque ut nullis ex proelio damnis, ita per inopiam et labores fatiscebant, carne pecudum propulsare famem adacti. ad hoc penuria aquae, fervida aestas, longinqua itinera sola ducis patientia mitigabantur, eadem pluraque gregario milite tolerantis. ventum dehinc in locos cultos demessaeque segetes, et ex duobus castellis, in quae confugerant Armenii, alterum impetu captum; qui primam vim depulerant, obsidione coguntur. unde in regionem Tau-raunitium transgressus inprovisum periculum vitavit. nam haud procul tentorio eius non ignobilis barbarus cum telo 30

---

1 neronis, *em. Puteolanus* | Marciae *idem*: margio 3 loto  
*Lipsius*: toto 5 delata 9 faciem 11 afferre *Prammer*  
 14 artibus usus *Nipperdey* 15 profugos; inmitis *distinguit*  
*J. Müller* 24 eadem pluraque *Jacob*: eadem plura quam cum  
*rasura post eadem, sub qua latere videtur* et, unde conicias aut  
 eadem et plura cum aut eadem pluraque cum 25 toleranti,  
*em. Ernesti* 29 vix vitavit *Acidalius*

reperitus ordinem insidiarum seque auctorem et socios per tormenta edidit, convictique et puniti sunt qui specie amicitiae dolum parabant. nec multo post legati Tigranocerta missi patere moenia afferunt, intentos popularis ad iussa; 6 simul hospitale donum, coronam auream, tradebant. accepitque cum honore, nec quicquam urbi detractum, quo promptius obsequium integri retinerent.

25. At praesidium Legerda, quod ferox iuventus clausurat, non sine certamine expugnatum est; nam et proelium 10 pro muris ausi erant et pulsus intra munimenta aggeri demum et irrumpentium armis cessare. quae facilius proveeniebant, quia Parthi Hyrcano bello distinebantur. miserantque Hyrcani ad principem Romanum societatem oratum, attineri a se Vologaesem pro pignore amicitiae ostentantes. 15 eos regredientes Corbulo, ne Euphraten transgressi hostium custodiis circumvenirentur, dato praesidio ad litora maris rubri deduxit, unde vitatis Parthorum finibus patrias in sedes remeare.

26. Quin et Tiridaten per Medos extrema Armeniae in- 20 trantem praemisso cum auxiliis Verulano legato atque ipse legionibus citis abire procul ac spem belli amittere subegit; quosque nobis aversos animis cognoverat, caedibus et incendiis perpopulatus possessionem Armeniae usurpabat, cum advenit Tigranes a Nerone ad capessendum imperium de- 25 lectus, Cappadocum e nobilitate, regis Archelai nepos, sed quod diu obses apud urbem fuerat, usque ad servilem patientiam demissus. nec consensu acceptus, durante apud quosdam favore Arsacidarum. at plerique superbiam Parthorum perosi datum a Romanis regem malebant. additum

---

2 specie] spē    8 Legerda *Bezzenger*: legerat, *sed t del. eadem m.*    10 aggeris, *em. Bötticher* (aggeribus *Ryck*)    14 uolugese | ostentante    19 quin et] quieti *Madvig*, *cf. Urlichs Mus. rhen. 31, p. 505* | tiridatem    21 omittit *Agricola*    22 aversos animis *Bekker*: ab re (rege *corr. 1 m.*) aninis (adversantis *Nipperdey*, alienos animis *Agricola*, abhorre animis *Jac. Gronovius*    25 e] et, *sed t del. eadem m.* | pronepos *Nipperdey*    27 nec *Puteolanus*: ne    28 plerisque superbia    29 perobsi

et praesidium, mille legionarii, tres sociorum cohortes duaeque equitum alae, et quo facilius novum regnum tueretur, pars Armeniae, ut cuique finitima, Pharasmani Polemonique et Aristobulo atque Antiocho parere iussae sunt. Corbulo in Suriam abcessit, morte Ummidii legati vacuum ac sibi 5 permissam.

27. Eodem anno ex inlustribus Asiae urbibus Laodicea tremore terrae prolapsa, nullo <a> nobis remedio propriis opibus revaluit. at in Italia vetus oppidum Puteoli ius coloniae et cognomentum a Nerone apiscuntur. veterani Tarentum et Antium adscripti non tamen infrequentiae locorum 10 subvenere, dilapsis pluribus in provincias, in quibus stipendia expleverant; neque coniugiis suscipiendis neque alendis liberis sueti orbas sine posteris domos relinquebant. non enim, ut olim, universae legiones deducebantur cum tribunis 15 et centurionibus et sui cuiusque ordinis militibus, ut consensu et caritate rem publicam efficerent, sed ignoti inter se, diversis manipulis, sine rectore, sine affectibus mutuis, quasi ex alio genere mortalium repente in unum collecti, numerus magis quam colonia. 20

28. Comititia praetorum arbitrio senatus haberi solita, quod acriore ambitu exarserant, princeps composuit, tris, qui supra numerum petebant, legioni praeficiendo. auxitque patrum honorem statuendo ut, qui a privatis iudicibus ad senatum provocavissent, eiusdem pecuniae periculum facerent, 25 cuius si qui imperatorem appellarent; nam antea vacuum id solutumque poena fuerat. fine anni Vibius Secundus eques Romanus accusantibus Mauris repetundarum damnatur atque Italia exigitur, ne graviore poena afficeretur, Vibii Crispi fratris opibus enisus. 30

1 et] ei *Heinsius* 2 [et] *Freinsheim* 3 partes *Halm* | Armeniae ut *Puteol.*: armenia eunt | Pharasmani Polemonique *Jo. Fr. Gronovius*: pars nipulique 5 accessit, *em. Lipsius* 8 a om. 18 e manipulis *Nipperdey* 21 quod *Puteolanus*: quo (quoniam *Haase*) 22 supra ex super corr. *ead. m.* 26 si *Halm*: is (ii *al.*) | appellarent *Halm et Madvig*: appellauere, quod corruptum esse vel ex tempore perfecto apparet 30 frisonibus

29. Caesennio Paeto et Petronio Turpiliano consulibus  
 gravis clades in Britannia accepta, in qua neque A. Didius  
 legatus, ut memoravi, nisi parta retinuerat, et successor  
 Veranius modicis excursibus Siluras populatus, quin ultra  
 5 bellum proferret, morte prohibitus est, magna, dum vixit,  
 severitatis fama, supremis testamenti verbis ambitionis mani-  
 festus: quippe multa in Neronem adulatione addidit sub-  
 iecturum ei provinciam fuisse, si biennio proximo vixisset.  
 sed tum Paulinus Suetonius obtinebat Britannos, scientia  
 10 militiae et rumore populi, qui neminem sine aemulo sinit,  
 Corbulonis concertator, receptaeque Armeniae decus aequare  
 domitis perduellibus cupiens. igitur Monam insulam, incolis  
 validam et receptaculum perfugarum, adgredi parat, naves-  
 que fabricatur plano alveo adversus breve et incertum. sic  
 15 pedes; equites vado secuti aut altiores inter undas adnantes  
 equis tramisere.

30. Stabat pro litore diversa acies, densa armis virisque,  
 intercursantibus feminis; in modum Furiarum veste ferali,  
 crinibus deiectis faces praeferebant; Druidaeque circum, pre-  
 20 ces, diras sublati ad caelum manibus fundentes, novitate  
 aspectus perculere militem, ut quasi haerentibus membris  
 immobile corpus vulneribus praeberent. dein cohortationibus  
 ducis et se ipsi stimulant, ne muliebres et fanaticum agmen  
 pavescerent, inferunt signa sternuntque obvios et igni suo  
 25 involvunt. praesidium posthac inpositum victis excisique luci  
 saevis superstitionibus sacri: nam cruore captivo adolere aras  
 et hominum fibris consulere deos fas habebant. haec agenti  
 Suetonio repentina defectio provinciae nuntiatur.

31. Rex Icenorum Prasutagus, longa opulencia clarus,  
 30 Caesarem heredem duasque filias scripserat, tali obsequio

1 Caesennio *Nipperdey*: cesonio      2 A. Didius *Lipsius*:  
 hautus (Didius *Nipperdey*)      4 Q. Veranius *Ritter* | Siluras  
*Lipsius*: siluas      8 provincias, *em. idem*      12 rebellibus *con-*  
*iecit Halm*      14 incertum mare *Madvig*, inc. fretum *Fr. Pauly*  
 15 vados, *sed s. del. eadem m.* (vada *J. Fr. Gronovius*, vadosa  
*Nipperdey*)      19 facies      21 militem *corr. ead. m. ex milites*  
 29 Icenorum *Rhenanus* (*item p. 307, 5, ubi in codice est ygeno-*  
*rum corr. ex igenorum*): igenorum

ratus regnumque et domum suam procul iniuria fore. quod  
 contra vertit, adeo ut regnum per centuriones, domus per  
 servos velut capta vastarentur. iam primum uxor eius Bou-  
 dicca verberibus affecta et filiae stupro violatae sunt; prae-  
 cipui quique Icenorum, quasi cunctam regionem muneri ac-  
 cepissent, avitis bonis exuuntur, et propinqui regis inter  
 mancipia habebantur. qua contumelia et metu graviorum,  
 quando in formam provinciae cesserant, rapiunt arma, com-  
 motis ad rebellionem Trinovantibus et qui alii nondum  
 servitio fracti resumere libertatem occultis coniurationibus  
 pepigerant, acerrimo in veteranos odio. quippe in coloniam  
 Camulodunum recens deducti pellebant domibus, exturba-  
 bant agris, captivos, servos appellando, fiventibus inpoten-  
 tiam veteranorum militibus similitudine vitae et spe eiusdem  
 licentiae. ad hoc templum divo Claudio constitutum quasi arx  
 aeternae dominationis aspiciebatur, delectique sacerdotes  
 specie religionis omnis fortunas effundebant. nec arduum  
 videbatur excindere coloniam nullis munimentis saeptam;  
 quod ducibus nostris parum provisum erat, dum amoenitati  
 prius quam usui consulitur.

32. Inter quae nulla palam causa delapsum Camuloduni  
 simulacrum Victoriae ac retro conversum, quasi cederet ho-  
 stibus. et feminae in furorem turbatae adesse exitium ca-  
 nebant, externosque fremitus in curia eorum auditos, con-  
 sonuisse ululatus theatrum visamque speciem in aestuario  
 Tamesae subversae coloniae; iam Oceanus cruento aspectu,  
 dilabente aestu humanorum corporum effigies relictas, ut  
 Britannis ad spem, ita veteranis ad metum trahebantur. sed  
 quia procul Suetonius aberat, petivere a Cato Deciano procu-

1 regnum *al.* 3 Boudicca *Haase (ut Med. 37): boodiccia, sic item c. 35, ubi M. bouducca* 5 quasi . . accepissent *ut glossema inclusit Nipperdey, post deducti (v. 12) posuit Haase*  
 10 fracti *Agricola: facti* 15 arx] *ara corr. ex arę* 17 pes-  
 sundabant *Cornelissen* 23 furore, *em. Faërnus* 24 noctur-  
 nosque *ego coll. Ovid. Metam. XV 797 (externis ternosque K. Schädel)* 27 dilabente *Lipsius: sic labente (et relabente Fröhlich, ac labente F. Walter)* 28 Britannis . . veteranis  
*Jac. Gronovius: britanni . . ueterani*

ratore auxilium. ille haud amplius quam ducentos sine iustis armis misit; et inerat modica militum manus. tutela templi freti, et impredientibus qui occulti rebellionis conscii consilia turbabant, neque fossam aut vallum praeduxerunt, neque  
 5 motis senibus et feminis iuventus sola restitit: quasi media pace incauti multitudine barbarorum circumveniuntur. et cetera quidem impetu direpta aut incensa sunt: templum, in quo se miles conglobaverat, biduo obsessum expugnatum-  
 que. et victor Britannus Petilio Ceriali, legato legionis no-  
 10 nae, in subsidium adventanti obviis fudit legionem, et quod peditum interfecit: Cerialis cum equitibus evasit in castra et munimentis defensus est. qua clade et odiis provinciae, quam avaritia eius in bellum egerat, trepidus procurator Catus in Galliam transiit.

15 33. At Suetonius mira constantia medios inter hostes Londinium perrexit, cognomento quidem coloniae non insigne, sed copia negotiatorum et commeatuum maxime celebre. ibi ambiguus, an illam sedem bello deligeret, circumspecta infrequentia militis, satisque magnis documentis temeritatem  
 20 Petilii coërcitam, unius oppidi damno servare universa statuit. neque fletu et lacrimis auxilium eius orantium flexus est, quin daret profectionis signum et comitantes in partem agminis acciperet: si quos inbellis sexus aut fessa aetas vel loci dulcedo attinuerat, ab hoste oppressi sunt. eadem cla-  
 25 des municipio Verulamio fuit, quia barbari omissis castellis praesidiisque militare horreum, quod uberrimum spoliandi et defendentibus intutum, laeti praeda et laborum segnes petebant. ad septuaginta milia civium et sociorum iis quae memoravi, locis cecidisse constitit. neque enim capere aut venun-  
 30 dare aliudve quod belli commercium, sed caedes patibula,

---

4 fossa | praeduxerant *Haase* 5 amotis *Faërnus* 9 Petilio *Lipsius*: petio 13 avaritia eius *Ritter*: auaritiae (auaritia *al.*)  
 26 militare horreum *Madvig*: militarium | spoliandi *Mercerus*:  
 spoliant (spoliatu *Jac. Gronovius*, spoliantibus *Acidalius*)  
 27 laborum *Lipsius*: aliorum | segnes *Mercerus*: insignes  
 29 consistit

ignes cruces, tamquam reddituri supplicium, at praerepta interim ultione, festinabant.

34. Iam Suetonio quarta decuma legio cum vexillariis vicesimanis et <e> proximis auxiliares, decem ferme milia armatorum, erant, cum omittere cunctationem et congredi acie 5 parat. deligitque locum artis faucibus et a tergo silva clausum, satis cognito nihil hostium nisi in fronte et apertam planitiem esse, sine metu insidiarum. igitur legionarius frequens ordinibus, levis circum armatura, conglobatus pro cornibus eques astitit. at Britannorum copiae passim per catervas et turmas 10 exultabant, quanta non alias multitudo, et animo adeo feroci, ut coniuges quoque testes victoriae secum traherent plaustisque inponerent, quae super extremum ambitum campi posuerant.

35. Boudicca curru filias prae se vehens, ut quamque nationem accesserat, solitum quidem Britannis feminarum 15 ductu bellare testabatur, sed tunc non ut tantis maioribus ortam regnum et opes, verum ut unam e vulgo libertatem amissam, confectum verberibus corpus, contrectatam filiarum pudicitiam ulcisci. eo propectas Romanorum cupidines, ut non corpora, ne senectam quidem aut virginitatem inpol- 20 lutam relinquant. adesse tamen deos iustae vindictae: cecidisse legionem, quae proelium ausa sit; ceteros castris occultari aut fugam circumspicere. ne strepitum quidem et clamorem tot milium, nedum impetus et manus perlaturus. si copias armatorum, si causas belli secum expenderent, vin- 25 cendum illa acie vel cadendum esse. id mulieri destinatum: viverent viri et servirent.

36. Ne Suetonius quidem in tanto discrimine silebat. quamquam confideret virtuti, tamen exhortationes et preces miscebat, ut spernerent sonores barbarorum et inanes mi- 30 nas: plus illic feminarum quam iuventutis aspicere. inbelles inermes cessuros statim, ubi ferrum virtutemque vincientium totiens fusi agnovissent. etiam in multis legionibus paucos,

---

1 at *codex*, ut *vid.*: ac *vulgo* 3 uicesimariis, *em. Acidalius*  
4 et e *Puteolanus*: et 11 feroci *Döderlein*: fero 16 sed se  
*Muretus* 20 ne *Ernesti*: nec. 24 milium *ed. Froben. et Lipsius*:  
militum 29 quam 33 paucos in *fine versus: exciditne* esse?

qui proelia profligarent; gloriaeque eorum accessurum, quod modica manus universi exercitus famam adipiscerentur. conferti tantum et pilis emissis post umbonibus et gladiis stragem caedemque continuarent, praedae inmemores: parta  
 5 victoria cuncta ipsis cessura. is ardor verba ducis sequebatur, ita se ad intorquenda pila expedierat vetus miles et multa proeliorum experientia, ut certus eventus Suetonius daret pugnae signum.

37. Ac primum legio gradu inmotata et angustias loci pro  
 10 munimento retinens, postquam in propius suggestos hostis certo iactu tela exhausserat, velut cuneo erupit. idem auxiliarium impetus; et eques protentis hastis perfringit quod obvium et validum erat. ceteri terga praebuere, difficili effugio, quia circumiecta vehicula saepserant abitus. et miles  
 15 ne mulierum quidem neci temperabat, confixaque telis etiam iumenta corporum cumulum auxerant. clara et antiquis victoriis par ea die laus parta: quippe sunt qui paulo minus quam octoginta milia Britannorum cecidisse tradant, militum quadringentis ferme interfectis nec multo amplius vulneratis.  
 20 Boudicca vitam veneno finivit. et Poenius Postumus, praefectus castrorum secundae legionis, cognitis quartadecimanorum vicesimanorumque prosperis rebus, quia pari gloria legionem suam fraudaverat abnueratque contra ritum militiae iussa ducis, se ipse gladio transegit.

38. Contractus deinde omnis exercitus sub pellibus habitus est ad reliqua belli perpetranda. auxitque copias Caesar  
 25 missis ex Germania duobus legionariorum milibus, octo auxiliarium cohortibus ac mille equitibus, quorum adventu nonani legionario milite suppleti sunt. cohortes alaeque novis  
 30 vis hibernaculis locatae, quodque nationum ambiguum aut adversum fuerat, igni atque ferro vastatum. sed nihil aequae

5 ipsa iis *Döderlein* 6 expedierant 7 eventu, *em. Rhenanus* (de eventu *Ritter*) 10 postquam propius suggestus hostis (postquam *in fine versus, ubi videtur scriptum fuisse In*), *em. Döderlein* (p. p. suggestis hostibus *Lipsius*) 13 effugium 15 teli 16 auxerunt *Fröhlich* 18 octoginta *ed. princeps*: octingenta (octo *coni. Nipperdey*) 24 ipse *A. Ruperti*: ipsum 31 vastatur, *em. Ernesti*



quam fames affligebat serendis frugibus incuriosos, et omni aetate ad bellum versa, dum nostros commeatus sibi destinant. gentesque praeferoces tardius ad pacem inclinabant, quia Iulius Classicianus, successor Cato missus et Suetonio discors, bonum publicum privatis simultatibus impediēbat 5 disperseratque novum legatum opperiendum esse, sine hostili ira et superbia victoris clementer deditis consulturum. simul in urbem mandabat, nullum proeliorum finem expectarent, nisi succederetur Suetonio, cuius adversa pravitati ipsius, prospera ad fortunam referebat. 10

39. Igitur ad spectandum Britanniae statum missus est e libertis Polyclitus, magna Neronis spe posse auctoritate eius non modo inter legatum procuratoremque concordiam gigni, sed et rebelles barbarorum animos pace componi. nec defuit Polyclitus, quo minus ingenti agmine Italiae Galliae- 15 que gravis, postquam Oceanum transmiserat, militibus quoque nostris terribilis incederet. sed hostibus irrisui fuit, apud quos flagrante etiam tum libertate nondum cognita libertinorum potentia erat; mirabanturque, quod dux et exercitus tanti belli confector servitiis oboedirent. cuncta tamen 20 ad imperatorem in mollius relata; detentusque rebus gerundis Suetonius, quod paucas naves in litore remigiumque in iis amiserat, tamquam durante bello tradere exercitum Petronio Turpiliano, qui iam consulatu abierat, iubetur. is non irritato hoste neque lacessitus honestum pacis nomen segni 25 otio imposuit.

40. Eodem anno Romae insignia scelera, alterum senatoris, servili alterum audacia, admissa sunt. Domitius Balbus erat praetorius, simul longa senecta, simul orbitate et pe-

2 destinat; post destinant Nipperdey signum lacunae posuit, sed cf. JB. XXXV 268 3 inclinant, em. Acidalius 4 et suetior 8 urbe, em. Rhenanus | proeliorum Lipsius: praelio 10 fortunam Ernesti: fortunam ipsius (fort. rei p. Puteolanus, f. imperii Jac. Gronovius) 14 barbarum, sed ro superscr. ead. m. 20 confectores coni. Nipperdey 22 post quod scriptum est pa in fine v., litteras et ita add. m. posterior, ut aliquo modo efficeretur post. suspicor fuisse paucas (per dittograph.) 23 amiserant. 28 balbus, sed b post l mutavit in u ead. m.

cunia insidiis obnoxius. ei propinquus Valerius Fabianus, capessendis honoribus destinatus, subdidit testamentum ascitis Vinicio Rufino et Terentio Lentino equitibus Romanis. illi Antonium Primum et Asinium Marcellum sociaverant. 5 Antonius audacia promptus, Marcellus Asinio Pollione proavoclarus neque morum spernendus habebatur, nisi quod paupertatem praecipuum malorum credebat. igitur Fabianus tabulas ascitis quos memoravi et aliis minus illustribus obsignat. quod apud patres convictum, et Fabianus Antonius- 10 que cum Rufino et Terentio lege Cornelia damnantur. Marcellum memoria maiorum et preces Caesaris poenae magis quam infamiae exemere.

41. Perculit is dies Pompeium quoque Aelianum, iuvenem quaestorium, tamquam flagitiorum Fabiani gnarum, eique 15 Italia et Hispania, in qua ortus erat, interdictum est. pari ignominia Valerius Ponticus afficitur, quod reos, ne apud praefectum urbis arguerentur, ad praetorem detulisset, interim specie legum, mox praevaricando ultionem elusurus. additur senatus consulto, qui talem operam emptitasset ven- 20 didissetve, perinde poena teneretur ac publico iudicio calumniae condemnatus.

42. Haud multo post praefectum urbis Pedanium Secundum servus ipsius interfecit, seu negata libertate, cui pretium pepigerat, sive amore exoleti incensus et dominum aeu- 25 mulum non tolerans. ceterum cum vetere ex more familiam omnem, quae sub eodem tecto mansitaverat, ad supplicium agi oporteret, concursu plebis, quae tot innoxios protegebat, usque ad seditionem ventum est senatusque <obsessus>, in quo ipso erant studia nimiam severitatem aspernantium, pluribus 30 nihil mutandum censentibus. ex quis C. Cassius sententiae loco in hunc modum disseruit:

43. 'Saepe numero, patres conscripti, in hoc ordine inter-

---

1 ei *Rhenanus*: et 3 Vinicio *idem*: uincio 5 promptu  
8 ascitis *Theoph. Kiessling*: iis (consciis *Ritter*, sociis *Nipperdey*) 20 tenerentur 1 m. | ac] *add.* si *sup.* *versum m. vetere*  
24 incensus *Pichena*: Infensus 28 obsessus *add. Jacob*, vocatus  
*C. Heraeus* (senatuque in ipso erant *Lipsius*) 30 multandum

fui, cum contra instituta et leges maiorum nova senatus decreta postularentur; neque sum adversatus, non quia dubitarem, super omnibus negotiis melius atque rectius olim provisum et quae converterentur <in> deterius mutari, sed ne nimio amore antiqui moris studium meum extollere viderer. 5 simul quicquid hoc in nobis auctoritatis est, crebris contradictionibus destruendum non existimabam, ut maneret integrum, si quando res publica consiliis eguisset. quod hodie venit, consulari viro domi suae interfecto per insidias serviles, quas nemo prohibuit aut prodidit quamvis nondum 10 concusso senatus consulto, quod supplicium toti familiae minitabatur. decernite hercule impunitatem: at quem dignitas sua defendet, cum praefecto urbis non profuerit? quem numerus servorum tuebitur, cum Pedanium Secundum quadringenti non protexerint? cui familia opem feret, quae 15 ne in metu quidem pericula nostra advertit? an, ut quidam fingere non erubescunt, iniurias suas ultus est interfecto, quia de paterna pecunia transegerat aut avitum mancipium detrahebatur? pronuntiemus ultro dominum iure caesum videri. 20

44. Libet argumenta conquirere in eo, quod sapientioribus deliberatum est? sed et si nunc primum statuendum haberemus, creditisne servum interficiendi domini animum sumpsisse, ut non vox minax excideret, nihil per temeritatem proloqueretur? sane consilium occultavit, telum inter 25 ignaros paravit: num excubias transire, cubiculi fores recludere, lumen inferre, caedem patrare <poterat> omnibus nesciis? multa sceleris indicia praeveniunt: servi si prodant, possumus singuli inter plures, tuti inter anxios, postremo, si per-

4 in om. 9 evenit alii, sed cf. XII 32, 12 12 at . . defendet *Puteolanus*: ut . . defendat 13 cum . . profuerit *idem*: cui . . profuit | praefecto *scripsi*: praefectus (praefectura *Puteolanus*) 15 ferat, em. *Puteolanus* 24 Insumpsisse 25 occultavit addito ta in spatio vacuo m. post. 26 transiret . . recluderet . . inferret . . patraret corr. m. recenti et vulgo 27 poterat addidit *Halm* 28 si] ni *Madvig* (servis si pereundum sit, ni prodant, possumus . . postremo non inulti etc. *Nipperdey*)

eundum sit, non inulti inter nocentes agere. suspecta maioribus nostris fuerunt ingenia servorum, etiam cum in agris aut domibus isdem nascerentur caritatemque dominorum statim acciperent. postquam vero nationes in familiis habemus, 5 quibus diversi ritus, externa sacra aut nulla sunt, colluviem istam non nisi metu coërcueris. at quidam insontes peribunt. nam et ex fuso exercitu cum decimus quisque fusti feritur, etiam strenui sortiuntur. habet aliquid ex iniquo omne magnum exemplum, quod contra singulos utilitate publica 10 blica rependitur.'

45. Sententiae Cassii ut nemo unus contra ire ausus est, ita dissonae voces respondebant numerum aut aetatem aut sexum ac plurimorum indubiam innocentiam miserantium: praevaluit tamen pars, quae supplicium decernebat. sed obtemperari non poterat, conglobata multitudine et saxa ac 15 faces minante. tum Caesar populum edicto increpuit atque omne iter, quo damnati ad poenam ducebantur, militaribus praesidiis saepsit. censuerat Cingonius Varro ut liberti quoque, qui sub eodem tecto fuissent, Italia deportarentur. id 20 a principe prohibitum est, ne mos antiquus, quem misericordia non minuerat, per saevitiam intenderetur.

46. Damnatus isdem consulibus Tarquiti Priscus repetundarum Bithynis interrogantibus, magno patrum gaudio, quia accusatum ab eo Statilium Taurum pro consule ipsius 25 meminerant. census per Gallias a Q. Volusio et Sextio Africano Trebellioque Maximo acti sunt, aemulis inter se per nobilitatem Volusio atque Africano: Trebellium dum uterque dedignatur, supra tulere.

47. Eo anno mortem obiit Memmius Regulus, auctoritate 30 constantia fama, in quantum praeumbrante imperatoris fastigio datur, clarus, adeo ut Nero aeger valetudine, et adulantibus circum, qui finem imperio adesse dicebant, si quid fato pateretur, responderit habere subsidium rem publicam.

11 onus, *sed in marg. ead. m. adscripsit u; vetus m. superscr. b, ut esset bonus; o in u corr. m. recens* 18 cingontus  
barro, *em. Rhenanus* 21 incenderetur, *em. idem* 24 qui  
Lipsius 29 obit

rogantibus dehinc, in quo potissimum, addiderat in Memmio Regulo. vixit tamen post haec Regulus, quiete defensus et quia nova generis claritudine neque invidiosis opibus erat. gymnasium eo anno dedicatum a Nerone praebitumque oleum equiti ac senatui Graeca facilitate.

48. P. Mario L. Afanio consulibus Antistius praetor, quem in tribunatu plebis licenter egisse memoravi, probrosa adversus principem carmina factitavit vulgavitque celebri convivio, dum apud Ostorium Scapulam epulatur. exim a Cosutiano Capitone, qui nuper senatorium ordinem precibus Tigellini socii sui receperat, maiestatis delatus est. tum primum revocata ea lex, credebaturque haud perinde exitium Antistio quam imperatori gloriam quaeri, ut condemnatum a senatu intercessione tribunicia morti eximeret. et cum Ostorius nihil audivisse pro testimonio dixisset, adversis testibus creditum; censuitque Iunius Marullus consul designatus adimendam reo praeturam necandumque more maiorum. ceteris inde assentientibus, Paetus Thrasea, multo cum honore Caesaris et acerrime increpito Antistio, non quicquid nocens reus pati mereretur, id egregio sub principe et nulla necessitate obstricto senatui statuendum disseruit. carnificem et laqueum pridem abolita, et esse poenas legibus constitutas, quibus sine iudicum saevitia et temporum infamia supplicia decernerentur. quin in insula publicatis bonis, quo longius sontem vitam traxisset, eo privatim miseriorem et publicae clementiae maximum exemplum futurum.

49. Libertas Thraseae servitium aliorum rupit, et postquam discessionem consul permiserat, pedibus in sententiam eius iere, paucis exceptis, in quibus adulatione promptis-

---

1 addiderit *Puteolanus*, at v. *Wölfflin*, *Philol.* 27, 147  
 12 credebatur quae, em. *Acidalius* 13 quaeri ut *idem*: quae-  
 siuit (*idem con.* quaesitam ut vel gloria quaesita ut, quod  
*placuit Halmio coll. XIII 42, 6*) | condemnatum *Ritter*: con-  
 demnatus, sed s. del. eadem m., ut vid. 24 qui in insula  
 25 traxisset *Puteolanus*: transisset 26 miserior, em. *Lipsius*  
 30 exceptis *Pichena*: exep̄tis (exemptis al.)

simus fuit A. Vitellius, optimum quemque iurgio lacesens et respondenti reticens, ut pavida ingenia solent. at consules perficere decretum senatus non ausi, de consensu scripsere Caesari. ille inter pudorem et iram cunctatus, postremo re-  
 5 scripsit: nulla iniuria provocatum Antistium gravissimas in principem contumelias dixisse; earum ultionem a patribus postulatam, et pro magnitudine delicti poenam statui par fuisse. ceterum se, qui severitatem decernentium impediturus fuerit, moderationem non prohibere: statuerent ut vel-  
 10 lent; datam et absolvendi licentiam. his atque talibus recitatis et offensione manifesta, non ideo aut consules mutavere relationem aut Thrasea decessit sententia ceterive quae probaverant deseruere, pars, ne principem obiecisse invidiae viderentur, plures numero tuti, Thrasea sueta firmitudine  
 15 animi et ne gloria intercideret.

50. Haud dispari crimine Fabricius Veiento conflictatus est, quod multa et probrosa in patres et sacerdotes composuisset iis libris, quibus nomen codicillorum dederat. adiciebat Tullius Geminus accusator venditata ab eo munera  
 20 principis et adipiscendorum honorum ius. quae causa Neroni fuit suscipiendi iudicii, convictumque Veiontem Italia depulit et libros exuri iussit, conquisitos lectitatosque, donec cum periculo parabantur: mox licentia habendi oblivionem attulit.

35 51. Sed gravescentibus in dies publicis malis subsidia minuebantur, concessitque vita Burrus, incertum valetudine an veneno. valetudo ex eo coniectabatur, quod in se tumescentibus paulatim faucibus et impedito meatu spiritum finiebat. plures iussu Neronis, quasi remedium adhiberetur, in-  
 30 litum palatum eius noxio medicamine adseverabant, et Burrum intellecto scelere, cum ad visendum eum princeps

---

4 cunctatus *ead. m. corr. ex cunctatur* 16 uegento et 21 uegentone, *em. Puteolanus* 19 talius, *cf. Borghesi Opp. V, 521*  
 20 neronum 27 an *Rhenanus*: aut | quod intumescensibus *Muretus*, at *cf. Sen. ep. 95, 16* inde subfusio luridae bilis et decolor vultus tabesque in se putrescentium *etc.*

venisset, aspectum eius aversatum sciscitanti hactenus respondisse: 'ego me bene habeo.' civitati grande desiderium eius mansit per memoriam virtutis et successorum alterius segnem innocentiam, alterius flagrantissima flagitia. quippe Caesar duos praetoriis cohortibus imposuerat, Faenium Rufum ex vulgi favore, quia rem frumentariam sine quaestu tractabat, Ofonium Tigellinum, veterem inpudicitiam atque infamiam in eo secutus. atque illi pro cognitis moribus fuere, validior Tigellinus in animo principis et intimis libidinibus adsumptus, prospera populi et militum fama Rufus, quod 10 apud Neronem adversum experiebatur.

52. Mors Burri infregit Senecae potentiam, quia nec bonis artibus idem virium erat altero velut duce amoto, et Nero ad deteriores inclinabat. hi variis criminationibus Senecam adoriuntur, tamquam iugentes et privatum modum 15 evectas opes adhuc augeret, quodque studia civium in se verteret, hortorum quoque amoenitate et villarum magnificentia quasi principem supergrederetur. obiciebant etiam eloquentiae laudem uni sibi asciscere et carmina crebrius factitare, postquam Neroni amor eorum venisset. nam oblectamentis principis palam iniquum detrectare vim eius equos regentis, illudere voces, quotiens caneret. quem ad finem nihil in re publica clarum fore, quod non ab illo reperiri credatur? certe finitam Neronis pueritiam et robur iuventae adesse: exueret magistrum, satis amplis doctoribus 25 instructus maioribus suis.

53. At Seneca criminantium non ignarus, prodentibus iis, quibus aliqua honesti cura, et familiaritatem eius magis aspernante Caesare, tempus sermoni orat et accepto ita incipit: 'quartus decimus annus est, Caesar, ex quo spei tuae 30 admotus sum, octavus, ut imperium obtines: medio temporis tantum honorum atque opum in me cumulasti, ut nihil

---

1 aduersatum, sed d expunctum 4 flagitia Orelli: flagitia . adulteria 8 cognotis; litterae g superposuit a ead. m., ut vid., litterae not expunctae sunt 18 quasi del. Prammer 20 euenisset, em. Lipsius 22 vocem Muretus 28 magis magisque Prammer; in dies ante magis inser. Th. Opitz

felicitati meae desit nisi moderatio eius. utar magnis exemplis, nec meae fortunae, sed tuae. abavus tuus Augustus Marco Agrippae Mytilenense secretum, C. Maecenati urbe in ipsa velut peregrinum otium permisit; quorum alter bello-  
 5 rum socius, alter Romae pluribus laboribus iactatus ampla quidem, sed pro ingentibus meritis, praemia acceperant. ego quid aliud munificentiae < tuae > adhibere potui quam studia, ut sic dixerim, in umbra educata, et quibus claritudo venit, quod iuventae tuae rudimentis affuisse videor, grande huius  
 10 rei pretium. at tu gratiam inmensam, innumeram pecuniam circumdediti, adeo ut plerumque intra me ipse volvam: egone, equestri et provinciali loco ortus, proceribus civitatis adnumeror? inter nobiles et longa decora praeferentes novitas mea enituit? ubi est animus ille modicis contentus?  
 15 talis hortos extruit et per haec suburbana incedit et tantis agrorum spatiis, tam lato faenore exuberat? una defensio occurrit, quod muneribus tuis obniti non debui.

54. Sed uterque mensuram inplevimus, tu, quantum princeps tribuere amico posset, ego, quantum amicus a principe  
 20 accipere. cetera invidiam augent. quae quidem, ut omnia mortalia, infra tuam magnitudinem iacet, sed mihi incumbit, mihi subveniendum est. quo modo in militia aut via fessus adminiculum orarem, ita in hoc itinere vitae senex et levissimis quoque curis inpar, cum opes meas ultra sustinere  
 25 non possim, praesidium peto. iube rem per procuratores tuos administrari, in tuam fortunam recipi. nec me in paupertatem ipse detrudam, sed traditis quorum fulgore praestringor, quod temporis hortorum aut villarum curae seponitur, in animum revocabo. superest tibi robur et tot per annos visum

2 ne meae | abavus *Lipsius*: atavus vel octavus, quod praecedit 7 tuae om. 13 longa cura 18 tu *A. Weidner*: et 19 ego *A. Weidner*: et ego 20 agent (alent *Jac. Gronovius*, in invidiam agent *Bezzenger coll. H. I 11 et 83; II 38*) 21 iacent, em. *Lipsius* | Incumbunt 25 iube rem *Baister*: iuvere, sed b restituit ead. m. | per ead. m. et supra v. et in imo marg. add. 27 perstringor, em. *Cannegieter* 29 visum summi *Halm*: visum (summi vel usurpatum summi *Wurm*, nosti summi *Madvig*, suetum *Heinisch*; an tot per annos usur-



<summi> fastigii regimen: possumus seniores amici quietem reposcere. hoc quoque in tuam gloriam cedit, eos ad summa vexisse, qui et modica tolerarent.'

55. Ad quae Nero sic ferme respondit: 'quod meditatae orationi tuae statim occurram, id primum tui muneris habeo, qui me non tantum praevisa, sed subita expedire docuisti. abavus meus Augustus Agrippae et Maecenati usurpare otium post labores concessit, sed in ea ipse aetate, cuius auctoritas tueretur quicquid illud et quaecumque tribuisset; ac tamen neutrum datis a se praemiis exuit. bello et periculis meruerant; in iis enim iuventa Augusti versata est. nec mihi tela et manus tuae defuissent in armis agentibus; sed quod praesens condicio poscebat, ratione consilio praeceptis pueritiam, dein iuventam meam fovisti. et tua quidem erga me munera, dum vita suppetet, aeterna erunt: quae a me habes, horti et faenus et villae, casibus obnoxia sunt. ac licet multa videantur, plerique haudquaquam artibus tuis pares plura tenuerunt. pudet referre libertinos, qui ditiores spectantur: unde etiam rubori mihi est, quod praecipuus caritate nondum omnes fortuna antecellis.

56. Verum et tibi valida aetas rebusque et fructui rerum sufficiens, et nos prima imperii spatia ingredimur, nisi forte aut te Vitellio ter consuli aut me Claudio postponis, et quantum Volusio longa parsimonia quaesivit, tantum in te mea liberalitas explere non potest. quin, si qua in parte lubricum adulescentiae nostrae declinat, revocas ornatumque robur subsidio impensius regis? non tua moderatio, si reddideris pecuniam, nec quies, si reliqueris principem, sed mea avaritia, meae crudelitatis metus in ore omnium versabitur. quod si maxime continentia tua laudetur, non tamen sapienti viro decorum fuerit, unde amico infamiam paret, inde gloriam sibi recipere.' his adicit complexum et oscula,

pasti regimen?) 2 reposcere *Halm*: respondere (*sequitur* respondit) 3 vexisse *Heinsius* 4 quod *Lipsius*: et quod 7 abavus *Lipsius*: avus 8 ipse *Agricola*: ipsa 22 nisi . . explere non potest *posuit Nipperdey post antecellis v. 20, ut olim Spengel voluerat* 23 et *Acidalius*: Sed 24 In me

factus natura et consuetudine exercitus velare odium fallacibus blanditiis. Seneca, qui finis omnium cum dominante sermonum, grates agit; sed instituta prioris potentiae commutat, prohibet coetus salutantium, vitat comitantis, rarus per urbem, quasi valetudine infensa aut sapientiae studiis domi attineretur.

57. Perculso Seneca promptum fuit Rufum Faenium minuere Agrippinae amicitiam in eo criminantibus. validiorque in dies Tigellinus et malas artes, quibus solis pollebat, gratiores ratus, si principem societate scelerum obstringeret, metus eius rimatur; conpertoque Plautum et Sullam maxime timeri, Plautum in Asiam, Sullam in Galliam Narbonensem nuper amotos, nobilitatem eorum et propinquos huic Orientis, illi Germaniae exercitus commemorat. non se, ut Burrum, diversas spes, sed solam incolumitatem Neronis spectare; cui caveri utcumque ab urbanis insidiis praesenti opera: longinquos motus quonam modo comprimi posse? erectas Gallias ad nomen dictatorium, nec minus suspensos Asiae populos claritudine avi Drusi. Sullam inopem, unde praecipuam audaciam, et simulatorem segnitiae, dum temeritati locum reperiret. Plautum magnis opibus ne fingere quidem cupidinem otii, sed veterum Romanorum imitamenta praeferre assumpta etiam Stoicorum arrogantia sectaque, quae turbidos et negotiorum adpetentes faciat. nec ultra mora. Sulla sexto die pervectis Massiliam percussoribus ante metum et rumorem interficitur, cum epulandi causa discumberet. relatum caput eius illisit Nero tamquam praematura canitie deforme.

58. Plauto parari necem non perinde occultum fuit, quia pluribus salus eius curabatur, et spatium itineris ac maris tempusque interiectum moverat famam; vulgoque fingeant petatum ab eo Corbulonem, magnis tum exercitibus praesidentem et, clari atque insontes si interficerentur, praeci-

16 praesenti opera *Lipsius*: praesentiora (praes. cura *Agri-*  
cola, pr. copia *Haase coll. IV 47*) 18 suspensos *Lipsius*:  
suspectos 26 Prelatum, sed *P del. ead. m., cf. c. 59, 12*  
33 si in marg. adscripsit *ead. m., hic inseruit Bezzenberger*

puum ad pericula. quin et Asiam favore iuvenis arma cepisse, nec milites ad scelus missos aut numero validos aut animo promptos, postquam iussa efficere nequiverint, ad spes novas transisse. vana haec more famae credentium otio augebantur; ceterum libertus Plauti celeritate ventorum praevenit centurionem et mandata L. Antistii soceri attulit: effugeret segnem mortem, dum suffugium esset: magni nominis miseratione reperturum bonos, consociaturum audaces; nullum interim subsidium aspernandum. si sexaginta milites (tot enim adveniebant) propulisset, dum refertur nuntius Neroni, dum manus alia permeat, multa secutura, quae adusque bellum evalescerent. denique aut salutem tali consilio quaeri, aut nihil gravius audenti quam ignavo patiendum esse.

59. Sed Plautum ea non movere, sive nullam opem providebat inermis atque exul, seu taedio ambiguae spei, an amore coniugis et liberorum, quibus placabiliorem fore principem rebatur nulla sollicitudine turbatum. sunt qui alios a socero nuntios venisse ferant, tamquam nihil atrox immineret; doctoresque sapientiae, Coeranum Graeci, Musonium Tusci generis, constantiam opperiendae mortis pro incerta et trepida vita suasisse. repertus est certe per medium diei nudus exercitando corpori. talem eum centurio trucidavit coram Pelagone spadone, quem Nero centurioni et manipulo, quasi satellitibus ministrum regium, praeposuerat. caput interfecti relatum; cuius aspectu (ipsa principis verba referam) cur, inquit Nero \*\*\* et posito metu nuptias Poppaeae ob eius modi terrores dilatas maturare parat Octaviamque coniugem amoliri, quamvis modeste ageret, nomine patris et

3 post animo in fine v. erasum est nali 4 transissent, sed nt del. ead. m. | vana Bozborn: una | odio Jo. Fr. Gronovius 5 agebantur, em. Modius 6 effugere 7 dum suffugium esset scripsi: otium suffugium et (obvium suff. et Orelli, inertium suff. et Haase, sontium suffugium: ex Halm) 8 miserationē 9 aspernantium, em. Puteolanus 13 audienti, sed i post d expunctum 26 aspectum | referebam, sed eb expunctum 27 lacunam notavit Walther: ex Dione (62, 14) supplere possis: cur, inquit, Nero, hominem nasutum timuisti?

studiis populi gravem. sed ad senatum litteras misit de caede Sullae Plautique haud confessus, verum utriusque turbidum ingenium esse, et sibi incolumitatem rei publicae magna cura haberi. decretae eo nomine supplicationes, utque Sulla et Plautus senatu moverentur, gravioribus iam ludibriis quam malis.

60. Igitur accepto patrum consulto, postquam cuncta scelerum suorum pro egregiis accipi videt, exturbat Octaviam, sterilem dictitans; exim Poppaeae coniungitur. ea diu paelex et adulteri Neronis, mox mariti potens, quendam ex ministris Octaviae impulit servilem ei amorem obicere. destinaturque reus cognomento Eucaerus, natione Alexandrinus, canere tibiis doctus. actae ob id de ancillis quaestiones, et vi tormentorum victis quibusdam, ut falsa annuerent, plures perstitere sanctitatem dominae tueri; ex quibus una instanti Tigellino castiora esse muliebria Octaviae respondit quam os eius. movetur tamen primo civilis discidii specie domumque Burri, praedia Plauti, infausta dona accipit; mox in Campaniam pulsa est addita militari custodia. inde crebri questus nec occulti per vulgum, cui minor sapientia <et> ex mediocritate fortunae pauciora pericula sunt. his \*\*\* tamquam Nero paenitentia flagitii coniugem revocarit Octaviam.

61. Exim laeti Capitolium scandunt deosque tandem venerantur. effigies Poppaeae prouunt, Octaviae imagines gestant umeris, spargunt floribus foroque ac templis statuunt. itur etiam in principis laudes strepitu venerantium. iamque et Palatium multitudine et clamoribus complebant, cum emissi militum globi verberibus et intento ferro turbatos disiecere. mutataque quae per seditionem verterant, et Poppaeae honos repositus est. quae semper odio, tum et metu

3 magnae curae *Heinsius* 5 iam *Agricola*: tam 11 alexandrina, *em. Lipsius* 12 pertybias (perite tibia *Heinsius*, puer tibiis *Ritter*) 13 ut *Puteolanus*: si 14 uana, *sed a post u expunctum*, cf. c. 58, 9 16 amovetur *Faërnus* 18 campania, *em. Puteolanus* 19 et ex *idem*: et *corr. in ex* 20 his \*\*\* tamquam Nero p. f. c. revocarit *Nipperdey*: his quamquam nero p. f. c. reuocauit 23 prorugunt, *sed g del. ead. m.* 25 strepitu *scripsi*: repetitum 28 mutata quaeque, *em. Puteolanus*

atrox, ne aut vulgi acrior vis ingrueret aut Nero inclinatione populi mutaretur, provoluta genibus eius: non eo loci res suas agi, ut de matrimonio certet, quamquam id sibi vita potius, sed vitam ipsam in extremum adductam a clientelis et servitiis Octaviae, quae plebis sibi nomen indiderint, ea in pace ausi, quae vix bello evenirent. arma illa adversus principem sumpta; ducem tantum defuisse, qui motis rebus facile reperiretur: omitteret modo Campaniam et in urbem ipsam pergeret, ad cuius nutum absentis tumultus cierentur. quod alioquin suum delictum? quam cuiusquam offensionem? an quia veram progeniem penatibus Caesarum datura sit? malle populum Romanum tibicinis Aegyptii subolem imperatorio fastigio induci? denique, si id rebus conducat, libens quam coactus acciret dominam, vel consuleret securitati. iusta ultione et modicis remediis primos motus consedis: at si desperent uxorem Neronis fore Octaviam, illi maritum daturos.

62. Varius sermo et ad metum atque iram accommodatus terruit simul audientem et accendit. sed parum valebat suspicio in servo et quaestionibus ancillarum elusa erat. ergo confessionem alicuius quaeri placet, cui rerum quoque novarum crimen affingeretur. et visus idoneus maternae necis patrator Anicetus, classi apud Misenum, ut memoravi, praefectus, levi post admissum scelus gratia, dein graviore odio, quia malorum facinorum ministri quasi exprobrantes aspiciuntur. igitur accitum eum Caesar operae prioris admonet: solum incolumitati principis adversus insidiantem matrem subvenisse; locum haud minoris gratiae instare, si coniugem infensam depelleret. nec manu aut telo opus: fateretur Octaviae adulterium. occulta quidem ad praesens, sed magna ei praemia et secessus amoenos promittit, vel, si negavisset, necem intentat. ille insita vecordia et facilitate priorum flagitiorum plura etiam quam iussum erat fingit fa-

3 agi] ait *Bezenberger* (agi ait *Ritter*) 6 ausis *Lipsius*  
 9 ipsa *Bötticher* 12 mallet, em. *Puteolanus* 14 securitati .  
 iusta ultione et: sic ego *distinxi* 20 elusa erat *Faërnus*:  
 eluserat 23 instaret, sed t del. ead. m. 23 iussus *Acidalius*

teturque apud amicos, quos velut consilio adhibuerat princeps. tum in Sardiniam pellitur, ubi non inops exilium toleravit et fato obiit.

63. At Nero praefectum in spem sociandae classis corruptum, et incusatae paulo ante sterilitatis oblitus, abactos partus conscientia libidinum, eaque sibi conperta edicto memorat insulaque Pandateria Octaviam claudit. non alia exul visentium oculos maiore misericordia affecit. meminerant adhuc quidam Agrippinae a Tiberio, recentior Iuliae memoria obversabatur a Claudio pulsae; sed illis robur aetatis affuerat; laeta aliqua viderant et praesentem saevitiam melioris olim fortunae recordatione allevabant: huic primum nuptiarum dies loco funeris fuit, deductae in domum, in qua nihil nisi luctuosum haberet, erepto per venenum patre et  
15 statim fratre; tum ancilla domina validior et Poppaea non nisi in perniciem uxoris nupta, postremo crimen omni exitio gravius.

64. Ac puella vicesimo aetatis anno inter centuriones et milites, praesagio malorum iam vitae exempta, nondum  
20 tamen morte acquiescebat. paucis dehinc interiectis diebus mori iubetur, cum iam viduam se et tantum sororem testaretur communesque Germanicos et postremo Agrippinae nomen cieret, qua incolumi infelix quidem matrimonium, sed sine exitio pertulisset. restringitur vinclis venaeque eius per omnes artus exolvuntur; et quia pressus pavore sanguis tardius labebatur, praefervidi balnei vapore enecatur. additurque atrocior saevitia, quod caput amputatum latumque in urbem Poppaea vidit. dona ob haec templis decreta quem ad finem memorabimus? quicumque casus  
25 temporum illorum nobis vel aliis auctoribus noscent, praesumptum habeant, quotiens fugas et caedes iussit princeps, totiens grates deis actas, quaeque rerum secundarum olim,

---

2 sardinia, *em. Puteolanus*      4 socianda, *sed e superscr. ead. m.*      6 ante conperta excidissee confessione praefecti conieci      12 primus *Lipsius*      18 duoetvicesimo *Nipperdey*, quinto et vic. *Ritter*      19 vitae *Heinsius*: uita      29 decreta quem *Döderlein*: decretaque      30 noscent

tum publicae cladis insignia fuisse. neque tamen silebimus, si quod senatus consultum adulatione novum aut patientia postremum fuit.

65. Eodem anno libertorum potissimos veneno interfecisse creditus est, Doryphorum quasi adversatum nuptiis 5 Poppaeae, Pallantem, quod immensam pecuniam longa senecta detineret. Romanus secretis criminationibus incusaverat Senecam ut C. Pisonis socium, sed validius a Seneca eodem crimine percussus est. unde Pisoni timor, et orta insidiarum in Neronem magna moles et inprospera. 10

---

5 adversatum *corr. ead. m. ex* adversatur. — Cornelii taciti Liber quartus decimus explicat. Incipit liber quintus decimus

# CORNELII TACITI

## AB EXCESSU DIVI AUGUSTI

### LIBER XV.

1. Interea rex Parthorum Vologaeses cognitis Corbulonis  
5 rebus regemque alienigenam Tigranen Armeniae impositum,  
simul fratre Tiridate pulso spretum Arsacidarum fastigium  
ire ultum volens, magnitudine rursum Romana et continui  
foederis reverentia diversas ad curas trahebatur, cunctator  
ingenio et defectione Hyrcanorum, gentis validae, multisque  
10 ex eo bellis illigatus. atque illum ambiguum novus insuper  
nuntius contumeliae extimulat: quippe egressus Armenia  
Tigranes Adiabenos, conterminam nationem, latius ac diu-  
tius quam per latrocinia vastaverat, idque primores gentium  
aegre tolerabant: eo contemptiois descensum, ut ne duce  
15 quidem Romano incursarentur, sed temeritate obsidis tot  
per annos inter mancipia habiti. accendebat dolorem eorum  
Monobazus, quem penes Adiabenum regimen, quod prae-  
sidium aut unde peteret rogitans: iam de Armenia con-  
cessum, proxima trahi; et nisi defendant Parthi, levius ser-  
20 vitium apud Romanos deditis quam captis esse. Tiridates  
quoque regni profugus per silentium aut modice querendo  
gravior erat: non enim ignavia magna imperia contineri;  
virorum armorumque faciendum certamen; id in summa  
fortuna aequius quod validius, et sua retinere privatae do-  
25 mus, de alienis certare regiam laudem esse.

2. Igitur commotus his Vologaeses concilium vocat et  
proximum sibi Tiridaten constituit atque ita orditur: 'hunc

---

5 alienigena tigranē    21 aut *Beroaldus*: haud (modo haud  
*Sirker*)



ego eodem mecum patre genitum, cum mihi per aetatem summo nomine concessisset, in possessionem Armeniae deduxi, qui tertius potentiae gradus habetur: nam Medos Pacorus ante ceperat. videbarque contra vetera fratrum odia et certamina familiae nostrae penates rite composuisse. prohibent Romani et pacem numquam ipsis prospere lacessitam nunc quoque in exitium suum abrumpunt. non ibo infitias: aequitate quam sanguine, causa quam armis retinere parta maioribus malueram. si cunctatione deliqui, virtute corrigam. vestra quidem vis et gloria <in> integro est, addita modestiae 10 fama, quae neque summis mortalium spernenda est et a dis aestimatur.' simul diademate caput Tiridatis evinxit, promptam equitum manum, quae regem ex more sectatur, Monaesi nobili viro tradidit, adiectis Adiabenorum auxiliis, mandavitque Tigranen Armenia exturbare, dum ipse positus adversus 15 Hyrcanos discordiis vires intimas molemque belli ciet, provinciis Romanis minitans.

3. Quae ubi Corbuloni certis nuntiis audita sunt, legiones duas cum Verulano Severo et Vettio Bolano subsidium Tigrani mittit, occulto praecepto, compositius cuncta quam festinantius 20 agerent: quippe bellum habere quam gerere malebat, scripseratque Caesari proprio duce opus esse, qui Armeniam defenderet: Syriam ingruente Vologaese acriore in discrimine esse. atque interim reliquas legiones pro ripa Euphratis locat, tumultuariam provincialium manum armat, hostiles 25 ingressus praesidiis intercipit. et quia egena aquarum regio est, castella fontibus inposita; quosdam rivos congestu harrenae abdidit.

4. Ea dum a Corbulone tuendae Syriae parantur, acto raptim agmine Monaeses, ut famam sui praeiret, non ideo 30 nescium aut incautum Tigranen offendit. occupaverat Tigra-

---

5 certamina *Rhenanus*: certam In et in marg. mi ead. m.  
 7 In absitium 10 in om. 13 monaesii hic *Med.* (corr. ae ex a), sed c. 4 moneses, c. 5 monesen 15 exturba, em. *Ernesti* (exturbandum *Becher*) 20 cuncta confestinantius 21 malebant 21 tygranem | tigranocerta al. (item p. 328, 27) cf. *Wölfflin, Philol.* 26, 211

nocertam, urbem copia defensorum et magnitudine moenium validam. ad hoc Nicephorius amnis haud spernenda latitudine partem murorum ambit, et ducta ingens fossa, qua fluvio diffidebatur. inerantque milites et provisi ante commeatus, quorum subvectu pauci avidius progressi et repentinis hostibus circumventi ira magis quam metu ceteros accenderant. sed Partho ad exsequendas obsidiones nulla comminus audacia: raris sagittis neque clausos exterret et semet frustratur. Adiabeni cum promovere scalas et machinamenta inciperent, facile detrusi, mox erumpentibus nostris caeduntur.

5. Corbulo tamen, quamvis secundis rebus suis, moderandum fortunae ratus misit ad Vologaesem, qui expostularent vim provinciae illatam: socium amicumque regem, cohortes Romanas circumsederi. omitteret potius obsidionem, aut se quoque in agro hostili castra positurum. Casperius centurio in eam legationem delectus apud oppidum Nisibin, septem et triginta milibus passuum a Tigranocerta distantem, adit regem et mandata ferociter edidit. Vologaesii vetus et penitus infixum erat arma Romana vitandi, nec praesentia prospere fluebant. inritum obsidium, tutus manu et copiis Tigranes, fugati qui expugnationem sumpserant, missae in Armeniam legiones, et aliae pro Suria paratae ultro irrumperere; sibi inbecillum equitem pabuli inopia; nam exorta vis locustarum ambederat quicquid herbidum aut frondosum. igitur metu abstruso mitiora obtendens, missurum ad imperatorem Romanum legatos super petenda Armenia et firmanda pace respondet; Monaesen omittere Tigranocertam iubet, ipse retro concedit.

6. Haec plures ut formidine regis et Corbulonis minis patrata ac magnifica extollebant. alii occulte pepigisse interpretabantur, ut omisso utrimque bello et abeunte Vologaeese

3 ambiit | fluvio non defendebatur *Haase* 14 circum-  
sedere, *em. Sirker* (circumsideri *Agricola*) | ocus *Faërnus*  
16 legionem 17 Tigranocertis *Ritter*, cf. *Nipperdey ad XIV*  
24 | adiit alii 18 vetus studium et *Ritter* 20 manu | moeni-  
bus *Neue* 22 ni 24 ambederat *Lipsius*: aberat (vi loc. am-  
besum erat *Ritter*) 30 patrata magnifice *Puteolanus*  
31 utrimque *corr. ead. m.*, cum utrumque scribere coepisset

Tigranes quoque Armenia abscederet. cur enim exercitum Romanum a Tigranocertis deductum? cur deserta per otium quae bello defenderant? an melius hibernavisse in extrema Cappadocia, raptim erectis tuguriis, quam in sede regni modo retenti? dilata prorsus arma, ut Vologaeses cum alio 5 quam cum Corbulone certaret, Corbulo merita tot per annos gloriae non ultra periculum faceret. nam, ut rettuli, proprium ducem tuendae Armeniae poposcerat, et adventare Caesennius Paetus audiebatur. iamque aderat, copiis ita divis, ut quarta et duodecima legiones addita quinta, quae 10 recens e Moesis excita erat, simul Pontica et Galatarum Cappadocumque auxilia Paeto oboedirent, tertia et sexta et decuma legiones priorque Syriae miles apud Corbulonem manerent; cetera ex rerum usu sociarent partirentur. sed neque Corbulo aemuli patiens, et Paetus, cui satis ad glo- 15 riam erat, si proximus haberetur, despiciebat gesta, nihil caedis aut praedae, usurpatas nomine tenus urbium expugnationes dictitans: se tributa ac leges et pro umbra regis Romanum ius victis impositurum.

7. Sub idem tempus legati Vologaes, quos ad principem 20 missos memoravi, revertere inriti bellumque propalam sumptum a Parthis. nec Paetus detrectavit, sed duabus legionibus, quarum quartam Funisulanus Vettonianus eo in tempore, duodecimum Calavius Sabinus regebant, Armeniam intrat tristi omine. nam in transgressu Euphratis, quem ponte 25 tramittebant, nulla palam causa turbatus equus, qui consularia insignia gestabat, retro evasit; hostiaque, quae muniebantur, hibernaculis adsistens semifacta opera fuga perrupit seque vallo extulit; et pila militum arsere, magis insigni prodigio, quia Parthus hostis missilibus telis decertat. 30

8. Ceterum Paetus spretis ominibus, necdum satis firmatis hibernaculis, nullo rei frumentariae provisu, rapit exercitum trans montem Taurum recipiendis, ut ferebat, Tigra-

---

5 contenti, *sed* con *del.* et re *superscr.* ead. m. 25 tristionem. nam, *sed* m *post* e *del.* ead. m. 26 tramittebat *al.* | consiliaria 27 hostiaque quae *Puteolanus*: ostia quaeque 31 hominibus 1 m.

nocertis vastandisque regionibus, quas Corbulo integras omisisset. et capta quaedam castella, gloriaeque et praedae nonnihil partum, si aut gloriam cum modo aut praedam cum cura habuisset: longinquis itineribus percursando quae obtineri  
 5 nequibant, corrupto qui captus erat commeatu et instante iam hieme, reduxit exercitum composuitque ad Caesarem litteras quasi confecto bello, verbis magnificis, rerum vacuas.

9. Interim Corbulo numquam neglectam Euphratis ripam crebrioribus praesidiis insedit; et ne ponti iniciendo im-  
 10 pedimentum hostiles turmae afferrent (iam enim subiectis campis magna specie volitabant), naves magnitudine praestantes et conexas trabibus ac turribus auctas agit per amnem catapultisque et balistis proturbat barbaros, in quos saxa et hastae longius permeabant, quam ut contrario sagit-  
 15 tarum iactu adaequarentur. dein pons continuatus collesque adversi per socias cohortes, post legionum castris occupantur, tanta celeritate et ostentatione virium, ut Parthi omissa paratu invadendae Syriae spem omnem in Armeniam verterent, ubi Paetus imminentium nescius quintam legionem  
 20 procul in Ponto habebat, reliquas promiscuis militum commeatibus infirmaverat, donec adventare Vologaesem magno et infenso agmine auditum.

10. Accitur legio duodecima, et unde famam aucti exercitus speraverat, prodita infrequentia. qua tamen retineri  
 25 castra et eludi Parthus tractu belli poterat, si Paeto aut in suis aut in alienis consiliis constantia fuisset: verum ubi a viris militaribus adversus urgentes casus firmatus erat, rursus, ne alienae sententiae indigens videretur, in diversa ac deteriora transibat. et tunc relictis hibernis non fossam ne-  
 30 que vallum sibi, sed corpora et arma in hostem data clamitans, duxit legiones quasi proelio certaturus. deinde amisso centurione et paucis militibus, quos visendis hostium copiis praemiserat, trepidus remeavit. et quia minus acriter Vologaesem institerat, vana rursus fiducia tria milia delecti pe-

---

7 magnificas *Lipsius*    13 quos *Puteolanus*: quo    14 per-  
 manebant    23 fama (fama . . sperata erat *Jac. Gronovius*)  
 34 pedites, *em. Pichena*

ditis proximo Tauri iugo imposuit, quo transitum regis arcerent; alares quoque Pannonios, robur equitatus, in parte campi locat. coniux ac filius castello, cui Arsamosata nomen est, abditi, data in praesidium cohorte ac disperso milite, qui in uno habitus vagum hostem promptius sustentavisset. 5 aegre compulsus ferunt, ut instantem Corbuloni fateretur. nec a Corbulone properatum, quo gliscentibus periculis etiam subsidii laus augeretur. expediri tamen itineri singula milia ex tribus legionibus et alarios octingentos, parem numerum e cohortibus iussit. 10

11. At Vologaes, quamvis obsessa a Paeto itinera hinc peditatu inde equite acceperat, nihil mutato consilio, sed vi ac minis alares exterruit, legionarios obtrivit, uno tantum centurione Tarquitio Crescente turrin, in qua praesidium agitabat, defendere auso factaque saepius eruptione et cae- 15 sis, qui barbarorum propius suggrediebantur, donec ignium iactu circumveniretur. peditum si quis integer, longinqua et avia, vulnerati castra repetivere, virtutem regis, saevitiam et copias gentium, cuncta metu extollentes, facili credulitate eorum, qui eadem pavebant. ne dux quidem obniti adversis, 20 sed cuncta militiae munia deseruerat, missis iterum ad Corbulonem precibus, veniret propere, signa et aquilas et nomen reliquum infelicis exercitus tueretur: se fidem interim, donec vita subpeditet, retenturos.

12. Ille interritus et parte copiarum apud Suriam relicta, 25 ut munimenta Euphrati inposita retinerentur, qua proximum et comitatibus non egenum, regionem Commagenam, exim Cappadociam, inde Armenios petivit. comitabantur exercitum praeter alia sueta bello magna vis camelorum onusta frumenti, ut simul hostem famemque depelleret. primum e 30 percussis Paccium primi pili centurionem obvium habuit, dein plerosque militum; quos diversas fugae causas obten-

1 quo] qui Jo. Fr. Gronovius, quae Muretus 3 Armosata  
 Ryck, at v. Plin. N. H. VI 9, 26 5 post sustentavisset  
 coeptum est scribi egre in fine v.; novus v. incipit ab egre  
 6 ut vim instantem Heinsius 8 subsidiis, corr. ead. m.  
 12 sed del. Faërnus 24 vitā, corr. ead. m.

dentes redire ad signa et clementiam Paeti experiri monebat: se nisi victoribus immitem esse. simul suas legiones adire, hortari; priorum admonere, novam gloriam ostendere. non vicos aut oppida Armeniorum, sed castra Romana duas-  
 5 que in iis legiones pretium laboris peti. si singulis manipularibus praecipua servati civis corona imperatoria manubri-  
 10 pericula fratrum aut propinquorum propriis stimulis incenderent) continuum diu noctuque iter properabant.

13. Eoque intentius Vologaeses premere obsessos, modo vallum legionum, modo castellum, quo inbellis aetas defendebatur, adpugnare, propius incedens quam mos Parthis, si  
 15 ea temeritate hostem in proelium eliceret. at illi vix contuberniis extracti, nec aliud quam munimenta propugnabant, pars iussu ducis, et alii propria ignavia aut Corbulonem opperientes, ac vis <si> ingrueret, provisus exemplis <pacis> Caudinae Numantinaeque; <neque> eandem vim Samnitibus, Ita-  
 20 lico populo, ac Parthis, Romani imperii aemulis. validam quoque et laudatam antiquitatem, quotiens fortuna contra daret, saluti consuluisse. qua desperatione exercitus dux subactus primas tamen litteras ad Vologaesen non supplices, sed in modum querentis composuit, quod pro Armeniis semper  
 25 Romanae dicionis aut subiectis regi, quem imperator delegisset, hostilia faceret: pacem ex aequo utilem; ne praesentia tantum spectaret: ipsum adversus duas legiones totis regni viribus advenisse; at Romanis orbem terrarum reliquum, quo bellum iuvarent.

30 14. Ad ea Vologaeses nihil pro causa, sed opperiendos

---

8 aspiceretur *Lipsius*: apisceretur 16 extrahi *Nipperdey*  
 17 aut] ut *Rhenanus*, at v. *Pichenae* adnot. 18 si hic add.  
*Walther* (ac si vis al.) | pacis add. *Madvig* post Numantinae-  
 que, ego hic inserui | caudinenum antineque eandem 20 ac  
 Parthis *Halm*: aut paenis (ut Parthis *Nipperdey*, aut Hispanis  
 ut *Freinsheim*, aut Hispanis quam Parthis *Jo. Fr. Gronovius*)  
 23 uologesen: n corr. ead. m. ex s 25 rei

sibi fratres Pacorum ac Tiridaten rescripsit; illum locum tempusque consilio destinatum, quid de Armenia cernerent; adiecisse deos dignum Arsacidarum, simul ut de legionibus Romanis statuerent. missi posthac Paeto nuntii et regis colloquium peti- 5 tum, qui Vasacen praefectum equitatus ire iussit. tum Paetus Lucullos, Pompeios et si qua Caesares optinendae donandaeve Armeniae egerant, Vasaces imaginem retinendi largiendive penes nos, vim penes Parthos memorat. et multum in vicem disceptato, Monobazus Adiabenus in diem posterum testis iis quae pepigissent adhibetur. placuitque 10 liberari obsidio legiones et decedere omnem militem finibus Armeniorum castellaque et commeatus Parthis tradi, quibus perpetratis copia Vologaesi fieret mittendi ad Neronem legatos.

15. Interim flumini Arsaniae (is castra praefluebat) pon- 15 tem imposuit, specie sibi illud iter expedientis, sed Parthi quasi documentum victoriae iusserant; namque iis usui fuit, nostri per diversum iere. addidit rumor sub iugum missas legiones et alia ex rebus infaustis, quorum simulacrum ab Armeniis usurpatum est. namque et munimenta ingressi sunt, 20 antequam agmen Romanum excederet, et circumstetere vias, captiva olim mancipia aut iumenta agnoscences abstrahentesque; raptae etiam vestes, retenta arma, pavido milite et concedente, ne qua proelii causa existeret. Vologaeses armis et corporibus caesorum aggeratis, quo cladem nostram 25 testaretur, visu fugientium legionum abstinuit: fama moderationis quaerebatur, postquam superbiam expleverat. flumen Arsanium elephanto insidens, proximus quisque regem vi equorum perrupere, quia rumor incesserat pontem cessurum oneri dolo fabricantium; sed qui ingredi ausi sunt, validum 30 et fidum intellexere.

1 tyridatem 3 dignum familia (vel fortuna) A. C. Heraeus | ut Ursinus et Vertranius: et 4 posthac a Haase, post a al. 6 qua Caesares Pichena: quacesa cum spatio vacuo 10 his 11 subsidio, corr. ead. m. 15 Arsaniae Acidalius: arsanieti (Arsaniae etenim Lipsius) | Paetus pontem Ritter 16 experientis 25 aggeratis Heinsius: aggregatis 28 insidens ipse, proximus Prammer, cf. III 9, 9. XVI 20, 8.

16. Ceterum obsessis adeo suppeditavisse rem frumentariam constitit, ut horreis ignem inicerent, contraque prodiderit Corbulo Parthos inopes copiarum et pabulo attrito relicturos oppugnationem, neque se plus tridui itinere afuisse. 5  
 6 adicit iure iurando Paeti cautum apud signa, astantibus iis, quos testificando rex misisset, neminem Romanum Armeniam ingressurum, donec referrentur litterae Neronis, an paci annueret. quae ut augendae infamiae composita, sic reliqua non in obscuro habentur, una die quadraginta milium spatium emensum esse Paetum, desertis passim sauciis, neque minus deformem illam fugientium trepidationem, quam si terga in acie vertissent. Corbulo cum suis copiis apud ripam Euphratis obuius non eam speciem insignium et armorum praetulit, ut diversitatem exprobraret: maesti manipuli ac vi- 15  
 16 cem commilitonum miserantes ne lacrimis quidem temperare; vix prae fletu usurpata consalutatio. decesserat certamen virtutis et ambitio gloriae, felicitum hominum affectus: sola misericordia valebat, et apud minores magis.

17. Ducum inter se brevis sermo secutus est, hoc con- 20  
 21 querente iam inritum laborem, potuisse bellum fuga Parthorum finiri; ille integra utrique cuncta respondit: converterent aquilas et iuncti invaderent Armeniam abscessu Vologaeis infirmatam. non ea imperatoris habere mandata Corbulo: periculo legionum commotum e provincia egressum; 25  
 26 quando in incerto habeantur Parthorum conatus, Suriam repetiturum. sic quoque optimam fortunam orandam, ut pedes confectus spatiis itinerum alacrem et facilitate camporum praevenientem equitem adsequeretur. exin Paetus per Cappadociam hibernavit. at Vologaei ad Corbulonem missi 30  
 31 nuntii, detraheret castella trans Euphraten amnemque, ut olim, medium faceret; ille Armeniam quoque diversis praesidiis vacuam fieri expostulabat. et postremo concessit rex;

---

4 affuisse 15 temperare *al.* 19 conquerente iam *Walther:* conquerentium (conquerente *Faërnus*) 29 at Vologaei *Candidus:* At uolageses, *sed s in fine voc. del. ead. m. (de dativo cf. c. 14, 5)*



dirutaque quae Euphraten ultra communiverat Corbulo, et Armenii sine arbitro relictī sunt.

18. At Romae tropaea de Parthis arcusque medio Capitolini montis sistebantur, decreta ab senatu integro adhuc bello neque tum omīssa, dum aspectui consulitur spreta conscientia. quin et dissimulandis rerum externarum curis Nero frumentum plebis vetustate corruptum in Tiberim iecit, quo securitatem annonae sustentaret. cuius pretio nihil additum est, quamvis ducentas ferme naves portu in ipso violentia tempestatis et centum alias Tiberi subvectas fortuitus ignis absumpsisset. trīs dein consulares, L. Pisonem, Ducentium Geminum, Pompeium Paulinum vectigalibus publicis praeposuit, cum insectatione priorum principum, qui gravitate sumptuum iustos redditus anteissent: se annum sexcenties sestertium rei publicae largiri.

19. Percrebuerat ea tempestate pravus mos, cum propinquis comitiis aut sorte provinciarum plerique orbi fictis adoptionibus adsciscerent filios, praeturasque et provincias inter patres sortiti statim emitterent manu, quos adoptaverant. \*\*\* magna cum invidia senatum adeunt, ius naturae, labores educandi adversus fraudem et artes et brevitatem adoptionis enumerant. satis pretii esse orbis, quod multa securitate, nullis oneribus gratiam honores, cuncta prompta et obvia haberent. sibi promissa legum diu expectata in ludiū verti, quando quis sine sollicitudine parens, sine luctu orbus longa patrum vota repente adaequaret. factum ex eo senatus consultum, ne simulata adoptio in ulla parte

---

1 diruta quaeque, *em. Puteolanus* | communiuerat, *em. Bekker* (communierat *Puteolanus*) 5 amissa, *sed corr. ead. m.* | spreto 7 plebis] publicum *Ursinus* 8 ostentaret *Agricola*; at ait *Tacitus*: *populus eo usque de annona securus fuerat; eam securitatem imperator sustentavit frumento corrupto in Tiberim iacto, quasi integri magna copia suppeteret* 10 tyberī 11 assumpsisset 16 prauus mos *corr. ead. m. ex prauissimos* 19 post adoptaverant *Nipperdey* *signum lacunae posuit: excidisse videtur igitur qui liberos genuerant vel simile aliquid* 20 adeunt ius *Rhenanus*: adeuntibus

muneris publici iuaret ac ne usurpandis quidem hereditatibus prodesset.

20. Exim Claudius Timarchus Cretensis reus agitur, ceteris criminibus, ut solent praevalidi provincialium et opibus nimis ad iniurias minorum elati: una vox eius usque ad contumeliam senatus penetraverat, quod dictitasset in sua potestate situm, an proconsulibus, qui Cretam obtinuissent, grates agerentur. quam occasionem Paetus Thrasea ad bonum publicum vertens, postquam de reo censuerat provincia Creta depellendum, haec addidit: 'usu probatum est, patres conscripti, leges egregias, exempla honesta apud bonos ex delictis aliorum gigni. sic oratorum licentia Cinciam rogationem, candidatorum ambitus Iulias leges, magistratuum avaritia Calpurnia scita pepererunt; nam culpa quam poena tempore prior, emendari quam peccare posterius est. ergo adversus novam provincialium superbiam dignum fide constantiaque Romana capiamus consilium, quo tutelae sociorum nihil derogetur, nobis opinio decedat, qualis quisque habeatur, alibi quam in civium iudicio esse.

21. Olim quidem non modo praetor aut consul, sed privati etiam mittebantur, qui provincias viderent et quid de cuiusque obsequio videretur referrent, trepidabantque gentes de aestimatione singulorum: at nunc colimus externos et adulamur, et quo modo ad nutum alicuius grates, ita promptius accusatio decernitur. decernaturque et maneat provincialibus <ius> potentiam suam tali modo ostentandi: sed laus falsa et precibus expressa perinde cohibeatur quam malitia, quam crudelitas. plura saepe peccantur, dum demeremur quam dum offendimus. quaedam immo virtutes odio sunt, severitas obstinata, invictus adversum gratiam animus. inde initia magistratuum nostrorum meliora ferme et finis inclinat, dum in modum candidatorum suffragia conquirimus; quae si arceantur, aequabilius atque constantius pro-

---

6 contumelia 16 provincialium *Faërnus*: provinciarium  
 26 ius *add. Ad. Schmidt* (potestas sententiam *Madvig*), cf. *Jahresb. II p. 113* | optentandi 27 cohibeantur 33 aequalibus *Agricola*: aequalibus, *quod m. post. mutavit in aequalius*

vinciae regentur. nam ut metu repetundarum infracta avaritia est, ita vetita gratiarum actione ambitio cohibebitur.’

22. Magno adsensu celebrata sententia. non tamen senatus consultum perfici potuit abnuentibus consulibus ea de re relatum. mox auctore principe sanxere, ne quis ad concilium sociorum referret agendas apud senatum pro praetoribus prove consulibus grates, neu quis ea legatione fungeretur.

Isdem consulibus gymnasium ictu fulminis conflagravit, effigiesque in eo Neronis ad informe aes liquefacta; et motu 10 terrae celebre Campaniae oppidum Pompei magna ex parte proruit; defunctaque virgo Vestalis Laelia, in cuius locum Cornelia ex familia Cossorum capta est.

23. Memmio Regulo et Verginio Rufo consulibus natam sibi ex Poppaea filiam Nero ultra mortale gaudium accepit 15 appellavitque Augustam, dato et Poppaeae eodem cognomento. locus puerperio colonia Antium fuit, ubi ipse generatus erat. iam senatus uterum Poppaeae commendaverat dis votaque publice susceperat, quae multiplicata exsolutaque. et additae supplicationes templumque fecunditatis et certamen 20 ad exemplar Actiacae religionis decretum, utque Fortunarum effigies aureae in solio Capitolini Iovis locarentur, ludicrum circense, ut Iuliae genti apud Bovillas, ita Claudiae Domitiaeque apud Antium ederetur. quae fluxa fuere, quartum intra mensem defuncta infante. rursusque exortae adulationes cen- 25 sentium honorem divae et pulvinar aedemque et sacerdotem. atque ipse ut laetitiae, ita maeroris inmodicus egit. adnotatum est, omni senatu Antium sub recentem partum effuso, Thraseam prohibitum inmoto animo praenuntiam imminentis caedis contumeliam excepisse. secutam dehinc vocem 30 Caesaris ferunt, qua reconciliatum se Thraseae apud Senecam iactaverit, ac Senecam Caesari gratulatum. unde gloria egregiis viris et pericula gliscebant.

24. Inter quae veris principio legati Parthorum mandata

2 cohibetur, *em. Lipsius*      5 concilium *m. post. corr. ex*  
consilium      10 effigiesque *Puteolanus*: effigies usque      14 uir-  
ginio | consule

regis Vologaeisis litterasque in eandem formam attulere: se priora et totiens iactata super optinenda Armenia nunc omittere, quoniam dii, quamvis potentium populorum arbitri, possessionem Parthis non sine ignominia Romana tradidissent. 5 nuper clausum Tigranen, post Paetum legionesque, cum opprimere posset, incolumes dimisisse. satis adprobatam vim; datum et lenitatis experimentum. nec recusaturum Tiridaten accipiendi diademati in urbem venire, nisi sacerdotii religione attineretur: iturum ad signa et effigies principis, ubi 10 legionibus coram regnum auspicaretur.

25. Talibus Vologaeisis litteris, quia Paetus diversa tamquam rebus integris scribebat, interrogatus centurio, qui cum legatis advenerat, quo in statu Armenia esset, omnes inde Romanos excessisse respondit. tum intellecto barbarorum 15 inrisu, qui peterent quod eripuerant, consuluit inter primores civitatis Nero, bellum anceps an pax inhonesta placeret. nec dubitatum de bello. et Corbulo militum atque hostium tot per annos gnarus gerendae rei praeficitur, ne cuius alterius inscitia rursum peccaretur, quia Paeti piguerat. igitur inriti 20 remittuntur, cum donis tamen, unde spes fieret non frustra eadem oraturum Tiridaten, si preces ipse attulisset. Syriaeque executio <C.> Cestio, copiae militares Corbuloni permissae, et quinta decuma legio ducente Mario Celso e Pannonia adiecta est. scribitur tetrarchis ac regibus praefectisque et 25 procuratoribus et qui praetorum finitimas provincias regerant, iussis Corbulonis obsequi, in tantum ferme modum aucta potestate, quem populus Romanus Cn. Pompeio bellum piraticum gesturo dederat. regressum Paetum, cum graviora metueret, faciliis insectari satis habuit Caesar, his ferme 30 verbis: ignoscere se statim, ne tam promptus in pavorem longiore sollicitudine aegresceret.

26. At Corbulo quarta et duodecuma legionibus, quae fortissimo quoque amisso et ceteris exterritis parum habiles proelio videbantur, in Syriam translatis, sextam inde ac ter-

---

2 committere 14 barbarum, cf. ad XIV 39 16 inhonesta  
*Victorius*: inhosta 22 executio (iurisdictio *Madvig*) | C. *add.*  
*Nipperdey* | Cestio *Pighius*: citio (C. *Itio Orelli*)

tiam legiones, integrum militem et crebris ac prosperis laboribus exercitum in Armeniam ducit. addiditque legionem quintam, quae per Pontum agens expers cladis fuerat, simul quintadecumanos recens adductos et vexilla delectorum ex Illyrico et Aegypto, quodque alarum cohortiumque, et auxilia regum in unum conducta apud Melitenen, qua transmittere Euphraten parabat. tum lustratum rite exercitum ad contionem vocat orditurque magnifica de auspiciis imperatoris rebusque a se gestis, adversa in incertam Paeti declinans, multa auctoritate, quae viro militari pro facundia erat.

27. Mox iter L. Lucullo quondam penetratum, apertis quae vetustas obsaeperat, pergit. et venientes Tiridatis Vologaeisque de pace legatos haud aspernatus, adiungit iis centuriones cum mandatis non inmitibus: nec enim adhuc eo ventum, ut certamine extremo opus esset. multa Romanis secunda, quaedam Parthis evenisse, documento adversus superbiam. proinde et Tiridati conducere intactum vastationibus regnum dono accipere, et Vologaesen melius societate Romana quam damnis mutuis genti Parthorum consulturum. scire, quantum intus discordiarum, quamque indomitas et praeferoces nationes regeret: contra imperatori suo immotam ubique pacem et unum id bellum esse. simul consilio terrorem adicere, et megistanas Armenios, qui primi a nobis defecerant, pellit sedibus, castella eorum excindit, plana edita, validos invalidosque pari metu complet.

28. Non infensum nec cum hostili odio Corbulonis nomen etiam barbaris habebatur, eoque consilium eius fidum credebant. ergo Vologaesenes neque atrox in summam, et quibusdam praefecturis indutias petit: Tiridates locum diemque colloquio poscit. tempus propinquum, locus, in quo nuper obsessae cum Paeto legiones erant, barbaris delectus est ob memoriam laetioris ibi rei, Corbuloni non vitatus, ut dis-

9 adversa in *Victorius et Freinsheim*: aduersa 16 documento 17 perinde 18 uologeses 24 pelluit, sed corr. ead. m. 26 nec cum] nedum *Lipsius* 31 barbaris *Doederlein*: cum barbaris (*praecedat* cum) 32 laetioris ibi *scripsi*: laetioris sibi, sed s in fine prioris vocabuli del. ead. m. | Corbuloni *Agricola*: corbulo (cum barbaris delectus esset... Corbulo non vitavit al

similitudo fortunae gloriam auget. neque infamia Paeti  
angebatur, quod eo maxime patuit, quia filio eius tribuno  
ducere manipulos atque operire reliquias malae pugnae im-  
peravit. die pacta Tiberius Alexander, inlustris eques Ro-  
manus, minister bello datus, et Vinicianus Annius, gener  
Corbulonis, nondum senatoria aetate et pro legato quintae  
legioni inpositus, in castra Tiridatis venere, honori eius ac  
ne metueret insidias tali pignore; viceni dehinc equites ad-  
sumpti. et viso Corbulone rex prior equo desiluit; nec cun-  
ctatus Corbulo, sed pedes uterque dexteris miscuere.

29. Exin Romanus laudat iuvenem omissis praecipitibus  
tuta et salutaria capessentem. ille de nobilitate generis mul-  
tum praefatus, cetera temperanter adiungit: iturum quippe  
Romam laturumque novum Caesari decus, non adversis Par-  
thorum rebus supplicem Arsaciden. tum placuit Tiridaten  
ponere apud effigiem Caesaris insigne regium nec nisi manu  
Neronis resumere; et colloquium osculo finitum. dein paucis  
diebus interiectis magna utrimque specie inde eques com-  
positus per turmas et insignibus patriis, hinc agmina legio-  
num stetero fulgentibus aquilis signisque et simulacris deum  
in modum templi: medio tribunal sedem curulem et sedes  
effigiem Neronis sustinebat. ad quam progressus Tiridates,  
caesis ex more victimis, sublatum capiti diadema imagini  
subiecit, magnis apud cunctos animorum motibus, quos au-  
gebat insita adhuc oculis exercituum Romanorum caedes aut  
obsidio. at nunc versos casus: iturum Tiridaten ostentui  
gentibus, quanto minus quam captivum?

30. Addidit gloriae Corbulo comitatem epulasque; et ro-  
gitante rege causas, quotiens novum aliquid adverterat, ut  
initia vigiliarum per centurionem nuntiari, convivium bucina  
dimitti et structam ante augurale aram subdita face accendi,  
cuncta in maius attollens admiratione prisca moris affectit.

---

5 Vinicianus *Ryck*: uinianus    6 aetates et, *sed s del. ead.*  
*m.*    7 honori *Lipsius*: honor (honore *al.*)    10 sed] *an et?*  
 12 multum *Puteolanus*: militum    23 sublato | capite *Rhenanus*  
 26 iturum *idem*: iterum    28 rogitantem regem *Jo. Fr. Gro-*  
*novius*    31 auguralē, *em. Agricola*

postero die spatium oravit, quo tantum itineris aditurus fratres ante matremque viseret; obsidem interea filiam tradit litterasque supplices ad Neronem.

31. Et digressus Pacorum apud Medos, Vologaesen Ecbanis repperit, non incuriosum fratris: quippe et propriis nuntiis a Corbulone petierat, ne quam imaginem servitii Tiridates perferret neu ferrum traderet aut complexu provincias optinentium arceretur foribusve eorum adsisteret, tantusque ei Romae quantus consulibus honor esset. scilicet externae superbiae sueto non inerat notitia nostri, apud quos vis imperii valet, inania tramittuntur. 10

32. Eodem anno Caesar nationes Alpium maritimarum in ius Latii transtulit. equitum Romanorum locos sedilibus plebis anteposuit apud circum; namque ad eam diem indiscreti inibant, quia lex Roscia nihil nisi de quattuordecim ordinibus sanxit. spectacula gladiatorum idem annus habuit pari magnificentia ac priora; sed feminarum illustrium senatorumque plures per arenam foedati sunt. 15

33. C. Laecanio M. Licinio consulibus acriore in dies cupidine adigebatur Nero promiscuas scaenas frequentandi. nam adhuc per domum aut hortos cecinerat Iuvenalibus ludis, quos ut parum celebres et tantae voci angustos spernebat. non tamen Romae incipere ausus Neapolim quasi Graecam urbem delegit: inde initium fore, ut transgressus in Achaiam insignesque et antiquitus sacras coronas adeptus maiore fama studia civium eliceret. ergo contractum oppidanorum volgas, et quos e proximis coloniis et municipiis eius rei fama acciverat, quique Caesarem per honorem aut varios usus sectantur, etiam militum manipuli, theatrum Neapolitanorum complent. 20 25 30

34. Illic, plerique ut arbitrabantur, triste, ut ipse, providum potius et secundis numinibus evenit: nam egresso qui affuerat populo vacuum et sine ullius noxa theatrum collapsum est. ergo per compositos cantus grates dis atque

2 tradidit malebat Halm  
Haase 24 transgressis  
Rhenanus

21 cecinerat aut Iuvenalibus  
28 ciuerat 31 arbitrantur, em.

ipsam recentis casus fortunam celebrans petiturusque maris Hadriae traiectus apud Beneventum interim consedit, ubi gladiatorium munus a Vatino celebre edebatur. Vatinus inter foedissima eius aulae ostenta fuit, sutrinae tabernae  
 5 alumnus, corpore detorto, faciliis scurrilibus; primo in contumelias assumptus, dehinc optimi cuiusque criminatione eo usque valuit, ut gratia pecunia vi nocendi etiam malos praemineret.

35. Eius munus frequentanti Neroni ne inter voluptates  
 10 quidem a sceleribus cessabatur. isdem quippe illis diebus Torquatus Silanus mori adigitur, quia super Iuliae familiae claritudinem divum Augustum abavum ferebat. iussi accusatores obicere prodigum largitionibus, neque aliam spem quam in rebus novis esse; quin inter libertos habere, quos  
 15 ab epistulis et libellis et rationibus appellet, nomina summae curae et meditamenta. tum intimus quisque libertorum vincti abreptique; et cum damnatio instaret, brachiorum venas Torquatus interscidit. secutaque Neronis oratio ex more, quamvis sontem et defensionem merito diffusum victu-  
 20 rum tamen fuisse, si clementiam iudicis expectasset.

36. Nec multo post ommissa in praesens Achaia (causae in incerto fuere) urbem revisit, provincias Orientis, maxime Aegyptum, secretis imaginationibus agitans. dehinc edicto testificatus non longam sui absentiam et cuncta in re publica  
 25 perinde immota ac prospera fore, super ea profectio adiit Capitolium. illic veneratus deos, cum Vestae quoque tem-

---

3 celebre: b *del. ead. m., ut vid., unde Celere conieci*  
 7 evaluit *Acidalius* 12 abavum *Ch. Ad. Rupertus (ep. 60 ad Reinesium)*: atavum | iussis 14 quin inter libertos *scripsi secutus Halmium (qui coll. XVI 8, 3 quin eum inter libertos scripsit)*: qui ne Innobiles (quin eum domi libertos *Jo. Fr. Gronovius et sine domi ed. Bipontina*, quin eum *Lipsius*, quin in villis *R. Seyffert*) an *Lipsius verum vidit (nisi quod eum omiserim)? Potest enim innobiles natum esse ex dittographia eorum quae praecedunt* novis esse 18 intercudit *Zumpt ad Curt. p. 138, ut est XVI 14 et Plin. N. H. XI 37, 174; at dixit Tacitus venas abscindere XV 69 et XVI 11* 23 edicto *Rhenanus*: dicto 24 in re p. perinde *Pichena*: Inrepperiende  
 25 prospere



plum inisset, repente cunctos per artus tremens, seu numine  
 exterrente, seu facinorum recordatione numquam timore va-  
 cuus, deseruit inceptum, cunctas sibi curas amore patriae  
 leviores dictitans. vidisse maestos civium vultus, audire se-  
 cretas querimonias, quod tantum <itineris> aditurus esset,  
 cuius ne modicos quidem egressus tolerarent, sueti adver-  
 sum fortuita aspectu principis refoveri. ergo ut in privatis  
 necessitudinibus proxima pignora praevalerent, ita <in re  
 publica> populum Romanum vim plurimam habere paren-  
 dumque retinenti. haec atque talia plebi volentia fuere, vo-  
 luptatum cupidine et, quae praecipua cura est, rei frumen-  
 tariae angustias, si abesset, metuenti. senatus et primores  
 in incerto erant, procul an coram atrocior haberetur; de-  
 hinc, quae natura magnis timoribus, deterius credebant quod  
 evenerat.

37. Ipse quo fidem acquireret nihil usquam perinde lae-  
 tum sibi, publicis locis struere convivia totaque urbe quasi  
 domo uti. et celeberrimae luxu famaque epulae fuere, quas  
 a Tigellino paratas ut exemplum referam, ne saepius eadem  
 prodigientia narranda sit. igitur in stagno Agrippae fabri-  
 catus est ratem, cui superpositum convivium navium aliarum  
 tractu moveretur. naves auro et ebore distinctae; remiges-  
 que exoleti per aetates et scientiam libidinum componeban-  
 tur. volucres et feras diversis e terris et animalia maris  
 Oceano abusque petiverat. crepidinibus stagni lupanaria  
 astabant illustribus feminis completa, et contra scorta vise-  
 bantur nudis corporibus. iam gestus motusque obsceni; et  
 postquam tenebrae incedebant, quantum iuxta nemoris et  
 circumiecta tecta consonare cantu et luminibus clarescere.  
 ipse per licita atque illicita foedatus nihil flagitii reliquerat,  
 quo corruptior ageret, nisi paucos post dies uni ex illo con-  
 taminatorum grege (nomen Pythagorae fuit) in modum sol-  
 lemnium coniugiorum denupsisset. inditum imperatori flam-

4 einium    5 itineris hic add. Nipperdey, Heinsius post  
 esset, iter add. al., cf. XV 30 | aditurus    8 in re p. supplevit  
 Wurm (apud se addidit Halm olim)    10 volenti Rhenanus  
 19 exemplā    27 Iustus

meum, missi auspices; dos et genialis torus et faces nuptiales, cuncta denique spectata, quae etiam in femina nox operit.

38. Sequitur clades, forte an dolo principis incertum (nam utrumque auctores prodidere), sed omnibus, quae huic  
 5 urbi per violentiam ignium acciderunt, gravior atque atrocior. initium in ea parte circi ortum, quae Palatino Caelioque montibus contigua est, ubi per tabernas, quibus id mercimonium inerat, quo flamma alitur, simul coeptus ignis et statim validus ac vento citus longitudinem circi corripuit. neque enim  
 10 domus munimentis saeptae vel templa muris cincta aut quid aliud morae interiacebat. impetu pervagatum incendium plana primum, deinde in edita assurgens et rursus inferiora populando anteiit remedia velocitate mali et obnoxia urbe artibus itineribus hucque et illuc flexis atque enormibus vicis,  
 15 qualis vetus Roma fuit. ad hoc lamenta paventium feminarum, fessa aetate aut rudis pueritiae [aetas], quique sibi quique aliis consulebant, dum trahunt invalidos aut opperiantur, pars mora, pars festinans, cuncta impediabant. et saepe, dum in tergum respectant, lateribus aut fronte circumveniebantur, vel si in proxima evaserant, illis quoque igni correptis, etiam quae longinqua crediderant in eodem casu reperiiebant. postremo, quid vitarent quid peterent ambigui, complere vias, sterni per agros; quidam amissis omnibus fortunis, diurni quoque victus, alii caritate suorum, quos  
 25 eripere nequiverant, quamvis patente effugio interiere. nec quisquam defendere audebat, crebris multorum minis restinguere prohibentium, et quia alii palam faces iaciebant atque esse sibi auctorem vociferabantur, sive ut raptus licentius exercerent seu iussu.

39. Eo in tempore Nero Anti agens non ante in urbem

1 missi *ed. Froben. et Lipsius*: misit (missi et *Doederlein*, visi *Rhenanus*, visi et *Halm*) 5 occiderunt, *sed corr. ead. m.*  
 11 pervagatum: tum *corr. ead. m. ex tur* 14 hucque, *corr. m. post.* 16 pueritiae *Jac. Gronovius*: pueritiae aetas (fessa aut rudis pueritiae aetas *Lipsius*) 21 reperiiebantur, *em. Jo. Fr. Gronovius* 24 diurno quoque victu *Brotier*, diurni q. victus copia *Nipperdey* 28 auctore 1 *m.* 29 iussum 30 anti: alterum i *add. m. p.*

regressus est, quam domui eius, qua Palatium et Maecenatis hortos continuaverat, ignis propinquaret. neque tamen sisti potuit, quin et Palatium et domus et cuncta circum haurirentur. sed solacium populo exturbato ac profugo campum Martis ac monumenta Agrippae, hortos quin etiam suos patefecit et subitaria aedificia extruxit, quae multitudinem inopem acciperent; subvectaque utensilia ab Ostia et propinquis municipiis, pretiumque frumenti minutum usque ad ternos nummos. quae quamquam popularia in irritum cadebant, quia pervaserat rumor ipso tempore flagrantis urbis inisse eum domesticam scaenam et cecinisse Troianum excidium, praesentia mala vetustis cladibus adsimulantem.

40. Sexto demum die apud imas Esquilias finis incendio factus, prorutis per inensum aedificiis, ut continuae violentiae campus et velut vacuum caelum occurreret. necdum positus metus aut redierat plebi spes: rursum grassatus ignis, patulis magis urbis locis; eoque strages hominum minor, delubra deum et porticus amoenitati dicatae latius procidere. plusque infamiae id incendium habuit, quia praediis Tigellini Aemilianis proruperat videbaturque Nero condendae urbis novae et cognomento suo appellandae gloriam quaerere. quippe in regiones quattuordecim Roma dividitur, quarum quattuor integrae manebant, tres solo tenus deiectae, septem reliquis pauca tectorum vestigia supererant, lacera et semusta.

41. Domuum et insularum et templorum, quae amissa sunt, numerum inire haud promptum fuerit; sed vetustissima religione, quod Servius Tullius Lunae, et magna ara fanumque, quae praesenti Herculi Arcas Evander sacraverat, aedesque Statoris Iovis vota Romulo Numaeque regia et delubrum Vestae cum penatibus populi Romani exusta; iam opes tot victoriis quaesitae et Graecarum artium decora, exin monumenta ingeniorum antiqua et incorrupta, <ut> quamvis in tanta

---

3 domos 10 rumori 14 proruptis, *em. Jo. Fr. Gronovius*  
 16 positus *Jacob:* post | aut redierat plebi spes *Madvig:* aut rediebat lebis, *ita tamen, ut post lebis breve spatium vacuum sit, in quo est initium litterae p* 31 quaesitas *Ernesti* 32 ut addidit *Halm*

resurgentis urbis pulchritudine multa seniores meminerint, quae reparari nequibant. fuere qui adnotarent XIII Kal. Sextiles principium incendii huius ortum, quo et Senones captam urbem inflammaverint. alii eo usque cura progressi  
5 sunt, ut totidem annos mensesque et dies inter utraque incendia numerent.

42. Ceterum Nero usus est patriae ruinis extruxitque domum, in qua haud proinde gemmae et aurum miraculo essent, solita pridem et luxu volgata, quam arva et stagna et  
10 in modum solitudinum hinc silvae, inde aperta spatia et prospectus, magistris et machinatoribus Severo et Celere, quibus ingenium et audacia erat etiam, quae natura denegavisset, per artem temptare et viribus principis illudere. namque ab lacu Averno navigabilem fossam usque ad ostia Ti-  
15 berina depressuros promiserant squalenti litore aut per montes adversos. neque enim aliud umidum gignendis aquis occurrit quam Pomptinae paludes: cetera abrupta aut arentia, ac si perrumpi possent, intolerandus labor nec satis causae. Nero tamen, ut erat incredibilium cupitor, effodere proxima  
20 Averno iuga conisus est, manentque vestigia irritae spei.

43. Ceterum urbis quae domui supererant non, ut post Gallica incendia, nulla distinctione nec passim erecta, sed dimensis vicorum ordinibus et latis viarum spatiis cohibita-  
25 que aedificiorum altitudine ac patefactis areis additisque porticibus, quae frontem insularum protegerent. eas porticus Nero sua pecunia exstructurum purgatasque areas dominis traditurum pollicitus est. addidit praemia pro cuiusque ordine et rei familiaris copiis, finivitque tempus, intra quod effectis domibus aut insulis apiscerentur. ruderi accipiundo  
30 Ostienses paludes destinabat, utique naves, quae frumentum Tiberi subvectavissent, onustae rudere decurrerent, aedificiaque ipsa certa sui parte sine trabibus saxo Gabino Albanove solidarentur, quod is lapis ignibus impervius est; iam aqua

---

3 quo et *Rhenanus*: et quo      6 numerarent *Acidalius*  
8 perinde *al.*    13 temperare    20 irrita    21 domus perierant  
et *l.* 22 erectae *Lipsius* (domus insulaeque perierant *C. Heraeus*)  
31 subvectavissent *Halm*: subuecta essent (subuectassent *al.*)

privatorum licentia intercepta quo largior et pluribus locis in publicum flueret, custodes, et subsidia reprimendis ignibus in propatulo quisque haberet; nec communione parietum, sed propriis quaeque muris ambirentur. ea ex utilitate accepta decorem quoque novae urbi attulere. erant tamen <sup>5</sup> qui crederent veterem illam formam salubritati magis conduxisse, quoniam angustiae itinerum et altitudo tectorum non perinde solis vapore perrumperentur: at nunc patulam latitudinem et nulla umbra defensam graviore aestu ardescere. <sup>10</sup>

44. Et haec quidem humanis consiliis providebantur. mox petita dis piacula aditique Sibyllae libri, ex quibus supplicatum Volcano et Cereri Proserpinaeque, ac propitiata Iuno per matronas, primum in Capitolio, deinde apud proximum mare, unde hausta aqua templum et simulacrum deae <sup>15</sup> perspersum est; et sellisternia ac pervigilia celebrare feminae, quibus mariti erant.

Sed non ope humana, non largitionibus principis aut deum placamentis decedebat infamia, quin iussum incendium crederetur. ergo abolendo rumori Nero subdidit reos et quae- <sup>20</sup> sitissimis poenis affecit, quos per flagitia invisos vulgus Christianos appellabat. auctor nominis eius Christus Tiberio imperitante per procuratorem Pontium Pilatum supplicio affectus erat; repressaue in praesens exitiabilis superstitio rursum erumpebat, non modo per Iudaeam, originem eius <sup>25</sup> mali, sed per urbem etiam, quo cuncta undique atrociora aut pudenda confluunt celebranturque. igitur primum correpti qui fatebantur, deinde indicio eorum multitudo ingens haud proinde in crimine incendii quam odio humani generis convicti sunt. et pereuntibus addita ludibria, ut ferarum tergis <sup>30</sup> contacti laniatu canum interirent aut crucibus affixi [aut

---

1 largitior    2 custodes adessent, et *Joh. Müller*    3 nec comm. — ambirentur *Nipperdey* ante iam (p. 346, 33) posuit  
 12 dis *Jo. Fr. Gronovius*: a dis    16 perspersum malebat *Bezenberger coll. XVI 10*    22 christianos corr. ex chrestianos, m. posteriore, ut vid.    29 perinde al. | in del. *Faërnus* | conjuncti  
 31 aut flammandi atque seclusi, deprompta, ut vid., ex *Sulpicio*

flammandi atque], ubi defecisset dies, in usum nocturni luminis urerentur. hortos suos ei spectaculo Nero obtulerat et circense ludicrum edebat, habitu aurigae permixtus plebi vel curriculo insistens. unde quamquam adversus sontes et  
 5 novissima exempla meritos miseratio oriebatur, tamquam non utilitate publica, sed in saevitiam unius absumerentur.

45. Interea conferendis pecuniis pervastata Italia, provinciae eversae sociique populi et quae civitatum liberae vocantur. inque eam praedam etiam dii cessere; spoliatis in  
 10 urbe templis egestoque auro, quod triumphis, quod votis omnis populi Romani aetas prospere aut in metu sacraverat. enimvero per Asiam atque Achaiam non dona tantum, sed simulacra numinum abripiebantur, missis in eas provincias Acrato et Secundo Carrinate. ille libertus cuicumque flagitio  
 15 promptus; hic Graeca doctrina ore tenus exercitus animum bonis artibus non induerat. ferebatur Seneca, quo invidiam sacrilegii a semet averteret, longinqui ruris secessum oravisse, et postquam non concedebatur, ficta valetudine, quasi aeger nervis, cubiculum non egressus. tradidere qui-  
 20 dam venenum ei per libertum ipsius, cui nomen Cleonicus, paratum iussu Neronis vitatumque a Seneca proditione liberti seu propria formidine, dum per simplicem victum et agrestibus pomis, ac si sitis admoneret, profluente aqua vitam tolerat.

25 46. Per idem tempus gladiatores apud oppidum Praeneste temptata eruptione praesidio militis, qui custos adesset, coërciti sunt, iam Spartacum et vetera mala rumoribus

---

*Severo, qui II, 29 haec habet:* quin et novae mortes excogitatae, ut f. tergis contacti laniatu canum interirent, multi crucibus adfixi aut flamma usti, plerique in id reservati, ut, cum defecisset dies, in usum nocturni luminis urerentur 1 flammati *Agricola* | usu 8 permixtus: xt m. post. corr. ex st 4 curriculo *Agricola*: circulo 11 prospera re *Acidalius*, per prospera *Becher coll. XI 15, 10* 14 caprinatae 16 imbuerat *Lipsius* | seneca: m add. m. post. 19 egressum, sed m in s mutavit ead. m. 22 per simplicem victum *Halm*: persimplici victu 26 adest *Nipperdey*, adsidet *Döderlein*, comparat *Joh. Müller H. I 11, 1* coërceretur

ferente populo, ut est novarum rerum cupiens pavidusque. nec multo post clades rei navalis accipitur, non bello (quippe haud alias tam immota pax), sed certum ad diem in Campaniam redire classem Nero iusserat, non exceptis maris casibus. ergo gubernatores, quamvis saeviente pelago, a Formiis movere; et gravi Africo, dum promunturium Miseni superare contendunt, Cumanis litoribus inpacki triremium ple-  
 5 rasque et minora navigia passim amiserunt.

47. Fine anni volgantur prodigia, imminentium malorum nuntia: vis fulgurum non alias crebrior, et sidus cometes, 10 sanguine illustri semper Neroni expiatum; bicipites hominum aliorumve animalium partus abiecti in publicum aut in sacrificiis, quibus gravidas hostias inmolare mos est, reperti. et in agro Placentino viam propter natus vitulus, cui caput in crure esset; secutaque haruspicum interpretatio, parari 15 rerum humanarum aliud caput, sed non fore validum neque occultum, quia in utero repressum aut iter iuxta editum sit.

48. Ineunt deinde consulatum Silius Nerva et Atticus Vestinus, coepta simul et aucta coniuratione, in quam certatim nomina dederant senatores eques miles, feminae etiam, 20 cum odio Neronis, tum favore in C. Pisonem. is Calpurnio genere ortus ac multas insignesque familias paterna nobilitate complexus, claro apud vulgum rumore erat per virtutem aut species virtutibus similes. namque facundiam tuendis civibus exercebat, largitionem adversum amicos et ignotis 25 quoque, comi sermone et congressu; aderant etiam fortuita, corpus procerum, decora facies: sed procul gravitas morum aut voluptatum parsimonia; levitati ac magnificentiae et aliquando luxu indulgebat. idque pluribus probabatur, qui in tanta vitiorum dulcedine summum imperium non restrictum 30 nec praeseverum volunt.

49. Initium coniurationi non a cupidine ipsius fuit; nec tamen facile memoraverim, quis primus auctor, cuius in-

---

11 semper *del. Grotius*, Neroni obelo notavit *Ernesti* ob locum *Suetonii Ner.* 36 12 inmolari malebat *Halm coll.* II 34, 22. IV 70, 11. *H.* III 56, 4 17 aut] et *Ernesti*, at v. ad I 16 28 levitati *Ernesti*: lenitati 32 coniurationis *al.*

instinctu concitum sit quod tam multi sumpserunt. promptis-  
 simos Subrium Flavum tribunum praetoriae cohortis et Sul-  
 piciū Asprum centurionem extitisse constantia exitus do-  
 cuit; et Lucanus Annaeus Plautiusque Lateranus vivida odia  
 5 intulere. Lucanum propriae causae accendebant, quod famam  
 carminum eius premebat Nero prohibueratque ostentare, va-  
 nus adsimulatione: Lateranum consulem designatum nulla  
 iniuria, sed amor rei publicae sociavit. at Flavius Scaevinus  
 et Afranius Quintianus, uterque senatorii ordinis, contra fa-  
 10 mam sui principium tanti facinoris capessivere: nam Scae-  
 vino dissoluta luxu mens et proinde vita somno languida;  
 Quintianus mollitia corporis infamis et a Nerone probroso  
 carmine diffamatus contumeliam ultum ibat.

50. Ergo dum scelera principis, et finem adesse imperio  
 15 deligendumque, qui fessis rebus succurreret, inter se aut  
 inter amicos iaciunt, adgregavere Claudium Senecionem, Cer-  
 varium Proculum, Vulgacium Araricum, Iulium Augurinum,  
 Munatium Gratum, Antonium Natalem, Marcium Festum, equi-  
 tes Romanos. ex quibus Senecio, e praecipua familiaritate  
 20 Neronis, speciem amicitiae etiam tum retinens eo pluribus  
 periculis conflictabatur: Natalis particeps ad omne secretum  
 Pisoni erat; ceteris spes ex novis rebus petebatur. adscitae  
 sunt super Subrium et Sulpiciū, de quibus rettuli, militares  
 manus Gavius Silvanus et Statius Proxumus tribuni coh-  
 25 tium praetoriarum, Maximus Scaurus et Venetus Paulus cen-  
 turiones. sed summum robur in Faenio Rufo praefecto vide-  
 batur, quem vita famaue laudatum per saevitiam inpudici-  
 tiamque Tigellinus in animo principis anteibat fatigabatque  
 criminationibus ac saepe in metum adduxerat quasi adulte-  
 30 rum Agrippinae et desiderio eius ultioni intentum. igitur

2 Flavum *Bekker*: flaviū      4 Lateranus *idem*: lateranus  
 consul designatus (*cf. l. 7*)      7 aemulatione *Lipsius*; cum Ta-  
 citus tam multa in verborum significationibus novaverit, reli-  
 gioni fuit adsimulatione, i. e. studio eius adaequandi, immutare  
 13 contumeliam ultum *scripsi*: contumelias multum, sed s del.  
*ead. m.*      15 deligendum quique, *em. Puteolanus*      16 Claudium  
*Ritter*: tullium, *cf. XIII 12*      17 vulgacium      24 proximus,  
*sed cf. c. 71, 9*



ubi coniuratis praefectum quoque praetorii in partes descendisse crebro ipsius sermone facta fides, promptius iam de tempore ac loco caedis agitabant. et cepisse impetum Subrius Flavus ferebatur in scaena canentem Neronem adgrediendi, aut cum ardente domo per noctem huc illuc cursaret incustoditus. hic occasio solitudinis, ibi ipsa frequentia 5 tanti decoris testis pulcherrima animum extimulaverant, nisi impunitatis cupido retinuisset, magnis semper conatibus adversa.

51. Interim cunctantibus prolatantibusque spem ac metum Epicharis quaedam, incertum quonam modo sciscitata 10 (neque illi ante ulla rerum honestarum cura fuerat), accendere et arguere coniuratos, ac postremum lentitudinis eorum pertaesa et in Campania agens primores classiariorum Misenensium labefacere et conscientia illigare conisa est tali 15 initio. erat nauarchus in ea classe Volusius Proculus, occidendae matris Neroni inter ministros, non ex magnitudine sceleris proventus, ut rebatur. is mulieri olim cognitus, seu recens orta amicitia, dum merita erga Neronem sua et quam in irritum cecidissent aperit adicitque questus et destinationem vindictae, si facultas oreretur, spem dedit posse inpelli 20 et plures conciliare: nec leve auxilium in classe, crebras occasiones, quia Nero multo apud Puteolos et Misenum maris usu laetabatur. ergo Epicharis plura; et omnia scelera principis orditur: neque senatui <neque populo> quidquam 25 manere. sed provisum, quonam modo poenas eversae rei publicae daret: accingeretur modo navare operam et militum acerrimos ducere in partes, ac digna pretia expectaret. nomina tamen coniuratorum reticuit. unde Proculi indicium inritum fuit, quamvis ea, quae audierat, ad Neronem detu- 30

2 sermonis 7 pulcherrima *Urlichs*: pulcherrimum (pulcherrimum ad facinus *Orelli*) | extimulauerat, sed n. add. ead. m., cf. ad XVI 20 8 incolumitatis conieci 10 spe ac metu *Lipsius*, spem inter ac metum *Acidalius* 13 arguere *Pluygers* 16 erant uarchus 17 Neroni *Heinsius*: neronis 25 senatui] sancti *Thomas* | neque populo hic add. *Halm, Madvig* ante neque senatui | quidquam *Orelli*: quod 27 multum 28 duceret *al.*

lisset. accita quippe Epicharis et cum indice composita nullis  
testibus innisum facile confutavit. sed ipsa in custodia re-  
tenta est, suspectante Nerone haud falsa esse etiam quae  
vera non probabantur.

5 52. Coniuratis tamen metu prodicionis permotis placitum  
maturare caedem apud Baias in villa Pisonis, cuius amoeni-  
tate captus Caesar crebro ventitabat balneasque et epulas  
inibat omissis excubiis et fortunae suae mole. sed abnuit  
Piso, invidiam praetendens, si sacra mensae diique hospitales  
10 caede qualiscumque principis cruentarentur: melius apud  
urbem in illa invisā et spoliis civium extructa domo vel in  
publico patratturos quod pro re publica suscepissent. haec  
in commune, ceterum timore occulto, ne L. Silanus eximia  
nobilitate disciplinaque C. Cassii, apud quem educatus erat,  
15 ad omnem claritudinem sublatus imperium invaderet, prompte  
daturis, qui a coniuratione integri essent quique miserarentur  
Neronem tamquam per scelus interfectum. plerique Vestini  
quoque consulis acre ingenium vitavisse Pisonem crediderunt,  
ne ad libertatem oreretur, vel delecto imperatore alio sui  
20 muneris rem publicam faceret. etenim experts coniurationis  
erat, quamvis super eo crimine Nero vetus adversum in-  
sonsem odium expleverit.

53. Tandem statuere circensium ludorum die, qui Cereri  
celebratur, exequi destinata, quia Caesar rarus egressu do-  
15 moque aut hortis clausus ad ludicra circi ventitabat prom-  
ptioresque aditus erant laetitia spectaculi. ordinem insidiis  
composuerant, ut Lateranus, quasi subsidium rei familiari  
oraret, deprecabundus et genibus principis accidens proster-  
neret incautum premeretque, animi validus et corpore in-  
20 gens; tum iacentem et impeditum tribuni et centuriones et  
ceterorum, ut quisque audientiae habuisset, adcurrerent tru-  
cidarentque, primas sibi partes expostulante Scaevino, qui  
pugionem templo Salutis sive, ut alii tradidere, Fortunae

6 quo eius *Pichena* 7 crebro eo *Lipsius*, creber eo *Heinsius*  
19 libertate moreretur, *em. Pichena* 24 celebrantur *Agricola*  
28 accedens, *em. Rhenanus* 31 audientiae habuissent 32 ex-  
postulanti 33 Salutis *Ernesti*: salutis Inetruria | siue utilia

Ferentino in oppido detraxerat gestabatque velut magno operi sacrum. interim Piso apud aedem Cereris opperiretur, unde eum praefectus Faenius et ceteri accitum ferrent in castra, comitante Antonia, Claudii Caesaris filia, ad eliciendum volgi favorem, quod C. Plinius memorat. nobis quoquo modo traditum non occultare in animo fuit, quamvis absurdum videretur aut inanem ad spem Antoniam nomen et periculum commodavisse, aut Pisonem notum amore uxoris alii matrimonio se obstrinxisse, nisi si cupidus dominandi cunctis affectibus flagrantior est.

54. Sed mirum quam inter diversi generis ordinis, aetatis sexus, dites pauperes taciturnitate omnia cohibita sint, donec proditio coepit e domo Scaevini; qui pridie insidiarum multo sermone cum Antonio Natale, dein regressus domum testamentum obsignavit, promptum vagina pugionem, de quo supra rettuli, vetustate obtusum increpans, asperari saxo et in mucronem ardescere iussit eamque curam liberto Milicho mandavit. simul affluentius solito convivium initum, servorum carissimi libertate et alii pecunia donati; atque ipse maestus et magnae cogitationis manifestus erat, quamvis laetitiam vagis sermonibus simularet. postremo vulneribus ligamenta quibusque sistitur sanguis parari iubet idque eundem Milichum monet, sive gnarum coniurationis et illuc usque fidum, seu nescium et tunc primum arreptis suspicionibus, ut plerique tradidere. de consequentibus <consentitur>. nam cum secum servilis animus praemia perfidiae reputavit simulque immensa pecunia et potentia obversabantur, cessit fas et salus patroni et acceptae libertatis memoria. etenim uxoris quoque consilium adsumpserat, muliebre ac deterius: quippe ultro metum intentabat, multosque astitisse liberos ac servos, qui eadem viderint; nihil profuturum unius

tr., sed a in i corr. ead. m. 1 Ferentino *Cluverius*: frentano 2 operis, em. *Pichena* 7 inanem ad *idem*: Inane . aut, sed in marg. ead. m. alii ad 10 aspernari 19 karissimi 22 parari iubet idque *scripsi*: partiebatq; (parare *Puteolanus*) 24 suspicionibus 25 consentitur add. *Joh. Müller* 28 ut enim 31 audierint *Heinsius*, viderint audierint *Nipperdey*, cf. H. III 29, 11 conspicuus manu ac voce

silentium, at praemia penes unum fore, qui indicio praevenisset.

55. Igitur coepta luce Milichus in hortos Servilianos pergit; et cum foribus arceretur, magna et atrocitas adferre dictitans deductusque ab ianitoribus ad libertum Neronis Epaphroditum, mox ab eo ad Neronem, urgens periculum, graves coniuratos et cetera, quae audiverat, coniectaverat, docet; telum quoque in necem eius paratum ostendit accirque reum iussit. is raptus per milites et defensionem orsus, ferrum, cuius argueretur, olim religione patria cultum et in cubiculo habitum ac fraude liberti subreptum respondit. tabulas testamenti saepius a se et incustodita dierum observatione signatas. pecunias et libertates servis et ante dono datas, sed ideo tunc largius, quia tenui iam re familiari et instantibus creditoribus testamento diffideret. enimvero liberales semper epulas struxisse; vitam amoenam et duris iudiciis parum probatam. fomenta vulneribus nulla iussu suo, sed quia cetera palam vana obiecisset, adiungere crimen, cuius se pariter indicem et testem faceret. adicit dictis constantiam; incusat ultro intestabilem et consceleratum, tanta vocis ac vultus securitate, ut labaret indicium, nisi Milichum uxor admonuisset Antonium Natalem multa cum Scaevino ac secreta collocutum et esse utrosque C. Pisonis intimos.

56. Ergo accitur Natalis, et diversi interrogantur, quisnam is sermo, qua de re fuisset. tum exorta suspicio, quia non congruentia responderant, inditaque vincla. et tormentorum aspectum ac minas non tulere: prior tamen Natalis, totius conspirationis magis gnarus, simul arguendi peritior, de Pisone primum fatetur, deinde adicit Annaeum Senecam, sive internuntius inter eum Pisonemque fuit, sive ut Neronis gratiam pararet, qui infensus Senecae omnes ad eum opprimendum artes conquirebat. tum cognito Natalis indicio Scaevinus quoque pari inbecillitate, an cuncta iam patefacta credens nec ullum silentii emolumentum, edidit ceteros. ex

7 aut ante coniectaverat add. Wurm 16 struxisse, diffideret enim uero (repet. ex l. 15) uitam (struxisse, egisse vitam Agricola) 18 cuius se Acidalius: Iussisse

quibus Lucanus Quintianusque et Senecio diu abnuere: post promissa impunitate corrupti, quo tarditatem excusarent, Lucanus Aciliam matrem suam, Quintianus Glitium Gallum, Senecio Annium Pollionem, amicorum praecipuos, nominavere.

57. Atque interim Nero recordatus Volusii Proculi indicio Epicharin attineri ratusque muliebre corpus impar dolori tormentis dilacerari iubet. at illam non verbera, non ignes, non ira eo acrius torquentium, ne a femina spernerentur, pervicere, quin obiecta denegaret. sic primus quæstionis dies contemptus. postero cum ad eosdem cruciatus retraheretur gestamine sellae (nam dissolutis membris insistere nequibat), vinclo fasciae, quam pectori detraxerat, in modum laquei ad arcum sellae restricto indidit cervicem et corporis pondere conisa tenuem iam spiritum expressit, clariore exemplo libertina mulier in tanta necessitate alienos ac prope ignotos protegendo, cum ingenui et viri et equites Romani senatoresque intacti tormentis carissima suorum quisque pignorum proderent.

58. Non enim omittebant Lucanus quoque et Senecio et Quintianus passim conscios edere, magis magisque pavido Nerone, quamquam multiplicatis excubiis semet saepsisset. quin et urbem per manipulos occupatis moenibus, incesso etiam mari et amne, velut in custodiam dedit. volitabantque per fora, per domos, rura quoque et proxima municipiorum pedites equitesque, permixti Germanis, quibus fidebat princeps quasi externis. continua hinc et vincta agmina trahi ac foribus hortorum adiacere. atque ubi dicendam ad causam introissent, †latatum erga coniuratos, sed fortuitus sermo et subiti occursus, si convivium, si spectaculum simul in-

1 quintilienusque, et l. 3 quintilianus, item 58, 2 (at hic li del. ead. m.) et 70, 7, em. Lipsius 3 Aciliam Puteolanus (ex XV 71): atillam | glitium ex glicium corr. ead. m.  
4 praecipuae 7 Epicharin Bekker: apicharis, sed s erasum  
8 Atillam, cf. l. 3 11 consumptus Prammer 18 intactis  
29 laetatum vulgo, clam actum Halm, non celatus tantum Haase; suspicor non officia (vel merita) tantum vel similia | et fortuitus Walther

issent, pro crimine accipi, cum super Neronis ac Tigellini saevas percuntationes Faenius quoque Rufus violenter urgueret, nondum ab indicibus nominatus, et quo fidem inscitiae pararet, atrox adversus socios. idem Subrio Flavo ad-

5 sistenti adnuntique, an inter ipsam cognitionem destringeret gladium caedemque patraret, renuit infregitque impetum iam manum ad capulum referentis.

59. Fuere qui prodita coniuratione, dum auditur Milichus, dum dubitat Scaevinus, hortarentur Pisonem pergere in castra

10 aut rostra escendere studiaque militum et populi temptare. si conatibus eius conscii aggregarentur, secuturos etiam integros; magnamque motae rei famam, quae plurimum in novis consiliis valeret. nihil adversum haec Neroni provisum. etiam fortes viros subitis terreri, nedum ille scaenicus, Ti-

15 gellino scilicet cum paelicibus suis comitante, arma contra cieret. multa experiendo confieri, quae seignibus ardua videantur. frustra silentium et fidem in tot consociorum animis et corporibus sperare: cruciatui aut praemio cuncta pervia esse. venturos qui ipsum quoque vincirent, postremo

20 indigna nece afficerent. quanto laudabilius periturum, dum amplectitur rem publicam, dum auxilia libertati invocat! miles potius deesset et plebes desereret, dum ipse maioribus, dum posteris, si vita praeiperetur, mortem adprobaret. immotus his et paululum in publico versatus, post domi secretus

25 animum adversum suprema firmabat, donec manus militum adveniret, quos Nero tirones aut stipendiis recentes delegerat: nam vetus miles timebatur tamquam favore inbutus. obiit abruptis brachiorum venis. testamentum foedis adversus Neronem adulationibus amoris uxoris dedit, quam

30 degenerem et sola corporis forma commendatam amici matrimonio abstulerat. nomen mulieri Satria Galla, priori marito Domitius Silus: hic patientia, illa inpudicitia Pisonis infamiam propagavere.

---

3 et *Acidalius*: sed 15 contra] cira, ut vid. 18 sperari al.  
 19 uincerent 26 quis 27 tamquam *Rhenanus*: quamquam  
 31 mulieri Satria *scripsi*: mulieris atria (mulieri iam *Acidalius*)

60. Proximam necem Plautii Laterani consulis designati Nero adiungit, adeo propere, ut non complecti liberos, non illud breve mortis arbitrium permetteret. raptus in locum servilibus poenis sepositum manu Statii tribuni trucidatur, plenus constantis silentii nec tribuno obiciens eandem conscientiam. 8

Sequitur caedes Annaei Senecae, laetissima principi, non quia coniurationis manifestum compererat, sed ut ferro grassaretur, quando venenum non processerat. solus quippe Natalis et hactenus prompsit, missum se ad aegrotum Senecam, uti viseret conquerereturque, cur Pisonem aditu arceret: melius fore, si amicitiam familiari congressu exercuissent; et respondisse Senecam sermones mutuos et crebra colloquia neutri conducere; ceterum salutem suam incolumitate Pisonis inniti. haec ferre Gavius Silvanus tribunus praetoriae cohortis, et an dicta Natalis suaeque responsa nosceret percunctari Senecam iubetur. is forte an prudens ad eum diem ex Campania remeaverat quartumque apud lapidem suburbano rure substiterat. illo propinqua vespera tribunus venit et villam globis militum saepsit; tum ipsi cum Pompeia Paulina uxore et amicis duobus epulanti mandata imperatoris edidit. 10 15 20

61. Seneca missum ad se Natalem conquestumque nomine Pisonis, quod a visendo eo prohiberetur, seque rationem valetudinis et amorem quietis excusavisse respondit. cur salutem privati hominis incolumitati suae anteferebat, causam non habuisse; nec sibi promptum in adulationes ingenium. idque nulli magis gnarum quam Neroni, qui saepius libertatem Senecae quam servitium expertus esset. ubi haec a tribuno relata sunt Poppaea et Tigellino coram, quod erat saevienti principi intimum consiliorum, interrogat an Seneca voluntariam mortem pararet. tum tribunus nulla pavoris signa, nihil triste in verbis eius aut vultu deprensum confirmavit. ergo regredi et indicare mortem iubetur. tradit 30

Fabius Rusticus non eo quo venerat itinere redisse tribunum, sed flexisse ad Faenium praefectum et expositis Caesaris iussis an obtemperaret interrogavisse, monitumque ab eo ut exequeretur, fatali omnium ignavia. nam et Silvanus inter  
5 coniuratos erat augebatque scelera, in quorum ultionem consenserat. voci tamen et aspectui pepercit intromisitque ad Senecam unum ex centurionibus, qui necessitatem ultimam denuntiaret.

62. Ille interritus poscit testamenti tabulas; ac denegante  
10 centurione conversus ad amicos, quando meritis eorum referre gratiam prohiberetur, quod unum iam et tamen pulcherrimum habeat, imaginem vitae suae relinquere testatur, cuius si memores essent, bonarum artium famam fructum constantis amicitiae laturus. simul lacrimas eorum modo ser-  
15 mone, modo intentior in modum coërcentis ad firmitudinem revocat, rogitans ubi praecepta sapientiae, ubi tot per annos meditata ratio adversum imminetia? cui enim ignaram fuisse saevitiam Neronis? neque aliud superesse post matrem fratremque interfectos, quam ut educatoris praecepto-  
20 risque necem adiceret.

63. Ubi haec atque talia velut in commune disseruit, complectitur uxorem, et paululum adversus praesentem fortitudinem mollitus rogat oratque temperaret dolori neu aeternum susciperet, sed in contemplatione vitae per virtutem  
25 actae desiderium mariti solaciis honestis toleraret. illa contra sibi quoque destinatam mortem adseverat manumque percussoris exposcit. tum Seneca gloriae eius non adversus,

---

1 redisse tribunum *Halm*: reditum (reditum a tribuno *Agri-  
cola*) 18 fructum *Halm*: tam (tam constantis amicitiae pre-  
tium laturus *Nipperdey*, cuius si m. essent b. artium, famam  
constantis a. l. *Ernesti*) in illo tam substantivum videri latere  
*Weissenborn in Ann. phil. v. 52, 44 monuit*; cf. *Suet. Cal. 4*  
quarum virtutum fructum uberrimum tulit 18 post] quam  
19 fratresque *Nipperdey* 22 formidinem *alii*, fortunam *Haase*  
(a. fortitudinem interpretatur *A. Greef* im Widerspruch mit. *An-  
scribendum est* adversus praesentem (scil. uxorem) formidine  
mollitus?) 23 dolori neu (vel neve) *Heinsius*: dolorem *corr.*  
*eadem m. ex dolori* (dolorem aet. suscipere *Jo. Fr. Gronovius*)



simul timore, ne sibi unice dilectam ad iniurias relinqueret. 'vitae' inquit 'dolenimenta monstraveram tibi, tu mortis decus mavis: non invidebo exemplo: sit huius tam fortis exitus constantia penes utrosque par. claritudinis plus in tuo fine.' post quae eodem ictu brachia ferro exsolvunt. Seneca, quoniam senile corpus et parco victu tenuatum lenta effuria sanguini praebebat, crurum quoque et poplitum venas arumpit: saevisque cruciatibus defessus, ne dolore suo animum uxoris infringeret atque ipse visendo eius tormenta ad impatientiam delaberetur, suadet in aliud cubiculum abscedere, et novissimo quoque momento suppeditante eloquentia advocatis scriptoribus pleraque tradidit, quae in vulgus edita eius verbis invertere supersedeo.

64. At Nero nullo in Paulinam proprio officio, ac ne pasceret invidia crudelitatis, iubet immolari mortem. horum militibus servi libertique obligant brachia, premunt sanguinem, incertum an ignarae, nam ut est vulgus ad deteriora promptum, non defuere qui crederent, donec implacabilem Neronem timuerit, famam sociatae cum marito mortis petivisse, deinde oblata militem spe blandimentis vitae evictam: cui addidit paucos postea annos, laudibus in maritum memoria et ore ac membris in eum pallorem aduentibus, ut ostentui esset multum vitalis spiritus egestum.

Seneca interim, durante tractu et lenitudine mortis, Statium Annaeum, diu sibi amicitiae fide et arte medicinae peritum, orat provisum pridem venenum, quo damnum publico Atheniensium iudicio extinguerentur, promereri: eductumque hausit frustra, frigidus iam artus et clauso corpore adversum vim veneni, postremo stagnum calidae aquae intus, respergens proximos servorum addita voce, flere se hunc rem illum Iovi liberatori, exim balneo iuliano et vapore eius exanimatus, sine ullo funeris sollemni crematur. Ita codicillis praescripserat, cum etiam tum praefixes et praepotens supremis suis consularet.

1 timore scripsi: amore 13 eius] meis J. J. Hermann  
supersideo 15 iuber add. Heinsius 19 fama sociatam  
em. Puteolanus 26 quod arti

65. Fama fuit Subrium Flavum cum centurionibus occulto consilio, neque tamen ignorante Seneca, destinavisse, ut post occisum opera Pisonis Neronem Piso quoque interficeretur tradereturque imperium Senecae, quasi insontibus  
 5 claritudine virtutum ad summum fastigium delecto. quin et verba Flavi vulgabantur, non referre dedecori, si citharoeus demoveretur et tragoedus succederet, quia ut Nero cithara, ita Piso tragico ornatu canebat.

66. Ceterum militaris quoque conspiratio non ultra fellit, accensis indicibus ad prodendum Faenium Rufum, quem  
 10 eundem conscium et inquisitorem non tolerabant. ergo instanti minitantiue renidens Scaevinus neminem ait plura scire quam ipsum, hortaturque ultro redderet tam bono principi vicem. non vox adversum ea Faenio, non silentium, sed  
 15 verba sua praepediens et pavoris manifestus, ceterisque ac maxime Cervario Proculo equite Romano ad convincendum eum conisis, iussu imperatoris a Cassio milite, qui ob insigne corporis robur adstabat, corripitur vinciturque.

67. Mox eorundem indicio Subrius Flavus tribunus per-  
 20 vertitur, primo dissimilitudinem morum ad defensionem trahens, neque se armatum cum inermibus et effeminatis tantum facinus consociaturum; dein, postquam urgebatur, confessionis gloriam amplexus. interrogatusque a Nerone, quibus causis ad oblivionem sacramenti processisset, 'oderam te'  
 25 inquit. 'nec quisquam tibi fidelior militum fuit, dum amari meruisti: odisse coepi, postquam parricida matris et uxoris, auriga et histrio et incendiarius extitisti.' ipsa rettuli verba, quia non, ut Senecae, volgata erant, nec minus nosci decebat militaris viri sensus incompertos et validos. nihil in  
 30 illa coniuratione gravius auribus Neronis accidisse constitit, qui ut faciendis sceleribus promptus, ita audiendi quae faceret insolens erat. poena Flavi Veianio Nigro tribuno man-

---

1 flauium et 6 flauii, *em. Bekker* 4 insonti et *Acidalius*  
 6 dedecoris *Heinsius* 10 accensis *Lipsius*: accensis quoque  
 12 scaeninus, *quod erasa littera c eadem m. mut. in faeninus*  
 14 faenius 16 equite Ro. *Orelli*: equiter 17 iussu 26 matris  
 et fratris et ux. *Nipperdey*

datur. is proximo in agro scrobem effodi iussit, quam visam Flavius ut humilem et angustam increpans, circumstantibus militibus, 'ne hoc quidem' inquit 'ex disciplina.' admonitusque fortiter protendere cervicem, 'utinam' ait 'tu tam fortiter serias!' et ille multum tremens, cum vix duobus ictibus caput amputavisset, saevitiam apud Neronem iactavit, sesquiplaga interfectum a se dicendo.

68. Proximum constantiae exemplum Sulpicius Asper centurio prae-buit, percunctanti Neroni, cur in caedem suam conspiravisset, breviter respondens non aliter tot flagitiis eius subveniri potuisse. tum iussam poenam subiit. nec ceteri centuriones in perpetiendis suppliciis degeneravere: at non Faenio Rufo par animus, sed lamentationes suas etiam in testamentum contulit.

Opperiebatur Nero, ut Vestinus quoque consul in crimen traheretur, violentum et infensum ratus: sed ex coniuratis consilia cum Vestino non miscuerant quidam vetustis in eum simultatibus, plures, quia praecipitem et insociabilem credebant. ceterum Neroni odium adversus Vestinum ex intima sodalitate coeperat, dum hic ignaviam principis penitus cognitam despicit, ille ferociam amici metuit, saepe asperis facetiis inlusus, quae ubi multum ex vero traxere, acrem sui memoriam relinquunt. accesserat repens causa, quod Vestinus Statiliam Messalinam matrimonio sibi iunxerat, haut nescius inter adulteros eius et Caesarem esse.

69. Igitur non crimine, non accusatore existente, quia speciem iudicis induere non poterat, ad vim dominationis conversus Gerellanus tribunum cum cohorte militum inmittit iubetque praevenire conatus consulis, occupare velut arcem eius, opprimere delectam iuventutem, quia Vestinus imminentes foro aedes decoraque servitia et pari aetate habebat. cuncta eo die munia consulis impleverat convivium-

1 quam visam *Walther*: quamvis *deleta*, ut *vid.*, littera s (qua visa *Faërnus*, quam *al.*) 16 atraheretur, sed prima littera paene extincta (attraheretur *Orelli*, crimina trah. *Ritter*) 23 recens *Lipsius* 27 ispeciem (sed i ante s del. ead. m.) Indiciis 29 occuparet, em. *Puteolanus*

que celebrabat, nihil metuens an dissimulando metu, cum ingressi milites vocari eum a tribuno dixere. ille nihil demoratus exsurgit et omnia simul properantur: clauditur cubiculo, praesto est medicus, abscinduntur venae, vicens adhuc  
 5 balneo infertur, calida aqua mersatur, nulla edita voce, qua semet miseraretur. circumdati interim custodia qui simul discubuerant, nec nisi provecta nocte omissi sunt, postquam pavorem eorum, ex mensa exitium opperientium, et imaginatus et inridens Nero satis supplicii luisse ait pro epulis  
 10 consularibus.

70. Exim Annaei Lucani caedem imperat. is profluente sanguine ubi frigescere pedes manusque et paulatim ab extremis cedere spiritum fervido adhuc et compote mentis pectore intellegit, recordatus carmen a se compositum, quo  
 15 volneratum militem per eius modi mortis imaginem obisse tradiderat, versus ipsos rettulit, eaque illi suprema vox fuit. Senecio posthac et Quintianus et Scaevinus non ex priore vitae mollitia, mox reliqui coniuratorum periere, nullo facto dictove memorando.

71. Sed compleri interim urbs funeribus, Capitolium victimis; alius filio, fratre alius aut propinquo aut amico interfectis, agere grates deis, ornare lauru domum, genua ipsius advolvi et dextram osculis fatigare. atque ille gaudium id credens Antonii Natalis et Cervarii Proculi festinata  
 25 indicia inpunitate remuneratur. Milichus praemiis ditatus conservatoris sibi nomen Graeco eius rei vocabulo adsumpsit. e tribunis Gavius Silvanus, quamvis absolutus, sua manu cecidit; Statius Proxumus veniam, quam ab imperatore acceperat, vanitate exitus corrumpit. exuti dehinc tribunatu \* \*  
 30 Pompeius, Cornelius Martialis, Flavius Nepos, Statius Domitius, quasi principem non quidem odissent, sed tamen existimarentur. Novio Prisco per amicitiam Senecae et Glitio

---

1 celebrat      5 aqua: aqua uersa, sed uersa del. ead. m.  
 8 ex mensa Fr. Medices: et mensae      11 Exim Annaei Ritter:  
 Ex Immane (e del. ead. m.) na et      28 oculis 8culis      29 lacu-  
 num notavit Ritter      31 extimarentur

Gallo atque Annio Pollioni infamatis magis quam convictis data exilia. Priscum Artoria Flaccilla coniux comitata est, Gallum Egnatia Maximilla, magnis primum et integris opibus, post ademptis; quae utraque gloriam eius auxere. pellitur et Rufrius Crispinus occasione coniurationis, sed Neroni in- 5 visus, quod Poppaeam quondam matrimonio tenuerat. Verginium <Flavum et Musonium> Rufum claritudo nominis expulit: nam Verginius studia iuvenum eloquentia, Musonius praeceptis sapientiae fovebat. Cluidieno Quieto, Iulio Agrippae, Blitio Catulino, Petronio Prisco, Iulio Altino, velut in 10 agmen et numerum, Aegaei maris insulae permittuntur. at Cadicia uxor Scaevini et Caesennius Maximus Italia prohibentur, reos fuisse se tantum poena experti. Acilia mater Annaei Lucani sine absolutione, sine supplicio dissimulata.

72. Quibus perpetratis Nero et contione militum habita 15 bina nummum milia viritim manipularibus divisit addiditque sine pretio frumentum, quo ante ex modo annonae utebantur. tum quasi gesta bello expositurus, vocat senatum et triumphale decus Petronio Turpiliano consulari, Cocceio Nervae praetori designato, Tigellino praefecto praetorii tribuit, Ti- 20 gellinum et Nervam ita extollens, ut super triumphales in foro imagines apud Palatium quoque effigies eorum sisteret. consularia insignia Nymphidio \* \* quia nunc primum oblatum est, pauca repetam: nam et ipse pars Romanarum cladium erit. igitur matre libertina ortus, quae corpus decorum 25 inter servos libertosque principum vulgaverat, ex C. Caesare se genitum ferebat, quoniam forte quadam habitu procerus et torvo vultu erat, sive C. Caesar, scortorum quoque cupiens, etiam matri eius illudit \* \* \*

2 data] decreta *Bessenberger coll. XVI* 9 3 etgnatia, set  
t del. ead. m. 7 Flavum et Musonium add. *Walther* 12 Caedicia *Orelli* | *Caesonius Lipsius ex Martiale* 7, 44 14 ab-  
solutions In 19 Turpiliano *Vertranius*: turpiano 23 Nym-  
phidio quia] maiorem defectum *Nipperdey* statuit idemque de-  
creta ex c. 74, 1 depromptum post Nymphidio collocandum  
censet (Nymphidio, de quo, quia alii; Nymphidio. de eo, quia  
*Novák*; Nymphidio Sabino. de Nymphidio, quia *Ritter*) | quan-  
24 ipsa 29 lacunam indicavit *Wurm*; nam apparet narrationem

73. Sed Nero vocato senatu, oratione inter patres habita, edictum apud populum et collata in libros indicia confessionesque damnatorum adiunxit. etenim crebro vulgi rumore lacerabatur, tamquam viros <claros> et insontes ob invidiam aut metum extinxisset. ceterum coeptam adultamque et revictam coniurationem neque tunc dubitare, quibus verum noscendi cura erat, et fatentur, qui post interitum Neronis in urbem regressi sunt. at in senatu cunctis, ut cuique plurimum maeroris, in adulationem demissis, Iunium Gallionem, Senecae fratris morte pavidum et pro sua incolumitate supplicem, increpuit Salienus Clemens, hostem et parricidam vocans, donec consensu patrum deterritus est, ne publicis malis abuti ad occasionem privati odii videretur, neu composita aut obliterationa mansuetudine principis novam ad saevitiam retraheret.

74. Tum [decreta] dona et grates deis decernuntur, propriusque honos Soli, cui est vetus aedes apud circum, in quo facinus parabatur, qui occulta coniurationis numine retexisset; utque circensium Cerialium ludicrum pluribus equorum cursibus celebraretur mensisque Aprilis Neronis cognomentum acciperet; templum Saluti extrueretur eo loci \* \* ex quo Scaevinus ferrum prompserat. ipse eum pugionem apud Capitolium sacrauit inscripsitque Iovi vindici. in praesens haud animadversum post arma Iulii Vindicis ad auspicium et praesagium futurae ultionis trahebatur. reperio in commentariis senatus Cerialem Anicium consulem designatum pro sententia dixisse, ut templum divo Neroni quam maturrime publica pecunia poneretur. quod quidem ille decernebat tamquam mortale fastigium egresso et veneratio-

---

*de Nymphidio vix coeptam, nedum perfectam esse* 1 [vocato senatu] *Ernesti et Nipperdey, nescio an recte* 4 *claros add. Agricola* 6 *uerum corr. ead. m. ex veri* 9 *dimissis, em. Pu-teolanus* 14 *composita aut obliterationa mansuetudinē, em. Lipsius* 16 *decreta del. Jo. Fr. Gronovius (cf. ad 72, 9), contra Lipsius decernuntur (indiscreta Bezenberger coll. I 35, ubi item indiscretus et proprius contra posita sunt)* 18 *suo numine Ritter* 22 *post loci lacunam notavit Nipperdey* 29 *venerationem Rhenanus: ueneratio Item*

nem hominum merito, <sed ipse prohibuit, ne interpretatione>  
 quorundam ad omen malum sui exitus verteretur: nam deum  
 honor principi non ante habetur, quam agere inter homines  
 desierit.

---

1 sed . . interpretatione *suppl. Halm* 2 ad omen malum  
 (an dirum?) *Halm*: ad om̄ia dolum (ad omen ac votum *Hei-*  
*nisch et R. Seyffert*, ad ominationem *Wurm*). 4 Corneli taciti  
 exptj Liber XV. Incip̄ liber XVI.

# CORNELII TACITI

## AB EXCESSU DIVI AUGUSTI

### LIBER XVI.

1. Inlusit dehinc Neroni fortuna per vanitatem ipsius et  
5 promissa Caeselli Bassi, qui origine Poenus, mente turbida,  
nocturnae quietis imaginem ad spem haud dubiae rei traxit,  
vectusque Romam, principis aditum emercatus, expromit  
reperit in agro suo specum altitudine immensa, quo ma-  
gna vis auri contineretur, non in formam pecuniae, sed rudi  
10 et antiquo pondere. lateres quippe prae graves iacere, astan-  
tibus parte alia columnis; quae per tantum aevi occulta  
augendis praesentibus bonis. ceterum, ut coniectura demon-  
strabat, Dido Phoenissam Tyro profugam condita Cartha-  
gine illas opes abdidisse, ne novus populus nimia pecunia  
15 lasciviret aut reges Numidarum, et alias infensi, cupidine  
auri ad bellum accenderentur.

2. Igitur Nero, non auctoris, non ipsius negotii fide sa-  
tis spectata nec missis, per quos nosceret an vera adferren-  
tur, auget ultro rumorem mittitque, qui velut paratam prae-  
20 dam adveherent. dantur triremes et delectum remigium iu-  
vandae festinationi. nec aliud per illos dies populus credu-  
litate, prudentes diversa fama tulere. ac forte quinquennale  
ludicrum secundo lustro celebrabatur, oratoribusque prae-

---

4 neronis, *sed s del. ead. m.* 5 plenus, *sed l expunctum*  
6 rei traxit *Döderlein*: retraxit 11 occultata *Nipperdey*  
12 [ut] *Madvig* | demonstrabat *Halm*: demonstrat (*demonstra-*  
*ret Ernesti, at est coniectura ablativus*) 13 missis *Ernesti*:  
missis uisoribus 19 paratam *Acidalius*: partam 20 aveherent  
*Ernesti* | remigium *Boxhorn*: nauigium 22 prudentes *idem*:  
prodentis 23 celebratur, *em. Puteolanus* | oratoribusque *Bekker*:  
auaratoribus oratoribusque (*a vatibus oratoribusque Brotier*);  
*illud au potest ortum esse ex ab, si id superpositum fuit verbo*  
celebratur



cipua materia in laudem principis adsumpta est. non enim solitas tantum fruges nec confusum metallis aurum gigni, sed nova ubertate provenire terram et obvias opes deferre deos, quaeque alia summa facundia nec minore adulatione servilia fingeant, securi de facilitate credentis. 5

3. Gliscebat interim luxuria spe inani, consumebanturque veteres opes quasi oblati, quas multos per annos prodigeret. quin et inde iam largiebatur; et divitiarum expectatio inter causas paupertatis publicae erat. nam Bassus, effosso agro suo latisque circum arvis, dum hunc vel illum locum 10 promissi specus adseverat, sequunturque non modo milites, sed populus agrestium efficiendo operi adsumptus, tandem posita vaecordia, non falsa antea somnia sua seque tunc primum elusum admirans, pudorem et metum morte voluntaria effugit. quidam vinctum ac mox dimissum tradidere adem- 15 ptis bonis in locum regiae gazae.

4. Interea senatus, propinquo iam lustrali certamine, ut dedecus averteret, offert imperatori victoriam cantus adicitque facundiae coronam, quo ludicra deformitas velaretur. sed Nero nihil ambitu nec potestate senatus opus esse dic- 20 titans, se aequum adversum aemulos et religione iudicum meritam laudem adsecuturum, primo carmen in scaena recitat; mox flagitante vulgo ut omnia studia sua publicaret (haec enim verba dixere) ingreditur theatrum, cunctis citharae legibus obtemperans, ne fessus resideret, ne sudorem 25 nisi ea, quam indutui gerebat, veste detergeret, ut nulla oris aut narium excrementa viserentur. postremo flexus genu et coetum illum manu veneratus sententias iudicum opperiebatur ficto pavore. et plebs quidem urbis, histrionum quoque gestus iuvare solita, personabat certis modis plausuque 30 composito. crederes laetari, ac fortasse laetabantur per incuriam publici flagitii.

5. Sed qui remotis e municipiis severaque adhuc et an-

---

2 metallis aliis *Nipperdey*      3 novam ubertatem p. terra  
*Agricola*      4 minores      14 ammirans (affirmans *Nipperdey*)  
19 quo *Stangl*: qua      27 viserent      31 incuriam *Acidalius*: In-  
luriam      33 severaque . . retinente Italia *Agricola*: severam-

tiqui moris retinente Italia, quique per longinquas provin-  
 cias lascivia inexpertii officio legationum aut privata utilitate  
 advenerant, neque aspectum illum tolerare neque labori in-  
 honesto sufficere, cum manibus nesciis fatiscerent, turba-  
 5 rent gnaros ac saepe a militibus verberarentur, qui per cu-  
 neos stabant, ne quod temporis momentum inpari clamore  
 aut silentio segni praeteriret. constitit plerosque equitum,  
 dum per angustias aditus et ingruentem multitudinem eni-  
 tuntur, obtritos, et alios, dum diem noctemque sedilibus con-  
 10 tinuant, morbo exitiabili correptos. quippe gravior inerat  
 metus, si spectaculo defuissent, multis palam et pluribus oc-  
 cultis, ut nomina ac voltus, alacritatem tristitiamque coëun-  
 tium scrutarentur. unde tenuioribus statim inrogata sup-  
 plicia, adversum illustres dissimulatum ad praesens et mox  
 15 redditum odium. ferebantque Vespasianum, tamquam somno  
 coniveret, a Phoebo liberto increpitum aegreque meliorum  
 precibus obtectum, mox imminentem perniciem maiore fato  
 effugisse.

6. Post finem ludicri Poppaea mortem obiit, fortuita ma-  
 20 riti iracundia, a quo gravis ictu calcis afflicta est. neque  
 enim venenum crediderim, quamvis quidam scriptores tra-  
 dant, odio magis quam ex fide: quippe liberorum cupiens et  
 amoris uxoris obnoxius erat. corpus non igni abolitum, ut  
 Romanus mos, sed regum externorum consuetudine differ-  
 25 tum odoribus conditur tumultoque Iuliorum inferitur. ductae  
 tamen publicae exequiae, laudavitque ipse apud rostra for-  
 mam eius et quod divinae infantis parens fuisset aliaque  
 fortunae munera pro virtutibus.

7. Mortem Poppaeae ut palam tristem, ita recordantibus  
 30 laetam ob inopudicitiam eius saevitiamque, nova insuper in-  
 vidia Nero complevit prohibendo C. Cassium officio exequia-  
 rum, quod primum indicium mali. neque in longum dilatum

---

que . . retinentes italiam 1 longinquas *Muretus*: longuas (q  
 corr. ex g ead. m.) 2 lasciviā experti, em. G. Otto *divin. Liv.*  
*p. 41* 3 labori *Rhenanus*: labore 7 consistit 12 ut] qui  
*J. J. Hartman* 29 laetam recordantibus inopudicitiam *Ernesti*  
 32 dilatus *Acidalius*, ut est IV 19

est, sed Silanus additur, nullo crimine, nisi quod Cassius opibus vetustis et gravitate morum, Silanus claritudine generis et modesta iuventa praecelebant. igitur missa ad senatum oratione removendos a re publica utrosque disseruit, obiectavitque Cassio, quod inter imagines maiorum etiam <sup>5</sup> C. Cassi effigiem coluisset, ita inscriptam 'duci partium': quippe semina belli civilis et defectionem a domo Caesarum quaesitam: ac <ne> memoria tantum infensi nominis ad discordias uteretur, adsumpsisse L. Silanum, iuvenem genere nobilem, animo praeruptum, quem novis rebus osten- <sup>10</sup> taret.

8. Ipsum dehinc Silanum increpuit isdem quibus patrum eius Torquatum, tamquam disponderet iam imperii curas praeficeretque rationibus et libellis et epistulis libertos, inania simul et falsa: nam Silanus intentior metu et exitio <sup>15</sup> patrum ad praecavendum exterritus erat. inducti posthac vocabulo indicum, qui in Lepidam, Cassii uxorem, Silani amitam, incestum cum fratris filio et diros sacrorum ritus confingerent. trahebantur ut conscii Volcacius Tullinus ac Marcellus Cornelius senatores et Calpurnius Fabatus eques Ro- <sup>20</sup> manus; qui appellato principe instantem damnationem frustrati, mox Neronem circa summa scelera distentum quasi minores evasere.

9. Tunc consulto senatus Cassio et Silano exilia decernuntur; de Lepida Caesar statueret. deportatusque in insulam Sardiniam Cassius, et senectus eius expectabatur. Silanus, tamquam Naxum deveheretur, Ostiam amotus, post municipio Apuliae, cui nomen Barium est, clauditur. illic indignissimum casum sapienter tolerans a centurione ad caedem misso corripitur; suadentique venas abrumpere animum <sup>30</sup> quidem morti destinatum ait, sed non remittere percussori gloriam ministerii. at centurio quamvis inermem, praevali-

---

8 ne add. *Faërnus* 15 intetior metu et etio patrum (exitio sine es *Becher*) 16 inducti *Ferrettus*: inducit 19 Tertullinus *coni. Lipsius ex H. IV 9* 24 senatu 26 senectus *Fr. Medices*: senatus 27 ostia, em. *Lipsius* 31 Remittere: R corr. ead. m. ex p (= per)

dum tamen et irae quam timori propiorem cernens premi a militibus iubet. nec omisit Silanus obniti et intendere ictus, quantum manibus nudis valebat, donec a centurione volneribus adversis tamquam in pugna caderet.

- 5 10. Haud minus prompte L. Vetus socrusque eius Sextia et Pollitta filia necem subiere, invisi principi, tamquam vivendo exprobrarent interfectum esse Rubellium Plautum, generum Luci Veteris. sed initium detegendae saevitiae prae-  
buit interversis patroni rebus ad accusandum transgrediens  
10 Fortunatus libertus, adscito Claudio Demiano, quem ob flagitia vinctum a Vetere Asiae pro consule exsolvit Nero in praemium accusationis. quod ubi cognitum reo, seque et libertum pari sorte componi, Formianos in agros digreditur. illic eum milites occulta custodia circumdant. aderat filia,  
15 super ingruens periculum longo dolore atrox, ex quo percussores Plauti mariti sui viderat; cruentamque cervicem eius amplexa servabat sanguinem et vestes respersas, vidua inpexa luctu continuo nec ullis alimentis nisi quae mortem arcerent. tum hortante patre Neapolim pergit; et quia aditu  
20 Neronis prohibebatur, egressus obsidens, audiret insontem neve consulatus sui quondam collegam dederet liberto, modo muliebri heulatu, aliquando sexum egressa voce infensa clamat, donec princeps immobilem se precibus et invidiae iuxta ostendit.

- 25 11. Ergo nuntiat patri abicere spem et uti necessitate. simul affertur parari cognitionem senatus et trucem sententiam. nec defuere qui monerent magna ex parte heredem Caesarem nuncupare atque ita nepotibus de reliquo consulere. quod aspernatus, ne vitam proxime libertatem actam  
30 novissimo servitio foedaret, largitur in servos quantum aderat pecuniae; et si qua asportari possent, sibi quemque deducere, tris modo lectulos ad suprema retineri iubet. tunc

---

6 Pollitta *Nipperdey*: polutia | Inuisit, *sed t del. ead. m.* |  
vivendo *Puteolanus*: vincendo 7 esse: a se *Ernesti, del.*  
*Novák* 11 auertere 18 inpexa *Petavius*: Inplexa (*antecedit*  
amplexa) | alim. usa nisi *Agricola* 22 mulieri 29 libertatem:  
*m del. ead. m.*

eodem in cubiculo, eodem ferro abscindunt venas, properique et singulis vestibus ad verecundiam velati balneis inferuntur, pater filiam, avia neptem, illa utrosque intuens, et certatim precantes labenti animae celerem exitum, ut relinquerent suos superstites et morituros. servavitque ordinem fortuna, ac seniores prius, tum cui prima aetas extinguuntur. accusati post sepulturam decretumque ut more maiorum punirentur, et Nero intercessit, mortem sine arbitro permittens: ea caedibus peractis ludibria adiciebantur.

12. Publius Gallus eques Romanus, quod Faenio Rufo intimus et Veteri non alienus fuerat, aqua atque igni prohibitus est. liberto et accusatori praemium operae locus in theatro inter viatores tribunicios datur. et menses, qui Aprilem eundemque Neroneum sequebantur, Maius Claudii, Iulius Germanici vocabulis mutantur, testificante Cornelio Orfito, qui id censuerat, ideo Iunium mensem transmissum, quia duo iam Torquati ob scelera interfecti infaustum nomen Iunium fecissent.

13. Tot facinoribus foedum annum etiam dii tempestatibus et morbis insignivere. vastata Campania turbine ventorum, qui villas arbusta fruges passim disiecit pertulitque violentiam ad vicina urbi, in qua omne mortalium genus vis pestilentiae depopulabatur, nulla caeli intemperie, quae occurreret oculis. sed domus corporibus exanimis, itinera funeribus complebantur; non sexus, non aetas periculo vacua; servitia perinde et ingenua plebes raptim extinguere, inter coniugum et liberorum lamenta, qui dum assident, dum deflent, saepe eodem rogo cremabantur. equitum senatorumque interitus, quamvis promiscui, minus flebiles erant, tamquam communi mortalitate saevitiam principis praevenirent.

Eodem anno dilectus per Galliam Narbonensem Africam-

---

2 balineis, sed i post l erasum 4 relinqueret 6 seniore, em. Acidalius (senior prius, tum ut cui proxima Sirker) | extiguntur 10 Publius] Rubrius consi. Nipperdey ex H. II 51 et 99 13 menses . . sequebantur idem: mensis . . sequebatur 14 Iulius Lipsius 18 Iunium Lipsius: Iunctum 22 uicina: c ex i corr. ead. m. 23 occurret

que et Asiam habiti sunt supplendis Illyrici legionibus, ex quibus aetate aut valetudine fessi sacramento solvebantur. cladem Lugdunensem quadragies sestertio solatus est princeps, ut amissa urbi reponerent; quam pecuniam Lugdunenses ante obtulerant urbis casibus.

14. C. Suetonio Luccio Telesino consulibus Antistius Sosianus, factitatis in Neronem carminibus probrosis exilio, ut dixi, multatus, postquam id honoris indicibus tamque promptum ad caedes principem accepit, inquires animo et occasionum haud segnis Pammenem, eiusdem loci exulem et Chaldaeorum arte famosum eoque multorum amicitii innexum, similitudine fortunae sibi conciliat, ventitare ad eum nuntios et consultationes non frustra ratus; simul annuam pecuniam a P. Anteio ministrari cognoscit. neque nescium habebat  
 15 Anteium caritate Agrippinae invisum Neroni opesque eius praecipuas ad eliciendam cupidinem eamque causam multis exitii esse. igitur interceptis Anteii litteris, furatus etiam libellos, quibus dies genitalis eius et eventura secretis Pammenis occultabantur, simul repertis quae de ortu vitaeque  
 20 Ostorii Scapulae composita erant, scribit ad principem magnae se et quae incolumitati eius conducerent adlaturum, si brevem exilii veniam impetravisset: quippe Anteium et Ostorium imminere rebus et sua Caesarisque fata scrutari. exin missae liburnicae, advehiturque propere Sosianus. ac vulgato  
 25 eius indicio inter damnatos magis quam inter reos Anteius Ostoriusque habebantur, adeo ut testamentum Anteii nemo obsignaret, nisi Tigellinus auctor extitisset, monito prius Anteio ne supremas tabulas moraretur. atque ille hausto veneno, tarditatem eius perosus intercisis venis mortem ad  
 30 properavit.

1 illirici; sequitur spatio relicto in fine v. r (scil. regionibus coeptum est scribi) mutatum in l ac deinde deletum ead. m.  
 3 post Lugdunensem Nipperdey lacunam notavit, sed cf. Fabia JB. XXX 342 5 urbis Furia: turbis 6 Luccio Chr. A. Rupertus: L. 8 tanquam 11 innexum Freinsheim: Innixum  
 17 exitii scripsi: exitio, cf. JB. XXVI 250 21 incolumitatis, sed s del. ead. m. 27 monito Agricola: monitus 28 Anteius al. 29 interscisis Bezzenberger coll. XV 35; at est incidere

15. Ostorius longinquis in agris apud finem Ligurum id temporis erat. eo missus centurio, qui caedem eius matura-  
ret. causa festinandi ex eo oriebatur, quod Ostorius multa  
militari fama et civicam coronam apud Britanniam meritus,  
ingenti corpore armorumque scientia metum Neroni fecerat, 5  
ne invaderet pavidum semper et reperta nuper coniuratione  
magis exterritum. igitur centurio, ubi effugia villae clausit,  
iussa inperatoris Ostorio aperit. is fortitudinem saepe ad-  
versum hostes spectatam in se vertit; et quia venae quam-  
quam interruptae parum sanguinis effundebant, hactenus 10  
manu servi usus, ut inmotum pugionem extolleret, adpressit  
dextram eius iuguloque occurrit.

16. Etiam si bella externa et obitas pro re publica mor-  
tes tanta casuum similitudine memorarem, meque ipsum sa-  
tias cepisset aliorumque taedium expectarem, quamvis ho- 15  
nestos civium exitus, tristes tamen et continuos aspernan-  
tium: at nunc patientia servilis tantumque sanguinis domi  
perditum fatigant animum et maestitia restringunt. neque  
aliam defensionem ab iis, quibus ista noscentur, exegerim,  
quam ne oderim tam segniter pereuntes. ira illa numinum in 20  
res Romanas fuit, quam non, ut in cladibus exercituum aut  
captivitate urbium, semel edito transire licet. detur hoc il-  
lustrium virorum posteritati, ut quo modo exequiis a pro-  
miscua sepultura separantur, ita in traditione supremorum  
accipiant habeantque propriam memoriam. 25

17. Paucos quippe intra dies eodem agmine Annaeus  
Mela, Cerialis Anicius, Rufrius Crispinus, C. Petronius ceci-  
dere, Mela et Crispinus equites Romani dignitate senatoria.  
nam hic quondam praefectus praetorii et consularibus insi-  
gnibus donatus ac nuper crimine coniurationis in Sardiniam 30

venas XVI 19 et apud Vell. Pat. II 22 5 corporis corporis,  
sed in priore vocabulo ris mutavit in re et re in marg. ad-  
scripsit ead. m. (corporis robore Beroaldus; debebat saltem ro-  
bore corporis) 6 ne imperium invaderet pavidus s. et . . ex-  
territo Acidalius 8 imperatoris Beroaldus: In .p. 16 con-  
tinuo 18 restinguunt Madvig 19 his 20 oderint al. 27 Ru-  
frius Halm: rufus | C. Wesenberg: ac (ac C. Rhenanus, T.  
Haase, ac T. Nipperdey)

exactus, accepto iussae mortis nuntio semet interfecit. Mela, quibus Gallio et Seneca parentibus natus, petitione honorum abstinuerat per ambitionem praeposteram, ut eques Romanus consularibus potentia aequaretur; simul acquirendae pecuniae brevius iter credebat per procuraciones administrandis principis negotiis. idem Annaeum Lucanum genuerat, grande adiumentum claritudinis. quo interfecto dum rem familiarem eius acriter requirit, accusatorem concivit Fabium Romanum, ex intimis Lucani amicis. mixta inter patrem filiumque coniurationis scientia fingitur, adsimilatis Lucani litteris: quas inspectas Nero ferri ad eum iussit, opibus eius inhians. at Mela, quae tum promptissima mortis via, exsolvit venas, scriptis codicillis, quibus grandem pecuniam in Tigellinum generumque eius Cossutianum Capitonem erogabat, quo cetera manerent. additur codicillis tamquam de iniquitate exitii querens ita scripsisse, se quidem mori nullis supplicii causis, Rufrium autem Crispinum et Anicium Cerialem vita frui infensos principi. quae composita credebantur de Crispino, quia interfectus erat, de Ceriale, ut interficeretur. neque enim multo post vim sibi attulit, minore quam ceteri miseratione, quia proditam C. Caesari coniurationem ab eo meminertant.

18. De C. Petronio pauca supra repetenda sunt. nam illi dies per somnum, nox officiis et oblectamentis vitae transigebatur; utque alios industria, ita hunc ignavia ad famam protulerat, habebaturque non ganeo et profligator, ut plerique sua haurientium, sed erudito luxu. ac dicta factaque eius quanto solutiora et quandam sui negligentiam praeferebant, tanto gratius in speciem simplicitatis accipiebantur. pro consule tamen Bithyniae et mox consul vigentem se ac parem negotiis ostendit. dein revolutus ad vitia, seu vitiorum imitatione, inter paucos familiarium Neroni adsumptus est, elegantiae arbiter, dum nihil amoenum et molle affluentia putat, nisi quod ei Petronius adprobavisset. unde invidia

10 finguntur, *em. Puteolanus* (consilia finguntur *Haase*)  
 15 addit *Haase* 16 scripsisset 23 C. *del. Nipperdey* 24 somnium 30 Procōs. | consulem 33 nihil ille amoenum *coniect*



Tigellini quasi adversus aemulum et scientia voluptatum potiore. ergo crudelitatem principis, cui ceterae libidines cedebant, adgreditur, amicitiam Scaevini Petronio obiectans, corrupto ad indicium servo ademptaque defensione et maiore parte familiae in vincla rapta.

19. Forte illis diebus Campaniam petiverat Caesar, et Cumas usque progressus Petronius illic attinebatur; nec tulit ultra timoris aut spei moras. neque tamen praeceps vitam expulit, sed incisas venas, ut libitum, obligatas aperire rursum et alloqui amicos, non per seria aut quibus gloriam constantiae peteret. audiebatque referentes nihil de immortalitate animae et sapientium placitis, sed levia carmina et faciles versus. servorum alios largitione, quosdam verberibus affecit. iniiit epulas, somno indulsit, ut quamquam coacta mors fortuitae similis esset. ne codicillis quidem, quod plerique pereuntium, Neronem aut Tigellinum aut quem alium potentium adulatus est; sed flagitia principis sub nominibus exoletorum feminarumque et novitatem cuiusque stupri perscripsit atque obsignata misit Neroni. fregitque anulum, ne mox usui esset ad facienda pericula.

20. Ambigenti Neroni, quonam modo noctium suarum ingenia notescerent, offertur Silia, matrimonio senatoris haud ignota et ipsi ad omnem libidinem adscita ac Petronio perquam familiaris. agitur in exilium, tamquam non siluisset quae viderat pertuleratque, proprio odio. at Minucium Thermum praetura functum Tigellini simultatibus dedit, quia libertus Thermi quaedam de Tigellino criminosae detulerat, quae cruciatibus tormentorum ipse, patronus eius nece inmerita luere.

21. Trucidatis tot insignibus viris ad postremum Nero virtutem ipsam excindere concupivit interfecto Thrasea Paeto

---

14 epulas *Menagius*: et uias (et epulas *Halm*) | quamquam *Rhenanus*: quam 18 novitatem *Neue*: novitate 22 offertur 25 municium, *em. Ryck* 26 dedit *Rhenanus*: deditum 29 luere *Acidalius*: lueret (*adhaesit t ex sequ. trucid.*), *Tacitus in tali sententiae confirmatione pluralem numerum verbi usurpat, ut I 8. VI 46. XII 41 et 50. XIV 31 et 53. XV 7. XVI 7 etc.*

et Barea Sorano, olim utrisque infensus et accedentibus  
causis in Thraseam, quod senatu egressus est, cum de Agrip-  
pina referretur, ut memoravi, quodque Iuvenalium ludicro  
parum spectabilem operam praeberat; eaque offensio altius  
5 penetrabat, quia idem Thrasea Patavi, unde ortus erat, ludis  
† cetastis a Troiano Antenore institutis habitu tragico cecine-  
rat. dieque, quo praetor Antistius ob probra in Nero-  
nem composita ad mortem damnabatur, mitiora censuit ob-  
tinuitque, et cum deum honores Poppaeae decernuntur, sponte  
10 absens, funeri non interfuerat. quae obliterari non sinebat  
Capito Cossutianus, praeter animum ad flagitia praecipitem  
iniquus Thraseae, quod auctoritate eius concidisset, iuvantis  
Cilicum legatos, dum Capitonem repetundarum interrogant.

22. Quin et illa obiectabat, principio anni vitare Thra-  
15 seam sollemne ius iurandum; nuncupationibus votorum non  
adesse, quamvis quindecimvirali sacerdotio praeditum; num-  
quam pro salute principis aut caelesti voce immolavisse; ad-  
siduum olim et indefessum, qui vulgaribus quoque patrum  
consultis semet fautorem aut adversarium ostenderet, trien-  
20 nio non introisse curiam, nuperrimeque, cum ad coercendos  
Silanum et Veterem certatim concurreretur, privatis potius  
clientium negotiis vacavisse. secessionem iam id et partes  
et, si idem multi audeant, bellum esse. 'ut quondam C. Caesarem' inquit 'et M. Catonem, ita nunc te, Nero, <et> Thra-  
25 seam avida discordiarum civitas loquitur. et habet sectato-  
res vel potius satellites, qui nondum contumaciam sententia-  
rum, sed habitum voltumque eius sectantur, rigidi et tristes,  
quo tibi lasciviam exprobrent. huic uni incolumitas tua sine  
<cura>, artes sine honore. prospera principis spernit: etiamne

3 ferretur 4 spectabilem *Agricola*: et expectabilem 6 cae-  
statis *Döderlein*, cetariis *Nipperdey*, vetustis *R. Seyffert*; *prio-*  
*rum commenta v. in ed. Waltheriana* | traiano 7 dieque quo  
*Stangl*: die quoque quo 9 et dum *Heinsius* | decernerentur *al.*  
10 interfuerit (*interfuit al.*) 24 te Nero et *Puteolanus*: tenebo  
28 quo tibi *Rhenanus*: quod ibi 29 cura *add. Lipsius* | artes:  
8 *del.*, ut *vid.*, *ead. m.* | spernit *scripsi*: respertit (*respuit*  
*Fisher*, prosperas pr. res spernit *vulgo*). *Suspicio syllabam*  
*re errore ex margine huc translata esse, cum deberet referri*

luctibus et doloribus non satiatur? eiusdem animi est Poppaeam divam non credere, cuius in acta divi Augusti et divi Iuli non iurare. spernit religiones, abrogat leges. diurna populi Romani per provincias, per exercitus curatius leguntur, ut noscatur, quid Thrasea non fecerit. aut transeamus ad illa instituta, si potiora sunt, aut nova cupientibus auferatur dux et auctor. ista secta Tuberones et Favonios, veteri quoque rei publicae ingrata nomina, genuit. ut imperium evertant, libertatem praeferunt: si imperium everterint, libertatem ipsam adgredientur. frustra Cassium amovisti, si gliscere et vigere Brutorum aemulos passurus es. denique nihil ipse de Thrasea scripseris: disceptatorem senatum nobis relinque.' extollit ira promptum Cossutiani animum Nero adicitque Marcellum Eprium acri eloquentia.

23. At Baream Soranum iam sibi Ostorius Sabinus eques 15 Romanus poposcera reum ex proconsulatu Asiae, in quo offensiones principis auxit iustitia atque industria, et quia portui Ephesiorum aperiendo curam insumpserat vimque civitatis Pergamenaе, prohibentis Acratum Caesaris libertum statuas et picturas evehere, inultam omiserat. sed crimini 20 dabatur amicitia Plauti et ambitio conciliandae provinciae ad spes novas. tempus damnationi delectum, quo Tiridates accipiendū Armeniae regno adventabat, ut <versis> ad externa rumoribus intestinum scelus obscuraretur, an ut magnitudinem imperatoriam caede insignium virorum quasi regio facinore 25 ostentaret.

24. Igitur omni civitate ad excipiendum principem spectandumque regem effusa, Thrasea occursum prohibitus non demisit animum, sed codicillos ad Neronem composuit, requirens obiecta et expurgaturum adseverans, si notitiam cri- 30

*ad legiones p. 377, 3, ubi idem verbum est spernit 3 legiones  
 9 euerterant | si imperium everterint scripsi: si peruerterint  
 et in margine ead. m. alii Impetraverint 10 admovisti 18 ira  
 mihi suspectum (seclus. Ritter) 15 Ostorius Lipsius (ex c. 33):  
 torius (sic item c. 30) 16 quo Nipperdey: qua 20 evehere  
 P. Victorius et Baier: se uehere (avehere al.) 22 damnatio-  
 nis, sed s. del. ead. m. | accipiendae 23 versis add. Acidalius  
 29 dimisit, em. Rhenanus*

minum et copiam diluendi habuisset. eos codicillos Nero pro-  
peranter accepit, spe exterritum Thraseam scripsisse, per  
quae claritudinem principis extolleret suamque famam de-  
honestaret. quod ubi non evenit vultumque et spiritus et  
5 libertatem insontis ultro extimuit, vocari patres iubet.

25. Tum Thrasea inter proximos consultavit, temptaretne  
defensionem an sperneret. diversa consilia adferebantur.  
quibus intrari curiam placebat, securos esse de constantia  
eius disserunt; nihil dicturum, nisi quo gloriam augeret. se-  
10 gnes et pavidos supremis suis secretum circumdare: aspi-  
ceret populus virum morti obvium, audiret senatus voces  
quasi ex aliquo numine supra humanas: posse ipso miraculo  
etiam Neronem permoveri; sin crudelitati insisteret, distin-  
gui certe apud posteros memoriam honesti exitus ab igna-  
15 via per silentium pereuntium.

26. Contra qui opperendum domi censebant, de ipso  
Thrasea eadem, sed ludibria et contumelias imminere: sub-  
traheret aures conviciis et probris. non solum Cossutianum  
aut Eprium ad scelus promptos: superesse qui forsitan ma-  
20 nus ictusque per immanitatem ingesturi <sint>; etiam bonos  
metu sequi. detraheret potius senatui, quem semper orna-  
visset, infamiam tanti flagitii, et relinqueret incertum, quid  
visu Thrasea reo decreturi patres fuerint. ut Neronem flagi-  
tiorum pudor caperet, inrita spe agitari; multoque magis  
25 timendum, ne in coniugem, in filiam, in cetera pignora eius  
saeviret. proinde intemeratus, inpollutus, quorum vestigiis  
et studiis vitam duxerit, eorum gloria peteret finem. aderat  
consilio Rusticus Arulenus, flagrans iuvenis, et cupidine  
laudis offerebat se intercessurum senatus consulto: nam  
30 plebi tribunus erat. cohibuit spiritus eius Thrasea: ne vana

4 quo dubie non venit, *em. idem* 7 an sperneret] asper-  
neret 8 esse: *in marg. ead. m.* alii sese 9 disserunt *Haase*:  
dixerunt | gloria (gloria augeretur *A. Weidner*) 12 humanos  
13 si in 17 subtrahere, *em. Puteolanus* 20 ingesturi (*vel ag-*  
*gesturi Heinsius (sed sine sint):* augusti (ausuri sint *Acidalius*)  
21 detrahere | semper ornavisset *coni. Lipsius*: perornavisset  
22 infamia 25 filiam *Nipperdey*: familiam 27 gloriam peteret  
fine *Madvig* 30 plebei *Ritter*

et reo non profutura, intercessori exitiosa inciperet. sibi actam aetatem, et tot per annos continuum vitae ordinem non deserendum: illi initium magistratuum et integra quae supersint. multum ante secum expenderet, quod tali in tempore capessendae rei publicae iter ingrederetur. ceterum ipse, an venire in senatum deceret, meditationi suae reliquit. 5

27. At postera luce duae praetoriae cohortes armatae templum Genetricis Veneris insedere. aditum senatus globus togatorum obsederat non occultis gladiis, dispersique per 10 fora ac basilicas cunei militares. inter quorum aspectus et minas ingressi curiam senatores, et oratio principis per quaestorem eius audita est: nemine nominatim compellato patres arguebat, quod publica munia desererent eorumque exemplo equites Romani ad segnitiam verterentur. etenim quid mi- 15 rum e longinquis provinciis haud veniri, cum plerique adepti consulatum et sacerdotia hortorum potius amoenitati inseruirent? quod velut telum corripuere accusatores.

28. Et initium faciente Cossutiano, maiore vi Marcellus summam rem publicam agi clamitabat; contumacia inferiorum lenitatem imperitantis deminui. nimium mites ad eam diem patres, qui Thraseam desciscentem, qui generum eius Helvidium Priscum in isdem furoribus, simul Paconium Agrippinum, paterni in principes odii heredem, et Curtium Montanum detestanda carmina factitantem eludere inpune 25 sinerent. requirere se in senatu consularem, in votis sacerdotem, in iure iurando civem, nisi contra instituta et caerimonias maiorum proditorem palam et hostem Thrasea induisset. denique agere senatorem et principis obtrectatores protegere solitus veniret, censeret, quid corrigi aut mutari 30 vellet: facilius perlaturus singula increpantis vocem quam nunc silentium perferrent omnia damnantis. pacem illi per orbem terrae, an victorias sine damno exercituum displicere?

9 insidere, *em. Puteolanus* 15 uterentur (*pro ūterentur*)  
16 haud *Lipsius*: had 23 ragonium, *sed paconium in marg.*  
*ead. m., cf. c. 33* 31 increpantis vocem *Madvig*: Increpātium  
(increpantem *al.*)

ne hominem bonis publicis maestum, et qui fora theatra  
 templa pro solitudine haberet, qui minitaretur exilium suum,  
 ambitionis pravae compotem facerent. non illi consulta haec,  
 non magistratus aut Romanam urbem videri. abrumperet  
 5 vitam ab ea civitate, cuius caritatem olim, nunc et aspectum  
 exuisset.

29. Cum per haec atque talia Marcellus, ut erat torvus  
 ac minax, voce vultu oculis ardesceret, non illa nota et ce-  
 lebritate periculorum sueta iam senatus maestitia, sed novus  
 10 et altior pavor manus et tela militum cernentibus. simul  
 ipsius Thraseae venerabilis species obversabatur; et erant  
 qui Helvidium quoque miserarentur, innoxiae adfinitatis  
 poenas daturum. quid Agrippino obiectum nisi tristem patris  
 fortunam? quando et ille perinde innocens Tiberii saevitia  
 15 concidisset. enimvero Montanum probae iuventae neque fa-  
 mosi carminis, quia protulerit ingenium, extorrem agi.

30. Atque interim Ostorius Sabinus, Sorani accusator, in-  
 greditur orditurque de amicitia Rubelli Plauti, quodque pro-  
 consulatum Asiae Soranus pro claritate sibi potius adcommo-  
 20 datum quam ex utilitate communi egisset, alendo seditiones  
 civitatum. vetera haec: sed recens et quo discrimini patris  
 filiam conectebat, quod pecuniam magis dilargita esset. ac-  
 ciderat sane pietate Serviliae (id enim nomen puellae fuit),  
 quae caritate erga parentem, simul imprudentia aetatis, non  
 25 tamen aliud consultaverat quam de incolumitate domus, et  
 an placabilis Nero, an cognitio senatus nihil atrox adferret.  
 igitur accita est in senatum, steteruntque diversi ante tribu-  
 nal consulum grandis aevo parens, contra filia intra vicesi-  
 mum aetatis annum, nuper marito Annio Pollione in exilium  
 30 pulso viduata desolataque, ac ne patrem quidem intuens,  
 culus onerasse pericula videbatur.

31. Tum interrogante accusatore, an cultus dotaless, an  
 detractum cervici monile venum dedisset, quo pecuniam fa-  
 ciendis magicis sacris contraheret, primum strata humi lon-

7 ut erat *Pichena*: uteret    8 crebritate *Rhenanus*    16 sed  
 quia *Acidaltus*    17 accusationem *idem*    18 proconsulatum  
*Lipsius*: procos.    21 quo *Jac. Gronovius*: quot (quod *al.*)

goque fletu et silentio, post altaria et aram complexa 'nullos' inquit 'impios deos, nullas devotiones, nec aliud infelicibus precibus invocavi, quam ut hunc optimum patrem tu, Caesar, vos, patres, servaretis incolumem. sic gemmas et vestes et dignitatis insignia dedi, quo modo si sanguinem 5 et vitam poposcissent. viderint isti, antehac mihi ignoti, quo nomine sint, quas artes exerceant: nulla mihi principis mentio nisi inter numina fuit. nescit tamen miserrimus pater, et si crimen est, sola deliqui.'

32. Loquentis adhuc verba excipit Soranus proclamatque 10 non illam in provinciam secum profectam, non Plauto per aetatem nosci potuisse, non criminibus mariti conexam: nimiae tantum pietatis ream separarent, atque ipse quamcumque sortem subiret. simul in amplexus occurrentis filiae ruebat, nisi interiecti lictores utrisque obstitissent. mox da- 15 tus testibus locus; et quantum misericordiae saevitia accusationis permoverat, tantum irae P. Egnatius testis concivit. cliens hic Sorani, et tunc emptus ad opprimendum amicum, auctoritatem Stoicae sectae praeferebat, habitu et ore ad exprimendam imaginem honesti exercitus, ceterum animo per- 20 fidiosus subdolos, avaritiam ac libidinem occultans; quae postquam pecunia reclusa sunt, dedit exemplum praecavendi, quo modo fraudibus involutos aut flagitiis commaculatos, sic specie bonarum artium falsos et amicitiae fallaces.

33. Idem tamen dies et honestum exemplum tulit Cassii 25 Asclepiodoti, qui magnitudine opum praecipuus inter Bithynos, quo obsequio florentem Soranum celebraverat, labantem non deseruit, exutusque omnibus fortunis et in exilium actus, aequitate deum erga bona malaque documenta. Thraseae Soranoque et Serviliae datur mortis arbitrium; Helvidius et 30 Paconius Italia depelluntur; Montanus patri concessus est, praedicto ne in re publica haberetur. accusatoribus Eprio

---

5 dedit, *sed t del. ead. m.* 11 plantio 15 interiectis, *sed s del. ead. m.* 20 exercitus *Agricola*: et exerciti 27 labentem, *sed e post b in a mutavit ead. m.* 29 aequitatem, *sed m del. ead. m.* 30 et Paconius] *aepaconius (an ac Paconius?)*

et Cossutiano quinquagies sestertium singulis, Ostorio duodecies et quaestoria insignia tribuuntur.

34. Tum ad Thraseam in hortis agentem quaestor consulis missus vespascente iam die. illustrium virorum feminarumque coetus frequentes egerat, maxime intentus Demetrio Cynicae institutionis doctori, cum quo, ut coniectare erat intentione vultus et auditis, si qua clarius proloquebantur, de natura animae et dissociatione spiritus corporisque inquirebat, donec advenit Domitius Caecilianus ex intimis  
10 amicis et ei quid senatus censuisset exposuit. igitur flentes queritantesque, qui aderant, facessere propere Thrasea neu pericula sua miscere cum sorte damnati hortatur, Arriamque temptantem mariti suprema et exemplum Arriae matris sequi monet retinere vitam filiaeque communi subsidium unicum  
15 non adimere.

35. Tum progressus in porticum illic a quaestore reperitur, laetitiae propior, quia Helvidium generum suum Italia tantum arceri cognoverat. accepto dehinc senatus consulto Helvidium et Demetrium in cubiculum inducit; porrectisque  
20 utriusque brachii venis, postquam cruorem effudit, humum super spargens, propius vocato quaestore 'libamus' inquit 'Iovi liberatori. specta, iuvenis; et omen quidem dii prohibeant, ceterum in ea tempora natus es, quibus firmare animum expediat constantibus exemplis.' post lentitudine exitus  
25 graves cruciatus afferente, obversis in Demetrium \*\*\*

---

3 ad] a 5 frequentes *corr. ead. m. ex frequenter* | intentū  
11 neu] nec *Nipperdey* 12 hortantur | arriamque] arria in  
*rasura ead. m.; videtur antea aliam scriptum fuisse* 20 brachiis,  
*sed s del. ead. m.* 21 spergens 25 obversus *Acidalius.* —  
*Adscriptis in marg. ead. m. hic minus est.*

MAR 5 1918